

बिका-बाली

নাট্যাকাশের ঋবতারা ! ঘটনার ইন্ড্রজাল !!

শ্রীযুক্ত কানাইলাল শীল প্রণীত

নূতন বৈচিত্র্যময় ঐতিহাসিক পঞ্চাঙ্ক নাটক

# চাষার মেয়ে

[ বাসন্তী অপেরার গৌরবময় অভিনয় । ]

মহারাণা সংগ্রামসিংহের কুহকজালে জড়িতা চাষার  
মেয়ের মর্ন্তস্তদ কাহিনী । রাঠোর-রাজকুমার কর্তৃক  
ছদ্মবেশে স্বরস্বর-সভা হইতে মেবার-রাজকুমারী  
রত্নমালা হরণ, রাঠোর ও মেবারে দারুণ সংঘর্ষ ।  
কৃষক চলরাওয়ের প্রতিহিংসা ও স্নেহের ঘন,  
গৃহবিভাড়িতা সবিতার নির্ঘাতন, ভীলগৃহে  
আশ্রয়প্রাপ্তি, বাদলের অমানুষিক কাৰ্ঘ্য-  
কলাপ, বীরাবাদিরের অগূৰ্ব মহত্ব ইত্যাদি ।  
ইহা ছাড়া হান্তরসিক চিরঞ্জীব, বিশ্বাসঘাতক  
রণরাও, বোধমল, আনন্দস্বামী, ভীলসর্দার  
প্রভৃতি সবই আছে । অল্প লোকে  
অভিনয়োগযোগী । মূল্য ২১ টাকা ।

— ডায়মণ্ড লাইব্রেরী —

১০৫ অপার চিংপুর রোড, কলিকাতা ।

PRINTED BY B. B. ১  
at the LALIT ১  
5, Madan Mitra Lane  
The Copy-Rights Of This ১  
Are The Property Of ১  
KANAI LALL SE' L.

# বিশ্বনাথ-বালি

—বা—

দান-সম্বন্ধ

(পৌরাণিক নাটক)

ভোলানাথ কাব্যশাস্ত্রী প্রণীত ।

সুপ্রসিদ্ধ

“গণেশ-অপেরা-পাটি কর্তৃক অভিনীত

—ডায়মণ্ড লাইব্রেরী—

১০৫ নং অপার চিৎপুর রোড, কলিকাতা

শ্রীকানাইলাল শীল কর্তৃক

প্রকাশিত ।

সন ১৩৫৩ সাল ।

তৃতীয় সংস্করণ ।

[ মূল্য ২ টাকা ।

নাট্য-জগতে নূতনত্বের অভিযান !

দেশব্যাপী প্রশংসার বজা !!

শ্রী কানাইলাল শীল প্রণীত নূতন ঐতিহাসিক নাটক

## দলমাদল

[ রঞ্জন অপেরা কর্তৃক সুখ্যাতির সহিত অভিনীত হইতেছে । ]

ইহাতে কি দেখিবেন ?

বাংলায় হৃদ্বর্ষ মারাঠা-দস্যু ভাস্কর পণ্ডিতের বিরাট অভিযান—দেশব্যাপী  
হাছাকার—নবাব আলিবর্দীর প্রজাবাৎসল্য—সেনাপতি মোহনলাল ও  
যুবরাজ কৃষ্ণসিংহের অদ্ভুত বীরত্ব—নবাবসেনানী মীরহবিবের বিশ্বাস-  
ঘাতকতা—বিষ্ণুপুররাজ গোপালসিংহের মদনমোহনের উপর অটল  
বিশ্বাস—নারায়ণসিংহের দেশদ্রোহিতা—দেওয়ান সোমনাথের  
কূটচক্রান্ত—বীরাজনা মমতাময়ীর স্বদেশ-প্রীতি—মদনমোহন  
কর্তৃক দলমাদল কামানে অগ্নিসংযোগ ও বর্গীবিভাড়ন  
প্রভৃতি রোমাঞ্চকর ঘটনার পূর্ণ। মূল্য ২২ ছই টাকা।

শ্রীজগদীশচন্দ্র মাইতি প্রণীত নূতন ঐতিহাসিক নাটক

## গৌরব-মুকুট

বাসন্তী অপেরার ধর্মের সহিত অভিনীত হইতেছে। মূল্য ২২ টাকা

শ্রীবিনয়কৃষ্ণ মুখোপাধ্যায় প্রণীত মর্মস্পর্শী নূতন পৌরাণিক নাটক

## শুক্লদক্ষিণা

ভুট্টয়া নাট্য-সম্প্রদায়ে সুখ্যাতির সহিত অভিনীত। মূল্য ২২ টাকা।

শ্রীব্রজেন্দ্রকুমার দে এম, এ প্রণীত বৈচিত্র্যময় নূতন নাটক

## বাঁশের বাঁশী

[ প্রসিদ্ধ রঞ্জন অপেরার সাফল্যমণ্ডিত অভিনয় । ]

ভাষার ভাঙ্গমহল—ভাবের হিমালয়—কল্পনার অলকানন্দা ! ইহাতে আছে  
কূটবুদ্ধি দণ্ডপাণির বিশ্বাসঘাতকতা, কুমার পুষ্পকের অবর্ণনীয় নিগ্রহ, বিদিশা-  
রাজ্যের মহত্ব, তেজস্বিতা ও অপূর্ব ত্যাগ, বারণের প্রভুত্ব, দেবকুমারের  
মহানুভবতা প্রভৃতি চিত্ত-চমকপ্রদ ঘটনার পরিপুষ্ট। মূল্য ২২ ছই টাকা।



সরলহৃদয়

## শ্রীযুক্ত হরিপদ কুমার

সুহৃদ্বরেবু-

আমার বর্ষক্ষেত্রের অবলম্বন চিরপ্রিয় হরিপদ ! তোমার সহায়ে আমার উত্থান, তোমার সহায়ে আমি শক্তিমান, তুমি আমার শত বিসংবাদী সুরের মধ্যে অভয় দেওয়া আশার গান। তোমায় আমি ভুলিব না। সুযোগ পাইয়াছি, আজ তোমায় সাজাইব। যদিও তুমি আপন বিভায় চির-সুসজ্জ, তবু আমার জগু তোমায় সাজাইব। বিক্র্যা-বলি হরিপদে আত্মোৎসর্গ করিয়া পরামুক্তি লাভ করিয়াছিলেন ; ভাবিয়া দেখিলাম. তোমা ভিন্ন বিক্র্যা-বলির আর মনোমত উচ্চ আশ্রয় নাই, তাই স্থানাভাবে বাধ্য হইয়া আমার “বিক্র্যা-বলি” তোমাতেই উৎসর্গ করিলাম।

শ্রীভোলানাথ কাব্যশাস্ত্রী।

# ভূমিকা

“ছলয়সি বিক্রমণে বলিমভুতবামন  
পদবধনীরজনিতজনপাবন ।

কেশব ভূতবামনরূপ ভয় ভগদীশ হরে ।”

দানবেল্ল বলির ধারণাতীত অদ্ভুত দানে চমৎকৃত হইয়া ছলনাময় নারায়ণ বামনমূর্তি পরিগ্রহ করতঃ বলির বক্তৃত্তলে ত্রিপাদ ভূমি ভিক্ষা করেন। তিনি প্রতিশ্রুত হইলে ত্রীভুগবান্ বিরাটমূর্তি ধারণ করিয়া এক পদে স্বর্গ, দ্বিতীয় পদে পৃথিবী অবরোধ করেন ; কিন্তু তৃতীয় পদের স্থান নির্দেশ করিতে না পারায় দান-অবতার বন্ধনদশাগ্রস্ত হন। পরিশেষে স্বীয় সহধর্মিণী বিজয়ার উপদেশে ভগবৎপদে শির সমর্পণ করিয়া তৃতীয় পদের স্থান পূর্ণ করতঃ মুক্তিলাভ করেন। ইহাই পৌরাণিক ঘটনা।

এক্ষণে বিচার্য,—ঐহার দানে ধরিত্রী ধনশালিনী, বৈজয়ন্ত স্তম্ভিত, গোলোকের আসন পর্য্যন্ত বিচলিত, তেমন মহান্ পরদুঃখকাতর করতঃ সত্রাটের এমন অসাধারণ সনমুষ্ঠানের পরিণাম বধন বন্ধন, আর পরবেশের আত্মসমর্পণ করার পরমুহূর্তেই পরম মুক্তি, তখন বুঝিতে হইবে—এক ব্রহ্মপুরুষে আত্মদান ব্যতীত ভগবতের বা কিছু সনমুষ্ঠান, সব বন্ধনের হেতু,—নির্ব্বাণ মুক্তির অন্য উপায় নাই। উপনিষদ এ সিদ্ধান্তের সম্পূর্ণ পক্ষপাতী। আমিও সাধ্যানুসারে এই মতের অনুসরণ করিয়াছি ও এই উদ্দেশ্যে বিরোচন-চরিত্র বলি-চরিত্রের ঠিক পাশাপাশি রাখিয়াছি। তবে আশানুরূপ বুঝাইতে পারি নাই ; কারণ, এ দুজের তত্ত্ব আমারই সম্যক বোধগম্য নহে। তজ্জন্ত আমি আমার ত্রুটি স্বীকার করিয়া এ বিষয় বিশদরূপে বুঝিবার ভার পাঠক-পাঠিকাগণের আপন আপন ধারণার উপর স্তম্ভ করিলাম।

পরিশেষে স্বীকার করি, নাট্য-ভগতে যদি আমার বিন্দুমাত্র স্থান হইয়া থাকে, তাহা “গণেশ-অপেরা-পার্টি”র গুদক কার্য্যাধ্যক্ষ শ্রীযুক্ত হুরেল্লনাথ রায় মহাশয়ের অশাবনীর বৃত্ত, আন্তরিক আগ্রহ ও অবাচিত আশীর্ব্বাদে। আমি ঐহার ত্রিচরণে চির-প্রণত। ইতি—

রায়গণ ।

বকর সংক্রান্তি, ১৩২৮ সাল।

প্রমুদকায় ।

## কুশীলবগণ ।

### —পুরুষ—

নারায়ণ, দেবর্ষি, ইন্দ্র, কাল, পবন, কুবের ।

বালি	...	...	দৈত্যরাজ ।
বাণ	...	...	ঐ পুত্র ।
বিরোচন	...	...	ঐ পিতা ।
প্রহ্লাদ	...	...	ঐ পিতামহ ।
অনুহাদ	...	...	প্রহ্লাদের ছোষ্ঠ ।
মহানাদ	...	...	সেনাপতি ।
শুক্ৰাচার্য্য	...	...	দৈত্যগুরু ।
উপেন্দ্র	...	...	কণ্ঠপুত্র ( বামন ) ।
খেতাজ শর্মা	...	...	অনেক ব্রাহ্মণ ।
লাল	...	...	ঐ পুত্র ।
অনন্ত	...	...	তর্ক ।
হর্গভ	...	...	বিশ্বাস ।

জ্ঞান, কর্ম, বালকগণ, ভিক্ষুকগণ, প্রজাগণ,  
নাগরিকগণ, ঋষিকগণ ইত্যাদি ।

### —স্ত্রী—

লক্ষ্মী, ভক্তি, পৃথিবী ও মায়ী ।

বিদ্যা	...	...	বলির স্ত্রী ।
পুণ্ড	...	...	ঐ কন্যা ।
অদ্বিতি	...	...	দেবমাতা ।
দ্বিতি	...	...	দৈত্যমাতা ।

সীমা ( সীমাংসা ), সখীগণ, গোপিনীগণ, পুরবাসিনীগণ ইত্যাদি

শ্রীযুক্ত কানাইলাল শীল প্রণীত (নূতন পৌরাণিক নাটক)

## অমরাবতী

[ নিউ গণেশ-অপেরা কর্তৃক সুখ্যাতির সহিত অভিনীত হইতেছে । ]

ব্রহ্মসুর কর্তৃক দধীচিকন্যা কল্যাণী হরণ, দধীচির নির্যাতন, ব্রহ্মসুরপুত্র  
রুদ্রপীড়ের অতুলনীয় মহত্ব—রাজপুত্রবধু ইন্দুমতীর পরার্থপরতা, শনির চক্রান্তে  
রুদ্রপীড়ের নির্বাসন—দধীচির অপূর্ব ক্রমা—পৌলমীর প্রতি দৈত্যরাণী  
ঐন্দ্রিণার প্রতিহিংসা সাধন—ইন্দ্রের সহিত ব্রহ্মসুরের ভীষণ যুদ্ধ—দেব-  
গণের পরাজয়—বিশ্বকর্মা কর্তৃক দধীচির বক্ষাস্থিতে বজ্রনির্মাণ—বজ্রাস্ত্রে  
ব্রহ্মসুরের নিধন প্রভৃতি বহু রোমাঞ্চকর ঘটনায় পূর্ণ। মূল্য ২ টাকা।

শ্রীব্রজেন্দ্রকুমার দে এম-এ, বি-টি প্রণীত মর্শ্বস্পর্শী নাটক

## সমাজের বলি

[ নট্ট কোম্পানীর দলে মহাসমারোহে অভিনীত হইতেছে । ]

আত্মত্যাগে মহীয়সী কাঞ্চনমালার করুণ কাহিনী, প্রেমোন্মাদনার রূপ-  
কুমারের অপরিসীম দুঃখবরণ, অনন্তরায়ের আভিজাত্য, বজ্রাহর স্বদেশপ্রেম,  
বংশীর সারল্য, করুণাময়ীর করুণা, কুক্লিণীর ধনুকভাঙ্গা পণ, সবারই সুন্দর  
সমাধান আছে এই নাটকে। আর আছে ধনাই মাঝির পাগলা করা গান—  
“বিদায় আমার পানসী রে, শেষ হ'গো মোর বাওয়া।” মূল্য ২ টাকা।

শ্রীব্রজেন্দ্রকুমার দে, এম-এ, প্রণীত নূতন ঐতিহাসিক নাটক

[ নট্ট কোম্পানীর দলে সুখ্যাতির সহিত অভিনীত হইতেছে । ]

রাজা মদনপালের বৌদ্ধধর্মে অতিরিক্ত নিষ্ঠা, ধনঞ্জয়ের নৃশংসতা, তেজস্বী  
ব্রাহ্মণ মোমদেবের প্রতিজ্ঞাপালনে অসাধ্যসাধন, চিত্রপণিকার কোমলতা,  
জাহ্নবীর অনলোদগীরণ, রাজা বিজয়সেন ও যুবরাজ বল্লালসেনের মহত্ব—সবই  
আছে এই নাটকে, আরও আছে যুবরাজ অনঙ্গপালদেবের গৌরবময় চরিত্রের  
অভিব্যক্তি, মায়ী-কমলের বুকফাটা নিদারুণ পিপাসা। মূল্য ২ টাকা।

পাঁচকড়ি চট্টোপাধ্যায় প্রণীত

## টিপু সুলতান

বহু অপেরার অভিনীত—২

শ্রীবিমলচন্দ্র ঘোষ প্রণীত

## যশোরেশ্বরী

ভোলানাথ অপেরার অভিনীত—২



# বিস্ক্রিয়া-বলি ।

প্রথম অঙ্ক ।

প্রথম গর্ভাঙ্ক ।

দৈত্যপুরী ।

অনুহ্রাদ, বাণ ও মহানাদ পরস্পর উত্তেজিতভাবে  
কথোপকথন করিতেছিলেন ।

অনুহ্রাদ । আর বলতে পারবো না বাণ ! আর বলবার ভাষা নাই ।

বাণ । আর শুন্তেও চাই না বীর, আর ধারণার স্থান নাই ।

অনুহ্রাদ । তবে বুঝেছ ?

মহানাদ । মর্মে মর্মে ।

অনুহ্রাদ । না, ঠিক ততটা বুঝতে পার নাই । তা' হ'লে এখনও  
মাথার উপর সূর্য্য জ্বলছে কেন ? বাতাস স্বাধীনভাবে খেলিয়ে যাচ্ছে  
কেন ? প্রকৃতি আড়চোখে চেয়ে হাসছে কেন ? বুঝতে পার নাই  
মহানাদ ! তা' হ'লে তোমাদের ক্রোধনেত্রে কোটা সূর্য্য বলসে  
যেতো—দানবহুকারে উনপঞ্চাশ বায়ুর শ্বাসরোধ হ'তো—অস্ত্র গর্জ্জ  
উঠে কান্নার সমুদ্র সৃষ্টি করতো ।

মহানাদ । নির্ঝাঁক বিশ্বয়ে  
আছি চেয়ে তব মুখপানে,  
বজ্রাঘাতে স্তব্ধ যথা মেরু ।  
কাপুরুষ মোরা চির-পদবিদগিত,  
নৈরাশ্রের পরম সেবক,

নতশিরে স্থির আছি তাই,—  
 দিখা যদি হ'তো বসুন্ধরা,  
 কলঙ্ক-পশরা ল'য়ে লুকাতাম তলে ।  
 বাণ । লুকাবো মৃত্যুর কোলে,  
 অত্র স্থল উপযুক্ত নহে দানবের ।  
 গগনের গম্ভীর রাগিনী  
 প্রতিধ্বনি যাদের কণ্ঠের,  
 নিশ্বাস বিরাট ঝঙ্কা,  
 কটাক্ষে উল্কার সৃষ্টি,  
 কর্তব্য তাদের এ কলঙ্ক ধৌত করা  
 রণক্ষেত্রে বক্ষের শোণিতে !

অনুহাদ । কর্তব্যসেবক সাধু তুমি বাণ !  
 সরল সুগম তোমার নিদ্রিষ্ট পথ ।

মহানাদ । নাও তবে অনুমতি প্রভু !  
 আক্রমিব সুরপুর, জাগাই দানবরুন্দে,  
 শুনাই কণ্ঠের রাগে মর্শ্বের সঙ্গীত ।

অনুহাদ । অনুমতি ! অনুমতি ! না মহানাদ ! দৈত্যরক্তে তোমা-  
 দের উৎপত্তি—দানবী স্পর্ধা তোমাদের উপাস্ত—দনুজের মান-মর্গ্যাধা  
 তোমাদের অস্ত্রের ফলকে । তোমাদের অনুমতি দেবো আমি ? অনুমতি  
 নাও বিবেকের কাছে—অনুমতি নাও কর্তব্যের কাছে—আর যদি অনু-  
 মতি চাও, ঐ দেখ মহানাদ ! আমার খুল্লভাত হিরণ্যাক্ষ মায়াবী বরাহ-  
 রণে লাক্ষিত—পতিত,—পারদ-পাণ্ডুদৃষ্টিতে তোমাদের মুখপানে চেয়ে  
 আছে । ক্ষমা চাও—প্রণাম কর—ঐ বীর-শয্যাশায়ীর অনুমতি নাও ।

মহানাদ । প্রতিহিংসা—প্রতিহিংসা—প্রতিহিংসা !

প্রথম গর্তাক ] ।

বিষ্ণু-বালি

অনুহাদ । দেখ—দেখ মহানাদ ! যুযুঁর উদ্ধনেত্রে এইবার কেমন আনন্দাশ্র টলমল করছে ! তুমিও অনুমতি নাও বাণ ! ঐ দেখ, আমার পিতা বীরেন্দ্রকেশরী হিরণ্যকশিপু, বার ভুজবলে ত্রিদিব টলেছে—গ্রহ, উপগ্রহ ভয়ে ভয়ে চলেছে, সেই দৈত্যকুল-গৌরব দেবচক্রে নরসিংহের কোলে । পিশাচ তাঁক্ষ নখে তাঁর হৃদপিণ্ড বিদীর্ণ করছে—তীব্র দন্তে চর্ষণ করছে—নাড়ীগুলো নিয়ে আহ্লাদে মালা পরছে ; আর কুচক্রী দেবধমরা অন্তরীক্ষ হ'তে তাই দেখছে—হাততালি দিচ্ছে—হাসছে । বাণ ! দেখতে পাচ্ছ আমার পিতার নৈরাশ্রব্যাঞ্জক শেষ শব্দ চাহনি ! দেখতে পাচ্ছ অন্তর্মিত গৌরব-রবির দিগন্তব্যাপী লালিমা ! দেখছো বাণ ! তোমার দৈত্যজাতির কি লোমহর্ষণ নির্দয় উচ্ছেদ ! প্রতিজ্ঞা কর—অস্ত্র ধর— অনুমতি নাও ।

বাণ । রণ—রণ—রণ !

অনুহাদ । ঐ দেখ বাণ ! অনন্তশয্যাশায়ী বীর পুরুষের তপ্ত রক্ত পলকে পুষ্প হ'রে তোমাদের মাথার ঝরঝর ক'রে ছড়িয়ে পড়ছে ।

আলুলায়িত-কুন্তলা দিতি প্রবেশ করিলেন ।

দিতি । আর এই দেখ পুত্রগণ ! তোমাদের আত্মহারা অভাগিনী মা, আজ নূতন উদ্বমে বুক বেঁধে তোমাদের কোল দিতে এসেছে ।

অনুহাদ । মা !

দিতি । ঘুম ভাঙলো অনুহাদ ?

অনুহাদ । যদিও ভেঙেছিল, আমার চোখ জড়িয়ে আসছে । ঘুম পাড়া মা—ঘুম পাড়া, আর আগার যজ্ঞা সহ হয় না ।

দিতি । আগার যজ্ঞা ! মা চেন অনুহাদ ? তুমি যুহুর্ন্তের আগরণে এত কাতর, আমি জীবনভোর বেগে আসছি । কত প্রতিহিংসার

দাবাগ্নি পশ্চাদ্ধিক হ'তে আমার গ্রাস করতে এসেছে, আমি তোমাদের  
মুখপানে চেয়েছি। অনাহারে দিন কাটিয়েছি, তোমাদের মুখে ধরেছি  
বুকের রক্ত। অনুহাদ ! মা-জাতির কি ঘুমুতে সাধ যায় না বাব ?

অনুহাদ ।

তবে ঘুমাও জননি !

এত যদি সাধ ঘুমাবার,

জাগি আমি শিয়রে তোমার ।

পাছমূলে তব প্রহরী স্বরূপ

জাগুক জীবনব্যাপী বিপুল দানব-বংশ

কর্তব্যের গুরুভার শিরে ।

দিত্তি ।

ঘুমাবো রে—ঘুমাবো রে সেই দিন,

যেদিন আকাশ ফেটে উষ্ণ রক্তধার

ঝরিবে বসুধা-বক্ষে,

মিশিবে একত্র হ'য়ে

দিত্তিনেত্র-প্রবাহিত অবিরাম স্রোতে ।

ঘুমাবো রে তবে—

দস্তভরা অমরার সিংহাসন যবে

দৈত্য পদাঘাতে দীর্ণ চূর্ণ ধূলিকণা হ'য়ে,

মিশে যাবে কুৎকারে ধ্বংসের প্রবাহে ।

আর যবে হিরণ্যাক্ষ, হিরণ্যকশিপু

প্রাণ-প্রিয়তম পুত্রবয় মম

উদ্ধ হ'তে বজ্রনাদে বলিবে উল্লাসে—

জননী গো ! মিটিছে শোণিত তৃষা,

মিটেছে সে প্রতিহিংসা,

ঘুমাবো রে সেই দিন,

সেই সে মাহেজ্জুফে  
পাতিব বিশ্রাম-শয্যা—খুলিব  
ভৈরবী বেশ, বাধিব এ এলোকেশ,  
নতুবা নিদ্রার সনে সম্বন্ধের শেষ ।

বাণ ।

জাগ—জাগ গো জননী তবে  
কুলকুণ্ডলিনী মহাশক্তিরূপে  
দানবের মূলাধার হ'তে  
সহস্রারে বন্ধার তুলিয়া ।  
জাগ গো অম্বরমাতা !  
ওই মত আলুথালুবশে  
বিশ্বত্রাস বিদ্যাতের প্রায়  
দানবের প্রতি ধমনীতে,  
প্রত্যেক নিমেষপাতে, প্রতি লোমকূপে ।  
জা গুঙ্ক ইঙ্গিতে তব সুপ্ত তেছোরাশি,  
জলুক্ প্রণয়-বহি পাংগু আবরণ ভেদি,  
ছুটুক্ দানবশক্তি সঘন গর্জনে,  
ঐক্যতানে বলুক্ সকলে—জয় মার জয় ।

মহানাথ ।

আর সেই মন্তু জয়রবে  
শূন্যমার্গে ঘূর্ণ্যমান হ'য়ে  
আকাশ আনুক নেমে ভূতলে,  
ভূমিষ্ঠশিরে দৈত্যজননী চরণ চুম্বিতে ।  
উঠুক্ ত্রিদিবব্যাপী ঘোর হাহাকার ;  
ঢালিয়ে নয়নধার আনুক অমরপুঞ্জ,  
পদধৌত করিবারে দানবমাতার ।

দিত্তি । এই তো পুত্রের কথা ।  
 অনুবাদ । ক্ষমা কর জননী গো !  
 ভুলেছিলুম ঘুমঘোরে পুত্রের কর্তব্য ।  
 জাগালি মা যদি, দয়াময়ি,  
 দেখা মা সে কর্মভূমি ;  
 ক'রে দে মা আয়োজন সে মাতৃ-পূজার ।  
 চাহি না সকাশে কিছু আর,  
 আকিঞ্চন মাত্র মাতৃ-আশীর্বাদ ।

দিত্তি । আশীর্বাদ ! মাতৃ-আশীর্বাদ !  
 সে দিন নহে রে আজ  
 পুত্রমুখ করিয়া চুম্বন,  
 বাষ্প-বিগলিত-নেত্রে, বুকভরা স্নেহে  
 বলিব অমৃত ভাষে  
 চিরজীবি হও বাছাধন ।  
 এনেছি সাজাতে আমি শ্মশান-সজ্জার,  
 ধরিতে বৃকের রক্ত শার্ঙ্গুলের মুখে,  
 কোথা পাবি আশীর্বাদ হেথা ?  
 তবু মা ব'লে আসিলি যবে,  
 করি তবে এই আশীর্বাদ—  
 না পারিস ফিরাতে সে দিন,  
 মৃত্যু হোক সমরে তোদের,  
 থাকুক দানব-কীর্তি অমর অক্ষয়

[ প্রস্থান ।

বাণ ও মহানাদ । শিরোধার্যা মাতৃ-আশীর্বাদ :

দ্বিতীয় গর্ভাক্ষ । ।

বিদ্যা-বলি

অনুহাদ । বাণ ! তুমি যত শীঘ্র সম্ভব, লক্ষ রথ প্রস্তুত করবার  
আদেশ দাও গে. আর তত্পরিত্ব রণসজ্জার ; মনে রেখো—বজ্রের  
বিপক্ষে । মহানাদ ! তুমি দক্ষ সৈন্যাধ্যক্ষ ; আবাল-বৃদ্ধকে রণসাজে  
সাজাও—কেউ বাদ না যায় ; ছেনো শত্রু অমর । যাও বাণ ! যাও  
মহানাদ ! দাঁড়িও না, ত্যাগ কর আলস্য—উদ্ধ্বাসে ছোট কর্ণের পথে—  
অভিনয় কর বলীর যোগা !

[ সকলের প্রস্থান :

দ্বিতীয় গর্ভাক্ষ !

স্বর্গপুরী—দেবসভা ।

সিংহাসনোপরি ইন্দ্র, উভয়পার্শ্বে কুবের, পবন ও কাল  
আপন আপন আসনে উপবিষ্ট ছিলেন ।

ইন্দ্র । বায়ুপতি দেব প্রভঞ্জন !

অবাধ ভ্রমণ সর্বত্র তোমার,

কহ সমাচার দানবপুরীর .

পবন । রণধীর, নতশির দানবনিকর

অধণ্ড প্রতাপে তব ।

নিশিদিন ভ্রমি আমি দিতিস্মৃত-ধামে,

নগর, প্রাস্তর, উদ্যান, শ্মশান,

দক্ষ্যপল্লী, পূজাগৃহ,

তন্ন তন্ন করি সর্বস্থান,

বিদ্রোহের না পাই সন্ধান.

ঘৃণাকরে কহে না সে কথা কেহ,  
নিঃসন্দেহ চির-পরাঙ্কিত তারা এইবার ।  
তবে এইমাত্র সমাচার,  
মিলিয়া অসুরগণে,  
সংপিছে সাম্রাজ্য-ভার  
বিরোচননন্দন বলিরে ।

ইন্দ্র ।

[ চমকিত হইয়া ! বলিরে ! বলিরে !  
সংপিছে সাম্রাজ্যভার  
বিরোচননন্দন বলিরে !  
[ স্বগত ] কেন চিত্ত চিন্তাকুল গুনি এ কাহিনী !  
কাঁপে প্রাণ কেন বলি নামে ?  
কে সে বলি ! কত শক্তি বাহুতে তাহার,  
আতঙ্ক সঞ্চার করে অটল হৃদয়ে ?  
একি চিত্ত বিপর্যায় !

পবন ।

বুঝিতে না পারি একি দুঃস্বপ্ন আগন্তে !  
কেন হেরি আচম্বিতে কহ সুরেশ্বর !  
ভাস্বর সে দীপ্তি তব নিশ্চিত মলিন,  
কুঙ্কিত ললাট,  
চিন্তা-রেখা-মণ্ডিত বদন,  
কি কারণ কহ তা দাসেরে ?

ইন্দ্র ।

শুনিয়া বারতা তব মুখে,  
হে বীর সর্বগ ! সত্যই অস্থির আমি ।  
সন্দেহ ঘটেছে মনে,  
পরাঙ্কিত দিতিসুতগণে



একতা বন্ধনে বন্ধ হ'য়ে পুনরায়  
 বিরোচন বর্তমানে তনয়ে তাহার  
 রাজ্যভার দিতেছে যখন,  
 অনুমান মম—  
 অবশ্যই রাখে কোন গুঢ় অভিপ্রায় ।

হরিতপদে অদিতির প্রবেশ ।

অদिति । অনুমান বন্দ কর নি বাবা ! সত্যই তাই ।

ইন্দ্র । এ কি মা ! ভয়ত্রাস্তা আলুলায়িত-কুস্তলা কম্পিতকলেবরা  
 অমরজননি, তুমি অকস্মাৎ এ ভাবে এলে কেন মা ?

অদिति । আকাশে মেঘ দেখা দিলে পক্ষিণী তার শাবকদের কাছে  
 এই ভাবেই যে আসে বাবা !

পবন । মেঘ কি উঠেছে মা ?

অদिति । উঠেছে বাবা ! একেবারে আকাশ জুড়ে ।

ইন্দ্র । তা উঠুক—তবু মেঘবাহন জননি ! তোমার এতদূর বিচলিত  
 হওয়া ঠিক হয় নি । তুমি কি জান না মা, তোমার শাবকদের পক্ষোদগম  
 হয়েছে—চক্ষু ফুটেছে—সময়োচিত কর্তব্য বুঝেছে, তারা আর নিতান্ত  
 শিশুটী নাই ?

অদिति । জানি বাবা—তা জানি । তবু এসেছি,—কি অন্য জান ?  
 সম্ভান যত বড়ই হোক—যত শক্তিশালীই হোক—যতই সুরক্ষিত থাকুক,  
 সম্ভান চিরদিনই সম্ভান আর মা চিরদিনই মা ।

ইন্দ্র । তবে বল মা ! সম্ভানদের ভাগ্যাকাশে আবার কোন নূতন  
 মেঘের উদয় ?

অদिति । নূতন কিছু নয় বাবা ! সেট চির-পুরাতন, সেই ঈর্ষা-

পরায়ণা সপত্নী.—সেই হিংসা-বিঘূর্ণিত লোনুপ দৃষ্টি । শুনেছ তো বাবা, দানবগণ একতাবদ্ধ হ'য়ে বলিকে সিংহাসন দিচ্ছে ? সেই তার প্রধানা নায়িকা । উদ্দেশ্য বুঝতে পেরেছ ? পুচ্ছবিদলিতা সর্পিণী কণা তুলেছে, এইবার সে তার প্রাণের সমস্ত শক্তি দিয়ে দংশন করবে ।

কুবের । তবে এলে যদি বিপদের ঘনীভূত অন্ধকারে মেহসৌর-করোজ্জ্বলা বিপত্তারিণী মা উদ্ধারে অর্ধৈর্য্য হ'য়ে, তুমিই তোমার শিশুগণের রক্ষার উপায় কর মা !

অদिति । করবো, আগে শপথ কর—আমি যা বলবো, করবে ?

ইন্দ্র । বল মা ! তুমি কি চাও ?

অদिति । বেশী কিছু না ; চাই তোমাদের অস্ত্র ক'থানা ।

পবন । অস্ত্র নিয়ে তুমি কি করবে মা ?

অদिति । ওগুলো গুঁড়ো ক'রে জলে ফেলে দেবো ।

কাল । এই বুঝি মা তোমার রক্ষার উপায় ?

অদिति । এ হ'তে রক্ষার উপায় তো আর মায়ের বুদ্ধিতে আসে না বাবা !

কুবের । অস্ত্র পরিত্যাগ করলেও হিংসার হাত হ'তে নিষ্কৃতি কৈ মা ? তোমার স্বর্গ কি ক'রে রাখবে মা ?

অদिति । স্বর্গ রাখতে পারি আর না পারি, আমি অন্ততঃ তোদের রাখতে পারবো তো ? ওরে, সেই আমার স্বর্গ, সেই আমার সব ।

কাল । তারপর আমাদের স্থান ?

অদिति । আমার বুক ।

ইন্দ্র । কি মা ! বাল্যের স্বপ্নক্ষেত্র—বৌবনের শান্তিকুঞ্জ—সাম্রাজ্যের জন্মভূমি এই স্বর্গ, কাপুরুষের মত নির্ঝিবাদে পরিত্যাগ ক'রে শেষে আমাদের আশ্রয়স্থল অশ্রুসিক্ত তোমার বুক ?

অদিতি । কেন বাবা ! তোমার এই শত্রু লক্ষিত স্বর্ণসিংহাসন হ'তে, নির্ঝিবাঙ্গী মায়ের বুকটা কি কম দামী ? তোমার ঐ মণিমাণিক্যাখচিত অভেদ্য বর্ষ হ'তে মাতৃস্নেহ কি কম দৃঢ় ? তোমার ঐ কোটীসূর্য্যবিভাসিত ত্রিভুবন-নমস্য শিরস্রাণ হ'তে মায়ের মধুর আশীর্বাদ কি কম উচ্চ ?

ইন্দ্র । তবে জগজ্জননি ! তোমার বিচারে সমাদরে শত্রুকে ডেকে এনে অপমানের স্তম্ভ আপনা হ'তে মাথা পেতে দেওয়াই ঠিক ?

অদিতি । শত্রু কে বাবা ? তারা যে তোদের ভাই, এক মায়ের গর্ভে না হোক—এক পিতার গুণসম্মত তো ? তোরাও যে বস্তু, তারও সেই বস্তু । আমি অতটা ভিন্ন ভাবতে পারি না বাবা ! আমার ইচ্ছা, এতদিন তোরা স্বর্গ ভোগ করলি, তাদের সাধ হয়েছে—দিনকতক না হয় তারাও করুক ।

কাল । আর আমরা—কাপুরুষ কুলঙ্গার আমরা—পুরুষকারের ধিকৃত ভীকু আমরা, চির-গরীয়সী মাতৃভূমি দানবের হাতে ছেড়ে দিয়ে—তুমি রমণী, তোমার হাত ধ'রে কলঙ্কের ডালি মাথায় ক'রে চোরের মত বনবাস যাই, কেমন ? না মা, তা হয় না ।

অদিতি । তা হ'লে, মা হ'তেও তোদের বড় হ'লো তুচ্ছ রাজ্য ?

ইন্দ্র । বড় তুচ্ছ নয় মা ! এই বিশাল সৃষ্টি-সাম্রাজ্য—যার একাধিপত্য নিয়ে স্রাবদ গুণের স্বর্গের মত একটা সর্বোচ্চ স্থানে ব'সে আছি । বুঝে দেখ মা ! কি গুরু দায়িত্ব আমার শিরে, কি কঠোর কর্তব্য আমার করে । যাও মা ! মার্জনা ক'রে যাও—আশীর্বাদ ক'রে যাও, আমি আমার যোগ্য করবো । আমার এই পবিত্র নিস্তরু শান্তিকুঞ্জে যে বিন্দুমাত্র অশান্তি আনবে, আমি তার বিচার করবো—তার দণ্ড দেবো ।

অদিতি । শাসন করবি কাদের বাপ ! তারা যে ভাই ।

ইন্দ্র । ভাই হ'লেও ভাইকে শাসন করা ভাইয়ের অধিকারভুক্ত ।

অদিতি । পারবি না বাবা ! তারা বড়ই চর্কর্ষ—বড়ই লাগসাক, তার ওপর তাদের পশ্চাতে কালস্বরূপিণী রমণী তোদের বিমাতা ।

ইন্দ্র । তবে তুমিও দাঁড়াও না মাতা—বিমুক্তকুন্তলা বরাভয়-দায়িনী হ'য়ে উৎসাহের নিশান তুলে আমাদের পশ্চাতে । মাতৃমন্ত্রে হৃদয় নেচে উঠুক—ধর্মবলে বিদ্যৎগতিতে অস্ত্র ছুটুক—অগতের যত অত্যাচার, অনিয়ম মহাশ্মশানে লুটুক ।

অদিতি । আমি তা পারবো না বাবা ! আমি যে সবার মা । পুত্রের বিরুদ্ধে পুত্রকে উত্তেজিত করা আমার কর্ম নয় বাবা !

ইন্দ্র । তবে লুকাও জননী, তোমার ঐ ভেদজ্ঞানশূণ্য স্নেহ-সরল ঢল-ঢল কোমল মুক্তিখানি নিয়ে লাগসার উচ্চ কোলাহল হ'তে নিষ্কামের নীরবতায় ; এ রক্তপিপাসুর রঙ্গালয়, এখানে আর তোমার স্থান নয় । আমরা যুদ্ধই করবো ।

অদিতি । যুদ্ধই করবে ?

সকলে । হ্যাঁ মা ! যুদ্ধই করবো ।

অদিতি । যুদ্ধ ব্যতীত শত্রুদমনের কি অন্য উপায় নাই ?

গীতকণ্ঠে দেবর্ষি প্রবেশ করিলেন ।

দেবর্ষি ।—

গীত ।

সে উপায় সেধা অকারণ ।

মদ্র বশভূত সর্প, হয় না খল তার নিবারণ ।

গীতার বাখা সাধু শিক্ষা হয় কি ব্যাধের মনোমত,

দয়া মারা উপকথা, হত্যা যে তার নিত্যব্রত,

পশুর সনে শিষ্টাচার,

ভবিষ্যৎ মা ভীষণ তার,

অস্থানের হয় আবিষ্কার, বাধা তবে মন্ত বারণ ।

ইন্দ্র । শুন্নে মা ! দেবর্ষি প্রমুখাং তোমার প্রশ্নের সহস্র ?

অদিতি । সব একমত—সব একযোগ—সব একপ্রাণ । আমার সকল আশা ভরসা এই ভীষণ একতা শ্রোতে ত্বণের মত ভেসে গেল । আর কথা নাই—আর রোদনে ফল নাই—আর দাঁড়াবার স্থান নাই । এরা অটল—এরা উন্মাদ—এরা মায়ের কথা নিলে না । নারায়ণ ! এদের রক্ষা কর ।

[ প্রস্থান ।

ইন্দ্র । দেবগণ ! মাতৃ-অভিশাপ মাথা পেতে নিলাম ; সহস্র তোমরা । আর নিশ্চেষ্ট থাকা চলে না,—রণডঙ্কা বেজে উঠেছে । কাল ! তুমি কালস্বরূপ হ'য়ে সেনা-সন্নিবেশ কর । প্রভঞ্জন ! তুমি প্রচ্ছন্নভাবে শত্রুর গতি লক্ষ্য কর । মিত্রবর যক্ষরাজ ! তুমি বহুর মত এ বিপদে মন্ত্রণা দাও । আর আপনি পরমার্থ পথগামী সিদ্ধ মহাপুরুষ ! আপনি অন্তরের সহিত অভাগাদের আশীর্বাদ করুন, আর কিছু চাই না ।

দেবর্ষি ।—

### পূর্ব গীতাংশ ।

অদূরে দাঁড়িয়ে সে দূরে দিতে অবনাদ,  
ছড়ায় বরদ করে অযাচিত আশীর্বাদ,  
নাও বীর শির পেতে, অতুল পুলকে মেতে,  
বাজাও সমর-ভেরী, ধর ভীম প্রহরণ ।

[ প্রস্থান ।

ইন্দ্র । বল, জয় শত্রুনিহ্নন নারায়ণের জয় !

সকলে । জয় শত্রুনিহ্নন নারায়ণের জয় !

[ সকলের প্রস্থান ।

## তৃতীয় গর্ভাঙ্ক ।

শূন্যমণ্ডল ।

### তর্ক ও মীমাংসা ।

তর্ক । এল তো প্রাণেশ্বরী ! তোমার সঙ্গে একবার লড়ি ।

মীমাংসা । লড়াইয়ের বাজনা শুনে প্রাণেশ্বরেরও প্রাণটা সড়্ সড়্  
ক'রে উঠলো না কি ?

তর্ক । উঠবে না ? আমার কি রণশাস্ত্রে দখল নাই ?

### গীত ।

তর্ক ।— আমার ঠাউরেছ কি টিরেমুখী,  
কত রখী তলিয়ে গেল শুদ্ধ হ'য়ে চোখাচোখি ।

মীমাংসা ।— তোমার চোখরাঙানির কাটান জানি,  
আমি নই সে কচিখুঁকি ।

তর্ক ।— আমি তর্ক,

মীমাংসা ।— আমি মীমাংসা,

তর্ক ।— আমি কাঁঠালের আঠা,

মীমাংসা ।— আমি খাঁটি সরষের তেল বঁধু, সে পথে কাঁটা,

তর্ক ।— আমি ছিনে জেঁক,  
খুঁক্‌বো যখন ঘায়ের মুখে দেখবে আমার রোক্.

মীমাংসা ।— আমি কলি চূণ,  
বুঝেছ, সামলে চল, জান তো আমার গুণ,—

তর্ক ।— ছেড়েছি চাবকে ঘোড়া সাধ। কি আর তার রুধি,

মীমাংসা ।— আছে তোমার আছাড় খাওয়া.

মিছে আমার বকাবকি ।

মীমাংসা । আপোষ কর—আপোষ কর ; এখনও বলছি, আপোষ কর । আমার চিন্তে পেরেছ তো চাঁদ ?

তর্ক । তা—তা—বল্ছো যখন, তখন তাই, কিন্তু—

মীমাংসা । কিন্তু কি ?

তর্ক । তা—তা—কিন্তু—

মীমাংসা । আবার কিন্তু ?

তর্ক । না—আর কিন্তু নয় । তবু—

মীমাংসা । এঃ, কিন্তু ছেড়ে তবু—

তর্ক । না—না—এর ওপর তবু কিন্তু চলে না । তত্রাচ—

মীমাংসা । জ্বালাতন । দেখ, দোহাই তোমার, তবু, কিন্তু, কেন, তত্রাচ, ও রোগগুলো ছাড় ।

তর্ক । দেখ—তুমি আমার গলায় পা দিয়ে মার—গলায় পা দিয়ে মার, তবু ও কথাটা মাপ কর । তবু, কিন্তু, কেন, এই নিষেই শর্মা-রামের অন্য ; ও ছেড়ে বাবা বৈকুণ্ঠে যেতেও রাজী নই ।

মীমাংসা । তবে গোল্লায় যাও, কি আর করছি ।

[ প্রস্থান ।

তর্ক । আরে—আরে, শোন—শোন । চল্লে বটে, কিন্তু তবু তত্রাচ যাবে কোথা ? শর্মা যে শিয়াকুলের কাঁটা ।

[ প্রস্থান ।

## চতুর্থ গর্ভাঙ্ক ।

প্রান্তর ।

### বিরোচন ।

বিরোচন । ফাঁকার এসে পড়েছি বাবা ! একটা হাঁপ ছেড়ে নিই ।  
ওঃ—গিয়েছিলুম আর কি ! রাজ্যশাসন কি শাস্ত্রী কারবার বাবা ! আজ  
হাতী কেন—কাল ঘোড়া বেচ ; আজ একে অন্ন দাও—কাল ওর শির  
নাও ; এই সতের পেঁচে আমার দম বন্ধ হ'য়ে যাবার যোগাড় । যা  
হোক, দেখতে হ'লে জ্যেষ্ঠা মশায়টি আমার পক্ষে লোক নেহাৎ মন্দ নন !  
সিংহাসনটি হাত হ'তে খসিয়ে নিচ্ছেন, নিশ্বেসটা সরল ক'রে দিচ্ছেন !  
তবে—আবার ছেলের মাতা খেলেন । তার আর কি হ'চ্ছে, যাক শত্রু  
পরে পরে—নিশ্চয় বাঁচলে বাবার নাম ।

### অনন্তের আবির্ভাব ।

অনন্ত । কিন্তু—কিন্তু বাপু ! এতেই বা তোমার বাঁচাওটা—  
কিন্তু কিসে ?

### সীমার আবির্ভাব ।

সীমা । বা—বা—বা ! একদম জ্বরগা পাল্টে ফেলেছে—জল-  
হাওয়া বদলে ফেলেছে—আবার মরণটাই বা কিসে ?

বিরোচন । কে বাবা তোমরা রঙ্গিন চেহারা ? কোথা হ'তে  
ছটকে এসে আমাকেও রঙ্গিন ক'রে তোলবার যোগাড়ে ঘুরচো ?

অনন্ত । তা বা বলবে বল, কিন্তু—কিন্তু—তুমি আমার চিন্তে  
পারলে না হে ! আমি কিন্তু—



বিরোচন । কিন্তু ? তুমি—কিন্তু ? মাপ কর বাবা কিন্তু মশাই !  
ককমারি করেছি না চিন্তে পেরে ! তারপর তুমি কে মা রক্ষেকালী ?

সীমা । আমাকেও ঐ একটা আন্দাজ ক'রে নাও না । ও যখন  
কিন্তু, আমি স্মতরাং—

বিরোচন । [ বাধা দিয়া বলিলেন ] থাক ঐ পর্য্যন্তই,—আর  
বলতে হবে না, ঐখানেই চূড়ান্ত মিল হ'য়ে গেছে ! ও যখন কিন্তু,  
তুমি তখন স্মতরাং ।

সীমা । তা—নেহাৎ মন্দ ধর নি ।

বিরোচন । ধরবো বৈ কি ! তবে কি বলছিলে কিন্তু মশাই ?

অনন্ত । বলছিলুম কি—অমন জমাটা রাজত্বটা এক কথার ছেড়ে  
দিয়ে একেবারে এমন বেজায় ফাঁকার এসে দাঁড়ালে তেমন কি  
স্বার্থে ?

বিরোচন । [ স্বগত ] লোকটা তো ধরেছে নেহাৎ মন্দ নয় !  
দাঁড়ালুম তেমন কি স্বার্থে ? তাই তো, কি বলি ! এঃ, সব গুলিয়ে দিলে !

সীমা । আরে অত ভাবছো কি ? বল না—এতে স্বার্থ ব'লে কিছু  
নাই । শেষ জীবনে স্বার্থশূন্য হ'য়ে ছেলের হাতে সর্বস্ব দিয়ে সংসারের  
সবাই এই রকমই দাঁড়ায়, তাই এসে দাঁড়ালুম ।

বিরোচন । বাস, এঁই তো মিটে গেল । সবাই এই রকম দাঁড়ায়,  
আমিও দাঁড়িয়েছি । এ আর কোন লোকটা না জানে বাবা ?

অনন্ত । কিন্তু—লোকের সঙ্গে তোমার তুলনা হয় না যে বাবা !  
লোকে স্বেচ্ছায় ঐশ্বর্য্য ছেড়ে বাণপ্রস্থে যায়, আর তোমার নেহাৎ  
অকর্মণ্য ভেবে সিংহাসন হ'তে নামিয়ে দিয়েছে,—তুমি গতিকে ফাঁকার  
দাঁড়িয়েছ । কেমন কি না ?

বিরোচন । না—এ কথা একশোবার । তা—নামিয়ে দেওয়া

বৈ কি । বলির যে অভিষেক হ'চ্ছে, রাজ্যময় রাষ্ট্র হ'লো—আমি জান্-  
লুম না কেন ? ঠিক, আমি তো ইচ্ছে ক'রে ফাঁকে আসি নাই—  
ক'জন জুটে আমার ফাঁকায় ফেলেছে !

সীমা । তাই বা মন্দ কি করেছে ? রোগীতে ওষুধ না খেলে  
কেউ যদি জোর ক'রে দাঁত চেপে খাওয়ান, তাতে কি তার অনিষ্ট  
করা হয় ?

বিরোচন । হা—হা—হা ! ঠিক বলেছে, মা স্নতরাং ! এর ওপর  
আর কথা নাই । আপন ইচ্ছাতেই হোক—চাই জোর ক'রেই হোক,  
অশুধ পেটে গেলেই মঙ্গল । হা—হা—হা ! ঠিক—ঠিক । [ অনন্তের  
প্রতি বলিলেন ] কি হে নয় কি ?

অনন্ত । তা বটে ! তবে এক রোগের যদি আর এক ওষুধ পড়ে,  
তা হ'লে তাতে মঙ্গলের চেয়ে অমঙ্গলের ভয়টাই বেশী নয় কি ?

বিরোচন । পারো—পারো—এ একটা কথা বলতে পারো । ঠিক  
রোগের মত ওষুধটী পড়া চাই । তা চাই বই কি ! এঃ, আবার  
ফেরে ফেললে দেখছি ।

সীমা । এতে আর ফের কোন্‌খানটার বাছা ? এ আর কে না  
জানে যে, সংসার-রোগে রোগীর এক ফাঁকায় দাঁড়ানো ছাড়া অন্য  
ওষুধ আজও তৈরি হয় নাই ।

বিরোচন । এই তো কেটে গেল । রোগও যেমন উৎকট—ওষুধও  
তেমনি তীব্র । হয়েছে—হয়েছে কিন্তু মশায় ! এইবার তুমি এক  
বাক্য জলে প'ড়ে গেছ বাবা !

অনন্ত । আমি পড়ি উদ্ধার আছে, তুমি যে—

বিরোচন । আর কথা ক'য়ো না কিন্তু মশায় ! মিটে গেল যখন,  
তখন আর কেন ? তুমি একটি ক'রে চুলকানি তুলছো, আর মা স্নতরাং

সেইটী নিয়ে টেপাটেপি করছে । আমার মাঝে ফেলে যেন একটা বিস্ত্রী  
নাস্তা-নাবুদ আরম্ভ হ'রে গেছে । যাও—যাও, আর কথা ক'রো না ।

অনন্ত । নিষেধ করছো যখন, তখন দরকার কি ? তবে কি না,  
উচিৎ কথা না ক'রে থাকা যায় না—

বিরোচন । আবার সেই ঘ্যানঘ্যানানি আরম্ভ করলে ?

অনন্ত । রেগো না বাবা, যা বলি—শোন ।

সীমা । আবার শুনবে কি—শোন্বার কি আছে ?

বিরোচন । না—এদের মতলব ভাল নয় । কথার শেষ করতে  
চায় না, কেউ পরাজয় মানে না । এরা হ'জনে জুটে আমার ঠিক পুতুল  
নাচের মত নাচাচ্ছে ; আমার যেন কোন স্বত্বা নাই । আমি আপনাকে  
হারিয়ে বসছি ! না—না, আর ওদের কারো কথার কান দেবো না ।  
আমি আপনাকে ধরবো—আপনার মতলবে যা হয় একটা ক'রে  
ফেলবো ।

সীমা । কিন্তু—আমি তোমার স্মৃষ্টিই দিছি ।

অনন্ত । আরে রেখে দাঁও তোমার স্মৃষ্টি ।

বিরোচন । চূপ কর—চূপ কর বলছি ; নইলে এখনি টুংটি টিপে  
ধরবো । আমি তোমাদের কতকটা চিনেছি । বল দেখি, তোমাদের  
মতলবখানা কি ? আমার নিজের পায়ে ভর দিয়ে দাঁড়াতে দেবে, না  
এই রকম কানে ধ'রে ওঠা বসা করাবে ?

### গীত ।

অনন্ত ।— মাটি নিয়ে ব'সে পড়, উঠবে বল কার কথার ।

সীমা ।— ওঠার মত উঠে চল, বসলে জন্ম বার্থ যার ।

অনন্ত ।— উঠতে গেলে আছাড় ধাবে হবে খেঁতো মুখ,

সীমা ।— ব'সে ব'সে ধরবে বাতে তাতেই বা কি মুখ,

## বিক্র্যা-বলি

[ প্রথম অঙ্ক ।

অনন্ত ।— তবু তার নাইকো মরণ-ভয়

সীমা ।— বাঁচা চেয়ে মরণ ভাল, জীবনটা যে বুখায় বর,

অনন্ত ।— তুমি ব'সো,

সীমা ।— তুমি ওঠো,

অনন্ত ।— ব'সে যদি মজা মেলে রোদ জলে কে ছুটে চার ?

সীমা ।— আপন বুকে কন্দ কর, কাটিয়ে দিনু নিজের দার ।

[ উভয়ের প্রস্থান ।

বিরোচন । চ'লে গেল ! চ'লে গেল ! এরা ঝঞ্ঝার মত উড়ে এসে ধীর প্রশান্ত সমুদ্রে অশান্ত উচ্ছ্বাস তুলে দিয়ে চ'লে গেল । চতুর্দিকে তুফান, স্তূপীকৃত কেনপুঞ্জ, প্রলয়ের ক্ষিপ্র গর্জন । তরী ডুবলো—আমার একাগ্রতার তরী ডুবলো । রক্ষা কর—রক্ষা কর । ঘোর জটিলতার মধ্যে প'ড়ে সর্বনাশ করেছি—সর্বস্বাস্ত হয়েছি—আমি আমার হারিয়ে ফেলেছি । কেউ আছে ? কেউ বন্ধু :আছে ? এসো—বন্ধু হও—উদ্ধার কর,—হারানো আমার খু জে দাও । [ অস্থির হইয়া উঠিলেন ]

## দুর্লভের প্রবেশ ।

দুর্লভ । [ ধীরস্বরে ডাকিলেন ] বিরোচন !

বিরোচন । কি ললিত মধুর সন্নেহে সম্বোধন ! কি উদাস ঢল-ঢল শান্ত মুক্তি ! [ বিমুগ্ধ-দৃষ্টিতে দুর্লভের দিকে চাহিয়া রহিলেন ]

দুর্লভ । কি দেখ্ছো তাই ?

বিরোচন । দেখ্ছি এক আনন্দময় নূতন স্বর্গ । দেখ্ছি তাই, দিব্য-জ্যোতিঃ-বিভাষিত শান্তিময় তোমার রূপ ।

দুর্লভ । রূপ দেখ্ছো ? দেখ তাই, দেখ । সহস্র চক্ষু উন্মীলিত করে একদৃষ্টে আমার রূপ দেখ । এত রূপ চন্দ্রে নাই—এত রূপ সৃষ্টিতন্ত্রে নাই—এত রূপ বোধ হয় সৃষ্টিকর্তাতেও নাই । তাই এই রূপের

চতুর্থ গর্ভাক । ।

বিদ্যা-বলি

বোঝা নিয়ে কেঁদে মরি । দর্শক পাই না, আপনাকে দেখাই ; আদর  
নাই, অন্তরে থাকি ।

বিরোচন । আশ্চর্য্য ! বল কি ? এমন নিরাময় নিফলক উজ্জল  
রূপের আদর নাই ? জগতের কি হৃদয় নাই ?

দুর্লভ । না ভাই ! জগতের দ্বারে দ্বারে বেড়িয়েছি, প্রত্যেককে প্রাণে  
প্রাণে রূপ দেখিয়েছি, জাগতিক শোভার সঙ্গে আমার পার্থক্য যুক্তির দ্বারা  
বুঝিয়েছি, তবু স্থান হ'লো না ভাই ! তবু কেউ ডাকাল না—অনাদরেও  
একটা কটাক্ষ পর্য্যন্ত করলে না । তোমার কাছে এসেছি ভাই ! কিছুই  
চাই না, একটু ভালবাস—একটু স্থান দাও । আমিও অকৃতজ্ঞ নই :  
অন্ত কিছু না পারি, অন্ততঃ তোমার হারানো জিনিষ খুঁজে দেবো ।

বিরোচন । দেবে ? দেবে ? আমার হারানো জিনিষ খুঁজে  
দেবে ? আচ্ছা, আমি কি হারিয়েছি, বল দেখি ভাই ?

দুর্লভ । তুমি তোমার হারিয়েছ । আর জগতে হারাবার আছে  
কি ভাই !

বিরোচন । বা—বা—বা ! দেখছি, তুমি রূপে গুণে সমান ।  
তোমার নাম কি : ভাই ?

দুর্লভ । জগৎ আমার দুর্লভ বলে, কিন্তু আমি জানি, জগতে  
মূলত কেউ থাকে তো সে আমি ।

বিরোচন । বলুক—বলুক—জগৎ বা বলে বলুক, আমি জগৎ  
হাড়া । এস—এস ভাই ! এস জগতের দুর্লভ বস্তু, ঐরূপ মূলত হ'য়ে  
দীর্ঘে ধীরে আমার হাতখানি ধর—ঐরূপ জ্ঞানগর্ভ রূপের আলোক ছড়িয়ে  
দিয়ে আমার আগে আগে চল—ঐরূপ বিমল বন্ধুত্বে মাতিয়ে তুলে আমার  
আলিঙ্গন দাও । [ বাহু প্রসারণ করিলেন ]

দুর্লভ । দেখো ভাই ! আলিঙ্গনের নীচে গুপ্ত চুবিকা রেখো না—

বন্ধু করতে এসে স্বার্থের দিকে তাকিয়ে না—বুকে তুলে পারে ঠেলো না । [ আলিঙ্গন ]

বিরোচন । একি ভাই ! একি হ'লো ? তোমার হৃদয় স্পর্শে আমার হৃদয় জুড়ে অকস্মাৎ একটা আলোর উৎস খেলে উঠলো কোথা হ'তে ?

দুর্লভ । ঐ আলোকে তোমার হারানো জিনিষ খুঁজে নাও ।

বিরোচন । কৈ আমার হারানো জিনিষ ? কোথায় আমার আমি ? এ যে রাশি রাশি আলোকমালা ! এ যে চির-চঞ্চল বিছাতের অস্বাভাবিক স্থিরতা ! হ'লো না ভাই ! পেলুম না আমার, শুধু আলোক দেখালে কি হবে ভাই ? আমার যে চক্ষু নাই ।

দুর্লভ । তবে বল ভাই ! হরে মুরারে মধুকৈটভারে, গোপাল গোবিন্দ মুকুন্দ সৌরে ।

বিরোচন । হরে মুরারে মধুকৈটভারে, গোপাল গোবিন্দ মুকুন্দ সৌরে । ভাই বটে ! কি মধুর মন্ত্র ! যেন চিরকালের একটা অলস ঘুমের ঘোর আপনা হ'তে কেটে আসছে ।

দুর্লভ । আবার বল, হরে মুরারে, মধুকৈটভারে, গোপাল গোবিন্দ মুকুন্দ সৌরে ।

বিরোচন । হরে মুরারে মধুকৈটভারে, গোপাল গোবিন্দ মুকুন্দ সৌরে । ঐ বুঝি ধীরে ধীরে আলোকের গর্ভ ভেদ হ'য়ে পড়লো ! ঐ তার মধ্যে কি দেখা যাচ্ছে নয় ?

দুর্লভ । আবার অপ ঐ মন্ত্র—হরে মুরারে— [ প্রশ্নান ।

বিরোচন । হরে মুরারে, মধুকৈটভারে, গোপাল গোবিন্দ মুকুন্দ সৌরে । পেয়েছি—পেয়েছি । ঐ আমার সর্বস্ব—ঐ আমার হারানো জিনিষ—ঐ আমার আমি । [ প্রশ্নান ।

## পঞ্চম গর্ভাঙ্ক ।

দৈত্যপুরী—রাজসভা ।

সিংহাসনের একপার্শ্বে রাজমুকুটস্থে অনুহাদ, অপরপার্শ্বে  
শুক্ৰাচার্য্য, মধ্যস্থলে বলি, সম্মুখে মহানাদ, বাণ ও  
প্রজাগণ দাঁড়াইয়াছিলেন ।

শুক্ৰাচার্য্য । বৎস বলি ! সমবেত প্রজার সম্মতিক্রমে জ্ঞাতির  
কল্যাণে আমি দৈত্যবংশের গুরু, সর্শীষ তোমার এই দৈত্য-সিংহাসনে  
অভিষিক্ত করি । [ বলিকে সিংহাসনে বসাইলেন । ]

অনুহাদ । আমি দৈত্যবৃদ্ধ সসম্মানে তোমার মাথায় রাজমুকুট  
পরিয়ে দিই । [ বলির মস্তকে রাজমুকুট পরাইয়া দিলেন । ] স্বীকার  
করি, আজ হ'তে তুমি সমস্ত জ্ঞাতির প্রভু ।

[ শুক্ৰাচার্য্য কমণ্ডলু বারিতে অভিষেক ক্রিয়া সম্পন্ন করিলেন,  
মাঙ্গলিক বাণধ্বনি, শঙ্খ ও উলুধ্বনি হইতেছিল । ]

দৈত্যগণ । অয় দৈত্যেশ্বর বলির জয় !

অনুহাদ । রাজা ! প্রজাগণের আবেদন শোন ।

বলি । অনুমতি করুন ।

অনুহাদ । রাজ-সকাশে তাদের বিনীত আবেদন, তারা জগতের  
পরমাণু হ'য়ে জীবন যাপন করতে চায় না ।

বলি । তারা কি চান ?

অনুহাদ । তারা চায় পর্বত হ'তে,—জগৎ-সৃষ্টির ওপর মাথা উঁচু  
ক'রে দাঁড়াতে ।

বলি । তা হ'লে আমার কর্তব্য ?

অনুহাদ । অগৎ-সৃষ্টির বিরুদ্ধে দাঁড়াও—প্রাধাত্যের উপর প্রতি-  
হিংসা নাও—তোমার প্রপিতামহগণের মৃত্যুর প্রতিশোধ দাও ।

বলি । তা হ'লে পর্তত হওয়া হ'লো কৈ পিতামহ ? উচ্চতার  
আকাঙ্ক্ষায় এত অস্থিরতা পর্ততের ? পর্তত শত বঙ্কায় বুক ফুলিয়ে  
থাকে—টলে না ; সহস্র বজ্রপাতে শির পেতে রাখে—প্রতিহিংসা চায়  
না ; লক্ষ বিবর্তনেও স্থির—কারও উপর প্রতিশোধের দাবী রাখে না :  
তবে সে পর্তত—তবে সে উচ্চ—তবে সে মহান ।

অনুহাদ । না বলি ! পর্তত যে বঙ্কায় বজ্রঘাত অনাগ্রাসে সহ্য করে,  
সেটা উদারতার নয়—উপেক্ষায় ! সে জানে এরূপ শত্রু যুগব্যাপী  
বিক্রম প্রকাশ ক'রেও তার কিছুই করতে পারবে না : তাই সে স্থির ।  
কিন্তু অগস্ত্যের কাছে ? সেখানে উদারতা চলবে না—উপেক্ষা খাটবে  
না—উচ্চ হ'য়ে থাকতে দেবে না, জীবনের মত ভুলুগিত ক'রে দিয়ে  
চ'লে যাবে,—তার উপায় ?

বলি । তার উপায় নাই পিতামহ ! শৃঙ্খলার বিরুদ্ধে সদৃশে উত্তে  
গেলেই ঐ রকম নতশির সবাই হবে । সেটা অগস্ত্যের পীড়ন নয়—  
নির্ঘাতের নিষ্পেষণ ।

অনুহাদ । নিয়তি ? নিয়তি তো দুর্বলের সাধনা—অদৃষ্টবাদীর  
কল্পনা—কাপুরুষের প্রবোধ । কর্মের পথে নিয়তি নাই—নত শির নাই—  
পরাজয় নাই ; কেবল উত্তম—কেবল সাধন—কেবল অগ্রসর । নিয়তির  
নির্দিষ্ট শুভাশুভ লক্ষ্য ক'রে সিংহ করীন্দ্রের মাথায় কাঁপায় না ; উত্থান  
পতনের আন্দোলন নিয়ে পুরুষকারপরায়ণ জীবন্তে নিজীব হ'য়ে  
থাকে না ; অন্ত যেতে হবে জানে, তবু সূর্য্য প্রত্যহ পূর্বাকাশে লাল  
হ'য়ে ওঠে ।

শুক্লাচার্য্য । তবে ওঠ দানব-সূর্য্য, মধ্যাহ্ন-তপনের মত ভাস্বর হ'য়ে



পঞ্চম গর্ভাক । ]

বিদ্যা-বলি

সৃষ্টির নকোচ্চ স্তরে । জাতীয় সমপ্রাণতা; উত্তমের শক্তি, আর এই ব্রাহ্মণের আশীর্বাদ রুদ্রমূর্তিতে তোমার রক্ষা করবে,—ভয় কি ?

বলি । না ভগবান্, রক্ষার ভাবনার আপনার দীক্ষিত শিষ্য কখনও লক্ষ্য হ'তে টলে না । পতনকে পশ্চাতে নিয়ে সম্মুখের দিকে অগ্রসর হ'তে বলি কখনও ভয় পায় না । সে অণু ভাবি না গুরুদেব ! ভাবছি, আমার একি হ'লো ? কাণায় ছিলাম—কোথায় এলাম ! সিংহাসনটা যে কেবল মড়ার মাথা দিয়ে তৈরী ।

অনুভূত । তা বুঝি আজ বুঝলে ? আগে কি ভেবেছিলে, সিংহাসনটা কতকগুলো কুলের তোড়া দিয়ে তৈরি ? রাজ্যশাসন ঐনিখটা চাঁদের কিরণ, বসন্তের বাতাস, পাখীর গান, এই রকম একটা কিছু ? এমন একটা দৈত্যজাতির শীর্ষস্থানে ওয়া ছেলেখেলা ? তা যদি ভেবে থাক, তবে নাম । অত কোমল, এমন তাপ সহ্য করতে পারবে না । ওখানে অবিশ্রান্ত চিতার অঙ্গার ছড়ান রয়েছে—শত বৃশ্চিক মুখ ব্যাদান ক'রে ফিরছে—সহস্র অঙ্গুর একযোগে নিশ্বাস ছাড়ছে । নাম—নাম বলি, আমি ভুল করেছি, ওখানে বাস করা তোমার কৰ্ম নয় ।

বলি । [ মস্তক অবনত করিলেন, তাঁহার মুখে চিত্তার রেখা কুটিয়া উঠিল । ]

বাণ । ওকি বাবা ! মাথা হেঁট করলে কেন ? দীর্ঘনিঃশ্বাস ফেললে কেন ? এমন আনন্দের মুহূর্তে এমন ধারা মুখ শুকিয়ে গেল কেন ? ভাবছো কি ?

বলি । ভাবছি বাণ, এর পরিণাম কি ?

বাণ । পরিণাম অক্ষয় কীৰ্ত্তি—অতুল গৌরব—আশ্চর্য্য নিরূপণ ।

বলি । নিরূপণ ! নিরূপণ কি পুত্র ! এ যে দিগন্তব্যাপী কামনার কোলাহল ভেদ ক'রে কি একটা অশ্রুত বেদধ্বনি আমার কানে বেজে

উঠলো ! এর পরিণাম নির্বাণ ? কার কাছে শুন্লে পুত্র ! এক নারায়ণদর্শন ব্যতীত যে জীবের নির্বাণ নাই বাণ !

বাণ । এতেও নারায়ণদর্শন হবে বৈ কি পিতা । তবে এ দর্শন ষড়দর্শনের অতীত । দেখছিলে প্রীতির চক্ষে, দেখতে হবে প্রতি-  
হিংসার তীব্র দৃষ্টিতে । দেখছিলে পূজা-মন্দিরে, দেখতে হবে শোণিত-  
সিক্ত রণাঙ্গনে । দেখছিলে পুষ্প দিয়ে সুদূর ভবিষ্যতে, দেখবে বাণের  
সাহায্যে সন্মুখীন বর্তমানে ।

বলি । [ স্বগত ] তাই বা মন্দ কি ? দেখছিলাম—মুরলীধর শ্যাম-  
রূপ, দেখবো চক্রধর কালো রূপ ; দেখছিলাম—বিদ্যামালাবিলসিত জলধর-  
পটলের মৃদু মৃদু হাসি, দেখবো প্রলয় গগনে প্রবল বিক্রমে ঘূর্ণ্যমানা জ্বালা-  
ময়ী উদ্ধারাম্বি । তাতেই বা ক্ষতি কি ! বিষণ্ণ বিকারীর মৃত-সঞ্জীবনী ।  
[ প্রকাশ্যে ] তাই হোক । আয় বাণ ! আয় প্রাণাধিক ! আমি প্রাণ-  
পাতে কর্মের পথে দাঁড়াই, তুই সহস্র বাহু মিলে আমার সাহায্য কর ।

অনুহাদ । সত্ৰাট !

বলি । পিতামহ ! আর আমার কোন বিধা নাই ; আমি যুদ্ধ  
করবো,—ছাদশ মার্ভণ্ডের তেজঃ নিয়ে জ্বলে উঠবো—অষ্টবজ্রের  
অগ্নিদাহ একাধারে নিয়ে ব্রহ্মাণ্ডের উপর ছড়িয়ে পড়বো ; আপনারা  
সমরসজ্জা করুন ।

অনুহাদ । বহুপূর্ব হ'তেই সে সজ্জা ক'রে রেখেছি প্রাণাধিক !  
অগ্রসর হও, দেখতে পাবে আমার একাগ্র কঠোরতা, দেখতে পাবে  
বুদ্ধের অধ্যবসায়, দেখতে পাবে আমার জীবনব্যাপী আয়োজন ।

গীত ।

প্রজাগণ ।—মোরা রাখিব বিধে দানবকোর্টি একতাবদ্ধ যতক বীর ।

বালকগণ ।—মোরা নিখেছি জাতীয় কল্যাণপথে বলকে বলকে দিতে রুধির ।

প্রজাগণ ।—মোরা বাতায় মত অসীম সাহসে ফুক করিব সিঁহু-নীল,

বালকগণ ।—বিজয়ের মত গকিত হ'য়ে, তুলিব অত্র ভেদিয়া শির ;

প্রজাগণ ।—বায় বাক ভেসে সৃষ্টি,

বালকগণ ।—হোক অন্ধ গ্রহের দৃষ্টি,

প্রজাগণ ।—উল্লাসে মোরা হা হা-হা হাসিব, ভাসিব রক্তে দানবারির, -

বালকগণ ।—মনাকিনী করি বিগুণ বহাবো প্রবাহ ভোগবতীর ।

প্রজাগণ ।—স্নেহ দয়া মায়া বজ্জিত আজ উত্তেজনায় হৃদয় অধীর,

বালকগণ ।—কালকূট পান করি আকণ্ঠ পারে ঠেলে যত রসাল ক্ষীর,

প্রজাগণ ।—সঘনে বল জয়,

বালকগণ ।—মরণে কিবা ভয়,

প্রজাগণ ।—মরিব কিনা মারিব পণ নপথ পূজা তরবারির,

বালকগণ ।—ধরিব হস্ত মুছাব পদ মলিনা জয়শ্রীমুন্দরীর ॥

বলি । [ সিংহাসন হইতে উঠিয়া ] তবে আর কালক্ষয় বৃথা ! পাঠ  
কর প্রতিজ্ঞা-মন্ত্র, জীবন কর পুষ্পাঞ্জলি, ব্রতী হও বিজয়-পূজায় ।

সকলে । অয় দৈত্যেশ্বর বলির অয় !

বলি । জ্বলে ওঠো দাবাগ্নির মত— একত্র হও প্রাবট অলধরের মত  
—ছুটে চল বিশ্বপ্রাণী বণ্ডার মত ।

সকলে । অয় দৈত্যেশ্বর বলির অয় ! [ প্রস্থানোত্তোগ ]

প্রহ্লাদ প্রবেশ করিলেন ।

প্রহ্লাদ । দাঁড়াও, সম্রাট সকাশে আমার একটা নিবেদন আছে ।

বলি : পিতামহ !

প্রহ্লাদ । এমন একটা সৃষ্টিসংহারী সময় আস্থানে দৈত্যপুরীর  
আবাল-বৃদ্ধ সমগ্র প্রজা নিমন্ত্রিত হ'লো, আমি সংবাদ পাই না কেন  
সম্রাট ? আমি কি দৈত্যনাথের প্রজার তালিকার বাইরে ?

বলি । [ অনুভূতদের প্রতি ] পিতামহ !—

অনুভূত । হাঁ, সংবাদ দেওয়া হয় নাই । বুঝেছিলাম, তাতে দৈত্যনাথের বিশেষ কোন লাভ নাই ।

প্রহ্লাদ । কেন দাদা ! আমি কি অস্ত্র ধরতে অক্ষম ? আমার কার্ম্ম কটকটারে আর কি বিশ্ব বধির হয় না ? কেন দাদা ! বুদ্ধ হয়েছি ব'লে ? যদিও বয়স হয়েছে, তবু আমি তো তোমার কনিষ্ঠ !

অনুভূত । সে জন্তু নয় ভাই ! বলা হয় নাই—এ সংঘর্ষে তুমি আপনাকে ঠিক রাখতে পারবে না ব'লে ।

প্রহ্লাদ । আপনাকে ঠিক রাখতে পারবো না ? বল কি দাদা ? এত অস্ত্রের প্রকৃতি প্রহ্লাদ ? স্বর্গের নামে শির নত করে ব'লে তার আত্মমর্গ্যাদা নাই ? এত কাপুরুষ তোমার ভাই, দেবতার অর্চনা করে ব'লে জাতীয় গৌরব জানে না ? ধনুবাদ দিই দাদা তোমাকে—ধনুবাদ দিই তোমার ধারণাকে ।

অনুভূত । [ সবিস্ময়ে প্রহ্লাদের দিকে চাহিয়া বলিলেন : কি বল্ছো প্রহ্লাদ ! আমি তোমার ভাষা বুঝে উঠতে পারছি না ভাই ! সব যেন জটিল—সব যেন প্রহেলিকাময়—সব যেন রহস্যগর্ভ । তুমি যুদ্ধ করবে ?

প্রহ্লাদ । তা না হ'লে বিনা আত্মানে আপনা হ'তে ছুটে আসবো কেন দাদা ? আমি যুদ্ধ করবো, ঠিক রাজভক্ত প্রজার মত যুদ্ধ করবো—আমার বলতে কিছু আছে, সব দিয়ে যুদ্ধ করবো ।

অনুভূত : তোমার নারায়ণের বিপক্ষে ?

প্রহ্লাদ । আমার নারায়ণের বিপক্ষে, আমার ইহকাল পরকালের বিপক্ষে, আমার মজ্জাগত প্রবৃত্তি - অন্নব্যাপী লক্ষ্যের বিপক্ষে ।

অনুভূত । আশ্চর্য্য !

পঞ্চম গর্ভাক । ]

বিদ্যা-বলি

প্রহ্লাদ । আশ্চর্যের কিছু নাই দাদা ! যতদিন পেরেছিলাম—  
তোমাদের এ পথ হ'তে ফেরাবার চেষ্টা করেছিলাম। যখন পারলাম  
না—তখন আর উপায় কি দাদা ? ধর্ম নিয়ে যত হুন্দই করি না, কঠোর  
সময় আমি তোমাদের, সম্পদের কালে যত শত্রুই হই না, বিপদের  
সময় আমি তোমাদের। সেই আমার জাতীয়তা—সেই আমার আত্ম-  
প্রসাদ—সেই আমার কর্তব্য। অগতের কোন প্রীতিকর বস্তু আমি একা  
ভোগ করতে চাই না—ভোগ করতে চাই সমস্ত দৈত্যজাতির সহিত।  
তা যখন পারলাম না, তখন তোমাদেরও যে দশ'—আমারও তাই।

অনুহাদ । [ অব্যেগভরে বলিলেন ] বুকে আর ভাই, বুকে আর—  
শীত গ্রীষ্ম মিলে মধুর বসন্তের উদয় হোক, অনেক দিন পর আমি আবার  
ভাইয়ের দাদা হই। [ আলিঙ্গন ;

প্রহ্লাদ । দাদা—দাদা !

বলি । [ অদ্ভোচ্চারিতস্বরে ] কি আশ্চর্য্য মিলন ! [ প্রহ্লাদের  
প্রতি ] তবে গ্রহণ করুন পিতামহ, এ রাজ্যের কল্যাণভার, গ্রহণ  
করুন এই অস্ত্র, গ্রহণ করুন এই দুর্বার সংগ্রামের সেনাপতি-পদ :  
[ অস্ত্র প্রদান ]

প্রহ্লাদ । রাজদত্ত এ অস্ত্র পরিচালন করতে হৃদয়ের সমস্ত রক্তবিন্দু  
আমার মুষ্টিমধ্যে আশুক ; আমার জীবনপাতে রাজ্যের শ্রীবৃদ্ধি হোক ,  
ঐহিক পারত্রিক আমার সর্বস্ব দিয়ে এ পদের মর্যাদা রক্ষা হোক :

শুক্লাচার্য্য । বল, অন্ন দৈত্যেশ্বর বলির জয় !

সকলে । অন্ন দৈত্যেশ্বর বলির জয় !

সকলের প্রশ্নান ।

# দ্বিতীয় অঙ্ক ।

প্রথম গর্ভাঙ্ক ।

রণভূমির একপার্শ্ব ।

কাল, কুবের, পবন, ইন্দ্র, দাঁড়াইয়াছিলেন,  
দেবর্ষি গাহিতেছিলেন ।

দেবর্ষি ।—

গীত ।

বল জয় শক্র-নিন্দন নারায়ণ ।

জয় শঙ্খ-চক্র-গদা-পদ্মধারী

মুরহর মধুসূদন ।

মংশু কুম্ভরূপী কল্যাণ পারাবার,

হিরণ্যাকহারী বরাহ অবতার,

কনককশিপু-অরি হে নরকেশরি,

দুষ্ট দমনকারী দীপ্ত নরন ।

সূর্য্য তেজঃ তব সৃষ্ট কলেবর,

উচ্চ শির তব হিমাত্রি-শিখর,

সীমুতমস্ত্র সে তো তোমারি কণ্ঠধর,

সপ্তসিদ্ধ প্রভু তোমারি শরন ।

[ প্রস্থান ।

পবন । শক্রসৈন্য ক্রমেই অগ্রসর হ'চ্ছে । আর বাধা না দিলে  
রোধ করা কষ্টসাধ্য হ'য়ে পড়বে । অকুমতি দাও সেনাপতি ! আক্র-  
মণ করি ।

কাল । সকলেরই অভিমত তাই ?

ইন্দ্র । তোমার কি যুক্তি সেনাপতি ?

কাল । আমার নিবেদন, আমরা আক্রমণকারী নই, সেজেছি মাত্র আক্রমণ ব্যর্থ করতে । শক্তির পরীক্ষা দিতে আমরা আসি নাই, আমরা এসেছি শক্তির পরীক্ষা নিতে । হত্যাকাণ্ডের সূচনার দেবতার নাম থাকতে পারে না, দেবতা থাকবে অবশ্য কর্তব্যের পাছে পাছে :

ইন্দ্র । দেবতার যোগ্য সেনাপতি তুমি কাল ! আমারও সঙ্কল্প তাই । দেবগণ ! সহস্র রোষদৃষ্টি অগ্নিশিখার মত ধেয়ে এসে তোমাদের উপর পড়ুক, তোমাদের শ্রী সেই প্রীতিপ্রফুল্ল থাক ; অবারিত দানবী স্পর্ধা অভিশাপের মত উড়ে এসে তোমাদের নত করবার চেষ্টা করুক, তোমরা সেই করুণাপ্লুত বরদ হৃদয়খানি নিয়ে সবার মাথার উপর দাঁড়িয়ে থাক ; অনন্ত পরাজয় এসে বহ্নার মত তোমাদের বীরত্বকাহিনী সৃষ্টি হ'তে ধুয়ে নিয়ে যাক, দেখো—লক্ষ্য রেখো, দেবতার গৌরব যেন ম্লান না হয় ।

সকলে । অয় স্বর্গাধিপ দেবেজের অয় !

ইন্দ্র । তা নয় ভাই ! বল তাঁর অয়, যার দয়ায় ইন্দ্র—যার দান এই স্বর্গ—যার ইচ্ছায় তোমরা দেবতা । গাও সেই গান, নির্জীবও যে সুরে জীবন্ত হ'য়ে নেচে উঠবে—অস্ত্র বিনা ফেপনে আপনা হ'তে গর্জন ক'রে ছুটবে—শত্রুর চক্ষেও প্রেমধার' প্রবাহিত ক'রে একটা নবীন শক্তি রণস্থলে ফুটে উঠবে । বল, অয় শত্রু-নিন্দন নারায়ণের অয় !

সকলে । অয় শত্রু-নিন্দন নারায়ণের অয় !

[ সকলের প্রস্থান ।

প্রহ্লাদ, অনুহ্লাদ, বলি, বাণ ও মহানাদের প্রবেশ ।

বাণ । প্রবল বিক্রমে বিশ্ববন্ধ কাঁপিয়ে ক্রমশঃই সম্মুখদিকে অগ্রসর হ'চ্ছি, কিন্তু কৈ, শত্রুপক্ষের বাধা দেবার কোন উদ্যোগই তো দেখি না ।

প্রহ্লাদ । ওরা এখন বাধা বেবে না বৎস !

অনুহাদ । দেবে কখন ? বণ্ডায় কণ্ঠ পর্যাস্ত গ্রাস করলে ? আগুন চতুর্দিক অধিকার ক'রে বস্লে ? বিষ সবটা রক্তের সঙ্গে মিশে গেল ?

প্রহ্লাদ । হাঁ দাদা, এক প্রকার তাই ।

অনুহাদ । আশ্চর্য্য ! শত্রুকে এমন প্রবল করা—সর্বনাশকে এতটা প্রশ্রয় দেওয়া—যুদ্ধে নেমে পরাজয়কে ডেকে নেওয়া, এ আবার কোন্ নীতি ?

প্রহ্লাদ । এ নীতি কখনও দেখ নি দাদা ! একে বলে দেবনীতি ।

মহানাদ । দেবনীতি ! ঐ গৌরবই ওদের সর্বনাশ করবে । ঐ স্পর্ধাই এদের পর্বতশৃঙ্গ হ'তে গভীর কূপে আছড়ে ফেলবে ; দেবত্বের অভিমান নিয়ে ওরা আপনার আলো আপনি জড়িয়ে মরবে । লোকের অধঃপতন ঘটাতে উচ্চতার কাছে আর কেউ নাই ।

প্রহ্লাদ । তা বটে মহানাদ ! তবু ওরা উচ্চতা ছাড়বে না ! প্রবল ঝঞ্ঝা ভূকম্পনে অত্যাচ্চ অট্টালিকার মত ওরা একেবারে চুবমার হ'য়ে পড়বে, তবু বৃক্ষলতার মত ওলটপালট করতে মাটী কামড়ে থাকবে না । ওরা শত্রুর বর্ষায় বুক পেতে দেবে, তবু আগে বর্ষা তুলবে না শুধু ঐ টুকুই ওদের অস্ত্র সকল জাতি হ'তে বিশেষত্ব ।

বলি । তা হ'লে আমাদের কর্তব্য কি ?

প্রহ্লাদ । আমাদের আবার কর্তব্যাকর্তব্যের বিচার কি ? আমরা আক্রমণ করতে এসেছি, আক্রমণ করবো । সিংহের মত দিকারের সম্মুখে থাকা পেতে বসেছি, চক্ষুর নিমেষে ঝাপিয়ে পড়বো ! সৃষ্টির সমস্ত উদারতা, সমস্ত অনুকম্পা, সমস্ত মহত্বের মাথায় পদাঘাত ক'রে নিষ্ঠুরতার রক্তাক্ত শকট নিঃসঙ্কোচে চালিয়ে দেবো !

অনুহাদ । এই তো সোজা কথা ! এসেছি যুদ্ধে—এখানে হৃদয়



দ্বিতীয় গর্ভাক ।

বিক্ষ্যা-বলি

নিরে মাথা ঘামাতে গেলে চলবে না ! মাথা ঘামাতে হবে অঙ্গচালনা  
নিরে । বিচার বিবেচনা কর্তব্য সব ভুলে যাও ; চালাও সৃষ্টির প্রান্ত  
হ'তে প্রান্ত পর্যন্ত বিরাট হত্যাকাণ্ড ।

বলি :           হোক তবে চরণে দলিত দয়া, ধর্ম,  
                  বিবেক, মহৎ, শ্রেষ্ঠ বৃত্তি যত এ সৃষ্টির ।  
                  চাহিও না কোন দিকে, মুদে থাক আঁখি,  
                  শুনিও না কিছু, শ্রবণে অঙ্গুলি দাও,  
                  ভুলে যাও অনুভূতি, হৃদয় পাষাণ কর,  
                  মাত্র ধর কর্ণের নিশান,  
                  শুধু ছোট শক্তির প্রবাহে ।

প্রস্থান ।

প্রহ্লাদ ।   বল, জন্ম দৈত্যোক্ত বলির জন্ম !

সকলে ।   জন্ম দৈত্যোক্ত বলির জন্ম !

সকলের প্রস্থান ।

দ্বিতীয় গর্ভাক ।

রণশূল-সান্নিধ্য ।

বিরোচন ।

বিরোচন । হরে মুরারে মধুকৈটভারে, গোপাল গোবিন্দ মুকুন্দ  
সৌরে । কে জানতো বাবা, এতে এস রস ! রসনা অবশ হ'য়ে ওঠে !  
কি সুন্দর ! হরে মুরারে মধুকৈটভারে,—কি মধুর, গোপাল গোবিন্দ  
মুকুন্দ সৌরে । আহা-হা, সবাই কেন এই মন্ত্র জপে না ? জগৎ

কি রসের ধার ধারে না? না—না, জগৎ তো চিরকালে রসিক! সে জন্মাবধি রস খুঁজছে—কিন্তু হাতড়ে পাচ্ছে না। পাবে কোথা? রস চাচ্ছে, নীরস ঐশ্বর্যের পারে মাথা ঠুকে; রস খুঁজছে, কদর্যা নারী-রূপের ভিতর দিয়ে; রস ভিক্ষা করছে, নগ্নর যশঃ মানের পূজা করে। পায় কি? আসল রসের ভাগ্যর খোলা, তবু সেদিকে মোটেই তাকাচ্ছে না। এসো না, এসো না ভাই, একটু পাশ কাটিয়ে এদিকে এসো না? এই যে রসের অতল কূপ—হরে মুরারে মধুকৈটভারে. গোপাল গোবিন্দ মুকুন্দ সৌরে।

### অনন্ত প্রবেশ করিল।

অনন্ত। কি হে! তুমি যে আবার এখানে?

বিরোচন। আবার—আবার তুমি? সেই অনন্ত—অসীম!

অনন্ত। হাঁ বাবা, সেই অনন্ত; কিন্তু বলি, এই যুদ্ধস্থলের পাশে দাড়িয়ে উঁকি-ঝুকি মারছো কেন? হু' এক হাত দেখবে না কি?

বিরোচন। [ ইতস্ততঃ করিয়া বলিলেন ] এটা রণস্থল! কে বললে? এঁয়া! তাহ তো বটে! ঐ যে স্বার্থের বাজনা বাজছে! ঐ যে মাতালের দল আপনার খেয়ালে নাচ্ছে! ঐ যে সব কুকুরের মত এ ওর টুঁটী কামড়ে ধরছে! না বাবা, কিন্তু মশাই! আমি ঠাওরাতে পারি নি, ভুলে এসে পড়েছি; ; মাপ কর বাবা! এই আমি যাচ্ছি। [ প্রস্থানোত্ত ]

অনন্ত। আরে, যাবে কোথা? এলে যখন এতটা, তখন একটু দেখেই যাও।

বিরোচন। কি দেখবো বাবা, কি দেখতে বলছো?

অনন্ত। এই যুদ্ধবিঘাটা আজও আয়ত্তে আছে কি না, আর কি!

বিরোচন । ও আর দেখতে হবে না বাবা ! ও সব লোক মারা বিড়ে আমার পেটে গজ্গজ্ করছে ! ওর পরথে আর দরকার নাই । এখন একটু লোক বাচানো বিড়ে খুঁজছি, দিতে পার ? দেখাতে পার ? সকলান ব'লে দিতে পার ?

অনন্ত । এই কথা ? আরে ও তো ঐখানেই পাবে । তোমার লোক মারা বিড়েও যেখানে, লোক বাচানো বিড়েও সেইখানে । সূর্য্য যে শক্তিতে সমুদ্রকে শোষণ করে, সেই শক্তিতেই পৃথিবীকে সরস করে । সেটা কি তার সমুদ্রমারা বিড়ে বাবা ? একটা মাথা নিলে যদি এক লক্ষ মাথা বাচে, সেটাকে লাঠিয়ালি বলে তোমার কোন্ শাস্ত্রে ? নাও—নাও, তোমার ও সব পাগলামি ছেড়ে দাও ।

বিরোচন । তুমি কি বলছো ? তোমার কথা ঠিক শুন্তে পাচ্ছি না, আমার মধ্যে একটা প্রকাণ্ড ঝড় চলেছে । যদিও একটু আধটু শুন্তে পাচ্ছি—কিন্তু ভাষা বুঝে উঠতে পাচ্ছি না, আমি যেন এ দেশের নই । জ্বোরে বল—বুঝিয়ে বল—ঠিক ক'রে বল ।

অনন্ত । বা বলেছি, ঠিক বলেছি । হেতের ধর—হেতের ধর । চোখের সামনে অমন একটা যুদ্ধ চলছে, তোমার পা ছ'খানা আপনা হ'তে নেচে উঠছে না ?

বিরোচন । এই বা ! মাথাটা খেলে, আবার ভেঙ্কি লাগালে দেখছি ।

### সীমার প্রবেশ ।

সীমা । ভেঙ্কি লাগাবে কি ? হুলোপড়া দাও—তোমার সেই আগুসারা অপ ।

বিরোচন । এলো তো মা স্তুরাং ! কোথা ছিলে এতক্ষণ ? এই

দেখ, আমার নেহাৎ একলাটী পেয়ে তোমার কিছু মশায় বেজার জ্বর-দন্তি আরম্ভ করেছে । ও বলে কি না যুদ্ধ কর । হাঁ মা ! তাই করবো ?

সীমা । সে কি ! এতদূর উঠে ডিগ্বাজি খেয়ে পড়বে ? বল কি ?

অনন্ত । আর এতদূর এসে গোফ চুম্বরে শুধু ফিরে যাবে—মাইরি ?

সীমা । তুমি কি মনে করেছ বল দেখি ?

অনন্ত । যাও—যাও, তোমার সঙ্গে কথা কইতে চাই না ?

সীমা । তোমার সঙ্গে কথা কইবার জগুই বা কোন পোড়ারমুখী বিরহ-শয্যায় শুয়ে ছট্ফট্ করছে ?

অনন্ত । কি হে ! তুমি যুদ্ধ করবে কি না বল দেখি ?

বিরোচন । এ্যা—তাই তো !

সীমা । সাক্ষ জবাব দাও না—যা ছেড়েছি, তা আর ধরবো না ।

বিরোচন । তা—তা—তা নয় তো কি ?

অনন্ত । তা নয় তো কি ? তোমার সমস্ত দৈত্যজাতি—ছেলে বুড়ো ক'রে সবাই এই যুদ্ধে অস্ত্র ধরেছে, আর তুমি—

বিরোচন । সতি—সত্যি কিছু মশায় ? আমাদের সবাই—

সীমা । এঃ, তোমার মতিচ্ছন্ন ধরেছে বটে ? তোমার দৈত্যজাতি লড়াই করছে তো তোমার কি ? তারা নরকে ডুবছে ব'লে আমাকে ও তাই করতে হবে ? বিরোচন ! সাবধান ! যখন সরেছ, তখন ও জাতিব গণ্ডী হ'তে স'রে দাড়াও, সকল জাতির অতীত হও । দেখবে, জাতি ব'লে কিছু নাই—জাতি ব'লে কোন কিছু ঈশ্বরের সৃষ্টি নয় ।

বিরোচন । ঠিক ! না—আমি জাতি চাই না ! জাতীয় কৰ্ম আমার ধর্ম নয়, জাতীয় উদ্দেশ্য আমার লক্ষ্য নয় । জাতি কি আমার জীবন-সমুদ্রের পরপারে গিয়ে আমার জগু এই রকম অস্ত্র ধরতে পারবে ? আমার রক্ষা করতে পারবে ? তবে কিসের জাতি ?

অনন্ত । তা পারবে না, তবু জাতি—জাতি । তোমার চোখে জল দেখলে জাতির বুক ফাটে ; তোমার রক্তপাত দেখলে তাদের রক্ত গরম হয় । যাক্ সে কথা, এখন ওদিকে দেখছো—তোমার পৌত্র কি সর্কনাশ করতে বসেছে ! সে পবনের সঙ্গে লড়াই দিতে চলেছে ।

বিরোচন । আমার পৌত্র বাণ ? হায়—হায়—হায় ! বাছা কি আর ফিরবে ?

সীমা । কে পৌত্র ? কার পৌত্র ? কে ফিরবে—না ফিরবে, তা নিয়ে তোমার মাথা ঘামাবার দরকার ? তুমি নিজে ফেরো, দেখবে—সংসারের কারো ফেরা ঘোরার জন্ত বড় একটা যায় আসে না ।

বিরোচন । সে কথা স্বীকার করতে হবে বৈ কি । দেখতে তো পাচ্ছি, মাত্র ছ’দিন লোক লোকের জন্ত কাঁদে, তারপর যা কে তাই । আবার হাসে আবার খেলে, আবার একটা কিছু নিয়ে আপনাকে মজিয়ে তোলে ; এই তো সংসার—এই তে; তার সম্বন্ধ !

অনন্ত । তোমার সম্বন্ধ-জ্ঞান তো খুব টন্টনে দেখছি । নিজের পৌত্র—যাক্, এদিকে দেখ বিরোচন ! তোমার পুত্র ইন্ডের সম্মুখে !

বিরোচন । ইন্ডের সম্মুখে ? তার হাতে বজ্র আছে যে !

সীমা । সাবধান ! সে বজ্র তার মাথায় না প’ড়ে তোমার মাথাতেই যেন আগে পড়ে না ।

বিরোচন । কিছুই বুঝতে পারছি না, আমি যেন কি হ’য়ে যাচ্ছি । ছেলের মাথায় বাজ পড়ছে, সেদিকে লক্ষ্য না ক’রে নিজের মাথা বাঁচাতে হবে ! এ বেটা বলে কি ? আমি কি পশু ?

অনন্ত । আবার ওদিকে দেখ বিরোচন ! কি ভয়ানক ! তোমার পিতা—বৃদ্ধ পিতা আজ কালের মুখে, সাক্ষাৎ মৃত্যুর কোলে ।

বিরোচন । পিতা ! পিতা !

সীমা । সাবধান বিরোচন !

বিরোচন । আর সাবধান ! এবার আমার ষথার্থই কান্না এসেছে ।  
পুত্র, পৌত্র মন হ'তে মুছে দিয়েছিলুম, এ আমার পিতা—যা হ'তে  
আমি বিরোচন । সারগর্ভ হ'লেও—না, এবার আর তোমার কথা  
টিকলো না, ভেমে গেল—আমিও ভাসলুম ।

### গীত ।

সীমা ।— ভেসে না কুল পাবে না, এ যে অকুল সমুদ্র ।

অনন্ত ।— না হয় তবে দেখবে ডুবে পাতালখানাই কত দূর ।

সীমা ।— পাতাল দেখে লাভ কি, সে তো অন্ধকার আর সাপের বাস ।

অনন্ত ।— সাপের মাথার মাণিক থাকে, আঁধার হ'তেই আলোর আশা ।

সীমা ।— সোজা পথ সামনে প'ড়ে, ঘুরবে কেন এমন ঘুর ।

অনন্ত ।— আ-মরি কি বুদ্ধিটা তোমার ফুরের ধার,

সীমা ।— হঠাৎ বাত পদে পদে মিছে গরব করছে আর,

কেবল তোমার দাঁতখামুটা সার,—

অনন্ত ।— তোমার ঘুর-ঘুরানি ভাঙ্গবো এবার মাজা ভেঙ্গে করবো চুর,

সীমা ।— উড়তে নারো কাঁচা ডানা করছে তাই ফুরফুর ।

[ অনন্ত ও সীমার প্রস্থান ।

বিরোচন । তাই তো, এরা কারা ? ঠিক বোঝা যাচ্ছে না । ধেয়ে  
আসে, আমার হ' হাত ধ'রে হ'জনে টানাটানি করে, নাচে—গায়—  
চ'লে যায় । এদের মধ্যেও যেন একটা বিরাট লড়াই চলছে—প্রভুত্ব  
নিরে হৃন্দ হ'চ্ছে—আমাকেই যেন ওদের জয়-পরাজয়ের দৃষ্টান্ত ক'রে  
তুলেছে ! তা হোক, তবু আমি যুদ্ধ করবো । আমার পিতা—আমি যুদ্ধ  
করবো ! আমার ইহকাল পরকাল—আমি যুদ্ধ করবো । [ গমনোচ্ছত ]

দুর্লভ প্রবেশ করিল ।

দুর্লভ । হরে মুরারে মধুকৈটভারে, গোপাল গোবিন্দ মুকুন্দ সোরে !  
বিরোচন !

বিরোচন । আবার সেই কিশোর মুর্তি ! ভাই ! ভাই !

দুর্লভ কোথা যাচ্ছিলে ভাই ?

বিরোচন । কোথা যাচ্ছিলাম ? ভাই তো, কোথা যাচ্ছিলাম—  
মনে আসছে না যে ভাই !

দুর্লভ । যুদ্ধে যাচ্ছিলে নয় ?

বিরোচন । তা হবে ! তবে সে আমি বাই নাই ভাই, কে আমার  
হাত ধরে টেনে নিয়ে যাচ্ছে ।

দুর্লভ । টেনে নিয়ে যাচ্ছে তোমার পিতৃভক্তি, তোমার পুত্রস্নেহ,  
তোমার পোলের মায়া—এই তো ?

বিরোচন । তা মিথ্যা নয় ।

দুর্লভ । তারা তোমার টেনে নিয়ে যাচ্ছে, আর তুমি তাদের  
টানতে পারছো না ? এই শক্তি নিয়ে যুদ্ধে নামছো বিরোচন ?

বিরোচন । এ আবার তুমি কি কথা বলছো ?

দুর্লভ । যুদ্ধের কথাই বলছি । আসল যুদ্ধের কথা—অস্ত্রযুদ্ধের  
কথা,—এ বহির্যুদ্ধের কথা নয় !

বিরোচন । অস্ত্রযুদ্ধ ?

দুর্লভ । অস্ত্রযুদ্ধ—তোমার সঙ্গে তোমারই যুদ্ধ ।

বিরোচন । আমার সঙ্গে আমার যুদ্ধ ?

দুর্লভ । হাঁ বিরোচন ! তোমার ভিতর আব একটা তুমি লুকিয়ে  
রয়েছে, টের পাচ্ছ ?

বিরোচন । এ্যা ! বল কি ?

ডুলভ । সে কাম, ক্রোধ, লোভ, মদ, মোহ, মৎসর্ঘ্য, ছ' জন  
সৈন্যাদ্যক্ষ নিয়ে প্রবল বিক্রমে তোমার আক্রমণ করছে, দেখতে পাচ্ছ ?

বিরোচন । ওঃ—

ডুলভ । তুমি হঠছো—বুঝতে পারছো ?

বিরোচন । হঠছি—হঠছি,—তাই তো বটে ! তা হ'লে কি করি ?

ডুলভ । যুদ্ধের জগৎ পাগল হয়েছিলে বিরোচন, যুদ্ধ কর । নিজের  
ভিতর এমন ঢুক ঢুক যুদ্ধের দামামা বাচ্ছ—শত্রুর গড়া মাথায় বুলছে,  
আর তুমি যাচ্ছ কোথায় ভাই ? কে বললে—ওখানে তোমার পিতা-  
পুত্র বিপন্ন ? সে সব মিথ্যা ; তোমার প্রকৃত পিতা, পুত্র, পৌত্র, বিপন্ন  
এইখানেই ।

বিরোচন । এখানে আমার পিতা—পুত্র—পৌত্র ?

ডুলভ । দেখ বিরোচন, তোমার বৈরাগ্য-পৌত্র ভ্রম-জয়ন্তের  
সম্মুখে ; সে বাণে বাণে তাকে উড়িয়ে দেবার চেষ্টা করছে । দেখ  
ভাই, তোমার বিবেক-পুত্র মোহ-শচীশরের করতলে ; সে বজ্রাঘাতে বুঝি  
তাকে ছাই ক'রে দেয় ! আরও দেখ বন্ধু, সর্বশেষে সর্ব উচ্ছে তোমার  
জ্ঞানরূপ বৃদ্ধ পিতা কামরূপী মহাকালের মুগ্ধগহ্বরে । বিরোচন ! ভাই !  
যদি যোদ্ধা হও, অগ্রসর হও—যুদ্ধ কর—ওদের বাঁচাও ।

বিরোচন । কি ক'রে বাঁচাবো ? এ যে অদৃষ্টপূর্ব রণস্থল ! এ যে  
অভিনব যুদ্ধ ! এ যে অমর হ'তেও অমর শত্রু ! ভয় হ'চ্ছে ভাই !  
এ যুদ্ধবিজ্ঞা আমার শেখা নাই যে ভাই ! আমি কি অস্ত্র ব্যবহার করবো  
ভাই ?

ডুলভ । এ যুদ্ধের অস্ত্র সংঘম—বিচার—সাধনা ।

বিরোচন । ও-হো-হো ! আমার চৈতন্য হয়েছে । আমি ভ্রমে



আচ্ছন্ন ছিলাম—মোহ আমার কণ্ঠ পর্যন্ত গ্রাস ক'রে ফেলেছিল—  
কাম আমার সকল শক্তি স্তম্ভ ক'রে রেখেছিল । চোখ কুটেছে—শক্তি  
কুটেছে—অঙ্গ পেয়েছি ; আমি যুদ্ধ করবো—ওদেব বাঁচাবে' ।

জর্জন । তবে যাও ভাই, স্নাতকীয় বহির্বিদ্ব হ'তে এই ভীষণ অঙ্গ-  
যুদ্ধে । জয়ী সে নয়, যে রক্তস্রোত প্রবাহিত ক'রে অসহ্যেলে বিশ্বজয়  
করতে পারে ; জয়ী বলি তাকে, যে প্রেমস্রোত প্রবাহিত ক'রে শূন্য  
আত্মজয় করতে পারে ।

প্রস্থান ।

বিরোচন । সেদিন অপমঙ্গ পেয়েছিলাম, আজ কাম পেলাম । তবে  
এসো সংগম, এসো বিচার, এসো সাধনা, আমি যুদ্ধে নামবো— আমি  
শত্রুসংহার করবো—আমি জয়ী হবো ।

### গীতকণ্ঠে কামের আবির্ভাব ।

কাম ।—

#### গীত ।

বাণে ঐ রণভেরী ।

সাজ সাজ বীর, চল চল দূর, তোল রে শাগিত তরবার ।

এ যে অস্তিনব রণস্থল ।

মারার সেধায় রচিত বৃত্ত, দেখাও শিক্ষা-কৌশল,—

সচেতন কর কুণ্ডলিনীকে, ভিতরে কাম কি দেখে বাহিরে

হৃৎকল ভ্রমি ওঠে সহস্রারে সাজ সকল ননরেরি ।

বিরোচনের হস্ত ধরিয়া প্রস্থান ।

## তৃতীয় গর্ভাঙ্ক ।

রগস্থল ।

### কুবের ও অনুহাদের প্রবেশ ।

কুবের । তা হ'লে একান্তই বুদ্ধ করবে ?

অনুহাদ । আমি আর তোমার কথার উত্তর করতে পারছি না রাজা ! আগার ভাষা কুরিয়ে গেছে । এখন ইচ্ছা হ'চ্ছে, এমন একটা মন্ত্র পাই—তুড়ী দিলেই তোমাদের যুগ্মশুলো আপনি এসে আমার গলার মালা হ'য়ে যায় ! নিখাস দিলেই সেই টানে স্বর্গখানা উপড়ে এসে আমার পেটের ভিতর ঢুকে পড়ে ! আর ধূলোপড়া দিলেই ঈশ্বর বলতে যদি কেউ থাকে তো সে যেখানেই থাক, কাণা হ'য়ে যায় !

কুবের । অনুহাদ !

অনুহাদ । কথা ক'রো না রাজা ! এর উপর আর কথা নাই, অস্ত্র ধর ।

কুবের । বুদ্ধ !

অনুহাদ । পুনরায় কথা কইলে ঐ নিরস্ত্র অবস্থাতেই অস্ত্রাঘাত করবো । আমি ধর্ম রাখবো না,—আমার মাথা বিগড়ে গেছে ।

কুবের । না, তুমি ধর্ম না রাখলেও আমার কর্তব্য, তোমার ধর্ম যাতে থাকে, সে বিষয়ে দৃষ্টিপাত করা । এসো বুদ্ধ, আক্রমণ কর ।  
[ অসি নিক্ষেপন করিলেন । ]

অনুহাদ । তবে সাবধান ! এ ব্যাঘ্রের আক্রমণ নয়—দস্যুর আক্রমণ নয় ; এ আক্রমণ হিরণ্যকশিপুর মর্ষাহত ব্যথিত প্রজ্বলিত পুত্রের ।

[ বুদ্ধ করিতে করিতে প্রস্থান ।

ধনুষ্টানিরত বাণ ও পবন প্রবেশ করিলেন ; কিয়ৎক্ষণ  
যুদ্ধের পর সহসা পবনের ধনুগুণ ছিন্ন হইল ।

বাণ ।            পরাজিত তুমি  
পবন ।            বাকো বটে পরাজয় মোর ।  
বাণ ।            যুদ্ধেও তো হ'লো পরিচয় ।  
                  ধনুগুণ কাটি মুহমুহঃ,  
                  অঙ্গ বিধি আঁথি পালটিতে,  
                  রক্তশ্রোত প্রবাহিত মর্শ্বস্থল হ'তে ,  
                  কাঁপে দেহ গর গর,  
                  চক্ষে দেখ ঘোর অন্ধকার,  
                  পরাজয় কারে বলে আর !  
পবন ।            করুণার অবতার দেবতা আমরা  
                  ব্যস্ত সদা পরের মঙ্গলে,  
                  আত্মরক্ষাকল্পে চির-উদাসীন ।  
                  তাই ছিন্ন ধনুগুণ মোর,  
                  তাই বহে রক্তশ্রোত বৃকে,  
                  অঙ্গ কাঁপে তাই চক্ষে বহে ধারা :  
                  ভাবিও না পরাজিত আমি,  
                  মগ্ন ছিন্ন মাত্র কর্ত্যপুজার ।  
                  সে রতের বণাসাধা হয়েছে সাধন,  
                  এস—অসি ধর,  
                  জয় পরাজয় কার, দেখা যাক এইবার ।  
বাণ ।            দেখা গেছে বহুক্ষণ—বহুদিন—বহুযুগ ।

হিরণ্যাক্ষ হেতু যবে পাতালপুরীতে  
 দেবতার শ্রেষ্ঠ তব কদর্যা বরাহ,—  
 হিরণ্যকশিপু বধে  
 ছলনার আড়ম্বরে যবে  
 প্রদত্ত অমর বর  
 প্রকারান্ত্রে করিল গণ্ডন :  
 আর যবে সমুদ্র-মস্থল,  
 বাড়াতে দেবের মান,  
 ঈশ্বরি দিতে দানবেরে  
 কষ্টসাধ্য উপার্জন হ'তে,  
 পরম পুরুষে তব সভাগণ মাঝে  
 রণিতা বামার বেশে হইল নাড়াতে ;  
 সেই দিন সেই দণ্ডে  
 হ'য়ে গেছে চূড়ান্ত মীমাংসা—  
 কার শক্তি কত ।  
 তবুও যখন করিলে প্রার্থনা,  
 নহি আমি চিন্তহীন,  
 এস তাই অসিযুদ্ধে—  
 তোমার শেষের সাধ অবশ্য মিটাব ।

! বৃধ্যমান উভয়ের প্রস্থান ।

বলি ও ইন্দ্রের প্রবেশ ।

বলি ।

এই বাণে নমস্কার লহ দেবরাজ !

[ বাণত্যাগ ]

ইন্দ্র । এই বাণে আশীর্বাদ জানিও আমার ।

[ বাণত্যাগ ।

বলি । সাবধান, আত্মরক্ষা কর এই বাণে ।

ইন্দ্র । আত্মরক্ষা ! অনেক দূরের কথা,—

ওই দেখ বলি !

অন্ধপথে অস্ত্র তব হইল বিধবস্ত ।

বলি । পুনঃ বাণ করিহু সন্ধান ।

ইন্দ্র । পুনঃ ওই হ'লো খান খান ।

বলি । ধরিলাম বিগ্নিঞ্জয়ী অসি,

এইবার ইন্দ্রসনে সৃষ্টি প্রলয় ।

ইন্দ্র । বাক্য ঘেন রক্ষা হয় বলি !

[ যুদ্ধ করিতে করিতে প্রস্থান ।

### কাল ও প্রহ্লাদের প্রবেশ ।

প্রহ্লাদ । আজ একটু সতর্ক হ'য়ে যুদ্ধ করবে কাল !

কাল । কালকে অত সতর্ক করতে হবে না বীর ! বরং তুমি সতর্ক হও,—কালের সঙ্গে যুদ্ধ । সে বিরাট কিম্ব তার গতি বড় সূক্ষ্মের উপর দিবে । একটু ছিদ্র পেলেই সে তোমার সবটা তোমপাড় ক'রে দেবে ।

প্রহ্লাদ । আমিও তাই রণী মহারণীদের উপেক্ষা ক'রে তোমার সঙ্গে সাফাৎ করতে এসেছি কাল !

কাল । বেশ, অস্ত্র ধর ।

প্রহ্লাদ । সাবধান হও ।

[ যুদ্ধ করিতে করিতে উভয়ের প্রস্থান ।

উন্মত্তভাবে আলুলায়িতকুন্তলা দিতির প্রবেশ ।

দিতি ।           চূর্ণ করি পদাঘাতে পিঞ্জরের দ্বার  
 ছেড়েছি সিংহের দল,  
 দেখায়েছি তর্জনী-সঙ্কেতে  
 শিকারের সমূহ কৌশল ।  
 যাক্ সৃষ্টি রসাতল—  
 যাক্ বিশ্ব বীভৎসে ভরিয়া ।  
 ঐ ধায় প্রমত্ত আবেগে  
 দিতির শাবকগণ,  
 করাল গর্জনে কাঁপায় বসুঁধাবন্ধ,  
 কাঁপায় করীন্দ্র-শিরে  
 উন্মত্ত লক্ষনে,  
 মিটার আকর্ষণে পানে  
 আত্ম সঞ্চিত যত শোণিত-পিপাসা ।

অদিতির প্রবেশ ।

অদিতি ।       দিদি !  
 দিতি ।       মিটাও—মিটাও বাপ যত সাথে প্রাণে,  
 মিটাও রে বুবুক্ষু-কেশরী,  
 শত্রুর মস্তিকে ত্বরন্ত অঠরজালা ।  
 বহু সাধনার পেয়েছ সুযোগ,  
 বহু তপস্যার হয়েছে সময়,  
 বহু বাধা হইয়া উত্তীর্ণ

নেমেছ করম-পথে,—

ছাড় রে আলম,

অগ্রসর হও বিজয়-মন্দিরে ।

অদিতি । দিদি ! দিদি ! পায়ে ধরি তোমার, আমার দিকে  
একবার তাকাও । [ পদতলে পতন ]

দিতি । অদিতি ! বেশ সময়ে এসোছিস বোন, যুদ্ধ দেখ ।  
হত্যাকাণ্ডের গুরুগম্ভীর বাণ, কি প্রাণোন্মাদী ! তালে তালে পিশাচের  
তাণ্ডব নৃত্য, কি নন্দনানন্দদায়ী ! সৃষ্টির সমস্ত কোলাহল ছাপিয়ে মুহমুহঃ  
মৃত্যুর অট্টহাস্য, কি মধুর ! দেখে নে, অদিতি ! দেখবার এমন আর  
পাবি না ।

অদিতি । খুব দেখেছি দিদি ! খুব দেখালে । এক একগাছি ক'রে  
আমার মাথার সমস্ত কেশ ছিন্ন হ'য়ে বায়ুভরে উড়ে যাচ্ছে—এক এক  
বিন্দু ক'রে আমার হৃদয়ের সমস্ত রক্ত নিঃশেষ হ'য়ে আসছে—এক এক  
খানি ক'রে আমার বুকের সমস্ত পাজর রণস্থলে ছড়িয়ে পড়ছে । খুব  
দেখলুম, দেখার সাধ মিটে গেছে,—আর যে দেখতে পারি না দিদি !

দিতি । দেবমাতা হয়েছ—সকল উচ্চের মাথায় চড়েছ—সৃষ্টির  
কল্যাণে সকল বিপদের বিরুদ্ধে আপনার বুক বাড়িয়ে দিয়ে দেবমাতার  
মহর্ষ দেখাচ্ছ, আর নিজের এই একটা সামান্য স্বার্থের হানি চক্ষে  
দেখতে পারছো না ।

অদিতি । স্বার্থ ! স্বার্থ কৈ দিদি ? পুত্রের অমৃত মায়ের ক্রন্দন—সেটা  
স্বার্থ ? না দিদি ! পুত্রস্নেহ- যেখানে প্রাণের সমস্ত নিষেধ সত্ত্বেও মায়ের  
অশ্রুজল আপনা হ'তে চোখ ছাপিয়ে ওঠে,—সে কি জিনিষ ! দিদি !  
দিদি ! তুমিও তো পুত্রের মা !

দিতি । পুত্রের মা হ'লেও আমি দৈত্যের মা—দেবতার বিমাতা ।

অদিতি । সম্বন্ধ হিসাবে আমিও তো দৈত্যের বিমাতা ! কৈ ?  
আমার মনে এতটুকু হিংসার উদয় হয় না তো দিদি !

দিতি । কি জন্ম হবে বোন ? তুমি পুত্র কোলে ক'রে স্বর্গের  
সুরভিত নন্দনকাননে সুখের অঙ্গে বিলাসের স্বপ্ন দেখুও, আর আমি—  
আমি বজ্র-বিদ্রাৎ মাথায় ক'রে নিরাশ্রয় নিঃসহায় শিশু সন্তানদের হাত  
ধ'রে নির্জন প্রান্তরের একপার্শ্বে দাঁড়িয়ে নৈরাশ্রের স্তপীকৃত অন্ধকার  
দেখছি । নিষ্ফল হাহাকারের অব্যক্ত উদ্ভাপ তোমায় অনুভব করতে  
হয় নাই—তোমার হিরণ্যাক্ষ গুপ্ত চক্রান্তে পাতালগর্ভে পশুর মত  
মরে নাই—তোমার পাশুর খসিয়ে হিরণ্যকশিপুর মত মাতৃভক্ত পুত্র  
জন্মের মত ছেড়ে যায় নাই ; যদি যেতো, বুঝতে সে কি জালা !  
বুঝতে বিমাতার সৃষ্টি কিসে !

[ বেগে প্রস্থান ।

অদিতি । তবে এই তো সময় ! দয়া, ধর্ম, মেহ, বিবেক সব খুইয়ে  
স্বার্থের পূজা করবার এই তো সুযোগ । পুচ্ছবিদলিতা সপিণীর ফণা  
তোলবার এই তো যোগ্য অবসর । ঐ বুঝি আমার প্রাণ-পুত্রী ইন্দ্র  
বলির অস্ত্রাঘাতে মুহুমূর্ছা মুর্ছা যাচ্ছে ! ঐ বুঝি কুবের শত্রুকরে  
পরাজিত হ'য়ে লজ্জায় ক্ষোভে অভিমানে প্রান্তরে দাঁড়িয়ে কপালে  
করাঘাত করছে ! ঐ বুঝি প্রভঞ্জন বাণের অত্যাচারে রুধিরাক্র  
কলেবরে চতুর্দিকে ছুটোছুটি করছে ! তবে আর কেন ? ভগবান !  
ভগবান ! আমার সব নাও, শুদ্ধ আমায় একবার বিমাতা ক'রে দাও ।

। উন্মত্তবৎ প্রস্থান করিলেন ।



## চতুর্থ গর্ভাঙ্ক ।

বৈকুণ্ঠ ।

[ নেপথ্যে দৈত্যগণ- -জয় দৈত্যেশ্বর বলির জয় ! ]

### লক্ষ্মীর প্রবেশ ।

লক্ষ্মী ।           একি ! কোথা হ'তে আসে কোলাহল ?  
                      বুঝি দৈত্যরূপে পরাঙ্কিত দেবগণ ।  
                      জয়োল্লাসে মত্ত বত দানবমণ্ডলী  
                      ত্রিদিবের লভি অধিকার  
                      পুরাইছে দিগ্বাণল ঘোর উচ্চনাদে ।

[ নেপথ্যে দৈত্যগণ পুনরায় জয়ধ্বনি করিল । ]

লক্ষ্মী ।           একি ! স্বর্গ জয় করি  
                      উন্নতের প্রায় আসিছে কি  
                      দানব হেথায়—এই বৈকুণ্ঠ আলয় !

### বলির প্রবেশ ।

বলি ।           পেয়েছি—পেয়েছি, অগদবাহিত লক্ষ্মী,  
                      পেয়েছি তোমারে আমি ।  
                      এস, নেমে এস, এস মোর সাথে ।

লক্ষ্মী ।           আমায় কোথায় নিরে যাবে বলি ?

বলি ।           কারাগারে ।

লক্ষ্মী ।           কারাগারে ! কেন ? আমি কি তোমার বন্দিনী ?

বলি ।           এমন একটা অদ্ভুত সংগ্রাম জয় করলাম, তার একটা  
বিজয়-চিহ্ন চাই না ?

। বিজয়-চিহ্ন ? তা তোমার বিরোধী দেবতাদের ছেড়ে—  
আমি কিছুতেই নাই—আমার উপর এ আক্রোশ কেন ?

বলি । তুমি কিছুতেই নাও ? বল কি ? আমি তো দেখছি—তুমিই  
সর্বত্র । ইন্দ্র কুবের কে ? তারা তো তোমাকে নিয়েই ? তোমার  
অন্য আজ সমস্ত দৈত্যজাতি পিপাসায় অধীর হ'য়ে বুক চিরে নিজের  
নিজের রক্তপান করছে । একটা মর্মান্বিত সাধনা অগ্নিদাহের মত  
ক্ষিপ্ত হ'য়ে তোমার অন্তর পক্ষপাতিত্বের পৈশাচিক প্রতিশোধ নিতে  
বসেছে । তোমার ঐ স্বতঃচঞ্চল হৃদয়ের সবটা অধিকার ক'রে বলি  
সর্বকামনার পরিসমাপ্তি করতে চলেছে ।

লক্ষ্মী । না বলি ! ভোগে ভোগের ক্ষয় হয় না, ভোগের ক্ষয়  
ত্যাগে । নিষেধ করি, যদি বাসনার পরিসমাপ্তি করতে চাও, এ পথে  
এসো না—আমায় নিয়ে ভেসো না—আসক্তিকে আদর দিয়ে মাথায়  
তুলো না । লাভ হবে না, সর্বনাশ হবে—বা আছে, তাও হারাবে ।

বলি । তোমায় নিয়ে সর্বনাশ, তাই বলির অভিপ্রেত । [ গমনোদ্ভূত ]

### নারায়ণের প্রবেশ ।

নারায়ণ । দাঁড়াও বলি !

বলি । [ স্বগত ] বা—বা—বা ! এই তো সর্বনাশের সূচনা ;  
এ বড় মধুর সর্বনাশ । [ প্রকাশ্যে ] কে তুমি ?

নারায়ণ । তুমি আমায় চেন না ?

বলি । কৈ ? কখনও তো চেনা দাও নাই ?

নারায়ণ । তোমার পিতামহ প্রহ্লাদ আমায় বেশ চেনেন ।

বলি । এইটাই কি একটা প্রমাণ ? পিতামহ বেশ চেনেন ব'লে  
পৌত্রেরও চেনা হ'লো ?

নারায়ণ । যাক্, অত পরিচয়ের প্রয়োজন নাই, একটু পরেই আমার বেশ বুঝতে পারবে । এখন জিজ্ঞাসা করি, স্বর্গ হ'তে লক্ষ্মীকে নিয়ে যাচ্ছ কেন ?

বলি । তার পূর্বে আমার একটা কথা জেনে রাখা দরকার— এ প্রশ্নের উত্তরে তুমি কি করবে ।

নারায়ণ । উত্তর সৎ হ'লে নির্বিবাদে পরিত্যাগ করবো, নতুবা তোমায় একবার বিশেষরূপে চেনা দেবো ।

বলি । উত্তম, আমি চিন্তেই চাই । এর উত্তর এই যে, স্বর্গ এখন আমার অধিকৃত ; এর লুপ্তিত রত্ন আমি যথা ইচ্ছা নিয়ে যাবো—বা ইচ্ছা করবো ।

নারায়ণ । তাহ'লে ও ইচ্ছার এইখানেই সমাপ্তি করতে হবে বলি !

বলি । কেন ? তোমার বঙ্কিম নীল নয়নে রক্তের ক্ষীত শিরার সমষ্টি দেখে ? তোমার সজল জলদকুচি সুকুমার শ্রাম অঙ্গে ক্রোধের অস্বাভাবিক কম্পন দেখে ? তোমার ঐ নাগনিন্দিত মুরলীধর বরষ করে বিশ্ব-সন্ত্রাসক চক্র দেখে ? তা নয় চক্রধারী, তোমার তলে সকল ইচ্ছার সমাপ্তি হ'লেও জেনে রেখো, এ ইচ্ছা সকল ইচ্ছার বাইরে,—এ ইচ্ছার ক্রিয়া অসমাপিকা ।

নারায়ণ । তবে এ ইচ্ছা পূরণ করতে হ'লে তোমায় আত্মরক্ষায় বত্ববান হ'তে হবে ।

বলি । আত্মাই আত্মার চিররক্ষক ।

নারায়ণ । তবে দেখ আত্মগর্ব্বী, চক্রের অনিবার্য্য গতি ।

ধনুর্বাণহস্তে প্রহ্লাদের প্রবেশ ।

প্রহ্লাদ । তুমিও দেখ, বাণের সর্ব্ববিঘ্নবিনাশী প্রলয়কারী ক্রিয়া ।

নারায়ণ । কে ? প্রহ্লাদ ?

প্রহ্লাদ । কে ? মুরারি ?

নারায়ণ । এ বেগবতী লালসার খরশ্রোতে নিকাম সাধক প্রহ্লাদ—তুমি ?

প্রহ্লাদ । এ তুচ্ছ হস্ত বলির সংঘর্ষে মহাপ্রলয়ে অবিচলিত নিকরকার নিত্য-নিরঞ্জন নারায়ণ—তুমি ?

নারায়ণ । না প্রহ্লাদ ! এ সংঘর্ষ বড় তুচ্ছ নয় । ইন্দ্রের ইন্দ্রত্ব যায়, স্বর্গ লক্ষ্মীভ্রষ্ট হয়, স্পর্ধার সৃষ্টি ভরে । আবি স্মবিচার করবো ; তুমি নিরস্ত হও প্রহ্লাদ ! বুঝে দেখ, ইন্দ্রকে রক্ষা করা কি আমার কর্তব্য নয় ?

প্রহ্লাদ । অবশ্য । তবে তোমারও বোঝা উচিত, বলিকে রক্ষা করা কি আমারও কর্তব্য নয় ?

নারায়ণ । তুমি বলিকে রক্ষা করবে—আমার বিরুদ্ধে ?

প্রহ্লাদ । সেই অগ্নিই তো আবার অস্ত্র ধরলাম, অগতের চক্ষে আশ্চর্যের মত ফুটলাম, শুদ্ধ তোমার কোপ হ'তে বলিকে রক্ষার অগ্নি, ইন্দ্রের বজ্র হ'তে নয় । আমি জানি, বলির রণ-নৈপুণ্যের কাছে ইন্দ্রাদি দেবতাগণ নিতান্ত শিশু । কিন্তু তোমার চক্রের গতিরোধে এক প্রহ্লাদ ভিন্ন অগতে কেউ সক্ষম নয় । তাই নিতান্ত অনিচ্ছা সত্ত্বে অনাহত, অনাদৃত, অপমানিত হ'য়েও সেধে এই ক্রুর ভূমিকার অভিনয়ে নামতে হ'লো, শুদ্ধ তোমার অগ্নি—তোমার ঐ কুটীল চক্রের অগ্নি ।

নারায়ণ । এ তোমার আত্ম-অপরাধের আবরণ মাত্র প্রহ্লাদ ! আমার সম্পূর্ণ ধারণা, আমার অগ্নি নয়, তোমার যুদ্ধে আসা শুদ্ধ যুদ্ধের অগ্নি । তা না হ'লে আমি যে ইন্দ্রের রক্ষায় অস্ত্র ধরবো, এ কথা লক্ষ্মী পর্যাস্ত জানে না, তুমি কি ক'রে জানলে প্রহ্লাদ ?

প্রহ্লাদ । লক্ষ্মী না জানতে পারে, কিন্তু প্রহ্লাদের মত যারা, তারা লক্ষ্মী হ'তেও নারায়ণের সংবাদ অধিক রাখে । এ কথা কি ক'রে জানলুম ? প্রহ্লাদ যখন নিতান্ত অজ্ঞান, পঞ্চম বর্ষের শিশু, তখন তুমি যে স্ফটিকস্তুম্ভে আছ, সে কথা সে কি ক'রে জেনেছিল নারায়ণ ?

নারায়ণ । প্রহ্লাদ ! আমি পরাজিত, তোমার অস্ত্রের কাছে নয়, শুদ্ধ তোমার কাছে । এই আমি অস্ত্র সম্বরণ করলাম, আর আমার কোন বিদ্বেষ নাই । তুমি লক্ষ্মীকে দেবার অস্ত্র বলিকে আদেশ কর ।

প্রহ্লাদ । না নারায়ণ ! যদিও আমি পিতামহ—পূজ্য, তা হ'লেও সে ক্ষমতা আজ আমার নাই । এখন বলি সত্রাট । আমি তাঁর সেনাপতি—আদেশবাহী । সত্রাট ! বড় রণশ্রান্ত আছি, একটু বিশ্রাম করবো ।

[ প্রস্থান ।

নারায়ণ । বলি ! তুমি স্বর্গরাজ্য নাও, পৃথিবীর সমস্ত একাধিপত্য নাও, কোন আপত্তি নাই—মাত্র লক্ষ্মীকে আমার দাও ।

বলি । লক্ষ্মীছাড়া পৃথিবীর একাধিপত্য ! বারিশূত্র সরোবরের মর্যাদা ! প্রাণহীন শবদেহের শুশ্রূষা ! না চলনাময় ! তা হয় না । লক্ষ্মীকে আমি নিয়ে যাবো—স্বর্গের গর্ভ খর্ব করবো । হাঁ, তবে দিতে পারি, ও রক্তচক্ষে নয়—কোন প্রতিদান নিয়ে নয়—কারো আদেশ অনুরোধে নয় ; দিতে পারি, যদি তুমি আমার কাছে ভিক্ষা কর ।

নারায়ণ । ভিক্ষা ? ভিক্ষা ? বল কি বলি ? তুমি কি এখনও আমার চিন্তে পার নাই ? জগৎ আমার কৃপা ভিক্ষার অস্ত্র কৃতান্তলিপুটে দাঁড়িয়ে আছে, আর আমি ভিক্ষা করবো তোমার কাছে ?

বলি । সে আর অসম্ভব কি ? মেঘ পৃথিবীতে বারি বর্ষণ করে, সে তো পৃথিবীরই বাষ্প নিয়ে ? তোমার সৃষ্টিই তো আদান প্রদানের

তন্ত্র । তবে আর তাতে লজ্জা কি ? জানি এই বিশ্ব-জগৎ তোমার দ্বারে  
ভিখারী, তাই ইচ্ছা হ'চ্ছে তোমায় ভিক্ষা দেওয়া একটু শিক্ষা দিই ।

নারায়ণ । আমার শিক্ষা দেবে তুমি ? কেন, আমি কি ভিক্ষা দিতে  
জানি না ?

বলি । জানতে পার, কিন্তু দেওয়া হয় না । তাই যদি হবে, তবে  
জগতে এত হা-হতাশ কেন ? অভাবের এত রুক্ষ স্বভাব কেন ? জীর্ণ  
কঙ্কালসার লাগসার এত জঠরজালা কেন ? দেওয়া হয় না দানী, বৃদ্ধি  
কুপণতা ত্যাগ ক'রে ধূলিমুষ্টির মত দেওয়া হয় না ; ভিক্ষকের স্প্রসার  
মনের সঙ্গে সঙ্কুচিত জিহ্বার সামঞ্জস্য রেখে দেওয়া হয় না ; সবাই  
তোমার যাচক ছেনে উপযাচক হ'য়ে অবাচিতভাবে দেওয়া হয় না ।

নারায়ণ । তুমি আমার সেইরূপ ভিক্ষা দেবে বলি ? দিতে পারবে ?

বলি । তুমি হৃদয়ের সমস্ত আশা একত্র ক'রে ভিক্ষা করবে, আর  
আমি আমার অর্জিত সমস্ত ত্যাগ বীজমন্ত্রে জাগিয়ে তুলে অকুণ্ঠিতভাবে  
তোমায় দান করতে পারবো না ?

নারায়ণ । আচ্ছা দানদর্পি ! তাই হবে, যাও—ভিক্ষাদানের অস্ত  
প্রস্তুত হও গে ।

বলি । উত্তম ! তবে তুমি ভিক্ষা গ্রহণের মত সজ্জা কর জগদীশ !  
এস কমলা !

লক্ষ্মী ।— [ অনিমেঘনরনে নারায়ণের দিকে চাহিয়া ।

গীত ।

বিদ্যার প্রাণেশ তবে যাই ।

লীলা তব যেতে হবে যদিও বাসনা নাই ।

তোমার হড়ান জাল কার বা লাগিবে ধাঁধা,

অভাগিনী আছি আমি আজীবন দিতে বাধা ।

খেল তুমি হেসে হেসে, আমি বাই স্রোতে ভেসে,

দোষ তব ভুগি আমি ভালবাসে দাসী তাই ।

যথা থাকি প্রাণ মম রাখিব তোমার বাসে,

দিনান্তে একটি হাস ফেলিও দাসীর নামে,

দেখো প্রভু এই ক'রো, করামর নাম ধ'রো,

যত দুঃখ দাও যেন তোমারে ভাবিতে পাই,—

জনমে জনমে কভু ও স্মৃতিটা না হারাই ।

[ লক্ষ্মীকে লইয়া বলির প্রস্থান ।

নারায়ণ । ভিক্ষা গ্রহণের মত সজ্জা করতে ব'লে গেল । তা বলতে পারে, এ তো ভিখারীর সজ্জা নয় । তাই তো ! [ চিন্তিত হইলেন ।

গীতকণ্ঠে গোপিনীগণের প্রবেশ ।

গোপিনীগণ ।—

গীত ।

ছি—ছি, হেরে গেল রণে শ্যাম ।

ডুবে গেল তোমার ভুবনভরা নাম ।

কৈ সে শক্তি, কি দেবে পরিচয়,

জান ধরিতে শুধু রমণী মজান ঠাম,—

তুমি যে ভাগ্য, তুমি যে বিধাতা,

বল না তবে বধু, তোমার কে হ'লো বাম ।

[ প্রস্থান ।

নারায়ণ । তার আর ভাব্বো কি ! এ দর্প আমার চূর্ণ করতেই হবে—আমি দর্পহারী ।

[ প্রস্থান ।

## পঞ্চম গর্ভাক্ষ ।

প্রাস্তর ।

### বিরোচন ।

বিরোচন । জিতেছি—জিতেছি বাবা ! শুধু আমার বলি একলা  
জেতে নাই, ত' বাপ-বেটাতে দুটো লড়ায়েই জিতেছি । তবে বলির যুদ্ধ,  
ও যেমন ছেলেমানুষ, তেমনি ছেলেমানুষী যুদ্ধ । তবে আমার এটার  
বলবার কথা আছে, থাকাকাল তে' উচিত—যেহেতু আমি তার বাবা ।  
ওঃ, কি তুমুল যুদ্ধ ! কি দুর্দর্ষ শত্রু ! কি তাদের লড়ায়ের কার্যদা !  
ভ্রম—কি ভীষণ জন্তু বাবা ! জয়ন্তু কি তার কাছে ? বিচারের শেলে  
তার বুক ভেঙ্গে দিয়ে আমার বৈবাগ্য-পৌত্রকে বাচিয়েছি । মোহ-শচীশ্বর  
কি দুর্দর্ষ সৃষ্টি বাবা ! অমন সহস্র শচীশ্বর তার পোষা পায়রা—সাধনার  
বালি-বাণে তার চোখ কাণা ক'রে দিয়ে আমার বিবেক-পুত্রকে  
খাড়া করেছি । কাম—এ আবার কি দোদীও যশুপ্রকৃতি শত্রু বাবা !  
হেরেও হারে না, কাল তো তার কাছে অকাল । তারও মাথায়  
সংঘমের গদা মেরে রক্তারক্তি ক'রে আমার জ্ঞানরূপ বৃদ্ধ পিতায় অভয়  
দিয়েছি । আর কি ? এখন তো আমি আমার সবটা রাজ্যের রাজা ।  
ওঃ, কি লড়াই-ই করলুম, কি জিতটাই জিতলুম ।

### দুর্লভের প্রবেশ ।

দুর্লভ । শুনেছ বিরোচন ! বলি এ যুদ্ধে জয়লাভ করেছে ?

বিরোচন । তুমিও শুনেছ শুরু ! বিরোচনও সে যুদ্ধে জয়ী হয়েছে ?

দুর্লভ । বল কি বীর ! জয়ী হয়েছে ?



বিরোচন । দেখতে পাচ্ছ না ? আমার সমস্ত রাজ্য জুড়ে আনন্দের  
রঞ্জিত নিশান ঢেউয়ের মত তর তর শব্দে খেলে বেড়াচ্ছে ।

দুর্লভ । দেখছি । কিন্তু কৈ বিরোচন ! তার নিদর্শন কৈ ?  
তোমার সেই অজ্ঞেয় সংগ্রামের বিজয়-চিত্র কৈ ? দেখলুম, বলি এ দুর্জয়  
সংগ্রাম জয় ক'রে জগদারাধ্যা লক্ষ্মীকে লাভ করেছে ; তুমি কি করলে  
জয়ী ?

বিরোচন । আমি আর কি করবো গুরু ! বলি এ সমর-সমুদ্র মথিত  
ক'রে লাভ করেছে জগদারাধ্যা লক্ষ্মীকে ; আমি সে মহাসংগ্রামে সকল  
বিঘ্ন নীরব ক'রে জাগিয়ে তুলেছি জগদারাধনার অজ্ঞেয় অতুলনা ভক্তিকে ।

দুর্লভ । দেখাও ।

বিরোচন । [ উদ্দেশে ] মা ! মা !

### ভক্তির আবির্ভাব ।

বিরোচন । ঐ দেখ গুরু ! আধারের ঘন স্তর অঞ্চলে সরিয়ে দিয়ে  
উল্লাসিনী উদার মত কি মধুর ধীর আগমন !

দুর্লভ । সুন্দর !

বিরোচন । কি হেমন্ত প্রকৃতির সুষমাময় প্রভাত-চিত্র !

দুর্লভ । চমৎকার !

বিরোচন । কি অননুভূত মাতৃ-মহিমার উজ্জ্বল দৃষ্টান্ত !

দুর্লভ । মধুর !

ভক্তি । [ বিরোচনের হস্ত ধারণ করিল ]

বিরোচন । দেখছো গুরু ! বলি তার লক্ষ্মীকে বলে অনুগামিনী  
করেছে, আর আমার অধিকৃত্য আপনা হ'তে হাত বাড়িয়ে আমার  
টেনে নিয়ে যাচ্ছে ।

হুলভ । তোমার জয়ই জয়—তোমার লাভই লাভ—তোমার  
বীরত্বই ব্যাধার । এ জয়ে পরাজয় নাই, এ লাভে ক্ষতি নাই, এ বীরত্বে  
হিংসা নাই—কেবল এক অনাদি অনন্তের অস্ত্রের তত্ত্ব ।

| প্রস্থান ।

ভক্তি ।—

গীত ।

জিতেছ মধুর রণে চল যাহু বীরবেশে ।  
করিব তোমারে রাজা স্বপনের সেই দেশে ।  
চামর ঢুলার তথা দাঁড়াইরে দামিনী,  
মধুর মাতৃভাব মাথা সব কামিনী,  
নাটিক কামের তাপ,  
মৃত মোহ কাল সাপ,  
মুছে নেয় ব্রহ্মশাপ শাস্তি এলান কেশে ।

[ বিরোচনের হস্ত ধরিয়া প্রস্থান ।

ষষ্ঠ গর্ভাঙ্ক ।

শিবির ।

একপার্শ্বে অনুহাদ, মহানাদ, বাণ ও অন্যপার্শ্বে নিরস্ত্র  
অবস্থায় রক্তাক্ত কলেবরে ইন্দ্র, কাল, কুবের ও  
পবন দাঁড়াইয়াছিলেন ।

অনুহাদ । বুঝতে পেরেছ দে গণ ! তোমরা আমার বন্দী ?

কুবের । এতে বোক্‌বার তো কিছুই নাই, এ তো প্রত্যক্ষই দেখছি

ষষ্ঠ গর্ভাক ] :

বিজ্ঞা-বালি

অনুহাদ । তবু বোঝবার আছে । আমি বুঝিয়ে দিতে চাই যে, এই দৈত্যজাতিটা ঠিক স্ত্রীজাতির মত তোমাদের অনুগ্রহের তলে বাস করে না ; তারা আদর পেলে পোষা কুকুরের মত মন ষোগায়, আর সময় হ'লে বাঘের মত কাঁপায় ।

ইন্দ্র । আপনার উদ্দেশ্য কি ?

অনুহাদ । আমার উদ্দেশ্য যা, তা ভাষায় গুছিয়ে বলতে পারবো না দেবরাজ ! যদি এক মুহূর্তে একযোগে আমার হৃদয়ের সমস্ত দ্বার উদ্ঘাটিত হ'য়ে যায়, দেখাতে পারি, উদ্দেশ্য কত গভীর —কেমন রঞ্জিত । তবে এইটুকু ছেনো, আমার প্রাণের যে তাপ, তোমর দেবতা হ'লেও সবটা সহ্যেতে পারবে না ; তার কতকটা তোমাদের অনুভব করাবো ।

কাল । তোমার সঙ্কল্পই যখন তাহ, তখন সে স্তলে দেবতারা বৃথা বাক্যব্যয় করতে চায় না

অনুহাদ । চায় না ?

কাল । না । তারাও দেখাতে চায় যে, এই দেবজাতিটা হিংসার সহস্র ফণার মাঝখানে দাঁড়িয়েও শত্রুকে অনুগ্রহ করতে ভোলে না । তারা অশ্রু জাতির গায় মুহূর্তের সুযোগে ভাজের ভরা নদীর মত ফুলে ওঠে না, আর এক তরবারির আঘাতে হতাশ হ'য়ে মুয়ে পড়ে না । তারা জয়-পরাজয়ে সমান স্থির—উত্থান-পতনে সমান ধীর—সুখ-দুঃখে সমান সহিষ্ণু । বন্দী হ'লেও কারো গর্কস্কুরিত রক্তচক্ষের নীচে দাঁড়িয়ে ঘোড়াহাতে ক্রমা ভিক্ষা করে না ।

অনুহাদ । ওঃ !

দিতি প্রবেশ করিলেন ।

দিতি । শুরু হ'লে যে অনুহাদ ? মাথা নোয়ালে যে দানববীর ?

নির্ঝাক যে প্রাণাধিক ? হাশুমুখে জয়ডঙ্কা বাজিয়ে শোভাযাত্রার সারি দিয়ে দাঁড়িয়েছ, আবার সঙ্কোচ কিসের ? উন্নতির পথে তীরবেগে ঘোড়া ছুটিয়েছ, আর তার রশ্মি সংযত করার কি দরকার ? অস্ত্র-যুদ্ধে জয়লাভ ক'রে আবার বাক্‌যুদ্ধ কেন ?

অনুহাদ । না মা ! স্তম্ভিত হই নাই—সঙ্কোচ আসে নাই—সঙ্কল্প হ'তে বিন্দুমাত্র টলি নাই । শুদ্ধ ভাব্‌ছি এর প্রতিশোধ কি ?

দিত্তি । অত ভাব্‌বার কিছু ছিল না, তবে ভাব্‌ছো—ভাবো । কিন্তু বিলম্ব সহিবে না—যা হয় একটা শীঘ্র স্থির ক'রে ফেল, আমি তোমার বিচার দেখবার জন্য দাঁড়িয়ে রইলাম ।

অনুহাদ । হাঁ—হয়েছে, আর ভাব্‌তে পারি না । মহানাদ ! তুমি গলিত সীসক দ্বারা গুহ সংবাদবাহী দেবদূত প্রভঞ্নের কর্ণরুদ্ধ চিরদিনের মত রোধ ক'রে দাও ; কতিপয় সৈন্ত পাঠিয়ে কুবেরের ভাণ্ডার লুট কর ; লৌহ-লগুড়াঘাতে কালকে জন্মের মত খঞ্জ ক'রে দাও । আর বাণ ! তুমি তপ্ত লৌহ-শলাকা দিয়ে সহস্রলোচনের সব ক'টা চোখ খুলে নাও ।

### অদিত্যের প্রবেশ ।

অদিত্তি । বিচার মনোমত হ'য়েছে দিদি ?

ইন্দ্র । মা !

অদিত্তি । ভয় নাই পুত্র ! আমি তোমাদের জন্য আসি নাই ; কারো পায়ের তলার পুত্রের প্রাণ ভিক্ষা ক'রে তোমাদের মর্যাদার হাস করতে বসি নাই । আমি এসেছি, আমার :জন্ম একটা সুযোগ খুঁজতে—প্রাণধান্য গালাই ক'রে নূতন ধরণে তৈরী করবার উপাদান সংগ্রহ করতে—বিমাতা হবার গোটাকতক মস্ত নিভে ।

দিত্তি । বৃথা—বৃথা—বৃথা ! তোমার এতটা অগ্রসর বৃথা—বিফল

যষ্ঠ গর্ভাক । ।

বিদ্যা-বলি

মনোরথে কির্তে হবে । তোমার প্রতিহংসা বৃথা, শুদ্ধ আপনার তাপে  
আপনি পুড়বে । তোমার বিমাতা হওয়া আর বৃথা, মাত্র কলঙ্কের  
ধোবা নেবে । স'রে যাও, কেন এ নিষ্ঠুর অভিনয় চক্ষের সমক্ষে  
দেখ ?

অদিতি । তা পারবো দিদি ! আজ তা পারবো । চক্ষের সমক্ষে  
কেন ? এ পৈশাচিক লীলা আমার বক্ষের উপর হ'লেও আমি স্থির ।  
আমি আর সে অদিতি নাই দিদি ! আজ আমি তোমার মন্ত্র-শিষ্যা ।  
দেখছো না, চোখ দুটো জল জল করছে, এককোঁটা জল নাই ; মুখখানা  
আপনিই হাসছে, একটু আর্কুনাদের ছায়া নাই ; বুকখানা চড়া সুরে  
বাঁধা আছে, করুণার ঈষৎ কম্পন পর্য্যন্ত নাই । তবে আর ভয় কি  
দিদি ! নাও—নাও, বিলম্ব কেন ?

দিতি । তাই হোক্ অনুহাদ ! যখন ওর এত সাধ ।

অনুহাদ । মহানাদ ! [ দণ্ডদানে ইঙ্গিত ]

মহানাদ । সম্রাটের কি অনুমতি এই ?

অনুহাদ । সম্রাট আবার কাকে বলছে মহানাদ ? সম্রাট আমি ।

মহানাদ । তা হ'লে আমাকে এ ক্ষেত্রে মার্জনা করতে হবে  
বীর ! এক বলি ভিন্ন আজ আর কাকেও সম্রাট ভাববার শক্তি আমার  
নাই । আমি অস্ত্র-ব্যবসায়ী হ'লেও বিশ্বাসঘাতক নই । বিক্রীত-জীবন  
ভৃত্য হ'লেও আমি অকৃতজ্ঞ নই, সম্পূর্ণ আপনার অনুগ্রহতলে পালিত  
হ'লেও মহানাদ কর্তব্য-দেবক ।

অনুহাদ । অপদার্থ—অপদার্থ ! সব অপদার্থ—অকর্মণ্য—ভীক !  
আমার ভুল হয়েছিল—তোমাদের ওপর ভার দেওয়া, যখন নিজের  
বাহুবলের উপর এখনও আমার বিশ্বাস আছে । তবে দেখ মহানাদ !  
আমি বুদ্ধ হ'লেও আমার হস্তে কত তেজঃ, আমার হৃদয় কত দৃঢ়

আমার প্রাণে কত বল । তোমাদের কর্তব্য সম্রাটের আজ্ঞা পালন,  
আমার কর্তব্য ঈশ্বরের আজ্ঞা পর্য্যন্ত লঙ্ঘন । প্রস্তুত হও দেবগণ ! [ অস্ত্র  
উন্মোচন করিলেন ]

বলির প্রবেশ ।

বলি । একি পিতামহ ?

অনুহাদ । দণ্ড ।

বলি । পরাজিত নিরস্ত্র আততায়ীর প্রতি দণ্ড, এ তো কৈ দণ্ডবিধি-  
শাস্ত্রে লেখে না ।

অনুহাদ । না লিখলেও অনুহাদের হাত দিয়ে আজ একটা নূতন  
দণ্ডবিধি-শাস্ত্র তৈরি হবে ।

বলি । তা হ'লে সেটা বিধি-শাস্ত্র নয়, অত্যাচারের একটা নিষ্ঠুর  
ব্যবস্থা ।

অনুহাদ । তবে তাই ।

বলি । প্রকৃতিস্থ হোন্ পিতামহ ! কোধে আপনি আত্মহারা হ'য়ে-  
ছেন, হিংসা আপনাকে তুরীর সঙ্কেতে চালাচ্ছে, অবিজ্ঞা আপনার সমস্তটা  
গ্রাস ক'রে ফেলেছে । ফিরুন পিতামহ ! হৃদয়ের কুলবিত আবর্জনা  
ঝেড়ে ফেলুন ; প্রবৃত্তির উপর প্রভুত্ব করুন । বুঝে দেখুন, কি উদার  
মহৎ কুলে আপনার উৎপত্তি ।

অনুহাদ । খুব বুঝেছি, হিরণ্যকশিপুর ঔরসে আমার জন্ম তো ?  
যে হিরণ্যকশিপুর রক্ত—ওঃ, যাও—যাও,—আমার বোঝাবার চেষ্টা  
ক'রো না—পারবে না ; একটা প্রকাণ্ড ঝড়ে আমার বিবেক-বুদ্ধি  
কোন্ দিকে উড়ে গেছে, আমি বুঝবো কি নিয়ে ?

বলি । আছে পিতামহ, সব আছে ; দেখতে পাচ্ছেন না, শুধু

বিদেষের কুস্মটিকায় । কাস্ত হোন্ পিতামহ ! একটা অনুরোধ রাখুন—  
আমায় ভিক্ষা দিন,—আমি নতজানু হ'য়ে কৃতাজলিপুটে আপনার  
কাছে এঁদের ভিক্ষা করছি ।

অনুহাদ । বাঃ—বাঃ বলি ! খুব চাল্ চালুছো তো ? এক ডাল  
ভাগুছো—সঙ্গে সঙ্গে আর এক ডাল ধরুছো ; বুঝিয়ে হ'লো না  
তো ভিক্ষা ! বুদ্ধিমান্ বট । তাও হবে না বলি ! ও বিদ্যাও খাটবে  
না । তোমার আর কিছু পুঁজি আছে ?

বলি । মার্জনা করবেন পিতামহ ! তা হ'লে জেনে রাখবেন—  
আমি সম্রাট ।

অনুহাদ । তা বহু পূর্ব হ'তেই জানি । তুমিও কি জান না বলি,  
তুমি সম্রাট, শুধু এই বৃদ্ধের অনুগ্রহে ? সে ইচ্ছা করলে তোমার মত  
সহস্র সম্রাটকে প্রতি মুহূর্তে দৈত্য-সিংহাসনে ওঠাতেও পারে, আবার  
সময় চ'লে নাশাতেও পারে ।

বলি । তা হ'লে বলতে চান্, আমি সম্রাট—আপনার অবাধ  
স্বৈচ্ছাচারের একটা আবরণ মাত্র । ওঃ—এতদিনে বুঝলাম, আপনি  
স্বহস্তে সাম্রাজ্যভার গ্রহণ করেন নি কেন ?

অনুহাদ । কেন ?

বলি । অপরের অন্তরালে দাঁড়িয়ে দস্যুর মত গুপ্তাঘাত করবার  
জ্ঞ, পরের মাথায় পাপের বোঝা চাপিয়ে নিজের কার্যোদ্ধারের জ্ঞ ।  
আমি জানি, রাজ্যভারের সঙ্গে সুবিচারের বড় নিকট সম্বন্ধ ; অভিষেক-  
ক্রিয়া শুধু জ্ঞানের বিগ্রহ প্রতিষ্ঠা ; রাজহৃদয়ের সঙ্গে মার্জনার বড়  
চমৎকার ঘনিষ্ঠতা ; তাহ জেনে শুনে, স্বৈচ্ছায় আপনি সেখান হ'তে দূরে  
দাঁড়িয়েছেন । যদি মুহূর্তের জ্ঞ রাজহৃদয় স্পর্শ করতেন—একটা দিনের  
মত সিংহাসনের সাম্যভাব অনুভব করতেন—বিন্দুমাত্র রাজার কর্তব্য

চিন্তেন. তা হ'লে বুঝতেন, কি আগুন আজ আমার প্রাণে জ্বলে, উঠেছে ! তা হ'লে এত একাগ্র কঠোরতা আসতো না—প্রতিশোধ-চিন্তা মনে স্থান পেতো ন'—পরাজিত নিরস্ত্র শত্রুর মস্তকে এরূপ ভাবে খড়্গ উঠতো না ; হাত কাপ্তে—ভয় হ'তো—ঈশ্বরের রোষদৃষ্টি ভীমমূর্তিতে দেখা দিতো ।

অনুহাদ । হ' ! । দীর্ঘনিশ্বাস সহকারে অর্দোচ্চারিত হৃকার ছাড়িলেন । ]

বলি । গ্রহণ করুন পিতামহ ! আপনার প্রদত্ত রাজ্যভার ; দান করুন যোগ্য জনে আপনার পিতৃ-সিংহাসন ! কোন আপত্তি নাই—মাত্র আজিকার মত, একটা দিনের জগৎ এঁদের মুক্ত দিন,—আর কিছু চাই না ।

[ অনুহাদ দ্বিতীয় মুখপানে চাহিলেন, দিতি তীব্র কটাক্ষ করিলেন ]

অনুহাদ । না—এ নেশা ; আমার সমস্ত মস্তিষ্ক জুড়ে তার ক্রিয়া প্রকাশ পাচ্ছে । এ নিয়তি, রঞ্জিত চিত্রপট দেখিয়ে আমার কেশমুষ্টি ধ'রে আকর্ষণ করছে । এ প্রবৃত্তি জয় করা অসাধ্য । মরাচিকা হ'লেও যেতে হবে,—আমি পিপাসিত । যাও বলি ! জেনে যাও, এদের বিনিময়ে আমি মোক্ষ পেলেও তৃপ্ত নই ।

বলি । সম্মান রাখতে পারলুম না পিতামহ ! এ রাজকার্য—আমি স্বৈচ্ছায় এঁদের মুক্তি দিলাম । যান দেবগণ !

অনুহাদ । [ তীব্র কটাক্ষ করিয়া বলিলেন ] বলি !

বলি । [ দৃঢ়স্বরে বলিলেন ! পিতামহ ! [ দেবগণের প্রতি ] যান — সম্রাট-আদেশে আপনারা মুক্ত ।

ইন্দ্র । বলি ! আমরা নশ্বর জীবন নিয়ে অমর, আশীর্বাদ করি, তুমি অক্ষয় কীর্তি নিয়ে অমর হ'তেও অমর হও ।

[ প্রস্থান ।



দেবগণ । ধনু—ধনু তুমি বলি ! [ প্রহান ।

অদিতি । কি হ'লো ! যা—সব হারিয়ে ফেললুম—সব ভুলিয়ে দিলে—আমার সব ভুলিয়ে দিলে,—বিমাতা হ'তে দিলে না । সপত্নী-পুত্র কি না বলি, তাই এতটা বাদ সাধলে । অনেক দূর এগিয়েছিলুম—অনেকটা সংগ্রহ করেছিলুম, আমার ফিরিয়ে আনলে—আমার সব কেড়ে নিলে । হ'লো না—হ'লো না—আর বুঝি আমার বিমাতা হওয়া হ'লো না । [ প্রহান ।

বলি । যাও মহানাদ ! শিবির ওঠাবার ব্যবস্থা করগে । [ মহানাদের প্রহান । ] পিতামহ ! এর জন্ত আমি অপরাধী, এর ষথাবিধি দণ্ড নিতে আমি প্রস্তুত । [ প্রহান ।

অনুহাদ । [ নৈরাশ্রব্যঞ্জক দীর্ঘনিশ্বাস ফেলিয়া বলিলেন ] যা !

দ্বিতি । [ স্নেহে ] বাবা !

অনুহাদ । উপায় ?

দ্বিতি । তুমি—আর তোমার প্রতিজ্ঞা !

অনুহাদ । বাণ !

বাণ । বাবা !

অনুহাদ । আছি, তো বাবা ?

বাণ । আছি বৈ কি বাবা ! এই যে তোমারই সম্মুখে ।

অনুহাদ । দেখতে পাই নি বাবা, দেখতে পাই নি । চ'—আমার হাত ধ'রে নিয়ে চ' । আজ এক মুহুর্তে বড়ই বৃদ্ধ হ'য়ে পড়লুম বাবা, আর নিজের বলে বুঝি চলতে পারি না !

[ বাণের হস্ত ধরিয়া প্রহান ।

দ্বিতি । [ দীর্ঘনিশ্বাস ফেলিয়া তাঁহাদের অনুসরণ করিলেন । ]

# তৃতীয় অঙ্ক ।

প্রথম গর্ভাঙ্ক ।

দৈত্যপুরী—অস্তঃপুর ।

সিংহাসনে লক্ষ্মী উপবিষ্টা, পার্শ্বে পূজানিরতা বিষ্ণু,  
সম্মুখে পুরবাসিনীগণ গাহিতেছিলেন ।

পুরবাসিনীগণ ।—

গীত ।

কল্যাণ কর কমলালরা করুণারত চক্ষে ।  
মঙ্গল কর মাধবপ্রিয়া মেদিনীর প্রতি লক্ষ্যে ।  
ধর মা অর্ঘ্য রাতুল পদে,  
হর মা দৈত্য় মাতঃ বরদে,  
নাও মা তাপিতে তুলিরা তোমার শীত শান্ত বক্ষে ।  
বিবাদে তুমি মধুরভাবিনী,  
ঐংধারে তুমি চপলাহাসিনী,  
প্রকৃতি তুমি পরমারাধা পরম পুরুষ বক্ষে ।  
[ সকলে প্রণাম করিল । ]

লক্ষ্মী ।

মনোমাধ পূর্ণ হোক সবার্কার !

সংসার কর গো স্মৃথে

সিঁথির সিন্দূর কোলের মানিক ল'য়ে ।

[ পুরবাসিনীগণের প্রস্থান ]

লক্ষ্মী ।

মহারাগি ! দানব-গৃহিণি !

বড় স্মৃথে আছি তোমার আলয়ে ;

প্রাতঃ সন্ধ্যা পাই প্রীতি-পূজা,  
 ভোগ করি কত রসাল নৈবেদ্য,  
 ত্রিলোক-ঈশ্বরী তুমি কিঙ্করীর মত  
 যত্নবতী সতত তুষ্টিতে মোরে ।  
 যদিও সংসারে তুমি চির-ভাগ্যবতী,  
 বলি পতি তব,  
 পুত্র বাণ বীর্থাবান,  
 বাধা লক্ষ্মী আমি  
 ভক্তি-পাশে তব পাশে,  
 রমণী-জীবনে  
 কামনার কিছু নাহি আর ;  
 তবু যদি থাকে কোন গুপ্ত অভিলাষ,  
 ব্যক্ত কর রাণি !  
 অর্চনার দিব যোগ্য বর ।

বিদ্যা ।

জানি সুবরদে !  
 অর্চনা-অধীনা তুমি সর্বকাল ।  
 কি বর চাহিব মা গো আর,  
 পাইয়াছে দাসী ও পরম পদ  
 মধুময়ী শান্তির ভাণ্ডার,  
 সকল সাধের শেষ—  
 সর্ব বাসনার চরম সাফল্য ।  
 তবে—জনমিয়া রমণী-জনম,  
 জান তো মা, যত দাঁও বর,  
 মিটে না স্বামীর কল্যাণ-কামনা কতু ।

তাই চাই—যে ভাবে রাখিবে রাখ,  
 যেন পাই—  
 পতির মঙ্গল ভিক্ষা করিতে সতত ।  
 গঙ্গী । নাথী তুমি দৈত্যোদ্ভ-ললনা !  
 বড় ভালবাসি আমি তারে স্নলোচনা,  
 যে বামা স্বামীর মঙ্গলে  
 মনপ্রাণ সৰ্বস্ব অর্পণ করে ।  
 আশীৰ্ব্বাদ করি—পূর্ণ হোক মনোরথ,  
 চির আয়ুষ্কতী হও সতি !  
 ভোগে ত্যাগে ধ্যান-ধৰ্ম্মে হইয়া সহায়,  
 স্বামীর মঙ্গল সাধ সৰ্বকাল ।

বলি প্রবেশ করিলেন ।

বলি । মায়ের অর্চনা  
 যথাবিধি হয়েছে তো রাণি ?  
 বিদ্যা । যথাজ্ঞান পূজিয়াছি প্রভু !  
 গঙ্গী । কোন ক্রটি হয় নি রাজন !  
 পরম বৈষ্ণব তুমি ভক্ত-চুড়ামণি,  
 ভক্তিমতী সহধর্ম্মিণী তোমার,  
 কিনিয়াছ দৌহে বহুদিন মোরে ।  
 তা না হ'লে,  
 গোলকবাসিনী বিষ্ণুপ্রিয়া আমি,  
 আমারে বন্দিনী কর শক্তিভূমি রণস্থলে ?  
 সাজ মোর পূজা, বড় তৃপ্তা আমি,

ধর রাজ্য প্রসাদ-নির্খাল্য,  
অল পান কর রাণীসহ ।

[ নির্খাল্য দিলেন ]

বলি ।

যাত্ৰদত্ত প্রসাদ-নির্খাল্য  
ধাকুক্ মুকুট হ'য়ে রাজ্যের শিরে ;  
কিন্তু মাগো ! অল পান করিব না আজ ।  
সারা জীবনের এক অতৃপ্ত পিপাসা ল'য়ে  
ভ্রমে বলি মরভু মাঝারে,  
মরীচিকা সনে করে খেলা,—  
কি হবে মা !

চাতকের মত ও বারিবিদুতে ?  
সাগরের অল চাই শুধু কণ্ঠে তার ।  
অলধি-নন্দিনি ! পার তুমি,—  
তার যদি এ সঙ্কটে,  
মিটাও যদি সে ভূষা, কর পূর্ণ আশা,  
তবেই আহা পান,  
নতুবা ও পদতলে  
অনশনে দিব ছার প্রাণ ।

লক্ষী ।

কহ প্রাণাধিক ! কি হেন বাসনা তব,  
প্রাণপাতে বাহার সাধন ?

বলি ।

করেছি মনন মা গো !  
দিয়েছ আদরে যবে একচ্ছত্র জগতের,  
করিব মা শেষ সে সাধের  
দান-যজ্ঞে ব্রতী হ'য়ে ।

পুরাইব সকলের সকল বাসনা  
 যুচাইব জগতের দারিদ্র্য-লাঞ্ছনা  
 অশ্বমেধ হবে উপলক্ষ্য তার ।  
 লক্ষ্মী । অশ্বমেধ ! বড়ই ভীষণ যাগ,  
 কাঁপে প্রাণ নাম শুনে তার ।  
 কাস্ত হও বাছাধন !  
 হয় না পুরণ কভু সে যাগের,  
 লাভ মাত্র কলহ অশান্তি ।  
 প্রতিদ্বন্দ্বী হবে বিশ্ব,  
 শত বাহু মেলি রাখিতে নারিব আমি ।  
 বলি । কেন হবে বিশ্ব বিরোধী জননি ?  
 আশা তো করি নি আমি কোন পদ পেতে,  
 কারো উচ্ছে যেতে রাখি না তো সাধ !  
 কি অভাব মোর ?  
 কি বাঞ্ছা করিব আমি কার কাছে ?  
 বাঞ্ছাকল্প-লতিকা মা তুমি,  
 হৃদয়-উদ্যানে মম আত্মা-সহকারে ।  
 নাহি মা প্রার্থনা কিছু,  
 আকিঞ্চন মাত্র দান,—  
 জগতের রোষ তার কি গো প্রতিদান ?  
 লক্ষ্মী । দান ?  
 বলি । দান । অভাবহারিণী দয়াময়ী তুমি,  
 তোমার অঙ্কেতে বসি  
 কি কার্য সাধিব মাগো আর ?

প্রাণ ভ'রে দিব দান,  
 হু' হাতে বিলাব ধন,  
 দীন, দুঃখী, মহাজন বাছিব না কিছু,  
 দিব অকাতরে যে বাহা চাহিবে ।

লক্ষ্মী ।

ঐশ্বর্য বিলায়ে  
 অগতের ভোগ তৃষা চাহ মিটাইতে ?  
 পারিবে না বৎস !  
 উদ্‌ঘাপন করিতে এ ব্রত ।  
 ভস্মাচ্ছন্ন অগ্নিকণা সম  
 এ দানেও রয়েছে আসক্তি চাপা ;  
 বাড়িবে সুযোগ পেলে—মানিবে না বাধা,  
 কেন সেধে পড়িবে বন্ধনে ?

বলি ।

বন্ধন মোচনকরা করুণারূপিনী,  
 কিসের অননী তুমি তবে—  
 নারিবে যদি গো মাতা  
 নিবারিতে শিশুর ক্রন্দন ?  
 ভুলায়ো না আর বালক বুঝায়ো ।  
 অভাবের লক্ষ কণা করিব দলিত,  
 গলিত দারিদ্র্য-মূর্ত্তি প্রোথিত করিব তলে,  
 দিব অলে বিসর্জন—বড় সাধ চিতে,  
 অগতের বা কিছু অপূর্ণ ।  
 কর বাঞ্ছা পূর্ণ পূর্ণানন্দময়ি !  
 নামি কর্মক্ষেত্রে,  
 অহুমতি দাও মা শ্রীমতী ।

বিক্ষ্যা ।

দাও বর—দাও মা অভয়  
বরাভয়দায়িনী পদ্মাসনা !  
পতির বাসনা পূর্ণ কর,  
করুণা কটাক্ষে চাও কজ্জলনয়না !

লক্ষ্মী ।

তুমিও কি এ প্রস্তাব যোগ্য বল রাণি ?

বিক্ষ্যা ।

যোগ্যাযোগ্য বিচারের অধিকার  
কোথা মা আমার ?  
পতির প্রস্তাব  
অযোগ্য হ'লেও সে যে যোগ্য মোর পাশে ।

লক্ষ্মী ।

তাই হোক তবে,  
এত সাধ যখন দৌহার ।  
যাও রাজা ! কর অশ্বমেধ,  
দাও দান ইচ্ছামত,  
ধন-রত্নে ধরিত্রী ভরাও ;  
ভাণ্ডারে রহিলু আমি,  
না ফুরাবে জীবনে তোমার ;  
কিন্তু যজ্ঞপূর্ণ জানে যজ্ঞেশ্বর ।

বলি ।

সেবকের প্রণাম লহ মা যজ্ঞেশ্বরী ! [ প্রণাম ]

লক্ষ্মী ।

সাবধান ! চলোছ ত্যাগের পথে,  
লক্ষ্য রেখো আসক্তির প্রতি ।

বলি ।

চির লক্ষ্য আছে মোর তথা ।  
[ উদ্দেশে ] নারায়ণ !  
প্রস্তুত হ'লাম আমি দানে,  
সাজ তুমি অপূর্ব ভিক্ষুক । [ গমনোদ্ভূত ]



পুষ্পের প্রবেশ ।

পুষ্প । কৈ বাবা ! . তুমি বে বলেছিলে, আমার অন্ন পুতুল এনেছ—কৈ ?

বলি । এই বে মা, তোমার সম্মুখে ।

[ প্রস্থান ।

পুষ্প । এই পুতুল ? বা—বা—বা ! বেশ মুখখানি তো ! বেশ টানা চোখ দু'টা তো ! বেশ সরস হাসিটুকু তো ! বেন সবার ভিতর হ'তে একটা কিসের গরিমা ফুটে বেরুচ্ছে ।

লক্ষ্মী । ইনিই রাজকুমারী ?

বিক্র্যা । হ্যাঁ মা, দাসী-কন্যা ।

পুষ্প । ও পুতুল ! তা হ'লে ও রকম সাজানো পুতুল হ'য়ে সিংহাসনে ব'সে শুধু ভোগ খেতে গেলে তো চলবে না—আমার সঙ্গে খেলতে হবে,—এসো ।

পুষ্প ।—

গীত ।

সাধের প্রভাত মোর মিটাবো পুতুল খেলা ।

পেরেছি পুতুল আজি খুঁজি সারা ছেলেবেলা ।

খেলিতে এসেছি যদি ছাড়ি কেন তবে আর,

পেরেছি খেলা হাতে তাজিব চাতুরী তার,

দেখিব কেমন সে কত তার প্রলোভন,

কামনা-সাগরে আমি বাঁধিব ত্যাগের-ভেলা

[ লক্ষ্মীর হস্ত ধরিয়া সিংহাসন হইতে টানিয়া তুলিল । ]

বিক্র্যা । [ শশব্যস্তে ] করিস্ কি ? করিস্ কি পুষ্প ?

বিক্র্যা-বলি

[ তৃতীয় অঙ্ক ।

পুষ্প । ভয় নাই মা ! এ পুতুল সহজে ভাঙ্গবার নয়, ভাঙ্গবে—  
যখন তোমাদের কপাল ভাঙ্গবে ।

[ লক্ষ্মীকে লইয়া প্রস্থান ।

বিক্র্যা । জানি না কোন অপরাধ হবে কি না ! মেয়েটার লঘু  
শুরু জ্ঞান নাই ।

[ প্রস্থান ।

## দ্বিতীয় গর্তাঙ্ক ।

মতামগুপ ।

## বিরোচন ও ভক্তি ।

বিরোচন । আমিও তোমার পূজা করবো মা !

ভক্তি । আত্মও তোমার ভ্রম গেল না বিরোচন ! অগতে এক  
জন ছাড়া যে আর কারও পূজা নাই ! আমার পূজা করতে হবে না  
প্রাণাধিক ! আমার দিয়ে তাঁর পূজা কর ।

বিরোচন । তাঁর পূজা ! তিনি বিরাট—আমি ক্ষুদ্র, তিনি মহান—  
আমি তুচ্ছ, তিনি অসীম—আমি সঙ্কীর্ণ ; কি ক'রে তাঁর পূজা করবো মা ?

ভক্তি । বিরাটকে নিছের মত ক্ষুদ্র ক'রে নাও—মহান্কে সম্মুখে  
রাখবার মত সঙ্কুচিত কর—অসীমকে গণ্ডীর মধ্যে এনে ফেল । পূজা কর  
বিরোচন, এই মূর্তির—এই দেখ সেই মহা-নিরাকারের সাকার্য কল্পনা ।

[ বিরোচনকে নারায়ণ-মূর্তি প্রদান করিল ]

বিরোচন । [ অনিমেষ নয়নে নারায়ণ-মূর্তি দেখিতে দেখিতে

দ্বিতীয় গর্ভাঙ্ক । ]

শিক্ষ্যা-বলি

বসিলেন ] সুন্দর ! এ যে নব জলধর শ্যাম-মূর্তি—সর্ব কল্পনার চরম উৎকর্ষ ! মা ! মা ! বল মা ! কি মন্ত্রে এ মূর্তির উপাসনা করবো ? কি উপচারে এ বিগ্রহের পূজা দেবো ? কোন্ ধ্যানে এ অচেতনে জাগাবো ?

ভক্তি ।—

গীত ।

জাগাবে যদি এ অচেতনে ।

নিজে জাগ আগে যুমের সেবক, জাগাও যতক ইন্দ্রিয়গণে ।

ছন্দ স্তোত্র মুখেও এনো না, বাড়াবে তর্ক বাধাবে গোল,

।এ পূজার নাই অন্য মন্ত্র, মন্ত্র শুধুই হরিবোল,

কুঞ্চিত জিহ্বা করি বিলোল, জপ এ মন্ত্র আপন মনে ।

[ প্রস্থান ।

বিরোচন । বেশ মন্ত্র—চমৎকার উপচার—বাহবা ধ্যান ! তবে পূজা আরম্ভ করি ! [ বিগ্রহ সম্মুখে রাখিয়া বসিলেন ]

গীতকণ্ঠে অনন্ত প্রবেশ করিল ।

গীত ।

অনন্ত ।—এই বুঝি ঘটলো শেষে ?

ঘুরে ঘুরে পুতুল পূজো,

বুঝেছি লেগেছে দিশে ।

গীতকণ্ঠে সামার প্রবেশ ।

সীমা ।—এই তো জীবের ওঠার সিঁড়ি,

এতেই যাবে সোনার দেশে ।

অনন্ত ।—ওতে আছে কি ?

সীমা ।—ওতে নাই কি ?

অনন্ত ।—আছে অহকার আর কাম,

সীমা ।—কাম নিয়ে কাম কাটাতে হয়, বুঝবে কি এর পরিণাম ;

অনন্ত ।—পরিণাম আমড়া-খাঁটি,

সীমা ।—মন্দ কি, সেও ভাল, সোনা হ'তে দামী মাটি,

অনন্ত ।—পরিপাটী ভেঁকি তোমার, মধু কেলে পাথর চোবে,

সীমা ।—ও পাথর যে তৈরী বঁধু, জগৎখানার সার রসে ।

[ প্রস্থান ।

বিরোচন । আবার সেই মেঘ, সেই ঘন ঘন বিদ্যাচ্ছটা, বুঝি আবার পথ ভোলালে ! মা ! মা ! কৈ তুমি ? তোমার যে আর দেখতে পাচ্ছি না মা ! বড় অন্ধকার, যদিও মধ্যে মধ্যে বিদ্যাৎ চম্কাচ্ছে—কিন্তু বিদ্যাতের ক্ষণিক বিকাশের পরিণামও ঘোর অন্ধকার । জিজ্ঞাসা করি মা—

### দুর্লভের প্রবেশ ।

দুর্লভ । কিছু জিজ্ঞাসা ক'রো না ভাই ! এতে জিজ্ঞাসা করবার কিছুই নাই । তর্ক ছাড়—বিশ্বাস নাও—ভক্তির পথে চ'লে যাও ।

বিরোচন । গুরু ! গুরু ! তুমি প্রতিনিয়তই অন্তরে আছ, তবু এগুলো আবার আসে কোথা হ'তে ?

দুর্লভ । ওগুলোর বাসাও ঐখানেই । হাসির পাশেই কান্না, প্রশংসার পাশেই ঘৃণা, আলোকের পাশেই অন্ধকার ।

বিরোচন । ওঃ, না গুরু ! আর ওদিকে দৃষ্টিপাত করবো না । আমি পূজা শেষ করি ।

### ভক্তির পুনরাবির্ভাব ।

ভক্তি । পূজার তোমার উপাস্ত তুষ্ট হয়েছেন বিরোচন !

বিরোচন । তা হ'লে এইবার আমি বর চাই ?

। বর ?

বিরোচন । বলি লক্ষ্মীর প্রসাদে অশ্বমেধ-যজ্ঞে ব্রতী হ'য়ে দান করছে, আমারও উপাস্ত্র তুষ্ট, আমিও একটা কিছু করবো না গুরু ?

দুর্লভ । যজ্ঞ করবে ? তা কর । তবে ও অশ্বমেধ তোমার স্তো সাঙ্গে না ভাই ! যেমন যুদ্ধ করলে, সেই রকম যজ্ঞ কর । অশ্ব হ'তেও যা দ্রুতগামী, তুমি তাই ছাড় ।

বিরোচন । অশ্ব হ'তেও দ্রুতগামী কে ?

দুর্লভ । মন । তুমি মনোমেধ-যজ্ঞ কর বিরোচন !

বিরোচন । ঠিক । তবে গুরু ! বলির অশ্ব স্বর্গ, মর্ত্য, পাতাল ত্রিভুবন ভ্রমণ করছে, আমি কোন্ দিকে অশ্ব ছাড়বো ?

দুর্লভ । তুমি অশ্ব ছাড় ঐশ্বর্যের সৃষ্টি দিয়ে—রমণীরূপের ভিতর দিয়ে—অগতের যত আসক্তি-রাজ্য কাঁপিয়ে দিয়ে ।

বিরোচন । তারপর ?

দুর্লভ । তারপর অশ্ব যদি কোথাও ধৃত হয়, যুদ্ধ কর—সে রাজ্য হারথার কর—অশ্বের উদ্ধার ক'রে বিজয়-গর্বে যজ্ঞ সমাধা কর । কোন ভয় নাই, আমি তোমার এ যজ্ঞের পৌরহিত্য নিলুম ।

[ প্রস্থান ।

ভক্তি । আর বলি দান করছে অর্থ, তুমি অগতে বিতরণ কর প্রেম । কোন চিন্তা নাই, আমি ভাঙারে রইলুম ।

[ প্রস্থান ।

বিরোচন । তবে উল্লুক্র হও তুমি হৃদয়-ভাঙার, অগৎ বড় দীন— বড় কান্দাল । অল তুমি জ্ঞান-যজ্ঞ-বহি, ত্রিতাপ তোমার আহুতি । ছোট তুমি নৃত্যভঙ্গে মন মত্ত উচ্চৈঃশ্রবা, কাম-রাজত্ব বড় গর্বিত ।

[ গমনোত্ত ]

পুষ্পের প্রবেশ ।

পুষ্প । দাদামশাই !

বিরোচন । স'রে যা—স'রে যা নাতনী, আমার ঘোড়া ছুটেছে ।

পুষ্প । এঁ্যা—ঘোড়া ছুটেছে কি ? কৈ ?

বিরোচন । বুঝতে পারিস্ নাই নাত্নি ? তোর বাবা অশ্বমেধ-যজ্ঞ করছে না ! দেখাদেখি আমিও মনোমেধ-যজ্ঞ আরম্ভ করেছি । আমার সেই মন-ঘোড়া অগতের যত লালসার রাজ্য দিয়ে ডকা মেয়ে ছুটেছে । স'রে যা ভাই ! তোর ও ধ্বংস ওড়ান রূপ-রাজ্যখানা দেখলে, আগে ঐ দিকেই ধাওয়া করবে, আমি কুখতে পারবো না । কেন অনর্থক একটা কাণ্ড বাধাস্ ?

পুষ্প । অমন কাজও করবেন না দাদামশাই ! এদিকে ঘেঁসতে গেলেই আপনার ঘোড়া ধরা পড়বে ।

বিরোচন । এ যে-সে ঘোড়া নয় নাত্নী, এ ঘোড়া সদাই শীঘ-পা তোলে—চাট মারে—কামড়াতে যায় ।

পুষ্প । যে ঘোড়াই হোক, বশ করবার আমার চাবুক আছে ।

বিরোচন । এঁ্যা—বলিস্ কি !

পুষ্প । হাঁ দাদামশাই ! ছাড়ুন না, আমার ঘোড়ার চাপ্বার বড় সখ হয়েছে ।

বিরোচন । তা হবে বৈ কি ! সময় তো হয়েছে ! তা—যা, এ দিকে আর তাকাস্ নি ভাই ! তোর বাবাকে ব'লে তোর মনের মত একটা রত্নিন টাটু শীগ্গির আনিয়ে দেওয়াবো ।

পুষ্প । না দাদামশাই ! আমি সে হাত পা ওয়ানা :ঘোড়া নেবো না ; আমি এই রকম একটা নিরাকার ঘোড়া চাই, যাকে বশ করে আনন্দ আছে ।

বিরোচন । ঐ সাকারই ও তুফানে পড়লে দিন কতকের মধ্যে গ'লে নিরাকার হ'য়ে যাবে দেখতে পাবি । যা ভাই, এখন আর ঝঞ্জাট বাড়াস্ নি ।

পুষ্প । তা অত বিরক্ত হ'ছেন যখন—যাচ্ছি, তবে—

বিরোচন । আবার তবে কি ?

পুষ্প । এলুম—নেহাৎ শুধু হাতে যাবো, আপনার ঐ পুতুলটাই দিন না !

বিরোচন । আচ্ছা মেয়ের পাল্লার পড়লুম যে গা, ঘোড়া গেল তো পুতুল দাও । সব বিষয়েই ছেলেমি ! দেখ্ পুষ্প ! এখনও কি তোর পুতুল খেলার সময় আছে ভাই ?

পুষ্প । বাঃ, আপনি আমার ঠাকুরদাদা, আপনি পুতুল নিয়ে খেলছেন আর আমার সময় গেছে ? ও মা, এই আমি চললুম,—মাকে বলিগে—দাদামশায় আমাকে গাল দিলেন । [ গমনোত্ততা ]

বিরোচন । আরে শোন্ শোন্ নাতনী, চটিস কেন ? বলি, ও পুতুলটা নিয়ে তুই কি করবি বল্ দেখি ?

পুষ্প । বাবা আমার একটা পুতুল দিয়েছেন ; ও পুতুলটা পেলে বেশ হয়,—তার সঙ্গে বিয়ে দিই ।

বিরোচন । এই কথা ? তা হবে,—তার আর কি ?

পুষ্প । হবে নয়—এখনই—এই দণ্ডে ।

বিরোচন । আরে গেল যা.—অত ব্যস্ত হ'লে চলবে কেন ? বিয়ে ব'লে কথা—আমার পাত্রী দেখতে হবে না ? আমার এমন সোনার চাঁদ, যা নয় তাই একটা ক'রে বসবো ?

পুষ্প । সে আর দেখতে হবে না দাদামশাই ! পাত্রীটি অবিকল দিদিমার মত ।

বিরোচন । তা হ'লে আর দেখতে হবে না, নিশ্চয়ই সে অগদেক

সুন্দরী—অস্তুতঃ আমার চক্ষে । তবে কি নাতনী, আমার এখন কাছের বড় ঝাট ভাই ! এর মধ্যে আবার বিয়ে আরম্ভ করতে গেলে যজ্ঞটা পণ্ড হ'য়ে যেতে পারে ।

পুষ্প । না দাদামশাই ! সে জ্ঞাত ভাববেন না—তত ধুমধাম নাই হ'লো ! যজ্ঞ পণ্ড হওয়া দূরের কথা, আপনার যা কুটুম্ব হবে—দেখবেন, তাদের দ্বারা বরং ঢের সাহায্য পাবেন ।

বিরোচন । বটে ! তাই না কি ? তা হ'লে আমার সম্পূর্ণ মত আছে নাতনী !

পুষ্প । তবে আমি চলুম ; বাবাকে ব'লে পণ্ডিতমশায়কে ডাকিয়ে একটা দিন স্থির ক'রে ফেলিগে ।

বিরোচন । যা, কিন্তু পাওনা-খোঁওনা আমি আগে ছাঁদলাতলার বুঝে নেবো ।

পুষ্প । তার জ্ঞাত আটকাবে না দাদামশাই !

[ প্রস্থান ।

বিরোচন । ছেলের জ্ঞাত হ'লেও মেয়েটার হৃদয়টা যেন উচ্চ অঙ্গের । যাক, এখন ওদিকে চোখ কান দেবো না । আমার যজ্ঞ করতে হবে—দান করতে হবে—বলিকে ছাপিয়ে উঠতে হবে । সহায় হও তুমি !

[ বিগ্রহ লইয়া প্রস্থান ।



## তৃতীয় গর্ভাঙ্ক

কক্ষ।

অনুহাদ একাকী গম্ভীরভাবে চিন্তা করিতেছিলেন।

অনুহাদ। সৃষ্টির সমস্ত নৈরাশ্র অগংখানায় মুইরে দিবে যাক্, আমি সোজা থাকবো। সমস্ত গ্রহ উপগ্রহ কেন্দ্রচ্যুত হ'রে মাটিতে প'ড়ে কাঁছক্, আমি ধূমকেতুর মত একটানা ছুটবো। কোন সিদ্ধ পুরুষের অভিশাপ এসে অত্যাচারকে অন্ধ ক'রে দিক্, আমি লক্ষ্য ছাড়বো না; যতক্ষণ জীবন—যতক্ষণ সৃষ্টি—যতক্ষণ আমি। [ উদ্দেশে ] বলি! তুমি দণ্ড নিতে প্রস্তুত—না? জান, তুমি কি অপরাধ করেছ? আমার গম্ভীর্যের মধ্যস্থলে পরিখা খনন করেছ—আশাকে অর্ধেক পথে গলা টিপে ফিরিয়েছ—নির্বাণপ্রায় রোষ-বহ্নিতে ইন্ধন দিবেছ। সাবধান! সে আবার নব উত্তমে জ'লে উঠেছে।

নতমস্তকে বাণ প্রবেশ করিল।

অনুহাদ। এই যে বাণ! এ কি? মুখখানা যে একেবারে কালিমাখা হ'রে গেছে প্রাণাধিক? এই একটা সামান্য কথা নিয়ে এত চিন্তা—এত তর্ক কিসের, আজ সপ্তাহ ধ'রে তার একটা স্থির ক'রে উঠতে পারলে না?

বাণ। না ভাত! আজ আমি স্থির ক'রে ফেলেছি।

অনুহাদ। [ সানন্দে বলিলেন ] স্থির করেছ? বা—বা—বা, এই তো চাই। তবে কার্য আরম্ভ ক'রে দেওয়া যাক্?

বাণ। না জ্যেষ্ঠতাত! আমি স্থির করেছি—এ কার্য আমার দ্বারা হবে না।

অনুহাদ । [ সাশ্চর্য্যে বাণের দিকে চাহিয়া বলিলেন ] এঁ্যা—বল কি ? পর্কত হ'তে সমুদ্রে ফেললে যে ? কেন—কেন, হবে না কেন ?

বাণ । তিনি পিতা—আমি পুত্র । তাঁকে সিংহাসনচ্যুত ক'রে সেই সিংহাসনে বসবো আমি ?

অনুহাদ । কেন বসবে না ? সিংহাসনটা খাতিরের নয়, যোগ্যের অগ্র ।

বাণ । এতদূর যোগ্যতা বোধ হয় পৃথিবী সহ করতে পারবে না তাত ! প্রলয় হবে ।

অনুহাদ ; চিরকালটা ছেলেমি সাজে না বাণ ! বুঝে দেখ, কত বড় এই দৈত্য-সিংহাসন !

বাণ : বিশেষরূপ বুঝে দেখেছি তাত ! তা হ'তেও বড় আমার পিতৃভক্তি ।

অনুহাদ । [ বিরক্তিভরে বলিলেন ; এঃ, তোকে এ পথ দেখালে কে ?

বাণ । আমার অন্তরাখ্যা । জ্যেষ্ঠতাত ! আপনি যে পিতৃহত্যার প্রতিশোধ নিতে অগতে অত্যাচার অশাস্তি এনেছেন—রাজ-পরিবার মধ্যে বিদ্বেষ-বিগ্রহ বসিয়েছেন—সৃষ্টির সমস্ত পুণ্য সমভূমি ক'রে, একটা প্রকাণ্ড পাপের ঝড় তুলেছেন, আমারও তো সেই পিতা ?

দিতি প্রবেশ করিলেন ।

দিতি । তা হ'লে সিংহাসনটা বোধ হয় অগ্রত্রে গিরে পড়ে বাণ !

বাণ । আপত্তি নাই মা ! আমি যেচে ভিক্ষারুত্তি নেবো, তবু পিতার হাত ছাড়বো না ।

অনুহাদ । বাণ ! অপরকে বিনা বাধায় সিংহাসন ছেড়ে দিতে পারবি, আর বংশের আসনে নিজে বসতে পারবি না ?

বাণ । না তাত ! আমি বুঝে দেখলুম, এ সিংহাসনে যে বসবে, তাকে ঠিক আপনার হাতের পুতুলটী হ'য়ে থাকতে হবে । প্রভু হু খাটবে না, শ্রায়-অশ্রায়ের বিচার রাখতে পাবে না—মুখের একটা কথা পর্যন্ত চলবে না । একটু নড়াচড়া করতে গেলেই, আপনার ক্ষমতার বিন্দু মাত্র ক্ষতি করলেই আজ বলির বিপক্ষে যে ষড়যন্ত্র, তার দর্শাতেও তাই ।

দিত্তি । তা হ'লেও এত বড় একটা বিশাল দৈত্য-সাম্রাজ্যের প্রভু,—কি সম্মান—কি মর্যাদা—কি সৌভাগ্য, তুমি আজ হাতে পেয়েও পায়ের ঠেলছো বাণ ! তুমি বালক—তা হ'লেও এত অবোধ নও যে, সুরভিত নন্দন-কাননের মন্দার-গন্ধ সেবন, আর রবিকরতপ্ত শিলাখণ্ডের উপর দিয়ে নগ্নপদ ভিক্ষুকের বিষাদ ভ্রমণ,—হু'য়ের পার্থক্য বোঝ না ?

বাণ । খুব বুঝি—তবু ঐ বিষাদ ভ্রমণই আমি আজ বেছে নিলুম ।

দিত্তি । বুঝে দেখ বাণ ! আজ যদিও তুমি দেখতে পাচ্ছ না, কিন্তু আমি দিব্যচক্ষে দেখছি—ভবিষ্যতের একটা নিষ্ফল অনুতাপ তোমার জন্ম প্রতীক্ষা করছে । আজ যে সুযোগ তোমায় সাধনা ক'রে লওয়াতে পারছে না, সেই সুযোগ তুমি অনন্ত জন্ম চেষ্টা ক'রেও আর পাবে না ।

বাণ । কেন ? এর জন্ম সুযোগ অনুসন্ধান কিসের ? আমার পিতৃসিংহাসনের শ্রায়তঃ অধিকারী তো একমাত্র আমিই ।

দিত্তি । অধিকারী হবার সময়কে আর ধরতে ছুঁতে পাবে না বাণ ! দেখতে পাচ্ছে না, তোমার পিতৃ-সিংহাসন টলমল করছে ?

বাণ । [ নীরব ]

অনুহাদ । নীরব যে বাণ ?

দিত্তি । বল—প্রাণ খুলে বল, হিরণ্যকশিপুর দণ্ডের আসন তার ষোগ্য বংশধর বর্তমানে পরের হাতে স'পে দেওয়াই ঠিক ?

বাণ । [ স্বগত ] না—এ প্রবৃত্তি অন্ন করবার ক্ষমতা আমার থাকলেও সবাই এসে তার সঙ্গে যোগ দিচ্ছে—তারই সহায়তা করছে, আমার বুকের দিকে কেউ তা কাচ্ছে না । আমার অস্ত্র কুরিয়ে আসছে, কিন্তু ওরা ক্রমাগত সেই পূর্ণোদ্যমে বাণবৃষ্টি করছে,—আমি এখন দাঁড়াই কোথায় ?

অনুহাদ । এখনও নীরব ? এত অস্থিরতা কিসের বাণ ? চিন্তার ? চিন্তা অলস মস্তিষ্কের আবর্জনা । এত সঙ্কোচ কিসের ? পাপের ? পাপ-পুণ্য দুর্বল হৃদয়ের তরঙ্গ ? এ দীর্ঘনিঃশ্বাস কেন ? ও শুধু কাপুরুষের লক্ষণ । শক্তি—শক্তি—শক্তি ; শক্তি নিয়েই সৃষ্টি—শক্তিবলেই সব । কোন ভয় নাই, সে শক্তি আমি তোমার অল্প আকাশ প্রমাণ সংগ্রহ করেছি । সমগ্র প্রজার মাস্তিরেছি, তারা বিনা বাক্যব্যয়ে তোমার সম্মুখ ব'লে অভিবাদন করতে চায় । দেখবে ? স্বচক্ষে দেখ । তারা এইখানেই উপস্থিত আছে, আমি ডাকছি । [ গমনোচ্ছত ]

মহানাদ প্রবেশ করিলেন ।

অনুহাদ । [ চমকিয়া ] একি ! মহানাদ ! তুমি কি ক'রে ?

মহানাদ । মার্জনা করবেন দৈত্য-পিতামহ ! বড় একটা রুঢ় কথা বলতে এসেছি । সম্রাটের ইচ্ছা, আপনারা আর এ প্রাসাদের বাইরে না যান ।

অনুহাদ । বল কি মহানাদ ? প্রাসাদের বাইরে যাবো না কি ? এতদূর ইচ্ছা সম্রাটের মনে আসতে পারে ? না—না, তুমি ভুল শুনেছ,—যাও ।

মহানাদ । না পিতামহ ! আমার ভুল হয় নাই—আপনি ভুল করছেন । সম্রাট বেশ মুক্তকণ্ঠেই এই ইচ্ছা ব্যক্ত করেছেন, আর আমাকেই

আপনাদের পার্শ্বরক্ষী নিযুক্ত করেছেন । আমি সেই জন্যই আপনার বহির্গমনে বাধা দিতে এসেছি ; এ ভুল নয়—অলীক নয়—অতি সত্য ।

অনুহাদ । এ যদি সত্য হয়, তা হ'লে মহানাদ ! তুমি কি বলতে চাও, চন্দ্র সূর্য্য মিথ্যা ? স্নেহ ভক্তি মিথ্যা ? এত বড় জগৎখানা সব মিথ্যা—প্রতারণা—ভেঙ্কি ? বল—বল, যা ইচ্ছে বল ।

মহানাদ । আমি কিছু বলতে চাই না পিতামহ ! আমি আজ্ঞা-পালন করতে এসেছি মাত্র ।

অনুহাদ । তুমি আজ কি আজ্ঞা পালনের ভার নিয়ে এসেছ, জান মহানাদ ?

মহানাদ । জানি ; সম্রাট তা আমার বেশ ক'রে বুঝিয়ে দিয়েছেন—  
রাজবিদ্রোহীর রক্ষণাবেক্ষণ ।

অনুহাদ । রাজবিদ্রোহী !

মহানাদ । আজ্ঞা—হাঁ ।

বাণ । আপনাদের এর অর্থ কি সেনাপতি ?

মহানাদ । আপনাকেও বাদ দেওয়া হয় নি কুমার ! এই এর অর্থ, আর কি !

বাণ । তা বুঝেছি—তবে আমার অপরাধ ?

মহানাদ । যুদ্ধের পর ক'দিন ধ'রে আপনার চিন্তাশক্তি লক্ষ্য ক'রে সম্রাটের অনুমান, আপনিও এই ষড়যন্ত্রে ইতস্ততঃ করছেন ।

বাণ । [ স্বগত ] ওঃ !

দিত্তি । তা হ'লে আমিও তোমার সম্রাটের বন্দিনী মহানাদ ?

মহানাদ । না মা, আপনি এ ষড়যন্ত্রের নায়িকা হ'লেও, আপনার প্রতি সম্রাটের কোন আদেশ নাই,—আপনি যথা ইচ্ছা যেতে পারেন ।

অনুহাদ । রাজবিদ্রোহী ? বল কি মহানাদ ? রাজবিদ্রোহী ?

আমার পিতার রাজ্যে আমি রাজবিদ্রোহী ? আমারই ঘরে আমি চোর ?

এ্যা—অবাক করলে যে ! কথাটা বললে কি ক'রে মহানাদ ?

মহানাদ । আমি বলি নাই পিতামহ, বলছেন সম্রাট ।

অনুহাদ । সম্রাট ? সম্রাট ? কে সম্রাট ? বলি ? সে এ কথা বলছে ? বলছে যে হিরণ্যকশিপুর পুত্র অনুহাদ রাজবিদ্রোহী ! বলছে যে, সে গুটীপোকায় মত আপনার ঘরে আপনি বন্দী হ'য়ে থাক ? বলতে পারছে ? একবার তাকে সাম্না-সাম্নি ডেকে দিতে পার মহানাদ ! গোটাকতক কথা বলি । যদিও সে জানে, তবু বলি ; বলি যে, বৃদ্ধ নিরাশ্রয় নিঃসহায় ভেবে যে হুকুম সে আজ আমার উপর চালাচ্ছে, আমি ইচ্ছা করলে সেই হুকুম তার উপর চালাতে পারতুম । বলি যে, প্রকৃতির শৃঙ্খলায় রক্তচক্ষে নির্ঝাঁকু ক'রে তার যে শির স্বর্গ হুঁড়ে উঠেছে, আমি একটু বুঝে চললে, তার সেই মাথা আজ আমার পায়ে তলার লোটাতে । বলি যে, সম্রাট সে নয়—সম্রাট আমার ত্যাগ—সম্রাট আমার দয়া—সম্রাট আমার দান । ডেকে দিতে পার ? দেখি, সে আমার চোখে চোখ দেয় কি ক'রে ? হিরণ্যকশিপুর পুত্রের সাম্নে সোজা হ'য়ে দাঁড়িয়ে সম্রাটত্ব দেখায় কি ক'রে ?

দিত্তি । মহানাদ ! তোমারও তো একটা কর্তব্যজ্ঞান আছে ?

মহানাদ । আছে বৈ কি মা ! তবে এক প্রভু-আজ্ঞা পালন ভিন্ন অন্য কর্তব্য এখন আমার অকর্তব্য ।

অনুহাদ । খুব তো প্রভুভক্ত হ'য়ে পড়েছ দেখছি ! যাক—তোমার সে ভক্তিতে বাধা দিতে চাই না । তবে একটা কথা—দেখ, আমি লোকটা নিতান্ত একগুঁয়ে হ'লেও বড় সরল—কুটনীতির ধার ধারি না ; এতটা যে হবে, তা আমি মোটেই ভাবতে পারি নাই, এর জন্য আমি প্রস্তুত ছিলাম না ; একটু অবকাশ দিতে পার—সাবধান হই ?

মহানাদ । না পিতামহ ! সত্রাট আমার ভার দিয়ে নিশ্চিত আছেন, আমি সে বিশ্বাস হ'তে বিচ্যুত হ'তে পারবো না । তা হ'লে আর আমার কিছু থাকবে না ?

দিত্তি । তুমি কি চাও মহানাদ ? সেনাপতি তুমি কতদূর আশা তোমার ? বল—অসঙ্কোচে বল । ঐশ্বর্য্য, সম্মান, এমন কি দৈত্য-সিংহাসন পর্য্যন্ত । কি চাও, বল ?

মহানাদ । কি মা ? আপনি কি বুঝলেন—সেনাপতি মহানাদ পদোন্নতি, প্রভুত্ব, সম্পদ, এই রকম গোটাকতক রাক্ষসের উচ্চাশা নিয়ে রাজসংসারে ফিরছে ? আপনি কি বলতে চান যে সে তার আত্মা, আত্মমর্য্যাদা আপনার বলতে যা কিছু, সব দিয়ে পূজা করুক এক গলিত দুর্গন্ধময় কঙ্কালসার পাপের ? আপনার ইচ্ছা যে, সে তার বিবেক, বিশ্বাস মহত্ব, সবার বিনিময়ে ক্রয় করতে ছুটুক এক নখর পার্শ্বিক ভূখণ্ড ? যান মা ! মহানাদ এ রকম কথা প্রথম সহ করলে ।

অনুহাদ । রাগ ক'রো না মহানাদ ! তা না চাও, দরকার নাই । তবে আমি অনুহাদ—হিরণ্যকশিপুর পুত্র, তোমার কাছে ভিক্ষা করছি, আমার একটা দিনের মত মুক্তি দাও ।

মহানাদ । ছরাসা করবেন না পিতামহ ! কাকুতি, অনুনয়, ভিক্ষা, কর্তব্যের কাছে কেউ টেকে না ।

অনুহাদ । কি মহানাদ ! একজন ভৃত্যের এতদূর স্পর্ধা হ'তে পারে যে, হিরণ্যকশিপুর পুত্র আমি—আমি সব খুইয়ে ভিক্ষা করছি, সে অল্পানে প্রত্যাখ্যান করে ? সাবধান মহানাদ ! জান, যে বলিকে সিংহাসনচ্যুত করতে যেতে পারে, তোমার মত কাণ্ডহীন অকৃতজ্ঞ একটা মূর্খের এ ঔদ্ধত্যের প্রতিফল দেওয়া তার পক্ষে শক্ত নয় ?

মহানাদ । উগ্র হবেন না পিতামহ ! তাতেও বিশেষ লাভ নাই ।

অনুহাদ । আমার উগ্রতার নম্রমুখ করবে তুমি ? তোমার সাহসকে বাহবা দিই—তোমার আশাকে সাবাস বলি—তোমার মস্তকে পদাঘাত করি । এই আমি চলুম । দেখি, তোমার সত্রাটের কেমন আঙ্গা—তোমার সেনাপতিত্বের কত গৌরব—তোমার কর্তব্য কেমন অটল !  
[ গমনোত্ত হইলেন ]

মহানাদ । [ অসি নিষ্কাশন করিয়া বলিলেন ] সাবধান পিতামহ !  
এর অন্ত আমি সকল রকমেই প্রস্তুত ।

অনুহাদ । ওঃ, বলি ! বলি ! করলি কি ভাই ? বংশের নাম ডুবলি ? নিজে এলি না কেন ? একটা ভৃত্য পাঠিয়ে আমার অপমান করলি ? করলি কি ? ছি—ছি ভাই, করলি কি ? ও-হো-হো—  
[ মাথায় হাত দিয়া মাটিতে বসিয়া পড়িলেন ]

### প্রহ্লাদের প্রবেশ ।

প্রহ্লাদ । কোলাহল কিসের দাদার কক্ষে ? এ কে ? মহানাদ ? অঙ্গ ধ'রে ? ও কে—মাটিতে ব'সে মাথায় হাত দিয়ে ? দাদা ?  
[ আবেগভরে অনুহাদের হাত ধরিয়া সমবেদনার স্বরে বলিলেন ] দাদা !  
দাদা ! কি হয়েছে দাদা ?

অনুহাদ । প্রহ্লাদ ! প্রহ্লাদ ! বলি আমার বন্দী করেছে রে ভাই ! [ উঠিয়া দাঁড়াইলেন ]

প্রহ্লাদ । বলি তোমায় বন্দী করেছে ? কেন দাদা ? কি অপরাধ করেছে ?

অনুহাদ । অপরাধ এই যে, আমি হিরণ্যকশিপুর পুত্র ।

প্রহ্লাদ । আমিও তো হিরণ্যকশিপুর পুত্র ; কৈ দাদা ! আমার প্রতি তো এরূপ আঙ্গা নাই ?



অনুহাদ । তুমি হিরণ্যকশিপুর পুত্র হ'লেও, সে হিরণ্যকশিপুর পুত্র নও ভাই ! আমি পুত্র—শক্তির সেবক দেব-বিভবেশী নরসিংহের কোলে শায়িত প্রতিহিংসাপিপাসু রক্ততর্পণপ্রার্থী সেই হিরণ্যকশিপুর ।

প্রহ্লাদ । ওঃ—দাদা ! আর কেন ? শাস্ত হও না দাদা ! আর কেন দিবারাত্রি চিন্তার চিতা জালিয়ে আপনাকে পোড়াও দাদা ? কেন অশান্তির নরককুণ্ডে ব'সে আপনার ইহকাল পরকাল সব নষ্ট কর দাদা ? ফেরো দাদা ? খুব হয়েছে—আর না ।

অনুহাদ । প্রহ্লাদ ! প্রহ্লাদ ! তুমিও তার দিকে হ'লে ভাই ? আমি বন্দী, এ কথা শুনে তোমার মাথা ঘুরে গেল না ? শিরায় শিরায় বিদ্যুৎপ্রবাহ ছুটলো না ? আমারই দোষ লাব্যস্ত ক'রে আপনাকে বুঝিয়ে ফেললে ভাই ? প্রহ্লাদ ! আমার ধারণা ছিল—আমার সব গেছে, কিন্তু আমার ভাই আছে । আজ দেখছি—সে ভাই পর্য্যস্ত হারালুম । [ অভিমানে প্রায় কাঁদিয়া ফেলিলেন ]

প্রহ্লাদ । না দাদা ! ভাইহারা হও নাই । তবে বলছিলুম কি ? গর্ব, অভিমান আর সাজে না দাদা ! শক্তির প্রয়োগ আর চলে না দাদা ! যার তার উপর এ প্রভু আর খাটে না দাদা ! আমাদের সে দিন গিয়েছে ।

অনুহাদ । তা বটে ! আজ আমরা বড়ই বৃদ্ধ—আজ আমরা বড়ই নিঃসহায়—আজ আর আমাদের কেউ নাই !

প্রহ্লাদ । কেউ নাই কেন দাদা ? ষাদের কেউ নাই, তাদের ভগবান্ আছেন । চল না দাদা, তাঁর স্মরণ নিই ; চল না দাদা, আমরা দুটা ভাইয়ে গলাধরাধরি ক'রে এই স্বার্থের পঙ্কিল পবল হ'তে উঠে সেই শাস্তি-সরোবরে গা ঢেলে দিই ; চল না দাদা, সেই পরমাত্মীর হৃদয় অধিকার ক'রে, আমাদের কেউ না থাকার সব কৃতি পূরণ ক'রে নিই ।

## বিদ্যা-বলি

[ তৃতীয় অঙ্ক ।

অনুহাদ । না প্রহ্লাদ ! ও উপাদানে আমার উৎপত্তি নয় উাই ! আমি এই কারাবন্ধনেই প্রতিহিংসার জপ করবো,—এই নরককুণ্ডে বসেই তার রূপ ধ্যান করবো ; আমার ইহকাল পরকাল সব দিয়ে কিছু না পারি, লক্ষ্যটাকে বজায় রাখবো । সেই আমার ইষ্ট—সেই আমার শান্তি—সেই আমার সব ।

প্রহ্লাদ । দাদা ! আমি একবার সম্রাটের কাছে যাবো ?

অনুহাদ । কেন ?

প্রহ্লাদ । তোমার মুক্তি ভিক্ষা করতে ।

অনুহাদ । প্রহ্লাদ ! প্রহ্লাদ ! আমি বন্দী হয়েছি, তাতে ততটা ক্ষতি হয় নাই,—তুমি হিরণ্যকশিপুর পুত্র, আমার ভাই—তুমি একটা অপগণ্ড বালকের সিংহাসনতলে দাঁড়িয়ে করপুটে ভিক্ষা করবে—সেই দৃশ্যটা কল্পনা ক'রে যতটা হ'চ্ছে ।

প্রহ্লাদ । উপায় নাই দাদা ! যত বড়ই হই, আমাদের মাথা নোরাতেই হবে । আজ সে সম্রাট—আজ সে প্রবল—আজ সে ঈশ্বরের অনুগৃহীত । দেখো মহানাদ ! রক্ষী হ'লেও আমার দাদার মর্যাদা ঠিক রেখে । [ প্রস্থান ও পশ্চাৎ পশ্চাৎ মহানাদের প্রস্থান ।

অনুহাদ । মা ! আছিস্ মা ?

দিতি । আছি বৈ কি বাবা ! মা কি বাবার ? মা থাকে প্রতি দীর্ঘনিঃশ্বাসে, মা থাকে প্রত্যেক অশ্রুবিদ্যুতে, মা থাকে সন্তানের বিপদ-মঙ্গল, লাভ-সর্বনাশ, আশীর্বাদ-অভিশাপ সর্বত্র ছড়িয়ে । কিছু ভেবো না বাবা, একটু চোখ বুজে থাক,—দেখি সম্রাটের বিচারটা । তার পর—তার পর আকাশের বুক চিরে বজ্র নিয়ে আসবো, ভূগর্ভ খনন ক'রে অগ্নিতরঙ্গ নিয়ে আসবো, কঠোর তপস্তা ক'রে ব্রহ্মশাপ নিয়ে আসবো । [ প্রস্থান ।

বাণ । না—আর ভাবতে পারি না । ছোঁষ্ঠতাত ! আমি আপনার সঙ্গে সন্ধি করবো ।

অনুহাদ । কিসের ?

বাণ । আপনার সঙ্গে যোগ দেবার—আপনার সেই প্রস্তাবে পশু হবার—আপনার এই প্রলয়-যজ্ঞে প্রাণপাতে সাহায্য করবার ।

অনুহাদ । বাণ !

বাণ । আশ্চর্য্য হবেন না তাত ! আমিও বন্দী । আমার চিত্ত-চাঞ্চল্য লক্ষ্য করে সম্রাটের অনুমান, আমিও এই ষড়যন্ত্রে ইতস্ততঃ করছি ; এই অপরাধে আমি বন্দী । এতখানি চিন্তার বিনিময় এই ? এতটা প্রবৃত্তি জয়ের উপহার এই ? এত বড় পিতৃভক্তির পুরস্কার এই ? যাক্—আমি তাঁর সে অনুমান মিথ্যা সপ্রমাণ করতে চাই না । আমার এতক্ষণে চৈতন্য হয়েছে তাত ! যে পিতা শুদ্ধ অনুমানের উপর নির্ভর করে সন্তানকে এতটা দোষী সাব্যস্ত করতে পারেন, অলীক সন্দেহে এতখানি গুরু দণ্ড বিধান করতে পারেন, ৩৬ সিংহাসনরক্ষায় ভবিষ্যতের জন্ত এমন সাবধান হ'তে পারেন, তার পুত্রের আবার বিচার কি ? তার অংশজের আবার পিতৃভক্তি কি ? জ'লে উঠুন তাত, ষাণনল শিখার মত—আমি প্রভঞ্নের মত চতুর্দিকে বিস্তার করি ; গর্জন করুন আপনি প্রলয়-গগনের মত—আমি বিরাট বন্যা হ'য়ে বিশ্ব-ধানীর গ্রাস করি ; মন্ত্র পাঠ করুন আপনি পুরোহিতের মত—আমি এ যজ্ঞে দেব, দ্বিজ, শ্রদ্ধা, ভক্তি, গুরু, ঈশ্বর, সব এক ধার হ'তে আহুতি দিই ।

অনুহাদ । দেখা যাক্ বাবা. পারি আর না পারি, এ চিন্তাতেও মুখ আছে ।

[ উভয়ের প্রস্থান ।

## চতুর্থ গভাক ।

গোলোক ।

সিংহাসনে নারায়ণ গভীর চিন্তায় নিমগ্ন—  
গোপিনীগণ গাহিতেছিলেন ।

গোপিনীগণ ।—

### গীত ।

কালো মেঘে আলো দিতে চপলা খেলে না আর ।  
আঁধিতে দেখিব কি, এ যে ঘোর অন্ধকার ।  
মিছে রূপের বড়াই কর শ্রাম,  
কই সে ললিত হাসি, কাল হইছে বাঁশী  
কোথা গেল বন্ধিম ঠাম,  
ঘন ঘন আঁধিঠারা, কোথা সে রসের ধারা,  
বুঝেছি হে, তার কাছে তোমার যা কিছু সার ।

[ গ্রন্থান

নারায়ণ ।      জানি না কি ভাবে আছে শক্রপূরে  
কমলনয়না কমলা আমার !  
ফুলময় বপু তার  
শুকর নিঃশ্বাস-তাপে,  
শীর্ণা স্নানমুখী তিলেকের অবতনে ।  
আমা বই জানে না সে কিছু,  
নীলাঙ্গ নয়ন তার

হেরিতে চাহে না কভু শ্রামরূপ বিনা,

কর্ষ তার ও আমার চরণ সেবা !

জানি না—

কি দিবে তারে রেখেছে ভূলায়ে

দানবেন্দ্র বলি ।

কারে বলি এ মর্ষ-কাহিনী !

কিরূপে উদ্ধারি তার,

কিসে করি দান-দর্প চূর্ণ অমুরের !

দেবর্ষিসহ ইন্দ্র ও দেবগণ প্রবেশ করিলেন ।

দেবর্ষি ।—

গীত ।

তব চরণপ্রাপ্তে ত্রিবেণী-তীর্থ মুক্ত জগৎ করিয়া স্থান ।

অমৃত তব নাম অনন্ত, সে অমর যে করেছে পান ।

বন্ধে তোমার জগৎ-লক্ষ্য পরমা প্রকৃতি জ্ঞানিনী,

বাহতে শক্তি কঠে বেদ রসনার বীণাবাদিনী,

বদনে বিশ্ব নাসায় বায়ু,

অধরে তৃপ্তি ললাটে আয়ু,

চন্দ্রে তোমার চন্দ্র সূর্য্য, শাস্তি তোমাতে হে শুগবান্ ।

তোমারই রচিত নন্দন মাঝে তুমিই আছ হে ফুটিয়া,

তুমিই তার মকরন্দ মধুপ তুমিই লতেছ লুটিয়া,

কেহ নাই হেথা তুমিই সব,

তোমাতে সকলি হে কেশব,

তুমিই শুনিছ তোমারই গীত তোমারই এ গুণগান ।

নারায়ণ ।

দেবগণ !

তোমাদের চিন্তাতেই ছিলাম মগন,  
আগমন বার্তা কিছুই জানি না ;  
সন্তাষণ পাও নাই যথাযোগ্য,  
অভিমান ক'রো না তাহাতে,—  
বড়ই উদাস আমি আজ ।

কহ, কেন হেথা আগমন ?

ইন্দ্র ।

এসেছি জানাতে এক শুভ সমাচার,—

তোমার সৈবক ইন্দ্র,

তব দর্পে দর্পিত বাসব,

তোমারি ইন্দ্রিতে—

তব কশ্ম্ব অনুষ্ঠানে,

পেয়েছে আঘাত বড়

তোমারি প্রদত্ত প্রাণে ।

মত্ত বলি-অশুরের বাণে

শক্তিহীন—স্থানভ্রষ্ট—পরাজিত ।

নারায়ণ :

শুধু তুমি নও, ইন্দ্র, আমিও যে তাই ।

পবন ।

এ আবার কি ছলনা দেব ?

নারায়ণ ।

নহে ছলনা পবন !

সত্য, যা কহিছু ।

নহি শুধু পরাজিত,

হারিয়েছি এ ষোর আহবে

অর্দ্ধাঙ্গভাগিনী প্রাণপ্রিয়া

ইন্দ্রিরারে মম ।

কাল । কি হবে—কি হবে তবে দেব দামোদর !

কিলে রক্ষা হবে দেবতার মান ?

নারায়ণ । উভয় সঙ্কটে আমি পতিত শমন !

একদিকে তোমরা আমার,

অন্তরে প্রহ্লাদ, বিরোচন, বলি ।

কুবের । দলিয়াছ তুমি মধু, মুর, কৈটভেরে

অভয় দানিতে দেবে ;

হিরণ্যাক্ষ, হিরণ্যকশিপু তরে

সহিয়াছ কত ক্লেশ ;

জানি যে বিশেষ—

মুর-শক্তি চির-অমুরারি তুমি ।

নারায়ণ । [ নীরবে চিন্তা করিতে লাগিলেন ]

পবন । রক্ষা কর স্বর্গভূমি,

হর দুঃখ দেবতার হরি !

তুমি পিতা, তুমি মাতা,

তুমি গতি মুক্তিদাতা,

ত্রাহি ত্রাহি অগৎ-তারণ !

নারায়ণ । স্তব-স্ততি চাহি না পবন !

অবশ্য-কর্তব্য বাহা করিব তা আমি ।

শুনিব না কাহারো রোদন,

মানব না কোন বাধা ।

কে কিলে জাগাবে মোরে

নিজে না জাগিলে আমি ?

যোগনিদ্রা মোর !

স্থির হও,  
উপায় বিধান যাহা হয় নিশ্চয় করিব ।  
এক কথা শুধাই তোমারে দেবরাজ !  
সন্দেহ ঘটেছে মনে,  
কণ্ঠপ-প্রদত্ত অস্ত্র বর্তমানে  
কেন হ'লো পরাজয় তব ?

ইন্দ্র ।  
সে অস্ত্র পেয়েছি মাত্র  
কিন্তু তার প্রয়োগ করি নি প্রভু !

নারায়ণ ।  
কেন ?

ইন্দ্র ।  
পাছে হয় পিতার কলঙ্ক ।  
আমি যে পিতার পুত্র, বলিও যে তাই ।  
শক্তি নভি পিতৃ-সন্নিধানে,  
তাঁরই অংশজ্ব প্রাণে হানিব সে শেল ?  
পরাজয় হয় হোক মোর,  
থাক পিতা পবিত্র উজ্জল ।

নারায়ণ ।  
আমা হ'তে শ্রেষ্ঠ তুমি আখণ্ডল,  
কি মহত্ব কি সমদর্শনে !  
তা না হ'লে এত উচ্চাসনে কেন তুমি ?  
ধন্য তুমি, ধন্য ভাগ্যবান সে কণ্ঠপ—  
তোমা হেন পুত্রের জনক ।

ইচ্ছা হয়—  
প্রাণ ভ'রে পিতা ব'লে ডাকি আমি তারে ।  
যাও দেবরাজ ! নিশ্চিত হইয়া যাও,  
যে কোন প্রকারে আবার ফিরাবো দিন,



যুচাবো মঙ্গল করে সর্ব মলিনতা,  
আবার বহাবো স্বর্গে শান্তির পাথর ।  
আমার দশায় বা হবার হোক,  
তোমার মতন  
যুক্তিমান্ মহত্বে ভরিয়া থাক  
স্বর্গ-সিংহাসন ।

অদিতি প্রবেশ করিলেন ।

অদিতি । এই সঙ্গে আমাকেও একটা ভিক্ষা দাও দয়াল !

নারায়ণ । আর কোন ভিক্ষার প্রয়োজন নাই মা ! আমি তোমার পুত্রকে অভয় দিয়েছি, তাকে আবার রাজরাজেশ্বর করবো ।

অদিতি । আমি ও ভিক্ষা চাই না কৃপাময় ! আমার ভিক্ষা দাও, আমার পুত্র ভিখারী হোক । রাজরাজেশ্বর পুত্রের জননী হওয়ার সাধ আমার মিটে গেছে, ইচ্ছা—দিনকতক ভিখারীর মা হ'রে দেখি । ভিক্ষা দাও দয়াময় !

নারায়ণ । দেবমাতার এরূপ হীন ভিক্ষা কেন মা ?

অদিতি । দেবমাতা হ'লেও আমি বুঝে দেখলুম, আমি কণ্ডুপপত্নী, ভিখারীর গৃহিণী—ভিখারিণী ; আমার ভিখারী পুত্রই দয়াকার । দেখতে পাচ্ছে না সর্বদর্শি ! রাজ-জননী হওয়ার সুখ ? চোখের জলের বিরাম নাই—আহার-বিহারের সময় নাই—পুত্রকে পুত্র ব'লে বুকে নেবার অধিকার নাই ; কেবল রোদন—কেবল ভ্রমণ—কেবল আত্মগোপন । ভিখারী পুত্র হ'লে আর কিছু না হোক, দিন রাত তার হাতুখ দেখতে পাবো—হিংসার হাত হ'তে দূরে দাঁড়াবো—প্রকাশে প্রতি মেহবিন্দু দিয়ে প্রাণ ভ'রে পুত্রের মা হ'তে পাবো । দাও—দাও, ভিক্ষা দাও,—সব দাও—আমার ভিখারী পুত্র দাও ।

নারায়ণ ।

[ স্বগত ] দিতে হ'লো বর ;

এই যোগ্য অবসর

কর্মক্ষেত্রে নামিবার,

সকল কার্য সিদ্ধ হবে এই এক বরে ।

[ প্রকাশ্যে ] দেবমাতা !

হেরিয়া দৈন্ত্যতা তব,

হেরিয়া পুত্রের প্রীতি, সন্তান-বাৎসল্য,

মা বলিয়া ডাকিতে তোমারে

ব্যাকুলিত আমারো রসনা,

প্রার্থনা হইবে পূর্ণ অচিরাৎ,

যাও গৃহে অমর জননি

ভিখারী পুত্রের সাধ মিটিবে তোমার ।

নির্ভয় দেবতাগণ !

প্রস্থান

দেবগণ ।

য়—অয় শত্রু-নিসূদন !

[ সকলের প্রস্থান ।

## পঞ্চম গর্ভাঙ্ক ।

কুটীর ।

শ্বেতান্স শর্মা ।

শ্বেতান্স । না—এ অন্তায় আর নয় না ! আজ ব্রাহ্মণীর পিঠের চামড়া যাবে, তার হাড় এক জায়গায় মাস এক জায়গায় করবো । ওঃ—এ কি কম অন্তায় ? সেই কোন্ আমলে একটা ছেলে হ'য়ে গেছে—কেবল ব'সে ব'সে ভাত মারছেন, এ পর্য্যন্ত তার নামটা নাই । কত যাগ-যজ্ঞ দান-থন্নরাৎ হ'চ্ছে, এক এক জন এক এক কাহন ছেলে নিয়ে গিয়ে খাচ্ছে—লুটপাট করছে—ঘরে আনছে । আর আমি একটা অপগণ্ড নিয়ে কি আর করবো,—মনের দুঃখে তাদের ব্রাহ্মণীদের বাহবা দিতে দিতে শুধু হাতে ঘরে ফিরছি । সে সব তো যা হোক এক রকম সহ হয়েছিল, আজ আর রক্ষা নাই,—আজ বলি রাজার যজ্ঞ ; রাশি রাশি টাকা, রাশি রাশি কাপড়, রাশি রাশি চাল, মুখের কথা কইতে না কইতে । ওঃ—এ কি সহ হয় ? আমি কি করি গো ! একটা দুখের বাচ্ছা নিয়ে আমি কোন দিক সামলাই গো ! আমার মরণ হয় না কেন গো ! না—আজ আর কোনমতে নিস্তার নাই । আজ তার একদিন কি আমার একদিন । আজ তাকে হিরণ্যকচ্ছপ বধ করবো ।

কালিন্দীর প্রবেশ ।

কালিন্দী । বলি, কি হয়েছে গো ! ঘরের ভিতর ঘোড়ার মত অমন শীষ-পা তুলে নাচ্ছে কেন ?

শ্বেতাজ্ঞ। আমার নাচ পেয়েছে। দেখ লালের মা! রসিকতা রাখ, রাগে আমার মাথা বন্ বন্ ক'রে ঘুরছে। যা বলি শোন, ভাল চাও তো আজ রাত্রির মধ্যে যেথা পাও, অস্তুতঃ এক পণ ছেলে এনে হাজির কর।

কালিন্দী। ও মা, ছেলে কোথা পাবো গো? রোজ রোজই তোমার সেই এক কথা! ছেলে কি গাছের ফল?

শ্বেতাজ্ঞ। গাছের ফল হোক—নদীর জল হোক—চড়ার বালি হোক, লোকে পায় কোথা?

কালিন্দী। তা—যে যেমন দিলে এসেছে।

শ্বেতাজ্ঞ। তুমি না দিলে এলে কেন? যাও—এখনও বলছি, ঠাকুর ঘরে যাও—যা দেবার দাও, ছেলে পণটুকু কিন্তু আজ রাত্রির মধ্যেই যে কোন প্রকারে ষোগাড় করা চাই-ই চাই!

কালিন্দী। ও মা, বলে কি গো! মিন্‌সের মতিচ্ছন্ন ধরেছে না কি গো! ঠাকুর ঘরে যাবো? ঠাকুর তো ঠাকুর, তেত্রিশ কোটি দেবতা এলেও আজ রাত্রির মধ্যে কেউ এ বর দিতে পারবে না।

শ্বেতাজ্ঞ। পারবে না? তবে তারা দেবতা কিসের? কেবল চাল-কলা খাবার? আচ্ছা, আজ রাত্রির মধ্যে না পারে, কখন নাগাদ পারবে? ক' দিনে পারবে? না হয় হু'দিন সবুর্ই করি, যজ্ঞটা এমন কিছু আজই ফুরিয়ে যাচ্ছে না!

কালিন্দী। ঞ্জাকামি কর কেন? ক' দিনে—কখন নাগাদ,—ও মা, কি ঘেরা! ওগো, ঠাকুর-দেবতাকে এ জন্মে দিলে! রাখলে আর জন্মে পাওয়া যায়।

শ্বেতাজ্ঞ। এ্যা! একটা দিন নয়—একটা মাস নয়—একটা বছর নয়—একটা জন্ম! না—আজ একটা কাণ্ড না হ'য়ে যায় না—খুনোখুনি

হবে । আঃ, কি কণাই বললেন আর কি গো—আর অন্যে । আরে, এখন আমার কাজ চলে কি ক’রে ?

কালিন্দী । তা আর কি করছি ? কোন রকম ক’রে চালিয়ে নাও ।

শ্বেতানু । কোন রকম মানে ? ধার-ধোর ক’রে না কি ! ছেলে হাওলাত ? যা হোক বাবা ! আর তাই বা দিচ্ছে কে ? সবারই তো এই একটা দাঁও না কি ? আর দিলেই বা শুধিছে কিসে ? তোমার তো ঐ সবেধন রামকানু ?

কালিন্দী । ও আমার একাই এক লক্ষ । বংশ রক্ষা হয়েছে, এই চের ; আবার কেন ?

শ্বেতানু । বংশ কাকে বলে জান ? কি বর্ষায় বর্ষায় যার দশ বিশটা কোড় গজায়, তাকে বলে বংশ ! তোমার এমন আকোড় বংশ নির্বংশ যাক ।

কালিন্দী । ষাট ষাট—বালাই—ষাট ! বংশ নির্বংশ হ’তে গেল কেন, তুমি যাও না ! ও মা, আমার ছুধের বাছায় গাল ! ওগো আমার কি হবে গো ? শনিবারের বারবেলা যে গো—আমার নেকনে কি আছে গো ?

শ্বেতানু । তোমার নেকনে ঢেঁকি আছে গো—আবার কি থাকবে গো । নাও—নাও, এখন কান্নাকাটি রেখে দিয়ে ছেলেটাকে ডেকে দাও । লোকের দেখে আর বুক ফাটিয়ে করছি কি ! কাজটা তো সারতে হবে ? তাকে নিয়েই যা পারি নিয়ে আসি । অনেক দূর পথ—শীগ্গির ডেকে দাও—আমি শিথিলে পড়িয়ে ঠিক ক’রে নিই !

### লালের প্রবেশ ।

লাল । যা ! যা ! আমার পারে কাঁটা কুটেছে ।

কালিন্দী । ওগো মিন্‌সের কি কাল বাক্য গো, সঙ্গে সঙ্গে বুঝি ফ'লে গেল গো !

শ্বেতাজ । এই দ' পড়িয়েছে গো ! আমারও কপালে আগুন লেগেছে গো ! আহরে গোপাল এখনই বুঝি বা বলে—আমি পথ চলতে পারবো না গো !

কালিন্দী । কোথায় কাঁটা ফুটেছে বাবা, দেখি ?

লাল । না মা ! ফুটেছিল—সে বেরিয়ে গেছে ।

শ্বেতাজ । থাক, রুকে পাই । দেখ লাল ! বলি রাজার যজ্ঞ হ'চ্ছে শুনেছিস্ তো ? ভোরে উঠে আমাদের ছ' বাপ-বেটাকে বেতে হবে । বাবুনের ছেলে, কায়দা-টায়দা শিখেছিস্ তো ?

লাল । আমি বেতে পারবো না বাবা ! আমার পা দেখ ।

শ্বেতাজ । যা ভেবেছি তাই ! এ কেবল আদর দেওয়ার ফল । দেখ লালের মা ! আজ তুমি নেহাত বাড়াবাড়ি ক'রে তুললে দেখছি ।

কালিন্দী । ও মা ! ছেলের পারে কাঁটা ফুটেছে, তা—

শ্বেতাজ । কেন ছেলের পারে কাঁটা ফোটে ? ছ'দিন সবুর ক'রে যজ্ঞটা মেরে এসে কাঁটা ফুটলে চলতো না ? এ সব নাই দেওয়া নয় ? আজ তোমার মুণ্ড দ্বিধণ্ড ।

কালিন্দী । এই নাও—আমি আর তার কি করবো ? আমার দোষ কি ?

শ্বেতাজ । কেন তুমি এমন ছেলে গর্ভে ধর ? কাঁটা ফোটারানোর ভাল বোঝে না ! নাও—এখনও বলছি, ঝাড়-ফুক লোক-তাপ ক'রে পা নারিয়ে দাও,—যজ্ঞে যেতেই হবে ।

লাল । আমি কিছুতেই যাবো না ; আমার পারে বেদনা ।

শ্বেতাজ । দেখ—দেখ—বাবুনের ঘরে মুখ্য দেখ একবার । আমরাও

তো বাবার ছেলে ছিলুম বাপু! কাঁটা ফোটা তো কাঁটা ফোটা—একটা  
পা কোন্ দিকে উড়ে গেলেও নেমস্তন্ন বাদ দিই নাই।

লাল। সে যাই বল বাবা, আমি কিছুতেই যাবো না।

খেতাজ। আরে বাবা, বাবুনের ঘরের ছেলে—ও রকম একঙুরেমি  
করলে কি চলে? বুড়ি বুড়ি লুচি—পাহাড় পাহাড় সন্দেশ—পুকুর  
পুকুর ক্ষীর।

লাল। নিরে এস না বাবা আমার জন্তে, আমি ঘরে বসেই থাকো।

খেতাজ। ব্যাটার ছেলের এদিকে আঁটনিটা দেখ একবার! আমি  
বাড়ী বসে এনে দেবো—উনি বসে বসে গিলবেন।

লাল। তবে আমি থাকোও না—যাবোও না,—খেলতে চলুম।

[ ছুটিয়া প্রস্থান।

খেতাজ। দেখ—দেখ, ব্যাটার ছেলের কাজের বেলায় পারে কাঁটা  
ফুটেছে, আর দৌড়ানোর রকমটা দেখ একবার।

কালিন্দী। ওরা ছেলের জাত—ওদের ও রকম করলে কি যায়?  
বুঝিয়ে সুঝিয়ে নিরে যেতে হয়।

খেতাজ। বুঝোও—শীগগির বুঝোও—যা ক'রে পার, বুঝিয়ে ঠিক  
কর। নইলে আর রক্ষে নাই, তোমার লালকে লালে লাল ক'রে  
ছাড়বো—তোমার আদর দেওয়া কাঁটার বাড়বো—ঘরের মট্কার  
আগুন দেবো। [ প্রস্থান।

কালিন্দী। কি দুর্ভাগ্যের পাল্লাতেই পড়েছি আর কি! হাড়ে  
নাড়ে আগালে। যাই, দেখি, আবার ছেলেটা কোন্ দিকে গেল।

[ প্রস্থান।

## ষষ্ঠ গর্ভাঙ্ক ।

কক্ষ ।

রত্নাসনে বলি উপবিষ্ট ও সম্মুখে  
কোষাধ্যক্ষ দাঁড়াইয়াছিল ।

কোষাধ্যক্ষ । বার বার কেন এ আদেশ ?  
আছি মোরা চির-সাবধান,  
প্রভু-আজ্ঞা অঙ্কিত হৃদয়ে সদা,  
যথাবিধি দান-কার্য হতেছে নির্বাহ ।

বলি । জানি তুমি সুদক্ষ, বিশ্বাসী,  
প্রভুভক্ত, কর্তব্য-সেবক ;  
তাই তব করে সঁপিয়াছি হেন গুরুভার ।  
তবু সাবধান !  
কেনো হে দীমান্ !  
সর্ব শ্রম সমস্ত উদ্ব্যম ব্যর্থ  
বিন্দুমাত্র ক্রটি হ'লে ।  
ধন রত্ন অন্ন বস্ত্র  
আসন তৈজস ভূমি আদি  
যে যাহা চাহিবে—বাহিবে না পাত্ৰাপাত্ৰ,  
দিবে দান অকাতরে ;  
মুখের বিকৃতি আভাসেও যেন  
নাহি দেখা যায়—যাও ।

[ কোষাধ্যক্ষের অভিবাচন ও গ্রহণ ।



মহানাদ প্রবেশ পূর্বক অভিবাদন করিল ।

মহানাদ । দৈত্যনাথ ! দেবতারা যজ্ঞ-সভায় আগমন করেছেন ।

বলি । দেবরাজ ইচ্ছা এসেছেন ?

মহানাদ । এসেছেন ; তিনি আপনার সাক্ষাৎ চান ।

বলি । যাও মহানাদ ! তাঁদের যথাযোগ্য আসন দাও গে, সমাদরে অভ্যর্থনা কর গে । তোমার উপর ভার দিলাম, তাঁদের মর্যাদার যেন কোন হানি না হয় । যদিও তাঁরা আজ সর্বস্বাস্ত, দীন হীন পথের ভিখারী, তবু মনে রেখো—তাঁরা সবার উচ্ছে ; যাও । [ মহানাদ গমনোদ্ভূত হইলেন ] আর দেখ, গুরুদেবকে নিবেদন ক'রো, তিনি যেন বিনা আপত্তিতে সম্মানে তাঁদের যজ্ঞ-অংশ দান করেন । যাও, আমি অবিলম্বেই যাচ্ছি ।

*উপস্থিত-সময়*

উপস্থিত-সময় মহানাদ প্রস্থান করিল ।

বলি ।

এতদিনে ঘূরিতেছি

কেন এ দানবকুল দেবের বিদেষী ।

এত উচ্চ দেবতা-হৃদয় !

গর্ব অভিমান দিয়ে জলাঞ্জলি,

বারেকের অশ্রদ্ধা আহ্বানে

শত্রু-যজ্ঞে আসে মিত্রভাবে !

কোন্ তুলিকার ধাতা করিল অঙ্কিত

এ হেন অতুলনীয় মহান্ চরিত্র ?

আমারো অসূয়া আসে,—

মনে হয়, পরাজয় হয় নি তাঁদের,

পরাজিত আমি প্রতিপদে ।

ধীরপদে বিক্র্যা প্রবেশ করিলেন ।

- বলি ।            রাণী—
- বিক্র্যা ।        দাসী ।
- বলি ।            কেন বিক্র্যা, এত নতমুখে ?  
আরক্ত আনন,  
ছল ছল দৃষ্টি হেরিয়া তোমার  
মনে হয়, আছে কিছু বলিবার ।
- বিক্র্যা ।        মহারাজ ।
- বলি ।            বল বিক্র্যা ।
- বিক্র্যা ।        ভিক্ষা ।
- বলি ।            সেই ভিক্ষা ?
- বিক্র্যা ।        লক্ষ লক্ষ মাটকের অর্পণ, প্রার্থনা কত  
অবাধে হতেছে পূর্ণ বিনা বাকাব্যয়ে.  
যাচিকা একটি ভিক্ষা পায় না কি রাজা ?
- বলি ।            অল্প ভিক্ষা চাহ মহারাণি !  
পুল ভিক্ষা ঠহ অয়ে পাবে নাকো আর ।  
কুমার তোমার অতি ছরাচার.  
পিতৃদ্রোহী—রাজদ্রোহী ।
- বিক্র্যা ।        নিতান্ত বালক সে যে প্রভু !  
জানে কি সে কারে বলে বিদ্রোহিতা ?  
ষে—ষে পথে নিয়ে যার,  
চ'লে যার বালক-স্বভাবে ।  
নাহি তার দোষ,

কু-লোকের পরামর্শ হেতু তার ;  
 মুক্তি ভিক্ষা দাও এইবার,  
 বুঝাবো তাহারে,  
 আর কতু হবে না এমন ।  
 বলি । রাজা আমি—রাণী তুমি—  
 ধরার বিচার তার আমাদের করে ;  
 বুঝিয়া প্রার্থনা কর রাণি !  
 হেন গুরু অপরাধে বিনা সুবিচারে  
 যদি দিই মুক্তি তারে  
 পুত্রস্নেহ বশবর্তী হ'য়ে,  
 কি কহিবে লোকে ?  
 কোণার রহিবে ধর্ম ?  
 কি দৃষ্টিতে দেখিবে ঈশ্বর ?

শিক্ষ্যা । পিতা তুমি তার,  
 তাই সর্বস্থলে সাজে বিচার তোমার ।  
 কিন্তু প্রভু ! জননী যে আমি ।  
 করুণার সরোবর মাতা,  
 মমতায় গঠিত জননী,  
 মার্জনার অভিন্ন মুরতি ।  
 ধন ধর্ম জ্ঞান বুদ্ধি কর্তব্য বিচার  
 কিছু নাই মাতৃ-প্রাণে,  
 শুধু পুত্র—শুধু পুত্র ।  
 বন্দী মোর সেই সে সর্বস্ব,—  
 পায়ে ধরি রাজা !

সহিতে পারি না আর,  
 যা দেবার দাও দণ্ড মোরে,  
 মুক্তি দাও অবোধে আমার ।  
 বলি । এই তুমি মহারানী ?  
 এতটুকু ক্ষুদ্র প্রাণ ল'য়ে  
 অভিযুক্তা জগতের মাতৃপদে ?  
 নিম্ন পুত্র তরে এত ব্যাকুলতা ?  
 কৈ রাণি ! পুত্রসহ তব  
 বন্দী বদ্ধ অসহার পিতামহ মোর,  
 কি ভাবিলে তাঁর দশা !  
 তাঁর তরে ভিক্ষা কে চাহিবে রাণি ?

পুষ্প প্রবেশ করিল ।

পুষ্প । সে ভিক্ষা নেওয়ার ভার যে আমার উপর বাবা ! পরের মা  
 কি কখনও পরের ছেলের মুখের দিকে চায় ? তাঁদের কেউ নাই ;  
 আমি তাঁদের জন্ত তোমার কাছে ভিক্ষা করবো, আমি তাঁদের দু'টা  
 ভাইয়ের মা হবো ।

প্রহ্লাদ প্রবেশ করিলেন ।

প্রহ্লাদ । মা হ' মা ! এই জালাময় স্বার্থের সংসারে আজ  
 আমাদের একজন মায়ের বড় দরকার । আজ আমরা বড় একা । আজ  
 আমাদের মুখের দিকে চায়, এমন কেউ নাই । মা হ' মা ! এতদিনে  
 আমরা মায়ের অভাব টের পেয়েছি, আজ আমাদের চৈতন্য হয়েছে ।  
 যাদের মা নাই, তারা আবার বেঁচে থাকে কেন !

ষষ্ঠ গর্ভাক । ]

বিক্র্যা-বলি

পুষ্প । দুঃখ ক'রো না বাবা ! মা নাই তো কি ? চেয়ে দেখ বাবা !  
নথ হ'তে চুল পর্য্যন্ত আমার সর্কাকটা, আমিই তোমাদের সেই কন্য-মা  
কি না ! [ বলির প্রতি ] বাবা ! বাবা ! আমি সবার মা হ'য়ে  
তোমার নিকট ভিক্ষা করছি, আমার অনাথ পুত্রের মুক্তি দাও বাবা !

বলি । প্রহরী !

জনৈক প্রহরী প্রবেশ করিয়া অভিবাদন করিল ।

বলি । যাও, মহানাদকে বলগে—পিতামহ ও কুমারকে অবাধ  
অধিকার দিতে ।

[ প্রহরীর প্রস্থান ।

মহানাদ প্রবেশ করিল ।

মহানাদ । সত্রাটের আজ্ঞা দেবার পূর্বেই তাঁরা স্বেচ্ছায় সে অধি-  
কার নিয়েছেন দৈত্যনাথ !

বলি । স্বেচ্ছায় সে অধিকার নিয়েছেন ?

মহানাদ । হাঁ মহারাজ ! তাঁরা প্রাসাদ হ'তে লাফ দিয়ে রাজ-  
পথে পড়েছেন ।

প্রহ্লাদ । সর্কনাথ !

বিক্র্যা । [ কল্পিত-কলেবরা হইয়া পতনোন্মুখী হইলেন, পুষ্প  
তাহাকে ধরিয়া ফেলিল । ]

পুষ্প । মা ! মা !

বলি । কি হয়েছে ? ওঃ, যা মা পুষ্প ! শীঘ্র অন্তঃপুরে নিয়ে যা—  
একটু শুক্রবা করগে ।

[ বিক্র্যাকে ধরিয়া লইয়া পুষ্পের প্রস্থান ।

বলি । তারপর ব্যাপারটা কি মহানাদ ? মহা প্রাসাদ হ'তে লাফ দিলেন, কারণটা কি ?

মহানাদ । কারণ আর কিছু না, পিতামহ একজন প্রহরীর মুখে আগাগোড়া যজ্ঞের ব্যাপার শুন্ছিলেন । প্রহরী অনেক কথা ব'লে যখন বললে, এইবার দেবতারা যজ্ঞ-সভায় এসেছেন, তাঁদের রীতিমত আদর অভ্যর্থনা করা হ'চ্ছে ; তখন তাঁর মুখখানা মহা রক্তবর্ণ হ'য়ে উঠলো, চোখ দিয়ে অগ্নিস্ফুলিঙ্গ নির্গত হ'লো, বার্কক্য-পীড়িত সেই লোল দেহখানা মুহূর্তে যেন সহস্র যুবার মস্ততায় ফুলে উঠলো । তিনি সদন্তে দাঁড়ালেন, কুমারের মুখপানে চেয়ে একটা শুক তীব্র কটাক্ষ করলেন, দেখতে দেখতে তাঁর হাত ধ'রে অন্ন হর শঙ্কর ব'লে এক সঙ্গে বাঁপিয়ে পড়লেন ।

বলি । তা হ'লে তাঁর উদ্দেশ্য তো বড় ভয়ানক দেখছি মহানাদ !

জনৈক প্রহরী প্রবেশ করিল ।

প্রহরী । সর্বনাশ হয়েছে দৈত্যনাথ ! পিতামহ রাজকুমারকে সঙ্গে নিয়ে যজ্ঞ-সভায় উপস্থিত হয়েছেন । যজ্ঞের সমস্ত দ্রব্য নষ্ট করছেন—দেবতাদের দুর্দশার একশেষ করছেন ?

বলি । মহানাদ ! তুমি যাও ; সম্মান, ভক্তি, অনুকম্পা, সব দূরে দিয়ে শুক কর্তব্য নিয়ে যাও । তাঁদের আক্রমণ কর—বন্দী কর—বাধা দিলে হত্যা কর । যাও—

অনুহাদ প্রবেশ করিলেন ।

অনুহাদ । আর কাকেও বেতে হবে না বলি ! আমি নিজেই এসেছি । লোক দিয়ে আর আমার অপমান ক'রো না । যা করতে হয়, নিজে কর । বাণ ! আসছিন্ ?

রক্তাক্ত-কলেবর দেবগণকে লইয়া বাণ প্রবেশ করিল ।

বাণ । আসবো বৈ কি তাত ! আপনি যেখানে, আমিও যে সেই-  
খানে ; আজ যে আমি আপনার মন্ত্র-শিষ্য—আজ যে সমস্ত মহত্বের  
উপর দিয়েই আমার গন্তব্য—আজ যে বিশ্বের যাবতীর বিশৃঙ্খলা নিয়েই  
আমার খেলা ।

বলি ।

[ স্বগত ] ওঃ—কি মর্মান্তিক জালা !

কোন দিকে যাই—কোথায় লুকাই যুথ ?

আমারি আশ্রয়ে—আমারি চক্কের মাঝে—

আমারি আহুত দেবতা-মণ্ডলী—

তাঁদের দুর্দশা এই !

এস তুমি বজ্র,

ছিদ্র হও বসুন্ধরা ! [ যুথ ফিরাইলেন ]

অনুহাদ । ওদিকে ফিরছে। কেন বলি ? এদিকে তাকাও ! দেখ—  
তোমার পূজ্যপাদ দেবতাদের দুর্দশাটা । কথামত করেছি কি না ?  
আমি হিরণ্যকশিপুর পুত্র, আমার ইচ্ছার বাধা দেবে তুমি ? সে দিন  
রণস্থলে প্রতিশোধ নিতে গিয়েছিলুম, তুমি চিলের মত ছৌ মেরে নিয়ে  
চ'লে গেলে । মনে করলে বুঝি, আশা-ভঙ্গ হ'লেই বৃদ্ধের উত্তম ভঙ্গ  
হবে ! তা হবে না,—দেখে নাও, আজ তোমার বুকের উপর কেমন  
চূড়ান্ত শোধ নিয়ে নিলুম, কি করবে কর ।

বাণ । কি ভাবছেন পিতা ! কুপুত্র—না ? আমি এতটা ছিলাম  
না পিতা ! আপনার নিশ্চয়তাই আমার এই পথে নামিয়েছে । আমার  
সব ছিল ; পিতাকে বসাবার জন্ত হৃদয়ের অভ্যন্তরে রক্ত-বেদিকা ছিল—  
পদধৌত করতে নেত্রকোণে অফুরন্ত প্রেমাশ্রু ছিল—পূজা করবার মত

ভক্তি, শ্রদ্ধা, বিনয়, ব্যাকুলতা, রাশি রাশি রত্নিন পুষ্প ছিল। চিন্তে পারলেন না পিতা ! বড়ই অবজ্ঞা করলেন,—বেশী সাবধান হ'তে গিয়ে সব হারালেন। আজ আমি সত্যই একটা কদাচার।

বলি। বাণ !

অনুহাদ। সাবধান বলি ! ওকে একটা কথা ব'লো না। যা বলতে হয়, আমার বল—যা করতে হয়, আমার কর। তোমার সম্রাটদের যতটা শক্তি, সব এই হিরণ্যকশিপু পুত্রের মাথার উপর দিয়ে চালাও—দেখি, তুমি কেমন সম্রাট !

বলি। [ স্বগত ] না—এ অসহ ! আমি রাজা—আমি যেন ওদের হাতের পুতুল। আমার করে রাজদণ্ড—শাসন করে অগ্রে। আমার মুকুট যেন বিলাসিতার একটা সজ্জা। ওঃ—কি করি ! পিতামহ ! হোক,—ভক্তি এতদূর উঠতে পারে না। পুত্র ! কিসের ? স্নেহ এমন অধঃপতনকে আলিঙ্গন দেয় না। [ প্রহ্লাদের প্রতি ] পিতামহ ! এঁদের মুক্তির জন্ত এসেছিলেন—না ? এইবার বিচার করুন।

প্রহ্লাদ। কি বিচার করবো বলি ? আমি তো সম্রাট নই।

বলি। যদি হ'তেন ?

প্রহ্লাদ। তা হ'লে কি হ'তো, বলতে পারছি না বলি !

বলি। এখন আপন্নার ইচ্ছা ?

প্রহ্লাদ। এখন ইচ্ছা—এখন ইচ্ছা, বলতে পারছি না বলি ! এখন ইচ্ছা করে, শোক-সন্তপ্ত বান্ধবহীন আমার বৃদ্ধ দাদাকে পশ্চাতে রেখে তোমার শাণিত রাজদণ্ডের মুখে নিজের বুকখানা পেতে দিই।

বলি। তা হ'লেও কোন ফল হবে না পিতামহ ! এ গ্ৰায়দণ্ড আজ পুণ্যের সহস্র ব্যবধান ভেদ ক'রেও পার্থক্যতার স্পর্শ করবে। মহানাদ ! তুমি মুক্তিমান কর্তব্য, তুমিই পারবে।



ইন্দ্র । দৈত্যেজ !

বলি । দেবেজ !

ইন্দ্র । এঁদের মুক্তি দাও দৈত্যেজ !

বলি । মুক্তি ?

ইন্দ্র । হাঁ বলি ! আমি বিচার ক'রে দেখলুম—এরা নির্দোষ ; এঁদের মধ্যে একজন পিতৃহত্যা-প্রতিশোধার্থী ঈর্ষাপরায়ণ অন্ধ, আর একজন পিতার অবজ্ঞাত ঘোর অভিমানী তরলমতি বালক । এ অত্যাচার এদের স্বভাববিরুদ্ধ হয় নাই । এঁদের মার্জনা কর ।

বলি । মার্জনা ! আপনি এ কথা মুক্তকণ্ঠে বলতে পারছেন দেবেশ ?

ইন্দ্র । কেন ? এরা আমাদের প্রতি অসথা অত্যাচার করেছে ব'লে ? অত্যাচারকে যদি পূজা ব'লে আদরে মেখে নিতে না শিখতাম তা হ'লে বোধ হয় আমাদের এতটা অধঃপতন ঘটতো না । আমি এদের মার্জনা করেছি, তুমিও এদের ভিক্ষা দাও ।

বলি । [ নীরব ]

ইন্দ্র । ভেবো না বলি ! আজ তুমি কল্পতরু ; তোমার কাছে প্রার্থনা অপূর্ণ থাকলে কলঙ্ক ।

বলি । যাই হোক, এ আপনার আদেশ । [ অনুহাদের প্রতি ] যান পিতামহ, দেবাদেশে আপনারা মুক্ত । চলুন দেবরাজ ! আমি আজ স্বহস্তে আপনার শুক্রবা করবো—অশ্রুজলে অঙ্গ-ক্ষি যৌত করবো—হৃদপিণ্ড খণ্ড খণ্ড ক'রে আপনার ক্রতস্থান পূরণ করবো ।

[ দেবগণ মহ প্রস্থান করিলেন ।

প্রহ্লাদ । তোমার এঁত ক'রে বুঝিয়ে এলুম, একটু স্থির হ'তে পারলে না দাদা !

অনুহাদ । পারলুম না ভাই ! যজ্ঞে দেবতাদের খুব আদর অভ্যর্থনা হ'চ্ছে শুনে আমার মাথাটা কেমনতর বিগুড়ে গেল । আর অপেক্ষা সহিলো না—লাফ দিয়েই ছুটলুম । এ আমার সহ হ'চ্ছে না ভাই ! কোথাও দেবতা-ভোজন, কোথাও লক্ষ্মীপূজা, কোথাও নারায়ণের বিগ্রহ নিয়ে খেলা ! হিরণ্যকশিপুর রাজধানীটা দশজনে জুটে যেন একটা বৈষ্ণবের আড্ডা ক'রে তুলেছে । এই একটা শোধ নিলুম, আর একজনকে পেলে হয় ।

প্রহ্লাদ । তাঁকে এ পথে পাবে না দাদা !

অনুহাদ । খুব পাবো ; আমার পিতা এই পথেই পেয়েছিলেন । আমি তাঁর পুত্র—তাঁর পথ ছাড়বো না ভাই, দেখি পাই কি না । চ'লে আর বাণ !

[ বাণ সহ প্রস্থান ।

প্রহ্লাদ । নারায়ণ ! আজ একটা কামনা করছি ; তুমি আমার দাদাকে দেখা দাও, তাঁর এ মতি হরণ কর ; তাঁকে তোমার মত ক'রে নাও ।

[ প্রস্থান ।

## চতুর্থ অঙ্ক ।

প্রথম গর্ভাঙ্ক ।

বজ্রস্থল-সন্নিহিত পথ ।

গীতকণ্ঠে ভিক্ষুকগণ, ভিখারিণীগণ ও শিশুগণের প্রবেশ ।

গীত ।

- ভিক্ষুকগণ ।— অন্ন দাও জীবন রাখি,  
ভিখারিণীগণ ।— বহু দাও লজ্জা ঢাকি,  
ভিক্ষুকগণ ।— দীর্ঘ অনাহার,  
ভিখারিণীগণ ।— দেখ দান-অবতার ।  
ভিক্ষুকগণ ।— এসেছি দয়ার দ্বারে  
ভিখারিণীগণ ।— জানাতে বেদনা,  
ভিক্ষুকগণ ।— দীনে করুণা কর,  
ভিখারিণীগণ ।— নিবার হাহাকার ।  
ভিক্ষুকগণ ।— পত্নী সন্মুখে কাঁপিছে বাতাহত,  
ভিখারিণীগণ । শিশুর এ শুক মুখ মা হ'রে দেখি কত,  
শিশুগণ ।— মা খেতে দাও, মা খেতে দাও,  
ভিখারিণীগণ ।— কেটে যাও বহুসতি, একি মা সহে আর ।  
ভিক্ষুকগণ ।— দেখ হে দুর্গতি, দেখ হে সংসার ।

[ সকলের প্রস্থান ।

মোটমস্তকে খেতান্ন ও লালের প্রবেশ ।

লাল । আর আমি পারবো না বাবা ! এই তোমার সব রইলো !  
মোট নামাইল ]

শ্বেতাঙ্গ । ওঃ, যেটা আমার রাজপুত্র গো ! এই ক'পা এনে আর পারবো না ! নে—নে, তোম্ ।

লাল । দেখ না বাবা, আমার পা ফুলে উঠেছে ।

শ্বেতাঙ্গ । পা যার, তোর কাঠের পা গড়িয়ে দেবো ; তার আর ভাবনা কি ?

লাল । কাঠের পা ? ওরে বাপ্ রে !

শ্বেতাঙ্গ । বেশ তো, আর কাঁটা কাঁটার কি ফোলবার ভয় থাকবে না । নাও বাবা লালমোহন ! আর তেতো ক'রো না বাবা, তল্পী তোম ।

লাল । যে ভারী বাবা !

শ্বেতাঙ্গ । হাঙ্কা হ'য়ে যাবে বাবা, আমি মস্তুর বলতে বলতে যাবো—চল ।

লাল । তুমি এত নিলে কেন বাবা ?

শ্বেতাঙ্গ । লাধ ক'রে কি নিলুম বাবা ? হাত পা গুলি ছোট ছোট দেখলে কি হবে, উদরটা যে তোমার আসমুদ্র বাবা ! আমাকে ভরাতে হবে তো !

লাল । যাও—যাও, আর তোমার ভরাতে হবে না ।

শ্বেতাঙ্গ । কেন বাবা সোণার চাঁদ ! ডানা গড়িয়েছে না কি ? বাবাকে ত্যজ্য-পুত্র করছো ?

লাল । করবো না ! এমন কথা বল, উদর আসমুদ্র ?

শ্বেতাঙ্গ । ঝকঝকি করেছি বাবা, রাগ করতে আছে কি ! ছিঃ—  
তুমি হ'চ্ছে! আমার লালমোহন—তোমার মায়ের তুমি বলগোলা—  
তোমার দেখলে অগতের চক্ষু ছানাবড়া । আহা, বাছা রে, তোমার  
আমি কি ভালই না বাসি ।

লাল । ভালবাস আর যাই কর, আমার মোট বওয়াতে পারছে না বাবা, আমি কাঁচা ছেলে নই ।

শ্বেতাজ । আহা, তা আর জানি না রে মাণিক ! তোমার মা পাকা পাকা ফল দিয়ে আঁকাড়া পঞ্চানন্দের পূজা করেছিল, তাই অমন বুনো ফলটা তার কোলে উঠেছে ! তোমার কাঁচা বলতে পারি ? তোমার কাছে আমার বাবা পর্যন্ত নাবালক । নাও বাবা পাকারাম ! বেলা হচ্ছে, আর কাঁকা কথা ভাল লাগে না ।

লাল । তবে এক কাজ করি এস না বাবা ! আমি মোট মাথায় করি, তুমি আমায় কাঁধে কর । আমার পা'টাও আড়ষ্ট হয়েছে—বজায় থাকবে, জিনিষগুলোও বাড়ী পৌঁছবে,—তোমার ভাবতে হবে না ।

শ্বেতাজ । আহা-হা, কি বুদ্ধি ! রহম্পতি শাপভ্রষ্ট হয়ে আমার বাড়ীতে জন্ম নিয়েছেন, বাচলে হয় !

লাল । সে অস্ত্রে ভেবো না বাবা । যা বলেছে, আমার লক্ষ বছর পরমায়ু হবে ।

শ্বেতাজ । তা হবে বৈ কি ! তুমি থাকতে থাকতেই তো কলি পড়তে হবে !

লাল । দেখ বাবা—

শ্বেতাজ । দোহাই বাবা, আর বকিয়ে না, আমার মাথা গরম হয়ে আসছে । এ রকম করলে কি চলে বাবা ! ঘরকন্না করতে হবে—আজ বাদে কাল বিয়ে হবে—রাঙা টুকটুকে বৌ আসবে ।

লাল । হি-হি-হি, দেখ বাবা—দেখ বাবা, আমার পা সেরে গেছে, আমি এইবার এক ছুটে বাড়ী যাবো । [ মোট মাথায় তুলিল ]

শ্বেতাজ । তা যাবে বৈ কি বাবা, ওষুধ পড়েছে যে ! চল বাবা, বাড়ী গিয়েই তোমার বিয়ের ষোগাড় করছি আর কি !

বিরোচন প্রবেশ করিল ।

বিরোচন । দাঁড়াও বাবা, একটা কথা জিজ্ঞাসা করি । তোমরা যে সব বলিরাজার যজ্ঞে যাচ্ছে—দান নিচ্ছে, আর আমি যে এদিকে একটা যজ্ঞ আরম্ভ করেছি—ভাণ্ডার খুলে রেখে দিয়েছি, সে দিকে যেসেই না কেন? এত পক্ষপাতিত্বটা কিসের বল দেখি? আমি তোমাদের কি করেছি?

শ্বেতাজ্ঞ । এঁ্যা! তুমি আবার যজ্ঞ করেছ? এই রকম দান দিচ্ছে? বল কি?

লাল । আমি কিন্তু আর বইতে পারবো না বাবা! বুকে-পোড়ে—

শ্বেতাজ্ঞ । চোপরাও! তোর বাবা যে, সে পারবে। হাঁ মশায়, মতি?

বিরোচন । কেন বাবা! উপরে জাঁকালো পোষাক নাই ব'লে মন উঠছে না? ভিতরটা দেখ । তোমরা ও সব কি কতকগুলো বাজে জিনিষ নিয়ে গণ্ডগোল করছো, আমি তোমাদের আসল মতি দেবো—যত চাও ।

শ্বেতাজ্ঞ । দেখছি—আপনি মহাশয় লোক । তা—তা—কতদূর যেতে হবে? দানটা কোন্‌খানে হ'চ্ছে মশাই?

বিরোচন । যেতে হবে না কোথাও বাবা! আমি লোকের বাড়ী ব'য়ে দিছি; আমার যজ্ঞ আমার ভিতরে,—আমার ভাণ্ডার আমার সঙ্গে ।

শ্বেতাজ্ঞ । [ স্বগত ] তাই তো, এখন করি কি? কিসেই বা নিই? কি ক'রেই বা নিই? এদিকে তো গাধার বোঝাই হ'য়ে গেছে । আর ছাড়িই বা কি ক'রে? হীরে-মতির ছড়াছড়ি! ওঃ আমার প্রাণটা যে খাঁচাকলে পড়লো গা! সাধ ক'রে কি লালের মা গাল খায়! এই

গোঁটাকতক আঙাবাচ্ছ। এ সময় থাকলে কি মজাই না হ'তো বল দেখি ? আমার মাথা চুকে মরতে ইচ্ছে করছে ।

বিরোচন । অত ভাবছো কি হে ! নেবে না কি বল দেখি ?

শ্বেতাজ । দেখ বাবা দয়াময় ! যখন নিজগুণে এতটা দয়া করলে, তখন আর একটু কষ্ট স্বীকার কর বাবা ! দেখছে তো বাবা, আমার কেউ নাই । এখান হ'তে আমার বাড়ী বেশী দূর নয় বাবা—তুমি দয়া ক'রে চল বাবা ! যত দিতে পার—আমি গাড়ী গাড়ী নেবো বাবা !

বিরোচন । এ সে ধন নয় ভিখারী ! এ ধন গাড়ীতে বোঝাই চলে না, হৃদয়ের স্তরে স্তরে বোঝাই নিতে হয় । এ ধনে ঐ সব নম্বর পার্থিব লালসা-মাথঃ ঐশ্বর্যের মত ভার নাই, আছে মুক্তিময় এক অনন্ত প্রীতির উচ্ছ্বাস । এ ধনে চক্ষুর দৃষ্টি চলে না—এ কেবল প্রাণে প্রাণে দেখা শোনা ; বৃক্তে পেরেছ ভিখারী, এ কি ধন ? এ প্রেমধন—এ ধন যত হাক্কা, তত দামী ।

লাল । বাবা ! বাবা ! তুমি আমার মোটটা নাও তো, আমি ওর প্রেমের বোঝাটা নিই ।

বিরোচন । ভাবছো কি ভিখারী ? অমন কটমটিয়ে তাকাছো কেন প্রার্থী ? নাও—নাও, ও ধন ক'দিনের জন্ম ? এ ধন অফুরন্ত । নিরে দেখ, অভাব ব'লে আর কিছু থাকবে না—ইঞ্জের ইঞ্জর মনে ধরবে না, হাতের মুঠোর পাবে এক আনন্দময় পরম সাম্রাজ্য । নাও না ভাই !

শ্বেতাজ । তুমি পাগল না কি ?

বিরোচন । শুধু আমি নই বাবা, তুমিও পাগল, তোমায় যে এই সব দান দিয়ে ভুলিয়েছে, সে বলিও পাগল । জগৎটাই একটা পাগলের মেলা । কেউ ভাবে পাগল, কেউ ভেবে পাগল, কেউ স্বভাবে পাগল । ছেড়ে দাও না বাবা, ও সব কপা ; যা দিচ্ছি নাও, বৃক্তে পারবে পরে । প্রেম—প্রেম, অহো-হো, কি মধুর—কি মূল্যবান !

শ্বেতাক্ষ । দেখ বাবাজি ! তোমার কেউ ভালবাসার লোক থাকে তো, ও জিনিষটা তাকেই দাও গে ।

বিরোচন । আরে জগৎটাই যে আমার ভালবাসা ।

শ্বেতাক্ষ । দোহাই বাবা, রক্ষে কর । তোমার ও গোঁফ-দাড়ী-ওলালা বুনো ভালবাসা, জগতের সবাই নিতে পারবে না । আমার ছাড়ান দাও বাবা !

বিরোচন । কি ! এমন নিঃস্বার্থ অন্তরের ভালবাসা নিতে পারবে না, নেবে কাজ কেনা মৌখিক অভ্যর্থনা ? এমন অমরত্বের মধুর মিলন চাও না, চাও গলায় ছুরী দেওয়া ঘৃণিত আলিঙ্গন ! এমন সুগন্ধ সুস্বাদু ক্ষীর ভোজন করবে না, খাবে শূকরের মত অস্পৃশ্য মলমূত্র ? না, আমার চোখ ফেটে জল আসছে, জগতের এ ছন্দশা আর দেখতে পারি না । আমি তাদের টেনে তুলবো—আমি তাদের জোর ক’রে প্রেম দেবো ! নাও—নাও, তুমি ও সব ভূতের বোঝা ফেলে দাও । [ মোট ধরিতে উদ্ভত হইলেন ]

শ্বেতাক্ষ । ওরে লাল ! পালিয়ে আয়—পালিয়ে আয়, দেখছিস না বেটা চোর, কেড়ে নেবার মন্তলবে আছে ।

[ লাল সহ দ্রুত প্রস্থান ।

বিরোচন । নিলে না—নিলে না, এত ক’রে সাধলুম—কিছুতেই নিলে না ; উল্টে আমার চোর ব’লে চ’লে গেল । হা রে অধম জীব ! তোমার চোখ ছ’টো কি সাজানো ? জিনিষ চেন না ?

পুষ্প প্রবেশ করিল ।

পুষ্প । আমার একটু প্রেম দিন না দাদামশায় !

বিরোচন । নাতনী ? তুই প্রেম নিরে কি করবি ? প্রেম চিনিস ?



পুষ্প । তা কেন চিন্‌বো না দাদামশাই ? প্রেম :রামধনুর মত  
রঙ্গিন—রসগোল্লার মত রসাল—হস্তকীর মত হজ্‌মী, সেই তো ?

বিরোচন । [ স্বগত ] কথা ক'টা নেহাৎ ছেলেমি হ'লেও একটা  
শৃঙ্খলা আছে তো !

পুষ্প । ওকি দাদামশাই ! ভাবছেন কি ? এই প্রেম নিলে না—  
প্রেম নিলে না ক'রে দেশ মাথায় করছিলেন, যেই লোক জুটলো—  
অমনি বিচার আরম্ভ করলেন । বাঃ দানী !

বিরোচন । দেব কি নাতনী, এ প্রেম বোধ হয় তোর খাতে  
সইবে না ।

পুষ্প । কেন দাদামশাই ! আপনার প্রেম কি বড় কড়া ?

বিরোচন । বড় কড়া নাতনী, বড় কড়া । এ প্রেম পেটে ঢুকলে  
আর দরোজা বন্ধ ক'রে ঘরে ব'সে থাকা চলে না,—দিনরাত ফাঁকার  
হাওয়া খেতে হয় ।

পুষ্প । এই তো দাদামশাই, লোক চেনেন না । আমি যে আজ  
কাল ফাঁকাতেই আছি । দেখতে পাচ্ছেন না, আমার দৃষ্টিটা ফাঁকা  
ফাঁকা—আমার প্রাণখানা ফাঁকা ফাঁকা—আমার সর্বস্বটা ফাঁকা ফাঁকা ?

বিরোচন । তাই না কি ! আরে, এমনধারা কবে হ'তে হ'লো  
নাতনী ?

পুষ্প । যে দিন হ'তে আপনার সেই পাত্র দেখেছি—বিয়ের সম্বন্ধ  
করেছি । দাদামশায় ! আপনি প্রেম দান করছেন, আমি মনে করেছি,  
একটা প্রেমের হাট বসাবো—বেচাকেনা করবো ; তাই আপনার  
কাছে জিনিষ সংগ্রহের যোগাড়ে আছি । তা হ'লে সে বিয়েটা আজই  
হ'চ্ছে তো ?

বিরোচন । আজই দিন ভাল না কি ?

পুষ্প । হাঁ দাদামশাই ! সে সব আমি দেখিয়ে শুনিয়ে ঠিক করেছি ;  
বিয়ের ষোগাড়-বস্তুর হ'য়ে গেছে, এমন কি আল্পোনা পর্য্যন্ত,—বর  
বেতেই যা দেবী । আশুন তো দাদামশাই, দু'জনে মিলে আজ জীবন্ত  
প্রেমের ছড়াছড়ি করি ।

বিরোচন । আরে, এত কাণ্ড করেছিস্ ? তা—যা, যখন কথা  
দিয়েছি—

পুষ্প । তবে ঠিক সঙ্কোর পর—বুঝেছেন ? দেখবেন—এর যেন  
আর নড়চড় না হয়, তা হ'লে আমি ক'নে নিরে বিপদে পড়বো ।

বিরোচন । যা—যা—

পুষ্প । দেখবেন—দেখবেন—দেখবেন ।

[ প্রস্থান ।

বিরোচন । [ প্রতিমূর্ত্তি বাহির করিয়া ] তুমি কি বলছো ? পাষণ-  
ময় প্রতিমূর্ত্তি তুমি—সচ্চিদানন্দ বিগ্রহ তুমি—বামার্কীংশশূণ্ড নারায়ণ  
তুমি, পূর্ণ করবার সুযোগ পেয়েছি—ছাড়বো না । আমি তোমার বিবাহ  
দেবো, চির-কিশোর ! শুনেছি, বিবাহ দিলে-আপনার পর হ'য়ে যায় ;  
তুমি পর হবে না তো চির-আপন ? তা হবে, হও । যে কত্তা পেয়েছি,  
সে লোভ আমি সম্বরণ করতে পারছি না । তোমাদের এ উৎকট  
বিয়োগের মধুর সং'যোগ আমায় করতেই হবে । এটা নিতান্ত ছেলেখেলা  
হ'লেও আমায় খেলতে হবে—এর ভিতর একটা বেশ মাধুর্য্য রয়েছে ।  
এ জীবন্ত প্রেমের ছড়াছড়িই বটে !

[ প্রস্থান ।

## দ্বিতীয় গর্ভাঙ্ক ।

পুষ্পের কক্ষ ।

পুষ্প ও লক্ষ্মী ।

পুষ্প । ওগো পুতুল ! আজ তোমার বিয়ে !

লক্ষ্মী । সে কি ? বিয়ে কি ? কার সঙ্গে ?

পুষ্প । ছাদামশায়ের পুতুলের সঙ্গে ।

লক্ষ্মী । [ মুদ্র হাতের সহিত ] যে বিয়ে দেবে, আগে তার বিয়ে হোক ।

পুষ্প । দেখ পুতুল, এটা ভূমি অন্টার বললে ভাই ! যতদিন মেয়ে-ছেলের বিয়ে না হয়, ততদিনই তারা পুতুলের বিয়ে দেয়, বিয়ে হ'লে আর কেউ পুতুলের দিতে যায় না । তখন আর কিছু নিয়ে যেতে পড়ে । ওগো, তোরা আসছিস্ ?

[ নেপথ্যে সখীগণ ।

১ম সখী । যাচ্ছি গো, যাচ্ছি । অত বাস্ত কেন ? বর এসে তো আর ফিরে যাচ্ছে না ! ঐনিখ পত্র সব গুছিয়ে নিতে হবে তো !

বিবাহোচিত মাস্তুলিক দ্রব্যাদি লইয়া সখীগণের প্রবেশ ।

গীত ।

পুষ্প ।— আজকে তোমার বিয়ে পুতুল, আজকে তোমার বিয়ে ।

পটলচেরা কাজল চোখে দেখছে কি আর গুটপুটিয়ে ॥

সখীগণ ।— শ্যাম-বিরহের বৈভ মোরা, ঘাম দিয়ে ছোটাবো স্বর,

সকল যোগাড় হাতে হাতে যা দেবী আর আসতে বর,

এস চড়াই রূপের দর ঐ সোণার গারে হলুদ দিয়ে ।

লক্ষ্মী ।— রজ্জ দেখে অজ্ঞ কাঁপে, বল ভাই, কে হবে মোর বর,

পুষ্প ।— ভেবো না শশিমুখি, বর তোমার সেই নটবর,

লক্ষ্মী ।— ছি-ছি-ছি লাজে ম'রে যাই.

পুষ্প ।— মুখে লাজ পেটে দ্বিড়ে, একি গো বালাই,

সখীগণ ।—এবার যুচবে তোমার পালাই পালাই

রোগের মত অস্থখ পিরে ॥

[ নেপথ্যে নারায়ণ-মূর্ত্তি মস্তকে বিরোচন । ]

বিরোচন । বর যাচ্ছে—বর যাচ্ছে, তফাৎ—তফাৎ ।

পুষ্প । ও ভাই ! বর আসছে, কেউ ক'নের মুখে পান চাপা দে ;  
শুভদৃষ্টি না হ'লে দেখতে নাই ।

[ সখীগণ লক্ষ্মীর মুখে পান ঢাকা দিল এবং শঙ্খ  
ও হনুধ্বনি করিতে লাগিল ]

বিরোচনের প্রবেশ ।

বিরোচন । এই নে নাতনী, তোদের বর এনেছি ।

পুষ্প । আমাদের নয় দাদামশাই, আমাদের ক'নের ।

বিরোচন । যার হোক, তোরা আপনার আপনার মিটিয়ে নিস্ ।  
এখন বর নামিয়ে নে ।

পুষ্প । দাঁড়ান দাদামশাই, বরণ করবো না ?

বিরোচন । নে ভাই, যা করতে হয়, শীগ্গির ক'রে নে ।

গীত ।

পুষ্প ।— এসো বিশ্ব-বিমোহন বর !

সখীগণ ।— এসো ত্বষিত চাতককুল-কল্যাণ জলধর

হৃদয় চারু মনোহর ॥

পুস্প ।— এসো চন্দন-চর্চিত হুকোমল অঙ্গ,

সখীগণ ।— এসো যখন নীল অঁাধি ঈষৎ হসিতাধর

প্রবাহিত কল কল রসের তরঙ্গ ।

পুস্প ।— এসো হে কামিনীকুল-আশা,

সখীগণ ।— এসো হে সবার ভালবাসা,

পুস্প ।— এসো তুমি চিতচোরা হৃদারস-সাগর নাগর নব-নটবর ।

সখীগণ ।— এসো তুমি প্রাণবধু, তোমার স্পর্শ-মধু, মধু হ'তে মধুরতর ॥

[ বরণ করিয়া বিরোচনের মস্তক হইতে বর নামাইয়া লইল । ]

পুস্প । এইবার দাদামশাই, আপনি যেতে পারেন ।

বিরোচন । এঁ্যা—বলিস্ কি ? কাজ মিটে গেল না কি ? যাবো কি ? আমার সঙ্গে বরষাত্রী আছে যে !

পুস্প । বরষাত্রী ? কৈ, সে সব কথা তো থাকে নি দাদামশাই ?

বিরোচন । তা ছিল না বটে, কিন্তু নাত্নী, বিয়ে ব'লে কথা—  
নেহাৎ পাঁচজন ভদ্রলোক না এলে কি ভাল দেখায় ? বেশী নয় নাত্নী,  
ভয় করিস্ না, গোণা পাঁচটি—দর্শন, শ্রবণ, নাসিকা, জিহ্বা, ত্বক্—এই  
পঞ্চ ভদ্র, এরা আমার নেহাত আত্মীয়.—আমার সুখে সুখী, দুঃখে দুঃখী,  
বিনা নিমন্ত্রণেও অভিমান নাই, আপনা হ'তেই হাজির ! অন্নের কথা  
যাই হোক—এদের না নিয়ে কি আসতে পারি তাই ?

পুস্প । তা এনেছেন যখন—আর কি হ'চ্ছে ! যান—তাদের নিয়ে  
বাইরে বসুন ; এ দিককার কাজ কর্ব্ব আগে মারা হোক । বিয়ের সঙ্গে  
তো আর আপনার বরষাত্রীর কোন সম্বন্ধ নাই দাদামশাই ! খাবার  
সময় ডাকবো এখন ।

বিরোচন । তা—তা—তাই চলুম ; তবে ঠিক সময়ে ডেকো  
যেন,—কাজের গোলমালে ভুলে যেও না । [ প্রস্থান ।

পুষ্প । নে গো—এইবার তোরা শুভদৃষ্টি করা ।

সখীগণ । চাও গো চাও, ভাল ক'রে .চার চোখে চাও । [ শুভদৃষ্টি করাইল । ]

সহসা নারায়ণের আবির্ভাব ।

গীত ।

নারায়ণ ।— ধনি ! ভরসা ক'রে চাও ।

পুতুল খেলার ভিতর দিয়ে প্রেমের খেলা শিখিয়ে দাও ।

সব ঘটেতে আমি থাকি,

ভয় কি তোমার মেল আঁধি,

আমি রাখা বলা পাখী, বাঁশীকে তার সাক্ষী নাও ।

লক্ষ্মী ।— চাই না আমি চোখের দেখা,

ও শ্রামরূপ যে প্রাণে আঁকা,

আমি এবার ম'রে দেখবো সখা, কেমন ক'রে মন মজাও ।

সখীগণ । ওমা ! ওমা ! একি হ'লো ? পাষণ ফুঁড়ে যে দিবি  
কোমল নধর বর বেরিয়ে পড়লো গো !

লক্ষ্মী । ও তোমাদের রাজকুমারীর মস্তুর গুণে গো, মস্তুর গুণে ।

পুষ্প । আমার মস্তুর গুণে নয় ক'নে, তোমার চাউনির গুণে ।  
যা টানা চোখ তোমার ! ওতে শুকনো গাছে রস হয়, মরা বেঁচে ওঠে,  
আর একটা পাষণ গালাই হবে না ?

[ নেপথ্যে বিরোচন ]

বিরোচন । দেবী কত নাতনী ?

পুষ্প । সবুর করুন দাদামশাই ! এই তো সব শুভদৃষ্টি হ'লো ।  
এইবার সম্প্রদান ।

দ্বিতীয় গর্ভাক । ]

বিজ্ঞান-মলি

বিরোচন । তা হোক, তবে তোমার শুভদৃষ্টিটাও যেন এদিকে থাকে ।

পুষ্প ।—[ লক্ষ্মীর হস্ত নারায়ণের হস্তে সংযোগ করিয়া । ]

গীত ।

আজি দিতেছি তোমারে বর আদরে মধুর দান,  
ধর পুলকিত করে দেখি এক ছুটি প্রাণ ।  
বেবো না চরণতলে নহে এ বালুকাস্তূপ,  
পিপাসিত তুমি এ মে নির্মল রসকূপ,  
আপনা পোড়ায়ে যথা গন্ধ বিতরে ধূপ,  
এ অনুপে পাবে সখা অপরূপ অভিমান ।

সখীগণ ।—

গীত ।

কোথা রতি হোর পতিকে ডাক্, এইবেলা দিক্ ধমুকে টান ।  
গোলাপ শিশিরে ভরিয়া বাক্, ভয় কি এ নয় হরের ধ্যান ।  
আর নেমে আর চাঁদের কিরণ, আর কোকিলা আর লো আর,  
ঘুরে মরিস্ অঁাস্তাকুড়ে আ-মরণ তোর মলয় বার,  
আজকে তোদের নিমন্ত্রণ,  
চোখের ক্রিধে মিটাবি তো নিসে মধু জাগরণ,  
একন নিশি আর হবে না ভরিয়ে নে বার যতটা প্রাণ ।

[ নেপথ্যে বিরোচন ]

বিরোচন । নাহ্নী !

পুষ্প । আস্বেন না—আস্বেন না দাদামশাই ! এইমাত্র বিয়ে  
নারা হ'লো ।

বিরোচন । তবে আবার কি ?

পুষ্প । বাঃ—বাসর হবে না ?

বিরোচন । ও বাবা ! এর পর বাসর—তারপর আমাদের ?  
তোদের মতলবখানা কি, খোলসা বল দেখি না তনী ? শুভদৃষ্টি হ'লো—  
বিয়ে হ'লো—এইবার বাসর হবে । নিজেদের কাজ কর্মগুলি একে  
একে সব সেরে নিলি, তারপর ঘরের দরজা দিবি না কি ?

পুষ্প । ক্ষেপেছেন দাদামশাই ! তাই কখনও হ'য়ে থাকে ?

বিরোচন । না—আমার বরষাজীর। আর মানছে না ।

পুষ্প । আচ্ছা পেটুক লোক নিয়ে এসেছেন যা হোক । এতটা  
হ'লো যখন—আর একটু সবুর করতে বলুন না দাদামশাই !

বিরোচন । নে—তোর হাতে পড়েছি যখন ! তবে বাসরটা আর  
তেমন ঘট। করিস্ নি তাই, একটু হাত চালিয়ে নিস্ ।

পুষ্প । ওগো বর ! এইবার তোমার বাসর হবে । বাসরে কি  
করতে হয় জান ?

নারায়ণ । কি ক'রে জানবো ?

পুষ্প । জান না ? তবে তুমিই না হয় শিখিয়ে দাও গো ক'নে ।

লক্ষী । আমিই বা কি ক'রে জানবো ?

পুষ্প । আর অত চালাকি কেন ভাই ! উনিও দ্বিতীয় পক্ষের বর—  
তুমিও দ্বিতীয় পক্ষের ক'নে । কিছু জান না ? আ-ম'রে যাই আর কি !  
ওগো বর ! বাসরে গান করতে হয়, একখানি গান কর শুনি ।

নারায়ণ । এই কথা ? তাতে আর কি ? তবে কি জান, নূতন  
জায়গা—নূতন লোক, প্রথম প্রথম একটু বাধে । আগে তোমারই  
একখানা হোক না !

পুষ্প । তা হ'লে হবে তো ? তাই হোক, তবু খানিক পুরাণো  
হও ।



পুষ্প ।—

গীত ।

আমি চাহিব না আর কারো আশা-পথ চেয়ে চেয়ে গেল দৃষ্টি ।

আমি সহিব না আর চাতকিনী হ'য়ে এত শত বড়-বৃষ্টি ।

আমি যেখ পানে চাই সে হানে বহু,

এ কি কম কথা বধু হে,

যে বেঁধে পরানে                      বিষের ছুরিকা,

তার তরে রাখি মধু হে,—

আমি আর তারে কভু চাবো না,

সে থাকে শীর্ষে                      পদধূলি হ'য়ে,

আমি তো তাহারে পাবো না,—

আর পিপাসা বাড়াতে মরতে যাবো না সে তো ছলনার সৃষ্টি ।

আমি কাঁদিব না আর হাপুস-নরনে,

ছাড়িব না হাস হা নাথ বলিয়া,

শত কণা আমি                      বলিব স্মৃতির

আপনার বুক আপনি বলিয়া,—

আমি বুঝেছি প্রেমের মর্ম,

দিতে থাকি শুধু                      চাহিতে পাবো না,

চাহিলেই গেল মর্ম,

তবে রক্ত বিলায়ে দুঃখিনীর মত কেন নিই ভিক্ষামুষ্টি ।

নারায়ণ ।—

গীত ।

সখি, কিসের এত অভিমান ?

প্রতি চাহনিতে,                      প্রতি নিঃশ্বাসে

কেন ছাড় খর বাণ ।

আমি এত লম্বু,                      তবু ডুবে যাই  
 ঐ সরস সরল সঙ্গীতে  
 আমি এত ভারী                      তবু ভেসে যাই  
 ঐ বিলোল তরঙ্গ ইঙ্গিতে,—  
 সখি ! পিরে ঐ প্রেমধারা,  
 আমি হয়েছি পাগল পারা,  
 আমি দি়েছি যা কিছু মৃত্যুত আমার  
 তোমার নরন-তারার,  
 তবে কি দি়ে বাঁধিলে পুষ্প-হৃদি এ  
 কোথা গেলে তার উপাদান ।

পুষ্প । ওকি গো ক'নে ! তোমার মুখ শুকিয়ে গেল কেন ভাই ?  
 তোমার চোখ দু'টো ছল ছল ক'রে উঠলো কেন ভাই ? আমাদের পানে  
 একদৃষ্টে চেয়ে মাঝে মাঝে দীর্ঘনিঃশ্বাস ফেল্ছো কেন ভাই ? ওঃ, বুঝেছি !  
 তোমার বর আজ আমার হয়েছে ব'লে ? তোমার বুকের রক্ত নিংড়ে  
 বের ক'রে নিচ্ছি ব'লে ? তোমার প্রাণের প্রাণ রাক্ষসীর গ্রাসে পড়েছে  
 ব'লে ? না ভাই ! সে জন্তু ভেবো না ! গায়েপড়া হ'লেও নেবো না ;  
 আমি নিতান্ত অভাবী হ'লেও পরের জিনিষ ছুঁই না । এই নাও ভাই,  
 তোমার জিনিষ, তুমি নাও—তোমার ধন, তুমি রাখ—তোমার সখা,  
 তুমি দেখ । আমি ভোগ ক'রে সুখী নই,—আমি সুখী, ভোগ করা  
 দেখে । আমি পুষ্প, আমার সৃষ্টি কারো, বুকে ওঠবার জন্য নয়, আমার  
 সৃষ্টি শুধু পায়ের তলার প'ড়ে থাকবার জন্তু ।

[ নেপথ্যে বিরোচন ]

বিরোচন । এইবার বোধ হয় পাতা হয়েছে, কি বল নাতনী ?

পুষ্প । দেখুন দাদামশায়, অত ব্যস্ত হ'লে কিন্তু এইবার ঝগড়া  
 হবে ।

বিরোচন । বটে ! বটে ! এইবার ঝগড়া করবার তাল পেয়েছিস্ বৃষ্টি ? তা তুই যা করবি কর নাতনী, আমি কিন্তু ও পথে যাবো না ভাই ! আমার ক্ষিদেয় পেট জ্বলে যাচ্ছে—তেঁটার ছাতি কাটছে—ঝগড়া বাধলেও আমি গারে গা দিয়ে ভাব রাখবো ।

পুষ্প । আনুন দাদামশায় ! আর ঝগড়া বিবাদে কাজ নাই, সব হয়েছে ।

বিরোচন প্রবেশ করিলেন ।

বিরোচন । হয়েছে ? হয়েছে ? কৈ ? কৈ ?

পুষ্প । এই যে দাদামশাই ! সব প্রস্তুত । [ লক্ষ্মী ও নারায়ণকে দেখাইল ]

বিরোচন । এই তো বটে ! আহা-হা ! [ নির্ঝাক বিষয়ে উভয়ের রূপ দেখিতে লাগিলেন ]

পুষ্প । আর দাঁড়িয়ে ভাবছেন কি দাদামশাই ? পাঁচ কুটুম্ব মিলে ভোজন করুন । নয়নকে দিন ঐ মধুময় যুগলরূপে, শ্রবণকে দিন ঐ শ্রীচরণের নূপুরধ্বনির দিকে, নাসিকাকে দিন ঐ মন্দার-গন্ধ আত্মাণে, জিহ্বাকে দিন ঐ নামামৃতের রসাস্বাদনে, হৃদকে দিন ঐ পরম রজঃ আকর্ষণ ভোজনে, আর সবার শেষে, সবার উচ্ছে আপনি স্বয়ং ভোগ করুন, ঐ মধুময় তন্ময়ত্বটুকু ।

বিরোচন । আর কেন, সব প্রস্তুত । যাও ইন্দ্রিয়গণ, যাও আত্মীয়-গণ, এমন ভোগ আর পাবে না । ব'সে পড় আপন আপন নির্দিষ্ট আসনে । আর তুমি বিরোচন ! চল—চল, মিটিয়ে নাও তোমার সারা জীবনের ক্ষুধা, তোমার জন্ম প'ড়ে রয়েছে ঐ কল্পতরু-মূলে ধর্ম, অর্থ, কাম, মোক্ষ চতুর্বিধ ফল । [ লক্ষ্মী নারায়ণের পদতলে বসিলেন ]

সধীগণ ।—

গীত ।

একলা খেও না গো দাদা, একলা খেও না ।

প্রসাদ পাবার আশার আছে এই নাতনী ক'জন ।

তোমার হাঁ দেখে প্রাণ কাঁপছে দাদা,

এ তো গিলে খাবার নয়,

শুকনো গলার আট্টিকে গেলে হেঁচকি ওঠার বড় ভয়,—

চুষে খাও ব'সে ব'সে, ভিজ্বে গলা যিষ্টি রসে,

সাবধান ! কোকলা কসে পাকলে পিষে ভুঁতি চুষে ম'রো না ।

পুষ্প । কেমন হ'লো দাদামশাই ?

বিরোচন । আকর্ষণ—আশাতীত—আনন্দ-ভোজন ।

পুষ্প । তবে এইবার ভোজন-দক্ষিণা নিন দাদামশাই, নাতনীর  
একটা সরস প্রণাম । [ প্রণাম করিল ]

বিরোচন । তোকে আশীর্বাদ করি নাতনী, তুই চিরদিন আই-  
বুড়ো থাক,—তোর এত প্রেম সহ্য করবে কে ?

পুষ্প । থাক, তবে দাদামশাই ! খাওয়া হ'লো,—দক্ষিণা পেলেন,  
এইবার পথ দেখুন ।

বিরোচন । একেবারে বর-ক'নে নিরেই যাবো ।

পুষ্প । বর ক'নে নিরে যাবেন কি রকম ?

বিরোচন । কি রকম নয় ?

পুষ্প । ও,—আপনি বুঝি সেই মতলবে বিয়ে দিলেন ? সে সব  
হবে না দাদামশাই !

বিরোচন । কেন হবে না ? বিয়ের পর বর-ক'নে নিরে যাওয়া  
রীতি নাই ?

দ্বিতীয় গর্ভাঙ্ক । ]

বিদ্যা-বলি

পুষ্প। সে যেখানকার রীতি, সেখানকার রীতি দাদামশাই, আমাদের রাজ-পরিবারের রীতি জানেন তো ? আমাদের ঘরের ক'নে কখনও স্বপ্নরবাড়ী যায় না। বিয়ের পর সংসার হ'তে তার পৃথক বন্দোবস্ত হয়। আর যে লোক বিয়ে করে, তাকে এইখানকারই বৃত্তি-ভোগী হ'য়ে থাকতে হয়।

বিরোচন। ওঃ—ঠকালে তো ! [ ভাবিতে লাগিলেন ]

পুষ্প। কি ভাবছেন দাদামশাই, আমি অন্ডায় বলেছি ?

বিরোচন। দেখ পুষ্প ! অন্ডায় হোক আর ঞ্ডায়ই হোক, তা হ'লে কিন্তু এ বিয়ে স্বপ্ন নয়। এ আমি সহ করতে পারবো না ভাই ! অন্ততঃ আমার বর ফিরে দিতে হবে।

পুষ্প। তা বেশ, নিতে হয় নিন। আপনি যে বর এনেছিলেন, তার বেশী তো আর দাবী করতে পাচ্ছেন না ? এই নিন আপনার সেই বর। [ নারায়ণের বৃত্তি দিলেন ] চ' গো চ', আর এখানে কেন ? কনিষ্ঠতাতকে আমাদের বর-ক'নে দেখিয়ে আনিগে চ'।

[ বিরোচন ব্যতীত সকলের প্রস্থান।

বিরোচন। [ ভাবিতে লাগিলেন ]

দুর্লভের প্রবেশ।

দুর্লভ। কি ভাবছেন বিরোচন ? পুতুলের মুখের দিকে একদৃষ্টে তাকিয়ে কি দেখছেন ভাই ? ওতে আর কিছুই নাই। পুতুলপূজা তার, যে নিজের কিছু দিয়ে পুতুলকে জাগিয়ে নিতে পারে ; নইলে যে পুতুলখেলা, সেই পুতুলখেলা।

বিরোচন। গুরু ! গুরু ! আমি হারিয়ে ফেলেছি।

দুর্লভ। কি হারিয়েছ ভাই ?

বিরোচন । কি হারিয়েছি, বলতে পারছি না গুরু ! সে অব্যক্ত—  
তার ভাষার সৃষ্টি নাই ।

দুর্লভ । তা হারাও নাই বিরোচন ! তুমি তোমার স্বজ্ঞের ঘোড়া  
হারিয়েছ ।

বিরোচন । ঘোড়া হারিয়েছি ?

দুর্লভ । তোমার সেই মন-ঘোড়া এই আসক্তি-রাজ্যে ধরা পড়েছে ।

বিরোচন । একেও আসক্তি বল গুরু ?

দুর্লভ । আসক্তি না হ'লে বিরক্তি আসে কোথা হ'তে ? আশা  
না হ'লে নৈরাশ্র পলে কোথায় ? কাম না হ'লে কাম্মা এলো কেন  
বিরোচন ! যদিও এটা উচ্চ অঙ্গের আসক্তি, তা হ'লেও আসক্তি—বন্ধন ;  
লোহার শৃঙ্খলে না হ'লেও সোণার শৃঙ্খলে । যানি, এতে সুখ আছে,  
কিন্তু এ হ'তেও অপার শান্তি পশ্চাতে প'ড়ে রয়েছে ।

বিরোচন । এ হ'তেও অপার শান্তি ?

দুর্লভ । হাঁ বিরোচন ! ভক্তির ক্ষমতা এই পর্য্যন্ত । এইবার জ্ঞানে  
ওঠো ভাই ! বুঝতে পারবে, সে কি কর্ননাতীত আনন্দ !

বিরোচন । তার অনুষ্ঠান ?

দুর্লভ । কিছুই নাই, শুদ্ধ ধারণা কর—“সৰ্ব্বং খন্দিৎ ব্রহ্ম” ।

বিরোচন । তাতে কি হবে গুরু ?

দুর্লভ । যা হারিয়েছ, তাই দেখতে পাবে । সে দেখায় এমন  
অন্তর্দান নাই, দেখবে চির-স্থির ; সে দেখায় আর বিরহ নাই, দেখবে  
মহামিলন ; সে দেখা এমন গভীর মধ্যে নয়, দেখবে সৰ্ব্বভূতে ।  
শিশুর হাসিতে দেখবে সেই রূপ, কুলটার কটাক্ষে দেখবে সেই রূপ ;  
ধর্মের পূজা-মন্দিরে দেখবে সেই রূপ, পাপের বীভৎস কুটীরে দেখবে  
সেই রূপ ; পর্বতের উচ্চশৃঙ্গে দেখবে সেই রূপ, পরমানুর দৈগ্য়তার দেখবে

সেই রূপ ; তোমার সেইরূপ, আমার সেইরূপ, সমস্ত বিশ্ব জুড়ে সেই এক বিশ্বরূপ ।

[ প্রস্থান ।

বিরোচন । যেও না,—যেও না গুরু, দাঁড়াও । বিদ্যাতের মত আলোক দেখিয়ে পথ ভোলান খেলা খেলে যেও না, পূর্ণচন্দ্রের মত আমার সামনে দাঁড়াও । আমি মন ফিরে পেয়েছি ; তাকে সেই পথে চালাও গুরু, যে পথে লঘু গুরু নাই—যেখানে তুমি আমি এক—যেখানকার অস্তিত্ব মাত্রেরই সেই নিরাকারের বিকাশ ।

[ প্রস্থান ।

### অনন্ত ও সীমার প্রবেশ ।

অনন্ত । এই—এই—এই ধরেছি, আর কোথা যাবে বিরোচন ?

সীমা । আরে, কাকে ধরেছ ? এ যে আমি !

অনন্ত । এঁা—তুমি ? সে কৈ ?

সীমা ; সে অনেকক্ষণ চক্ষুদান দিয়েছে ।

অনন্ত । চ'লে গেছে ? যা ! আর একটু আগে আসতে পারলে বোধ হয় হ'তো ।

সীমা । আগেই এসো। আর পিছেই এসো, আর ওকে ধরতে পারছো না । সে অনেক দূর চ'লে গেছে,—তোমার হাতছাড়া হ'য়ে গেছে ।

অনন্ত । হাতছাড়া হ'য়ে গেছে, আচ্ছা ফের দেখবো । [ গমনোদ্ভূত ]

### সীতা ।

সীমা ।— [ বাধা দিয়া ] তারে তুমি দেখবে কি ?

দেখতে হয় আমার দেখ, আমি বঁধু তোমার দেখি ।

- অনন্ত ।— চাইবো না ও চুলোমুখে ছাই,  
 সীমা ।— চুলো বিনে তোলো হাঁড়ির গতি কোথাও নাই,  
 অনন্ত ।— না হয় হবো খোলামকুচি, করবে কি আর চালাকি ?  
 সীমা ।— রাগ করো না প্রাণবধু নিজের গলায় নেবে ফাঁস,  
 অনন্ত ।— করবো না তবু তোমার ঠারা চোখের তলে বাস,  
 সীমা ।— মাধাস তোমায় পুরুষবর !  
 অনন্ত ।— টিপি-টিপি হাসি কিসের, চিন্বে কি চাঁদ আমার দর ?  
 সীমা ।— চস্বে না আর এ বাজারে তোমার মত অন্ত মেকি,  
 অনন্ত ।— বুঝেছি প্রাণপ্রেরসী, কুমীর তুমি যরের ঢেঁকী ।

## তৃতীয় গর্ভাঙ্ক ।

রাজসভা ।

### বলি ও মহানাদ ।

বলি । দেবতারা বেশ সুস্থ হয়েছেন তো মহানাদ ?

মহানাদ । আশ্বে হাঁ ; তাঁরা আর এখানে থাকতে চান না—রাজসভাশে বিদায় প্রার্থনা করেন, আর যাবার পূর্বে একবার মহারাজের সাক্ষাৎ ভিক্ষা করেন ।

বলি । যাও, বলগে মহানাদ ! আমি অবিলম্বেই তাঁদের প্রণাম দেবো ।

মহানাদ । না মহারাজ ! অতটা সম্মান আর তাঁরা চান না । তাঁদের ইচ্ছা, রাজসভায় এসে রাজদর্শন করেন, আর মহারাজকে যথা-বিধি আশীর্বাদ করেন ।



তৃতীয় গর্ভাঙ্ক । ]

বিজয়া-বলি

বলি । তাঁদের ইচ্ছা অপূর্ণ রাখতে পারি না । যাও মহানাদ !  
তাঁদের সসম্মানে নিয়ে এসো ।

ইন্দ্রাদি দেবগণের প্রবেশ ।

ইন্দ্র । আর যেতে হবে না বলি, আমরা নিজেই এসেছি ।

বলি । আসুন—আসুন ! [ সসম্মানে উঠিয়া দাঁড়াইলেন । ] আসন  
প্রস্তুত, উপবেশন করুন ।

ইন্দ্র । না বলি, যথেষ্ট সম্মান পেয়েছি—আর না । আমরা যাবার  
অন্য প্রস্তুত হয়েছি, যাত্রাকালে একবার রাজ্যদর্শন করতে এসেছি মাত্র ।  
আসন গ্রহণ কর । বলি ! অস্ত্রযুদ্ধে জয়লাভ ক'রে আমাদের ততটা  
পরাজয় করতে পার নাই, যতটা পরাজয় করলে এই চির-শত্রুর মুমূর্ষু  
অবস্থায় কিঙ্করের মত গুশ্রাণা ক'রে । তোমায় আর কি ব'লে আশীর্বাদ  
করবো রাজা ! সমৃদ্ধি তোমার করতলে, সুখ তোমার আয়ত্তে, শান্তি  
তোমার হৃদয় ভরা । তোমায় আশীর্বাদ করবার কিছু নাই, তবে এখন  
একটা বলবার আছে, তোমার ব্রত সত্ত্বর উদ্‌ঘাপন হোক ।

[ প্রস্থান ।

দেবগণ । আমরা সকলেই তোমায় এই আশীর্বাদ করছি বলি !

[ প্রস্থান ।

বলি । যাক, এখন এ দিক্‌কার সংবাদ কি মহানাদ ?

মহানাদ । বসন্ত-অশ্ব সেই ভাবেই ত্রিভুবন ভ্রমণ করছে, দানকার্য্য  
যথাবিধি নির্বাহ হ'চ্ছে, বাচকের সংখ্যা ক্রমশঃই কম হ'য়ে আসছে ।  
অনুমান, পৃথিবীর দারিদ্র্যগহ্বর এইবার বোধ হয় পূর্ণ হয় ।

বলি । না মহানাদ ! সে গহ্বর পূর্ণ হবার এখনও অনেক বাকী ।  
তবে পূর্ণ করতে হবে । অশ্ব যেমন ভাবে ভ্রমণ করছে করুক, তার

গতিরোধ ক'রো না। দানকার্য্য যে উত্তমে নির্বাহ হ'চ্ছে—হোক, বিন্দুমাত্র আলস্য এনো না। আবার ঘোষবাদকগণকে চতুর্দিকে প্রেরণ কর ; নগর, প্রান্তর, পল্লী, বন, উপবন, পর্বত, কন্দর, প্রকাশ্য, প্রচ্ছন্ন, সকল স্থান যেন তারা প্রতিধ্বনিত ক'রে বলির যজ্ঞের কথা বিশেষরূপে জ্ঞাপন করে, দান গ্রহণের জন্ত পুনঃ পুনঃ আহ্বান করে,—যাও।

[ মহানাদ শ্রবণ করিলেন ।

প্রহ্লাদ প্রবেশ করিলেন ।

প্রহ্লাদ । তোমার দেখে আমার বড় ভয় হ'চ্ছে বলি !

বলি । কেন পিতামহ ?

প্রহ্লাদ । এ দানে ক্রমশঃই তোমার একটা মত্ততা আসছে দেখছি । তোমার সুবিস্তৃত উজ্জ্বল ললাটে আসক্তির কালিমা টের পাচ্ছি, তোমার অনুরাগরঞ্জিত অধরোষ্ঠে যেন একটা দর্পের ক্ষীতি অনুভব করছি । বড় ভয় হ'চ্ছে রাজা !

বলি । কোন ভয় নাই পিতামহ ! এ যদি মত্ততা হয়, এ বড় মধুর মত্ততা ; এ যদি আসক্তি হয়, এই আসক্তিই নিবৃত্তির লোপান ; এ যদি দর্প হয়, এ দর্প চূর্ণ করতে দর্পহারীকে অবতীর্ণ হ'তে হবে ।

প্রহ্লাদ । না বলি ! এর পরিণাম আমার বেশ শুভ ব'লে বোধ হ'চ্ছে না ভাই ! তোমার মুখ দেখে আমার বুক কেঁপে উঠছে । তোমার এই অস্বাভাবিক দানে আমার প্রাণে প্রফুল্লতা আসছে না, একটা অশুভ কল্পনার তাকে কাঁদিয়ে দিচ্ছে । এতটা ষট্বে, তা আমি ভাবতে পারি নাই । তা হ'লে যজ্ঞে ব্রতী হবার পূর্বেই তোমার বাধা দিতাম ; যাক্—যা হ'য়ে গেছে, তার আর হাত নেই । আর না, এখনও নাবধান হও—এ পথ হ'তে কেরো ভাই, এ যজ্ঞের এইখানেই শেষ কর ।

তৃতীয় গর্ভাক । ]

বিজ্ঞা-বলি

বলি । আর তা হয় না পিতামহ ! বহদুর এসে পড়েছি ।

দিত্তি প্রবেশ করিলেন ।

দিত্তি । এসেছ—বেশ করেছ, ফিরতে বলি না ; তবে একটু সাবধান হও, আমি একটা বড় গুরুতর সংবাদ নিয়ে আসছি ।

বলি । কি মা !

দিত্তি । তোমাদের বিমাতা অদিত্তি গর্ভবতী : তার প্রসবকাল উত্তীর্ণ, তবু সে প্রসব হ'তে পারছে না । কারণ জানলুম, তার গর্ভস্থ সন্তানের ভার পৃথিবী সহ করতে পারবে না, প্রসবের সঙ্গে সঙ্গে প্রলয় হবে । তবে সেই সন্তান ভূমিষ্ঠ হবার সময় যদি কেউ পৃথিবীর ভার ধারণ করতে পারে, তা হ'লে আর কোন আশঙ্কা নাই । তাই অদিত্তি লোক খুঁজছে ; স্বর্গ, মর্ত্য, পাতাল, সর্বস্থান অনুসন্ধান করছে, কিন্তু কেউ এ অসমসাহসিকতায় হাত দিতে স্বীকার করে নাই । এইবার সে তোমার কাছে আসছে । তোমার শক্তি আছে, আমি তাই আগে এলুম বলি, কথাটা তোমার জানিয়ে রাখা দরকার, কি করতে কি ক'রে বসবে । তার গর্ভের লক্ষণ দেখে আমার বেশ ভাল বোধ হ'চ্ছে না বাবা ! সাবধান ! কদাচ তাকে এ ভিক্ষা দিও না, তার কাকুতি অশ্র-জলে গ'লে যেও না, সর্বনাশ হবে—সাবধান ! আর আমি দাঁড়াতে পারবো না, এখনই সে এসে পড়বে । সাবধান বলি ! আমি নিশ্চিত হ'য়েই চললুম. খুব সাবধান ! [ গমনোত্ত ]

বলি । আমি যে দান-বন্ধে ব্রতী মা !

দিত্তি ! তবু সাবধান !

[ দ্রুত প্রস্থান ।

প্রহ্লাদ বলি ! বুঝতে পারছো তো ভাই ! এখনও নিরস্ত হও ।

বলি । তা হয় না পিতামহ ! আমার দান-যজ্ঞ আমি অসম্পূর্ণ রাখতে পারবো না । পাখিব স্বার্থের দিকে চেয়ে অমঙ্গলের আশঙ্কায় প্রার্থীকে বিমুখ করতে পারবো না ।

অদিতি প্রবেশ করিলেন ।

অদিতি । তোমার জয় হোক বৎস !

বলি । মা ! অবাচিত মাতৃ-আশীর্বাদ মাথা পেতে গ্রহণ করলাম মা !

অদিতি । সন্তানের মতই গ্রহণ করলে বটে বলি, কিন্তু আজিকার এ আশীর্বাদটা ঠিক মাতৃ-আশীর্বাদের মত নয় বাবা, আজ এ একটা বিনিময় চায় ।

বলি । বিনিময় ? না মা, সন্তানের কাছে মায়ের প্রার্থনা—সে বিনিময় নয়, সেও একটা অনুগ্রহ ; সকলের ভাগ্যে তা ঘটে না ।

অদিতি । নিশ্চয় তোমার উৎপত্তি আমারই মর্ষের রক্তবিন্দু হ'তে । তোমায় দিতিবংশধর বলা জগতের ভুল ।

বলি ! না মা, তাদের ভুল নয়, তোমারই বলা ভুল হ'চ্ছে । তা যদি না হবে, তবে আমি বর্তমান থাকতে আমার মা একটু সাহায্য ভিক্ষার জন্ত জগতের দ্বারস্থ হয় কেন ? বিমাতা আবার কিসে দেখায় মা ?

অদিতি । পাগল ছেলে ! আমি কি সেই জন্ত আসি নাই ? না বাবা, আসি নাই, আমার প্রার্থনাটা বড়ই সমস্তার কি না ! তুমি কল্পতরু দান-ব্রতে ব্রতী ; তাই ভয় হ'লো, যদি পূর্ণ করতে না পার, তোমার ব্রত-ভঙ্গ হবে যে বাবা ! মায়ের একটা হঠকারিতায় সন্তানের সর্বনাশ হবে যে বাবা ! তবেই না ভেবে চিন্তে কি আজ আর তোমার কাছে আসতে পারি ? মনে তো করেছিলুম, আসবোই না ।

বলি । মা ! মা ! আমার অপরাধ হয়েছে মা ! অভিমানে আমি  
অন্ধ হ'য়ে গিয়েছিলুম । যাও মা, আশ্রমে যাও—নিশ্চিত হ'য়ে যাও,  
আমি ধরা ধারণের—

লক্ষ্মী প্রবেশ করিলেন ।

লক্ষ্মী । [ বাধা দিয়া বলিলেন ] ভার নিও না বলি !

বলি । কেন মা ?

লক্ষ্মী । এর ভিতর বড় ভীষণ জটিলতা—

বলি । ভিতরে বা আছে—আছে ; অত ভিতর দেখার কি দরকার ?

লক্ষ্মী । কি বল্ছো তুমি পাগলের মত, নিজের সর্বনাশের দিকে  
লক্ষ্য না ক'রে ?

বলি । তা ব'লে আমি ব্রত ভঙ্গ করবো ? তুমি কি বল্ছো  
পাগলিনীর মত ?

লক্ষ্মী । আমি যা বলছি—ঠিক বলছি, দৈত্যবংশের মঙ্গলের জন্য  
বলছি ; ঠিক মায়ের মতই বলছি ।

বলি । মায়ের মত যে বল্ছো, এটা ঠিক । তবে কি না ওটা  
তোমার সাধারণের মায়ের মত বলা হ'চ্ছে, ঠিক বলির মায়ের মত বলা  
হয় নাই ।

লক্ষ্মী । বলির মত বলা হয় নাই ?

বলি । না । যে বলি স্বর্গ, মর্ত্য, পাতাল, ত্রিভুবনের একচ্ছত্র নিরে  
সর্বোচ্চে ব'লে আছে, যার শক্তিতে সর্বশক্তিমান্ নত হ'য়ে গেছে,  
যার আশ্চর্য্য দান-ব্রতে আজ সৃষ্টি স্তম্ভিত, তার মায়ের মুখে এত কুদ্ৰ  
কথা ? তার মায়ের বুকে এত ভয় ?

লক্ষ্মী । বুঝেছি বলি ! এ আমার অরণ্যে রোদন । তোমার বড়

## বিক্ষ্যা-বলি

[ চতুর্থ অঙ্ক ।

ভালবাসি, তাই আমার এত ব্যাকুলতা । শেষ কথা বলে যাই, তারপর যা কর্তব্য হয় ক'রো । বলি ! তোমার দর্পচূর্ণ করতে দর্পহারী নারায়ণ এই গর্ভে জন্মগ্রহণ করেছেন । [ গমনোচ্ছতা ]

অদিতি । মা ! মা ! এ কি সত্য ?

লক্ষ্মী । তা নইলে পৃথিবী কাঁপে আর কার ভার নিতে মা ?

[ প্রস্থান ।

অদিতি । বলির দর্পচূর্ণ করতে আমার গর্ভে নারায়ণ ! পুত্রের সর্বনাশ করতে মায়ের আশ্রয়ে ঝাল ! বলি ! বলি ! এ কথা আমি স্বপ্নেও জানতুম না বাবা !

বলি । জানলেই বা কি করতে মা ?

অদিতি ! জানলে কি করতুম ? এরূপ ভাবে ত্রিভুবন ভ্রমণ করতুম না, নিজেই এর একটা বিহিত করতুম ; আর করবোও তাই । বলি ! আর তোমার পৃথিবীর ভার ধরতে হবে না বাবা !

বলি । কি করবে মা ? গর্ভস্থ শিশুকে নষ্ট করবে ?

অদিতি । না বাবা ! নারায়ণ না হ'লেও তোরা আমার যে বস্তু, সেও যে তাই । নষ্ট করতে পারবো না, তবে একটা কাজ করতে পারবো । আমি পরম যোগী কশ্যপের সহধর্মিণী ; তাঁর চরণ সেবা ক'রে আমার দেহেও কিছু কিছু যোগ-শক্তির সঞ্চার হয়েছে । আমি সেই বলে গর্ভস্থ শিশুকে আজীবন এই ভাবেই রেখে দেবো, আর তাকে এ জন্মে ভূমিষ্ট হ'তে দেবো না । চলুম বাবা ! ওহো-হো, এখনই আমার কি সর্বনাশ না হয়েছিল ! [ গমনোচ্ছতা ]

বলি । দাঁড়াও মা ! কার কথায় কিপ্তা হ'রে উঠলে মা ? কি বিশ্বাসে এমন অমূলক কল্পনা ক'রে নিলে মা ? আমি এমন কি কন্দ্ব করেছি, যার জন্য পরম পুরুষকে অবতাররূপে অবতীর্ণ হ'তে হবে মা ?

বুঝা ভ্রমে আচ্ছন্ন হ'য়ে গর্ভস্থ শিশুকে এমন নিগ্রহ ক'রো না । আর তাই যদি হয়, তাতেই বা ক্ষতি কি ? আমরা নিরস্ত্র শত্রুর হাতে নিঃশেষ অস্ত্র দিয়ে যুদ্ধ করি, আর ভূভারহারা আমার অস্ত্র ভূতলে নাম্ছেন, তার একটা বাধা সরিয়ে দেবো না ?

অদিত্তি । তোরা পারিস্—তোদের অস্ত্র নিয়ে ব্যবসা । আমি তা পারবো না বাবা ! আমি মা—আমার শুধু স্নেহ নিয়ে খেলা, আর আমার বোঝাতে পারি না বাবা ! আমি ও পথে যাবো না—মা হ'য়ে এ কলঙ্ক নেবো না—পুলের অস্ত্র পুলবাতিনৌ হবো না । [ গমনোচ্ছতা ]

### অনুহাদের প্রবেশ ।

অনুহাদ । তোমার গর্ভে নারায়ণ আছে না দেবমাতা ? আমি একবার নারায়ণ দেখবো । [ অদিত্তির উদরে পদাঘাত করিলেন ।  
কৈ নারায়ণ ? কোথা নারায়ণ ? [ পুনঃ পুনঃ পদাঘাত করিতে লাগিলেন ।

অদিত্তি । ও-হো-হো ! [ পতন ]

প্রহ্লাদ । দাদা ! দাদা ! [ অনুহাদকে ধরিয়া ফেলিলেন ]

বলি । মা ! মা ! [ সকলে অদিত্তিকে বেঁটন পূর্বক উপবেশন করিয়া শুশ্রূষা করিতে লাগিলেন । ]

### পরিচারিকাসহ বিক্র্যা প্রবেশ করিলেন ।

বিক্র্যা । শীঘ্র চ' দাসী, মা বুঝি আর নাই ।

বলি । বিক্র্যা ! বিক্র্যা ! জল এনেছ ? দাও—মার মুখে দিই ।  
তুমি একটু বাতাস কর ।

বিক্র্যা । [ অদিত্তির মস্তক কোলে লইয়া মুখে জল সিঞ্চন ও ব্যঞ্জন করিতে লাগিলেন । ]

বাণের প্রবেশ ।

বাণ । জ্যেষ্ঠতাত !

অনুহাদ । বাণ !

বাণ । এ কাজ আপনার ?

অনুহাদ । তুই আবার এখানে কি করতে এলি ?

বাণ । উত্তর দিন, এ কাজ আপনার ?

অনুহাদ । হাঁ, আমার ।

বাণ । আমি এলুম তাত ! আমাদের সেই সন্ধিটা ভঙ্গ করতে ।

অনুহাদ । সন্ধি ভঙ্গ করতে ? [ বাণের মুখপানে চাহিলেন ]

বাণ । হাঁ তাত ! আমি দেখছি, আপনার সঙ্গে আমার মিল চলে না । মিলন হয় কতকটা সমানে সমানে । আমি আপনাকে হাতে অনেক নীচে । জ্যেষ্ঠতাত ! আমি পাষণ্ড ; মুমূর্ষু বৃদ্ধকে অগ্নায় তিরস্কারে চোখের জলে ভাসাতে পারি, মায়ের কোল হাতে কেড়ে নিয়ে অসহায় শিশুকে তীক্ষ্ণ তরবারির অগ্রে ঘুম পাড়াতে পারি, কিন্তু এ অত্যাচার—পূর্ণগর্ভা রমণীর উদরে পদাঘাত,—এ আমার কর্ননাতেও আসে না । আমি আপনার সঙ্গে ছাড়লুম তাত ! আপনার কর্ম দেখে, আমি সহযোগী—আমারও প্রাণ কেঁপে উঠেছে । আজ আমার ভুল ভেঙ্গেছে । আমি পশু আপনারই কুহকে ; আমি দেবদেবী আপনারই ইঙ্গিতে চালিত হ'য়ে ; আমি পিতৃদ্রোহী শুদ্ধ আপনারই ঐ ভেদ-মন্ত্রবলে । আর না—আজ আমার চেতন হুয়েছে ; আজ আমি পিতার সন্তান ।

অনুহাদ । ওঃ, তবে তো অনুহাদের একটা অঙ্গপাত হ'য়ে গেল ! বা—বা,—হিরণ্যকশিপুর পুত্র কারও ভরসা রাখে না, সে নিজের পারে ভর দিয়ে দাঁড়াতে জানে ।



বাণ । এখনও কথা ক'চ্ছেন ? এখনও কটাক্ষ করছেন ? এখনও এ হ'তেও গভীর উদ্দেশ্য রাখেন ? পিতা ! পিতা ! আর না, আমারই বুদ্ধির দোষে কান্দসর্প এতটা প্রশ্রয় পেয়েছে ; অনুমতি দিন পিতা ! আমি এর দমন করবো ।

বলি । এখন সে সময় নয় বাণ ! এখন তোরা সবাই মিলে আমার মায়ের শুশ্রূষা কর—আমার মাকে বাঁচা—আমার এ কলঙ্ক হ'তে রক্ষা কর ।

অদিতি । না—বাবা ! আর আমার শুশ্রূষা করতে হবে না । আমি সুস্থ হয়েছি । আমার কি হয়েছিল—তোরা সবাই মিলে আমার ঘিরে ব'সে মরা-কান্না কাঁদছিস্ ? এ রকম আমার হ'য়ে থাকে । এ কে ? বোমা ! আমার অণু তুমিও এখানে এসেছ মা ? ছিঃ-ছিঃ-ছিঃ ! যাও মা ! অন্তঃপুরে যাও বলি ! মাথা হেঁট ক'রে কেন বাবা ? কলঙ্কের ভয়ে ? কলঙ্ক কিসের ? ওরে, মায়ের বুকে লাগি মারা ছেলের স্বভাব-সিদ্ধ । জগৎশুদ্ধ এক হ'লেও মা কখনও ছেলের কলঙ্ক দেখে না । [ ধীরে ধীরে গাত্রোথান করিলেন, তাঁহার চরণ টলিতেছিল, বিক্র্যা তাঁহাকে ধরিলেন ] বলি ! চল্লাম বাবা ! বেঁচে থাক । সৃষ্টির লগাটে তোমার নাম লেখা থাক ; কীর্তি নিয়ে তুমি অমর হও । অনুহাদ ! বাবা ! এর অণু তুমি কিছু অনুভাপ ক'রো না । তোমার মঙ্গল হোক ।

বিক্র্যা । কোথা যাবে মা ? অন্তঃপুরে চল, তোমার শুশ্রূষা ক'রে যে আমার আশা মিটে নাই মা !

অদিতি । খুব হয়েছে মা, খুব হয়েছে । তোমার না মিটলেও আমার আশা মিটে গেছে । তুমি মা আমার সাক্ষাৎ অগম্যাত্রী ! তোমার পুত্র দীর্ঘজীবী হোক, তোমার সিঁথির সিন্দূর অক্ষয় হোক । যাও মা ! আমি আর অন্তঃপুরে যাবো না, আমার শরীর বড় অবসন্ন ।

বলি । বাণ ! শীঘ্র রথ প্রস্তুত ক'রে দাও গে । রাণি ! তুমিও মায়ের সঙ্গে যাও ।

[ বাণ, অদিতি, বিক্র্যা ও পরিচারিকার প্রস্থান ।

বলি । পিতামহ ! ওঃ, এখনও আপনাকে পিতামহ ব'লে সম্বোধন করতে হ'চ্ছে !

অনুহাদ । না করলেই তো পার ।

বলি । যাক্, আজ আপনাকে রাজদণ্ড নিতে হবে !

অনুহাদ । কি অপরাধে আমার রাজদণ্ড নিতে হবে রাজা ?

বলি । কি অপরাধে ? আশ্চর্য্য !

অনুহাদ । তাতে আর আশ্চর্য্য কি ! তুমি যেটার অপরাধ ব'লে ভাবছো, আমি দেখছি আমার সেটার কোন অণ্ডায় নাই ।

বলি । পিতামহ ! আপনি অনেক পাপ করেছেন, তাতে আপনার ক্ষমতার তত পরিচয় নাই ; আপনার সেবা ক্ষমতা এই যে, অণ্ডায় ক'রেও নিজের মনকে স্তায় ব'লে বুঝিয়ে ফেলতে পারেন ।

অনুহাদ । আমি কি অণ্ডায় করেছি রাজা ? নারায়ণদর্শন করতে লোকে কত কি করে, আমিও না হয় এই রকম একটা করেছি,— এই তো ?

বলি । নারায়ণদর্শন ?

অনুহাদ । হাঁ রাজা, নারায়ণদর্শন—পিতৃহস্তার শাস্তি—আমার জন্মব্যাপী উদ্দেশ্য ।

বলি । সে উদ্দেশ্য সিদ্ধ করবার তো অনেক পথ প'ড়ে রয়েছে । দেবমাতার প্রতি এ নিগ্রহ কেন ?

অনুহাদ । শুন্লাম, তার গর্ভে নারায়ণ আছে, তাই ।

বলি । তাই আপনি তাঁর গর্ভে পদাঘাত করলেন ? ওঃ,

আপনার ধারণা—এই পৈশাচিক উপায়ে ব্রহ্ম-সাক্ষাৎকার লাভ করবেন ?  
এ বিশ্বাস আপনাকে কে দিলে পিতামহ ?

অনুহাদ । আমার পিতা দিয়ে গেছেন—আর কে দেবেন ?  
কার কথাই বা আমি নিই ? বলি ! স্তম্ভমধ্যে নারায়ণ আছে শুনে  
আমার পিতা মুষ্ঠ্যাঘাত করেছিলেন—তদন্তেই নারায়ণের আবির্ভাব  
হয়েছিল, আর গর্ভমধ্যে নারায়ণ আছে জেনে তার পুত্র পদাঘাত  
করলে—নারায়ণ থাকলে তাকে বেরিয়ে আসতে হ'তো না ?

বলি । ওঃ—বুঝেছি পিতামহ ! আপনার নারায়ণদর্শনের বড়  
সাধ । কিন্তু দেখছি সে সাধ আপনার ইহলোকে পূর্ণ হবার নয় ;  
আপনাকে পরলোকে যেতে হবে । লোকে পুত্র পৌত্রের কামনা করে  
সেই দুর্গম পথে সাহায্য করবার জ্ঞান । আমি আপনাকে পরলোকে  
পাঠাবো পিতামহ ! আপনি মৃত্যুর জ্ঞান প্রস্তুত হোন । [ অসি উন্মোচন  
করিলেন ]

অনুহাদ । হিরণ্যকশিপুর পুত্র মৃত্যুর জ্ঞান কখনও অপ্রস্তুত নয় ।  
এই আমি মাথা তুলে দাঁড়িয়েছি, যা করবে কর ।

প্রহ্লাদ । দাদা ! :দাদা ! [ কণ্ঠরোধ হইল ]

অনুহাদ । তুমি চুপ কর ভাই ! সৃষ্টির ওলোট-পালটে আমার  
কিছুই করতে পারে না, কেবল তোমার চল-চল একটা দৃষ্টিতে আমার  
টলিয়ে দেয় ; তুমি স্থির হও । এস বলি !

বলি । পিতামহ ! আমার হস্তে আপনার এ দশা,—এ আশ্চর্য্য !  
প্রকৃতির সম্পূর্ণ নীতি-বিরুদ্ধ । এ কারও কল্পনাতেও আসে না । কিন্তু  
কি করবো ? করতে হ'লো । মনে করেছি, 'এর পর আপনার  
প্রতিমূর্ত্তি তৈরী ক'রে অশ্রুজলে ড'বেলা তার পূজা করবো । এখন  
এই কর্তব্য । [ অস্ত্রাঘাতে উত্তত হইলেন ]

দ্রুতপদে ভয়ত্রস্ত্যা পৃথিবীর প্রবেশ ।

পৃথিবী । রক্ষা কর—রক্ষা কর রাজা ! অদ্বিতীয় প্রসবকাল উপস্থিত ; আমি পৃথিবী—বড় বিপন্ন, আমার রক্ষা কর ।

বলি । প্রসবকাল উপস্থিত ?

পৃথিবী । হ্যাঁ রাজা ? আমারই অগ্র সে এতদিন গর্ভস্থ শিশুকে ভূমিষ্ঠ হ'তে দেয় নাই—যোগবলে ধারণ ক'রে রেখেছিল, কিন্তু পদাহতা হ'য়ে আর তার সে শক্তি নাই । রক্ষা কর—রক্ষা কর রাজা ! প্রলয় হ'লো !

বলি । স্থির হও মা ! কোন ভয় নাই । আমি তোমার ধরবো, আমার শক্তিতে নয়—সেই সর্বশক্তিমানের ইচ্ছায় ; তুমি অনগ্রমনে তাঁর ধ্যান কর । অগৎ ! তুমি এ সময় সমবেত কর্তে শুদ্ধ হরিধ্বনি দাও । যাও বাণ, তাঁর কার্য্য কর । [ গাণ্ডীবে শরযোজনা করিয়া পৃথিবীকে ধারণ করিলেন ; অন্তরীক্ষে হৃন্দুভি ও শঙ্খধ্বনি হইল । ]

সদ্যপ্রসূত শিশুকে কোলে লইয়া মায়ার আবির্ভাব ।

মায়ী । ধর পৃথিবী ! আজ তোমার একটা অমূল্য রত্ন উপহার দিলাম ।

[ পৃথিবীর হস্তে শিশুকে প্রদান করিয়া অস্তহিত হইলেন ।  
অনুহাদ । [ স্থিরদৃষ্টিতে শিশুকে দেখিতে লাগিলেন ]

পৃথিবী ।—

গীত ।

ওগো, কে গো তুমি কে ?

যুগে যুগে ওগো বার রাখা আমি,

তুমি কি আমার সে ।

লুকারে রেখেছ তুমি আপনার  
আপন রচিত আঁধার মায়ার,  
ঢাকিলে কি ঢাকা বার,

চরণ-চিহ্ন চেনে না কে ?

তুমি কখনও পতি কখনও পুত্র,  
তোমাতে জড়িত কর্মসূত্র,  
তোমাতে আমি, আজ আনাতে তুমি,

এ লীলা বুঝিবে কে ?

বলি । যাও মা অগন্ধাত্রী ! পেয়েছ—যত্নে পালন ক'রো ।

[ পৃথিবী প্রস্থান করিলেন ।

বলি । মুক্ত আপনি পিতামহ ! আমি আর কেন কলঙ্কিত হই,  
গার কার্য্য তিনিই করবেন !

অনুহাদ । হঁ !

[ গম্ভীরভাবে প্রস্থান করিলেন ।

## চতুর্থ গর্ভাক্ষ ।

প্রান্তর ।

### জ্ঞানের হস্ত ধরিয়া বিরোচন ।

বিরোচন । নিয়ে চল—নিয়ে চল ভাই, এ কোলাহলময় সংসার-  
সংগ্রামভূমি হ'তে আমার বহুদূরে নিয়ে চল । যেখানে মৃত্যুর আর্ন্তধ্বনি  
নাই, উল্লাসের অক্ষধ্বনি নাই, পেচকের কঠোর কণ্ঠস্বর নাই, কোকিলের  
মধুর প্রতিধ্বনিও নাই, আশাও নাই, নৈরাশ্রও নাই, নিয়ে চল সেই  
স্থির নীরবতার ।

জ্ঞান ।—

### গীত ।

তবে নাচ রে ছুঁটি বাহু ভুলে ।

উঠিবি আনন্দধামে অহমিকার বাঁধন খুলে ॥

ছুটো না রে দিক্ বিদিকে

তাব শুধু তুমি কে.

প'ড়ো না রে আর বিপাকে,

তবের ভীষণ ঠিকে ভুলে ।

আত্মজ্ঞানে চুপে চুপে,

জাগাও চিহ্নানন্দরূপে,

ভেসে ওঠ সেই মধুকুপে.

বেশার ঝোঁকে চলে চলে ॥

[ প্রস্থান ।

বিরোচন । চল ভাই, তুমি আগে আগে চল, আমি তোমার পিছু  
পিছু যাই । [ গমনোত্তত ]

## দুর্লভ প্রবেশ করিল ।

দুর্লভ । পশ্চাতে দেখ বিরোচন !

বিরোচন । পশ্চাতে আর চক্ষু যায় না গুরু, সম্মুখে আমার সজ্জিত রাজপথ ।

দুর্লভ । বাঃ— তবে নবজীবন লাভ করেছ দেখছি । কিন্তু বড় নীরস হ'য়ে পড়েছ জ্ঞান পেয়ে বিরোচন, বুঝ্ছো ?

বিরোচন । কিন্তু বড় সুখে আছি জ্ঞান পেয়ে গুরু ! দেখ্ছো ?

দুর্লভ । সুখ ! সুখ কৈ বিরোচন ? এ তো দেখছি একাকার একটা কি ! সুখ বলতে গেলেই পশ্চাতে দুঃখ ব'লে একটা কিছু থাকতে হবে, অন্য ধরতে গেলেই মৃত্যুকেও চাই ।

বিরোচন । কি বল্ছো গুরু ?

দুর্লভ । বল্ছিলুম কি, সম্মুখে সজ্জিত রাজপথ দেখ্ছো, পশ্চাতের কর্দমাক্ত কণ্টক-পথটাও দেখ, তবে তো রাজপথ দেখার তৃপ্তি পাবে । নবজীবন পেয়ে উন্মাদ হয়েছ, পুরাতন জীবনটাকেও সঙ্গে রাখ, তবে তো নবজীবনের নবীনতা বুঝবে । বিরোচন ! হাসবে যদি কাদ, তবে তাতে রস পাবে । শিশুর জলভরা চোখের উপর অকস্মাৎ হাশ্ব কত মিষ্ট, দেখেছ বিরোচন ?

বিরোচন । গুরু ! আবার কোথায় নিয়ে যাচ্ছে গুরু ?

দুর্লভ । আরও উর্দে নিয়ে যাচ্ছি বিরোচন ! বুঝে দেখ, পর্বত শুদ্ধ পাথর নিয়ে নয়, তার মধ্যে ওষুধি বৃক্ষলতাও আছে, স্বচ্ছসলিলা নদীও আছে ; শুদ্ধ ও নীরস জ্ঞান নিয়েই সুখের চরম অবস্থা নয়, ওর সঙ্গে কর্ম ভক্তিও চাই ।

বিরোচন । সে কি গুরু ? তাদের যে আনন্দি ব'লে ত্যাগ করালে ?

দুর্লভ । ত্যাগের বস্তুও সময়ে ভোগ করতে হয় বিরোচন ! তা না হ'লে অনাসক্তির সার্থকতা হয় না । আজ তুমি ত্যাগে সিদ্ধ, আর আসক্তিতে তোমার কিছু করতে পারবে না । এইবার ভোগ কর বিরোচন ! ত্যাগের সঙ্গে ভোগের দরকার, এক কেন্দ্রে দুই-ই চাই । ভয় নাই, তখনকার জীবন যেমন এখনকার স্বপ্ন, তখনকার বন্ধনও তেমনি এখনকার মুক্তি ।

[ প্রস্থান ।

বিরোচন । তবে আবার জেগে ওঠ তুমি সুপ্তবীর কৰ্ম্ম, আবার কোল দাও তুমি স্নেহময়ী ভক্তি, আবার হাত ধর তুমি প্রেমময় জ্ঞান !

[ প্রস্থান ।

অনন্ত ও সীমা প্রবেশ করিল ।

অনন্ত ও সীমা ।—

গীত ।

সীমা ।—                      ষর চল বঁধু ষর চল ।  
    মুখখানি খালা শুকিয়ে গেছে,  
    চোখ দু'টা যে ছল ছল ।

অনন্ত ।—                      ছিঃ-ছিঃ, হাসছো কালামুখি,  
    হাতের মোরা চিলকে দিলে  
    করতে গিয়ে লোকালুকি,  
    তাতে লাভটা হ'লো কি ?

সীমা ।—                      আমি পরের তরে প্রাণটা রাখি,  
    পরের বোঝা বইতে ভাল ।

অনন্ত ।—                      ঝকঝারী তোমার সঙ্গে মেশা,  
    কেটেছে তো বুদ্ধ-নেশা,



অনন্ত ।—

মরবো যবে কাটবে তবে

এ যে আমার বাবাকলে পেশা,

সীমা ।—

বালাই—বাট—বেঁচে থাক,

দেখ তুমি আছ তাই আমি আছি,

তুমি যেমন মন্দ তেমনি ভাল ।

[ উভয়ের প্রস্থান ।

অনুহাদ ও প্রহ্লাদ প্রবেশ করিলেন ; প্রহ্লাদ

অনুহাদের অস্ত্র ধরিয়াছিলেন ।

অনুহাদ । ছেড়ে দাও—ছেড়ে দাও প্রহ্লাদ ! আমি আমার  
নারায়ণকে পেয়েছি ।

প্রহ্লাদ । নারায়ণকে পেয়েছ ! কৈ তোমার নারায়ণ দাদা ?

অনুহাদ । ঐ যে—ঐ নীল আকাশের কোলে গা ঢেলে শুয়ে  
রয়েছে । ঐ বুঝি আবার কাল মেঘের আড়ালে লুকিয়ে পড়লো !  
না—না, ঐ যে সাদা মেঘগুলো হাতে ক'রে ঠেলে নিয়ে যাচ্ছে । দাও  
—দাও, অস্ত্র দাও—অস্ত্র দাও ।

প্রহ্লাদ । কৈ ? আমি তো দাদা কিছুই দেখতে পাচ্ছি না ।

অনুহাদ । আরে তুমি দেখবে কি ? তোমার কি সে চক্ষু আছে ভাই ?  
দাও—অস্ত্র দাও ; ওর মুণ্ডটা ঢ'কাক ক'রে তোমার চোখ ফুটিয়ে দিই ।

প্রহ্লাদ । দাদা ! প্রলাপ দেখছো ।

অনুহাদ । প্রলাপ ! তাই না কি ! কৈ, আর ওখানে নাই তো !  
এ্যা—কি হ'লো ! আরে, এই যে—এখানে ! ঐ গাছের ওপর ! বাঃ !  
প্রতি পাতার পাতার কি হচ্ছে—প্রতি ফুলে ফুলে লম্পট ভ্রমরের মত  
ঘুরছে—প্রতি ফলে ফলে আড়রে ছেলের মত দোল-দোল খেলছে ।

অন্তটা দাও প্রহ্লাদ ! দেবে না ? তবে আমি এই পাথর ছুড়েই ওর হাড় চূরমার করবো । [ প্রস্তর নিক্ষেপে উত্তত হইলেন ]

প্রহ্লাদ । [ বাধা দিয়া ] কর কি—কর কি ?

অনুহাদ । যাঃ—স'রে পড়েছে,—সরতেই হবে ; হিরণ্যকশিপুর পুল আমি । আচ্ছা, কতদিন এ লুকোচুরি চলে, দেখবো । ও কি ! নদীর জলে ও আবার কি ? সেই নয় ? সেই তো বটে ! সেই তীর চাহনি—সেই বিক্রমের অটু-অটু হাসি—সেই লক্-লক্ জিহ্বা ! পেয়েছি—আর যার কোথা ! ধরবো—ধরবো, নদীর জল গণ্ডুবে শোষণ ক'রে ওকে ধরবো ।

প্রহ্লাদ । মিছো ছুট্ছো দাদা ! ওকে ধরতে পারবে না ; দেখছে তো, ও এই আছে—এই নাই ! ও আকাশে থাকে—পড়ে না, আগুনে থাকে—পোড়ে না, জলে থাকে—মরে না, হৃদয়ে থাকে—দেখা দেয় না ; ওকে তুমি ধরবে কি ক'রে ?

অনুহাদ । প্রহ্লাদ ! প্রহ্লাদ ! করেছ কি ভাই ? তাড়িয়ে দাও তাড়িয়ে দাও । তোমার মধ্যেও যে তাকে দেখছি ; তাড়িয়ে দাও—নইলে এখনি ওর জন্তে আমি লাভহত্যা ক'রে বসবো ।

প্রহ্লাদ । আমার মধ্যে দেখছো, আর তোমার মধ্যেও কি সে নাই দাদা ?

অনুহাদ । আমার মধ্যে ? এঁ্যা ! বল কি ! কৈ—কোন থানে ? ঐ না কি ? ঐ কে হৃদয়ের মাঝখানে অস্পষ্টভাবে ব'সে রয়েছে নয় ? ঐ কে আমার সমগ্র রক্তস্রোতের উপর আনন্দে সঁতার কাটছে নয় ? বাঃ—এ যে ব্যাধের ঘরে হরিণের বাসা ! এইবার ঠিক হয়েছে । শিকার ঘরে, আর আমি ঘুরে বেড়াচ্ছি কোথায় ? দাও তো প্রহ্লাদ অন্তটা, চুপে চুপে দাও ; শুন্তে পেলো পালাবে ; দাও অন্ত ! আমার হৃদয়ের

মূল উৎপাটিত ক'রে ওর আসন ঘুচিয়ে দিই,—নিজের রক্ত নিজে পান  
ক'রে ওকে নিস্তেজ ক'রে ফেলি । দাও—দাও ।

প্রহ্লাদ । দাদা ! অনেক দূর অগ্রসর হয়েছ, আর—

অনুহাদ । আস্তে—আস্তে, গোল ক'রো না—গোল ক'রো না ।  
ঐ যা, স'রে পড়লো । যাঃ—বেঁচে গেলি আজকের মত ; কি বলবে  
আর ভাইকে ! [ বিরক্তভাবে প্রহ্লাদের প্রতি ] কি বলছিলে বল ।

প্রহ্লাদ । বলছিলুম কি, অনেকদূর অগ্রসর হয়েছ—আকাশের সাদা  
কালো মেঘের উপর তাকে দেখছো—গাছের পত্র পুষ্প ফলে তাকে  
দেখছো—আমার মধ্যে দেখছো—তোমার মধ্যে দেখছো—সর্বভূতে  
সমান ভাবে তাকে দেখছো, সবই তো ঠিক হয়েছে ; আর একটু বাকি  
রাখ কেন দাদা ? তা হ'লেই তো তোর ধরা পাও ।

অনুহাদ । বাকিটা কি ?

প্রহ্লাদ । হিংসার দেখাটা ছেড়ে দিয়ে ঐরূপ প্রীতির চক্ষে দেখ না !

অনুহাদ । না—না, তা হবে না ; হিংসার ঔরস নিয়ে জন্মেছি,  
হিংসা নিয়েই মরবো । হিংসাতেই তাকে দেখছি—হিংসাতেই ধরবে  
এতেই যখন এতটা এসেছি, তখন বাকিটুকু আর এতেই হবে না ?

প্রহ্লাদ । না দাদা ! তা হয় না ; শেষটার আলিঙ্গন চাই ।

অনুহাদ । না হয়, আমার জীবনের খানিকটা অংশ বাকি থেকেই  
গেল ; তাতেই বা কি ! তবু আমি হিরণ্যকশিপুর পুত্র,—ও তোষা-  
মোদের অভিনয় করবো না ভাই ! আমি আমার পিতৃহস্তাকে চাই,—  
তার রূপ দেখতে নয়—তাকে পূজা করতে নয়, আমার পিতার নাড়ী-  
গুলো যেমন নখে চিরে বের করেছিল, সেই রকম একটা কিছু করতে ।  
যাবে কোথা ! এবার যদি আকাশে দেখি—আকাশ শুদ্ধ গ্রাস করবো,  
অলে দেখি—একটা রোষদীপ্ত কুর কটাক্ষে অলের উপর আগুন জেলে

দেবো, সর্বভূতে দেখি—সৃষ্টির এক প্রান্ত হ'তে অন্য প্রান্ত পর্যন্ত সমভূমি ক'রে হত্যাকাণ্ড চালাবো । তুমি যে দিকে যাচ্ছে, যাও ভাই, আর আমার পিছু নিও না । আমি এই ভাবেই বাকিটুকু পূরণ ক'রে নেবো ; আমি তাকে ধরবোই ধরবো । [ বেগে প্রস্থান ।

প্রহ্লাদ । তাই তো ! আমি কোন্ দিকে যাচ্ছি ! ঐ বুঝি দাদা উন্মাদের মত ছুটে যাচ্ছে ! যাক্ না—তাতে আমার মন টলে কেন ? আমার চোখে জল আসে কেন ? আমি যে পিতার মৃত্যু দাঁড়িয়ে দেখেছি—হাসতে হাসতে নারায়ণের ধ্যান করেছি । কৈ—জল তো আসে নাই, তবে আজ আমার একি হ'লো ! ও, পরকে দিক দেখাতে গিয়ে, নিজের দিক হারিয়ে ব'লে আছি বটে ! যাক্—যে যেদিকে যাব যাক্, আমি কেন এ গণ্ডীর মধ্যে পড়ি ? দূর হও যাবা, আমি প্রহ্লাদ—প্রহ্লাদই থাকবো । [ প্রস্থান ।

### দিতি প্রবেশ করিলেন ।

দিতি । পতন পশ্চাতে, তবু আমি উঠছি । নিরতি অলক্ষ্য হ'তে বারবার নিষেধ করছে, তবু আমি একটানা ছুটছি । দৈত্যজাতি মদগর্বে আপনার কল্যাণ চাচ্ছে না, তবু আমি তাদের মঙ্গলের জন্ত সাধাসাধি করছি । আমারই উৎসাহে মাত্র অনুহাৎ এখনও পিতৃহত্যার প্রতিশোধে উন্মাদের মত ছুটে বেড়াচ্ছে ! বুঝেছি—বুঝেছি—বুঝেছি—বুঝেছি—কোন ফল নাই, তবু চলেছি, চলতেও হবে । বিজয়-কামনার লোকে পুত্র-পৌত্রকে যুদ্ধে পাঠায়, আমি তা করি নাই,—আমার কামনা শুদ্ধ রক্তপাত দেখতে । পিপাসা মেটাতে লোকে কূপ খনন করে, আমি তা চাই না,—আমি চাই সেই কূপে ডুবতে ; আমি আশ্চর্য্য । [ প্রস্থান ।

## পঞ্চম গর্ভাঙ্ক ।

পল্লীপথ ।

গীতকণ্ঠে দেবর্ষি ও নাগরিকগণ যাইতেছিল ।

গীত ।

- দেবর্ষি ।— চল বামনরূপ দর্শনে ।  
নাগরিকগণ ।— চল চঞ্চল পদে চরণ-প্রান্তে চিত্ত-ভুলসী বর্ষণে ।  
দেবর্ষি ।— হৃদয়ের প্রতি পরতে পরতে ত্রীতির পুষ্প ফুটায় নাও,  
নাগরিকগণ ।— ভূষিত মরত্ব শুক নরনে জারুদী-বেগ ছুটায় নাও,  
দেবর্ষি ।— ধর করে সেবা-চন্দন,  
নাগরিকগণ ।— বল জয় জগবন্দন,  
সকলে ।— চল অনিত্য বিস্তরি চিহ্নানন্দ চিত্তাকর্ষণে ।

[ প্রস্থান ।

খেতাজ শর্মা ও জনৈক প্রতিবাসী ।

খেতাজ । কি হে ! কি হে ! তোমরা পাড়াশুদ্ধ লোক এ ভোর  
ছপুরে কোথায় ছুটোছুটি করছে ? ব্যাপারটা কি হে ?

প্রতিবাসী । আরে বাঃ ! শোন নাই ? কণ্ঠপের ছেলের  
উপনয়ন ; আমরা নিমন্ত্রণ খেতে যাচ্ছি হে !

খেতাজ । এ্যা—বল কি ! উপনয়ন ? নিমন্ত্রণ ?

প্রতিবাসী । কেন, তোমার নিমন্ত্রণ হয় নাই বুঝি ?

খেতাজ । একশোবার হয়েছে । কণ্ঠপের ছেলের উপনয়ন যখন,

তখন আমার নিমন্ত্রণ হয়েইছে । তার সঙ্গে আমার চিরকালে আলাপ,  
আর নিমন্ত্রণ হয় নাই ? ও না হ'লেও হয়েছে ।

প্রতিবাসী । না হ'লেও হয়েছে কি রকম ?

শ্বেতাজ । কি রকম নয় ? লোক মাত্রেই ভুল চুক আছে, তা ব'লে  
সে আমার বন্ধু লোক, আমি সেইটে ধ'রে ব'সে থাকবো ? নিজের হ'তে  
গিয়ে তার ভুলটা সংশোধন ক'রে দেবো না ? তবে আর মানুষ কি ?

প্রতিবাসী । তোমার সঙ্গে কশ্যপের এতটা বন্ধুত্ব কিসে হ'লো হে ?

শ্বেতাজ । ওহে, হয়েছে—হয়েছে ; সে অনেক কথা—অনেক কথা ।

প্রতিবাসী । একটু আভাষেই বল না ।

শ্বেতাজ । চল—চল, বেলা হয়েছে,—বল'বো এখন ।

প্রতিবাসী । এমন কিছু বেলা হয় নাই ।

শ্বেতাজ । ঐ, তুমি তো বড় ছেঁড়া লোক দেখছি হে, কথার জের  
মারতে চাও না । আমি বিনা নিমন্ত্রণেও যেতে রাজী,—তোমার আর  
কোন কথা আছে ?

প্রতিবাসী । না—না, চট কেন ? তাই বলছিলাম, চল—চল ।  
আচ্ছা, কশ্যপের ব্যাপারটা কি জান ? এই তো শুন্‌লুম, প্রসবের সময়  
পৃথিবী যায় যায়, বলি রাজা না কি আবার তাকে ধরে । মনে করলুম,  
কি একটা অদ্ভুতই না জন্মাবে ! এদিকে ছেলের বেলায় তো একটা  
বৃদ্ধাসুষ্ঠ ।

শ্বেতাজ । ওহে, ও রকম হয়—ও রকম হয় । দাদা ! ও যে কাণ্ডের  
বত জাঁক, তার তত ফাঁক ।

প্রতিবাসী । তা—বটে ! তা—বটে ! তবে শুন্‌ছি না কি, এর  
উপনয়নে দেবতারা শুদ্ধ আসবে ?

শ্বেতাজ । এ্যা ! বল কি ? দেবতা ?

প্রতিবাসী । দেবতার নাম শুনে তুমি এমন আঁৎকে উঠলে কেন হে ?

শ্বেতাজ । তাই তো হে, তোমার কথা শুনে যে আমার পেটের ভিতর হাত পা সঁধিয়ে গেল হে ! শুনেছি, দেবতাদের না কি কারো চারটে মুখ, কারো পাচটা, কারো ছ'টা ; কারো চারটে হাত, কেউ দশভূজা, কারো বা হাজার চোখ । তবেই বল দেখি, কি খাওয়ায়, কি ছাঁদা বাঁধায়, কি অণু ব্যবস্থায় আমরা কি তাদের কাছে পান্তা পাবে; হে ?

প্রতিবাসী । তবে আর না গেলেই তো হ'তো ।

শ্বেতাজ । না—নিমন্ত্রণটা তো রাখতে হবে ; বিশেষতঃ বন্ধুর মরে । চল—শুরু আছেন । ওরে লাল !

প্রতিবাসী । লালের অণু ভাবতে হবে না, সে এতক্ষণ সেখানে গিয়ে হাজির । সে তোমার পুত্র হ'লেও তোমায় ছাপিয়ে উঠেছে ।

শ্বেতাজ । তা উঠবে বৈ কি, তা উঠবে বৈ কি ! তার বাবা শ্বেতাজ, তার মা কালিন্দী, সে হ'লো কি না লাল,—তার তো ভূঁইফোড় হবারই কথা । সুপুত্র—সুপুত্র ।

প্রতিবাসী । তা বটে !

শ্বেতাজ । চল—চল, শুভম্ব শীঘ্রং । শ্রীহরি দুর্গা, গমনে গজেন্দ্রশৈব ।  
[ উভয়ের প্রস্থান ।

পঞ্চম অঙ্ক ।

প্রথম গর্ভাঙ্ক .

দেবী-মন্দির ।

সিংহাসনে লক্ষ্মী, নিম্নে বলি দণ্ডায়মান ।

বলি ।

পূর্ণ কর মাতা !  
আর না চাহিব কিছু,  
এই ঘোর শেষ আকিঞ্চন ।

লক্ষ্মী ।

রাছাধন ! আর না—নিরস্ত হও,  
দান-যজ্ঞে পূর্ণাহুতি দাও ।  
এখনো উপায় আছে,  
রাখিলে রাখিতে পারি তোমারে রাজন্ !  
না রাখ বচন, হবে ঘোর অকল্যাণ ।

বলি ।

অকল্যাণ কল্যাণের উৎপত্তির স্থল,—  
আখণ্ড সহস্রলোচন অভিশাপে,  
দেখ মা কলঙ্কী শশী—  
স্থান তার স্থাগুর ললাটে ।  
করপুটে করি নিবেদন মাতা,  
ক'রো না মা গতিরোধ  
উচ্ছৃঙ্খিত এ শ্রোতের,  
উভ কুল প্লাবিত হইবে ঘোর ।



পার যদি তারণকারিণী,  
 আরও দাঁও তনয়ে উৎসাহ,  
 আরও দাঁও প্রাণ ভ'রে ছুটিবার বল  
 লক্ষ্মী । সাবধান বলি !  
 বার বার মাতৃবাক্য কেন কর অবহেলা ?  
 সন্তান হ'তেও অধিক বোঝোন মাতা  
 তনয়ের শুভাশুভ তার ।  
 দান-অবতার !  
 দিব্য চক্ষে দেখিতেছি আমি,  
 অমঙ্গল ধেরে আসে গ্রাসিতে তোমায় ।  
 ত্যাগ কর এ আসক্তি,  
 শেষ কর অপূর্ণ আশার ।  
 ভুলে যাও এ ভীষণ দান,  
 লুকাও আমার কোলে,  
 এইভাবে আগ্রহের রাখিব উন্নত ।  
 বলি । মাতৃকোলে লুকায়ে বদন  
 জীবন রাখিতে চাহে না সন্তান তব ।  
 জন্মেছি—মরিতে হবে,  
 অমঙ্গল কিবা তার ?  
 তা ব'লে কি ফেরা যার  
 গন্তব্যের মধ্যস্থল হ'তে ?  
 মাতঃ ! বাহ্যিকরূপে !  
 নাও পদে সহস্র প্রণাম,  
 দাঁও বাহা চাহে পুত্র ।

বুঝিলাম গতিরোধ অসাধ্য আমার,  
 কামনার আঙ্কাবাহী তুমি আজ ।  
 আচ্ছা, কহ তব শেষ আকিঞ্চন ?

বলি । চিন্ময়ি ! প্রসাদে তব প্রতি প্রাতঃ-সন্ধ্যা  
 লক্ষ লক্ষ ব্রাহ্মণ ভিক্ষুকে  
 স্বর্ণমুষ্টি ভিক্ষা দিই অকাতরে ;  
 মণি মুক্তা রত্ন মরকত,  
 ভূমি শয্যা আসন তৈজস,  
 আহারীয় পরিধান যে বাহা চাহিল,  
 দিলাম বাচকে আশাতীত অবাচিত ভাবে,  
 কিন্তু মাগো ! দান-আশা মিটিল না মোর ।  
 সমুদ্রের তীরে আমি অঞ্জলি ধরিয়া,  
 তবু তো ষায় না ভূষা,  
 গুফ তালু মুহমূহঃ,  
 যত করি পান—ততই পিপাসা বাড়ে ।  
 শান্তিবিধায়িনি ! আর কিছু নাহি চাই,  
 দাও শান্তি এ ভূষায় মাতা !  
 দাও যা মিলায়ে এক সুযোগ্য ভিখারী,  
 দান করি মনোমত শেষ করি সকল সাধের ।

লক্ষ্মী । [ স্বগত ] ওঃ—অতিশয় আকাঙ্ক্ষা প্রবলা ।  
 আর রক্ষা নাই—কি করিব আমি !  
 আসিছে বামনরূপী ছলনাবতার ।  
 এখনো রাখিতে পারি—কিন্তু তা হবে না,—  
 নিয়তি চালিত জীব ।

দিই বর— চাহে ভক্ত নিবেধ সঙ্কেও,  
দায়ী নই আমি ।

[ প্রকাণ্ডে ] যাও রাজা যজ্ঞস্থলে,  
ভৃষ্টি হবে পিপাসার—পূর্ণ হবে মনোরথ,  
সূর্যাস্তের মধ্যে পাবে অদ্ভুত ভিধারী ,  
পার যদি কর দান তার মনোমত ।

বিক্র্যা প্রবেশ করিলেন ।

বলি ।

বিক্র্যা ! বিক্র্যা !

আজ বড় আনন্দের দিন !  
সবটুকু আশীর্বাদ পেয়োঁচি মায়ের,  
সমাপ্তি মোদের আজ সর্ব কামনার,  
সূর্যাস্তের মধ্যে হবে ব্রত-উদ্‌যাপন ।  
বড় আনন্দ সংবাদ বিক্র্যা !  
স্বহস্তে মার্জন কর মায়ের মন্দির,  
ফুলদল দিয়া সাজাও দেবীরে,  
মাথাও বরাঙ্গে রাগি, কুঙ্কুম কঙ্করী,  
শেখ পূজা কর আজ হৃদয় ঢালিয়া ।  
আজ বড় আনন্দের দিন,  
আজ মোর স্বপ্নের সাফল্য,  
সকল সাধের আজ বিজয়া দশমী ।

[ প্রস্থান ।

লক্ষ্মী [ উঠিয়া । রাণী-মা ! রাণী-মা ! আমার কি বিদায় দেবার  
আয়োজন করতে ব'লে গেলেন মা ?

বিক্র্যা । তাতে দোষ কি মা ? বোধন হ'লেই যে তার বিলম্বন আছে ।

লক্ষ্মী । তুমিও আমার মুখের দিকে তাকালে না মা ?

বিদ্যা । কি ক'রে তাকাই মা ! নবমী নিশি গত, বিজয়ার প্রভাত-সূর্য অলসভাবে উদিত, চতুর্দিকে নিরঞ্জন বাত্ম ; আর কি কোনও দিকে তাকাবার উপায় আছে মা ?

লক্ষ্মী । কিন্তু মা ! তোমরা ইচ্ছে করলে এখনও যে আমার রাখতে পারতে মা !

বিদ্যা । পারতুম, কিন্তু তা রাখবো না মা ! মেনকা ইচ্ছে করলে কি তাঁর গৌরীকে রাখতে পারতেন না মা ? তবু রাখেন না, রাখতে আছে কি মা ?

লক্ষ্মী । মা ! মা !

বিদ্যা । বহু কষ্টে হৃদয়কে বেঁধেছি, আর ও করুণ সম্বোধনে সে বাঁধ ভেঙ্গে দিও না মা ! আর ও ছল-ছল দৃষ্টিতে পথভ্রষ্ট ক'রো না মা ! আজ তুমি যার বস্তু, তার হাতে দেবো ; যথাকার শোভা তুমি, সেই স্থানে রাখবো । আদর ক'রে এনেছি, আনন্দোৎসব সাজ হ'লো, এইবার তোমার আদর ক'রে পাঠাবো । ব'সো মা রত্নাসনে, আজ মনোমত ক'রে তোমার বেশ-বিছান ক'রে দিই—প্রাণভ'রে তোমার মুখখানি দেখে নিই—স্বহস্তে যুগলপদে অলঙ্কক পরিয়ে দিই । [ লক্ষ্মীকে সিংহাসনে বসাইয়া, পদে অলঙ্কক দিতে লাগিলেন ]

গীতকণ্ঠে পুরবাসিনীগণ প্রবেশ করিলেন ।

পুরবাসিনীগণ ।—

গীত ।

আজি সাজাবো তোমারে ইঞ্জিরা মনোমন্দিরে অতি ধীরে ।

কত সন্মানে কত রত্ন পেয়েছি দেখাবো বক্ষঃ চিরে ।

আজি ত্রীতির পুষ্প গাঁথিয়া দিব গো তোমারই অলক-বন্ধনে,  
আজি স্মৃতির বিন্দু আঁকিয়া রাখিব তোমারই ললাট-চন্দনে,  
কঙ্কল দিব চক্ষে, স্নেহ-স্মৃতি মাখাবো বন্ধে,  
আজি চরণে তোমার আঁকিব পদ্য গলিত অশ্রুদীপে ।

### পুষ্প প্রবেশ করিল ।

পুষ্প । একি ! আজ আবার এ কিসের উৎসব ?

লক্ষ্মী । [ পুষ্পের হস্ত ধরিয়া ] এ বিদায়-উৎসব বোন ! আমি যাচ্ছি ।

পুষ্প । তুমি যাচ্ছ ? [ অভিমানে কাঁদিয়া ফেলিল ; পরে চিন্তা-সম্বরণ করিয়া বলিল ] তা—যাও ।

লক্ষ্মী । সে কি ! তুমিও তো বেশ উদাস ভাবে ব'লে ফেললে—  
তা—যাও ?

পুষ্প । তা—কি করবো ? তোমার হাত ধ'রে টানাটানি করবো ?  
সখিত্বের স্মৃতিচিহ্নগুলো কাঁপতে কাঁপতে তোমার সামনে ধ'রে দেবো ?  
কেন্দে পৃথিবী ভাসিয়ে ফেলবো ? কেন ? কি জন্ত ? তুমি যেতে পারবে,  
আর আমি সহিতে পারবো না ?

লক্ষ্মী । আমি যেতে চাই নাই ভাই ! তোমার পিতা-মাতা আমার  
পাঠাচ্ছেন ।

পুষ্প । পাঠাচ্ছেন কেন জান ? তুমি যেতে চাও নাই বটে, কিন্তু  
তোমার যাওয়া স্বভাব জেনে, তাঁরা আগে হ'তেই সাবধান হ'চ্ছেন ।

লক্ষ্মী । যাওয়া স্বভাব ? কিন্তু পুষ্প ! আবেগভরে ত্বরিতপদে এসে  
নতমুখে ধীরগমনে যাওয়ার যে কি বেদনা, তা কে বুঝবে ভাই ?

পুষ্প । দেখ, যাচ্ছ—যাও, আর অত ছলনা কেন ? তুমি এক চোখে  
কাঁদছো, এক চোখে হাসছো ; এক হস্তে বলির চোখের জল মুছিয়ে দিচ্ছ,

লক্ষ্মী । তুমিও আমার মুখের দিকে তাকালে না মা ?

বিক্র্যা । কি ক'রে তাকাই মা ! নবমী নিশি গত, বিজয়ার প্রভাত-সূর্য্য অলসভাবে উদিত, চতুর্দিকে নিরঞ্জন বাত ; আর কি কোনও দিকে তাকাবার উপায় আছে মা ?

লক্ষ্মী । কিন্তু মা ! তোমরা ইচ্ছে করলে এখনও যে আমার রাখতে পারতে মা !

বিক্র্যা । পারতুম, কিন্তু তা রাখবো না মা ! মেনকা ইচ্ছে করলে কি তাঁর গৌরীকে রাখতে পারতেন না মা ? তবু রাখেন না, রাখতে আছে কি মা ?

লক্ষ্মী । মা ! মা !

বিক্র্যা । বহু কষ্টে হৃদয়কে বেঁধেছি, আর ও করুণ সম্বোধনে সে বাঁধ ভেঙ্গে দিও না মা ! আর ও চল-ছল দৃষ্টিতে পথভ্রষ্ট ক'রো না মা ! আজ তুমি যার বস্তু, তার হাতে দেবো ; যথাকার শোভা তুমি, সেই স্থানে রাখবো । আদর ক'রে এনেছি, আনন্দোৎসব সাজ হ'লো, এইবার তোমার আদর ক'রে পাঠাবো । ব'লো মা রত্নাসনে, আজ মনোমত ক'রে তোমার বেশ-বিজ্ঞাস ক'রে দিই—প্রাণভ'রে তোমার মুখখানি দেখে নিই—স্বহস্তে যুগলপদে অলঙ্কক পরিয়ে দিই । [ লক্ষ্মীকে সিংহাসনে বসাইয়া, পদে অলঙ্কক দিতে লাগিলেন ]

গীতকণ্ঠে পুরবাসিনীগণ প্রবেশ করিলেন ।

পুরবাসিনীগণ ।—

গীত ।

আজি সাজাবো তোমারে ইন্দিরা মনোমন্দিরে অতি ধীরে ।

কত সন্মানে কত রত্ন পেরেছি দেখাবো বন্ধঃ চিরে ।

আজি ত্রীতির পুষ্প গাঁথিয়া দিব গো তোমারই অলক-বন্ধনে,  
আজি স্মৃতির বিন্দু আঁকিয়া রাখিব তোমারই ললাট-চন্দনে,  
কঙ্কল দিব চক্ষে, স্নেহ-স্মরণি মাথাবো বক্ষে,  
আজি চরণে তোমার আঁকিব পদ্য গলিত অশ্রুবারে ।

### পুষ্প প্রবেশ করিল ।

পুষ্প । একি ! আজ আবার এ কিসের উৎসব ?

লক্ষ্মী । [ পুষ্পের হস্ত ধরিয়া ] এ বিদায়-উৎসব বোন ! আমি যাচ্ছি ।

পুষ্প । তুমি যাচ্ছ ? [ অভিমানে কাঁদিয়া ফেলিল ; পরে চিন্তা-সম্বরণ করিয়া বলিল ] তা—যাও ।

লক্ষ্মী । সে কি ! তুমিও তো বেশ উদাস ভাবে ব'লে ফেললে—  
তা—যাও ?

পুষ্প । তা—কি করবো ? তোমার হাত ধ'রে টানাটানি করবো ?  
সখিত্বের স্মৃতিচিহ্নগুলো কাঁপতে কাঁপতে তোমার সামনে ধ'রে দেবো ?  
কেঁদে পৃথিবী ভাসিয়ে ফেলবো ? কেন ? কি অশ্রু ? তুমি যেতে পারবে,  
আর আমি সহিতে পারবো না ?

লক্ষ্মী । আমি যেতে চাই নাই ভাই ! তোমার পিতা-মাতা আমার  
পাঠাচ্ছেন ।

পুষ্প । পাঠাচ্ছেন কেন জান ? তুমি যেতে চাও নাই বটে, কিন্তু  
তোমার যাওয়া স্বভাব জেনে, তাঁরা আগে হ'তেই সাবধান হ'ছেন ।

লক্ষ্মী । যাওয়া স্বভাব ? কিন্তু পুষ্প ! আবেগভরে ত্বরিতপদে এনে  
নতমুখে ধীরগমনে যাওয়ার যে কি বেদনা, তা কে বুঝবে ভাই ?

পুষ্প । দেখ, যাচ্ছ—যাও, আর অত ছলনা কেন ? তুমি এক চোখে  
কাঁদছো, এক চোখে হাসছো ; এক হস্তে বলির চোখের অল মুছিয়ে দিচ্ছ,

আর এক হস্তে অবসর বুঝে কাকে আহ্বান করছো ; মনটী দিয়ে এই বহৎ রাজপরিবারকে ভুলিয়ে রাখছো. প্রাণটী যেন কোথায় কোন মহাশূন্যে উধাও হ'য়ে আছে। আমার পিতা-মাতা অন্ধ নন। যাও— যাও, বলির অমন স্বার্থময় মাতৃস্নেহে দরকার নাই, বিক্র্যার অমন নিষ্ফল পাবানী-পূজায় কাজ নাই, পুষ্প অমন কাজ কেনা সম্বীত চায় না। তোমার প্রাণের সহিত বিদায় দিচ্ছি—তুমি যাও—[ অভিমানে কাঁদিয়া ফেলিলেন । ।

লক্ষী । সখি ! সখি ! [ আকুলভাবে সিংহাসন হইতে উঠিয়া পড়িলেন ।

বিক্র্যা । ওর কথা শুনো না মা ! ও জন্মটী বালিকাতেই র'য়ে গেল ! চল মা, আজ একবার ভাল ক'রে তোমার এই বিশাল রাজ-প্রাসাদ দেখাই গে, তার প্রতি প্রস্তরে তোমার পদচিহ্ন অঙ্কিত ক'রে নিই গে, তার অভভেদী উচ্চ চূড়ার বিচিত্র বর্ণে তোমার করুণা-স্মৃতির নিশান উড়িয়ে দিই গে ।

পুরবাসিনীগণ ।—

### পূর্ব গীতাংশ ।

চল গো দেখাই আশার রাজ্য, চল গো শুনাই মিলন-গান,  
 দ্বিগুণ প্রভার ঘেলে দিই দীপ সম্মুখে যদি নির্বাণ,—  
 চির সজাগ রহিব তব ধ্যানে মোরা সাধনা-তটিনীতীরে,  
 ওগো যথার থাকিবে যেন দিনান্তে বারেক চাহিও কিরে ।

[ সকলের প্রস্থান ।



## দ্বিতীয় গর্ভাঙ্ক ।

নদীতীর ।

উপেন্দ্র ।

উপেন্দ্র । আমার কেউ পার ক'রে দিলে না । এই নদীর পর-  
পারেই যজ্ঞস্থল ! ঐ বুঝি যজ্ঞধুম দেখা যাচ্ছে । কিন্তু নদী পাব হই  
কি ক'রে ? যদিও সামান্য নদী, সগাই হেঁটে পার হ'চ্ছে, কিন্তু আমার  
পক্ষে এ যে সমুদ্র বিশেষ । কতজনকে কত অনুনয় করলাম, আমার  
কেউ চোখে দেখলে না গো, কেউ পার ক'রে দিলে না । [ অদূরে  
অনুহাদকে দেখা যাইতেছিল । ঐ একজন কে রয়েছে নয় ! পোষাক-  
পরিচ্ছদে কোন রাজপুরুষ ব'লে বোধ হ'চ্ছে ; ঠুর কাছে গেলে হয় তো  
উনি আদর ক'রে পার ক'রে দিতে পারেন । বাই, দেখি ।

[ প্রস্থান ।

গীতকণ্ঠে দেবর্ষির প্রবেশ ।

দেবর্ষি ।—

গীত ।

ইন্দ্রমুকুটমণি-রাজিত-চরণং

পূর্ণ শশধর মুগ্ধহাসিতম্ ।

পুণ্ডরীকাকমলতিথকর্কভরণং

বটুকেশধরং নমো বিশ্বপতিম্ ॥

[ প্রস্থান ।

অনুহাদ উপস্থিত হইলেন ।

অনুহাদ । না, আশা পূর্ণ হ'লো না, দেখছি আর একটা জন্ম ঘুরতে

হবে । দেহের মাংস লোল হ'য়ে গেছে—হৃদয়ের বাঁধন শিথিল হ'য়ে গেছে, বার্কিক্য আমার গ্রাস ক'রে বসেছে ! আর ক'দিন ? যাক্, এখন এ দেহটার যত শীঘ্র পাত হয়, ততই ভাল,—আবার যুবাব উত্তমে কৰ্মক্ষেত্রে দাঁড়াতে পাই । নারায়ণ ! অনেক করলাম, তোমায় পেলাম না ; কিন্তু মনে ক'রো না, আমার এ জন্মটা ব্যর্থ গেল ব'লে আমি বুক-ভাঙ্গা হ'য়ে পড়লাম । এই আশা নিয়ে মরবো—এই আশা নিয়ে আবার জন্মাবো—এই আশা নিয়ে আবার সিংহ-বিক্রমে তোমায় অনুসরণ করবো,—তোমায় নিশ্চিত হ'তে দেবো না । যদি পাই—আর পাবোই না বা কেন ? তুমিই আমার একমাত্র লক্ষ্য, একমাত্র চিন্তা, তুমিই আমার আসা যাওয়ার একমাত্র উদ্দেশ্য ; তোমায় জগৎ আমি তিলে তিলে মরবো, তিলে তিলে জন্মাবো । পাবো না ? কেন ? এও তো একটা সাধনা !

### উপেক্ষ প্রবেশ করিলেন ।

উপেক্ষ । আপনি কি রাজপুরুষ ?

অনুহাদ । [ উদাসভাবে ] হাঁ ।

উপেক্ষ । আপনি বোধ হয় তা হ'লে এই যজ্ঞে যাঁরা যাচ্ছেন, তাঁদের তত্ত্বাবধান করছেন ?

অনুহাদ । তোমায় কি দরকার ?

উপেক্ষ । আমার এই নদীটা পার ক'রে দিতে হবে ।

অনুহাদ । একটু ঐদিকে যাও, রাজার লোকজন আছে, পার ক'রে দেবে ।

উপেক্ষ । আপনি কি রাজার লোক নন ?

অনুহাদ । আঃ—যা বলছি কর না । ওটুকু যেতে আর তোমায় কি ?

দ্বিতীয় গর্ভাঙ্ক । ]

বিজ্ঞা-বলি

উপেক্ষ । দেখুন, আপনাদের পক্ষে ঐটুকু, কিন্তু আমার পক্ষে  
ওটুকু একদিনের পথ ।

অনুহাদ । [ তীক্ষ্ণদৃষ্টিতে উপেক্ষের আপাদমস্তক নিরীক্ষণ করিয়া  
আপনমনে বলিলেন ] বামন মুক্তি ! [ প্রকাশে ] তা কি বল্ছো ?

উপেক্ষ । আমার দয়া করুন !

অনুহাদ । এই মরেছে ! দেখ দয়া-মায়া, স্নেহ-মমতা, শ্রদ্ধা-করুণা  
ভক্তি-মুক্তি, অনেককে অনেক রকম বলতে শুনি, তাদের কথায় আমার  
হাসি আসে । ও সব ছেড়ে দাও, যা বলবে, খোলসা ক'রে বল ।

উপেক্ষ । আমার কোলে ক'রে এই নদীটা পার ক'রে দিন,  
আপনার ধর্ম হবে ।

অনুহাদ । আবার এর ভিতর ধাঁ ক'রে একটা ধর্ম এনে ঢোকালে ?  
পার ক'রে দাও, বাস্—ফুরিয়ে গেল ; আমার ইচ্ছে হ'লো দিলাম—না  
ইচ্ছে হ'লো না দিলাম । এর ভিতর আবার ধর্মধর্ম কি ? কতকগুলো  
বাজে বক কেন বাপু ?

উপেক্ষ । কেন, আপনি কি ধর্মধর্ম মানেন না ?

অনুহাদ । যাও—যাও—ওদিকে যাও,—বক্‌বার আমার সময় নাই ।

উপেক্ষ ! কেন ? আপনি কি বড় ব্যস্ত আছেন ?

অনুহাদ । হাঁ, আছি ।

উপেক্ষ । আপনার এত ব্যস্ততাটা কিসের ?

অনুহাদ । এই তুমি যেমন নদীপারের জন্ত ব্যস্ত—আমারও  
ব্যস্ততাটা সেই রকমই একটা কিছু—বুঝলে ?

উপেক্ষ । তা তো নয়, আমি পরপারে যাবার জন্ত ব্যস্ত, আপনি  
দেখছি এই পারেই থাক্‌বার জন্ত ব্যস্ত ।

অনুহাদ । এঁা—কি বললে ? [ চমকিয়া উঠিলেন ]

উপেক্ষ। না—আপনি বড় ব্যস্ত আছেন, আমি চলুম।

অনুহাদ। আরে শোন শোন, কি বললে—আবার বল দেখি তোমার কথা তো আমি বেশ বুঝতে পারলাম না!

উপেক্ষ। বুঝতে পারবেন না—ভেবে ভেবে মাথা গুলিয়ে গেছে।

অনুহাদ। ভেবে ভেবে? কৈ—আমি এত কি ভাবছি?

উপেক্ষ। নায়ায়ণ।

অনুহাদ। তুমি কি ক'রে জানলে? তুমি কি ক'রে জানলে?

উপেক্ষ। আমি জ্যোতিষ জানি। লোকের ক্রকুঞ্চন দেখে মনের ভাব বলতে পারি।

অনুহাদ। বলতে পার? বলতে পার জ্যোতিষী? এতদূর বললে, আর একটা কথা বলতে পার? আমি এ জন্মে তাকে পাবো কি না? তোমার মাথায় ক'রে পার ক'রে দিই?

উপেক্ষ। পাবেন বৈ কি! আপনার এতটা লক্ষ্য বৃথায় যাবে? এতটা উত্তম পণ্ডিত হবে? এতখানি একাগ্রসাধনা বিফল হবে? তা হয় না। আপনার লক্ষণ দেখে বোধ হচ্ছে, আপনি সিদ্ধ হয়েছেন; আপনি এই জন্মেই পাবেন, আজিই পাবেন, এই মুহূর্তেই পাবেন।

অনুহাদ। আমার কোলে এসো—আমার কোলে এসো। তোমার মুখখানি আমার বড় ভাল লেগেছে—তোমার কথাগুলি আমার মিষ্টি লেগেছে—তোমার জ্যোতিষ আমার বেশ মনোমত হয়েছে। এসো—এসো,—আমার বুকে এসো,—তোমায় পার ক'রে দিই।

উপেক্ষ। দেখুন—

অনুহাদ। আর কথা ক'রো না, শীঘ্র কোলে এসো। মরুভূমিতে এই প্রথম রস দেখা দিয়েছে, বেশীক্ষণ টিকবে না। এটা তোমারও একটা মাহেন্দ্রক্ষণ জেনো। [ কোলে লইয়া গ্রহণ। ]

গীতকণ্ঠে দেবর্ষির পুনঃ প্রবেশ

দেবর্ষি ।—

গীত ।

জগদ্বস্তব পালন নাশকং,

কুরুনৈব পুনস্তয় রূপধরং,

প্রিয় দৈবত সাধু জনৈক গতিম্,

বটুবেশধরং নমো বিশ্বপতিম্ ॥

[ প্রস্থান ।

তৃতীয় গর্ভাঙ্ক ।

প্রাস্তর ।

কর্ম, ভক্তি ও জ্ঞান বেষ্টিত বিরোচন ।

কর্ম, ভক্তি ও জ্ঞান ।—

গীত ।

আমরা তিনে এক, একে তিন ।

অনুস্তব হবে উচ্চতা ছেড়ে হও রে মুক্ত দীন ।

দেখ সাগরের জল সে তো কারমর কুপোদক কত নির্মল,

তুমি হাতে চাও যদি কাহারও প্রিয়, হও অসহার দুর্বল—

কত বড় হবে তার কাছে তুমি, সে যে বিরাট মহীমান্,

দেখ তবুও তাতে কি সাম্যভাব, সে করে না নিজের অভিমান,

নেবে যদি তার চরণে স্থান, পরমাণু হও পাবে সে দিন ।

দুর্লভের প্রবেশ ।

বিরোচন ! দেখ গুরু ! তোমার আদেশ বর্ণে বর্ণে পালন করেছি ।

দুর্লভ । হাঁ—হয়েছে, আর বাকি কিছুই নাই । তবে একটা কথা জিজ্ঞাসা করতে এলাম । তুমি এই ভাবেই কল্লাস্ত পর্য্যন্ত তোমার যত্ন রাখতে চাও, না পূর্ণাছতি দানে নির্ঝাণ চাও ?

বিরোচন । বলি কি করছে গুরু ?

দুর্লভ । দেখে এলাম, সে নির্ঝাণেরই আয়োজন করছে ।

বিরোচন । আমিও নির্ঝাণ চাই গুরু ! তবে তার নির্ঝাণে আর আমার নির্ঝাণে পার্থক্য পাকা চাই ।

দুর্লভ । তা থাকতে হবে বৈ কি ! তবে নির্ঝাণের পূর্বে আজ একবার বেশ ক'রে মনের মত দান ক'রে নাও । প্রেমদান আর কিছুই নয়—স্ত্রী-পুত্র, আত্মপর সব ভুলে গিয়ে সমানভাবে সমান চক্ষে অগতের পানে চেয়ে নাও । ধরিত্রীকে একটা শেষ প্রণাম ক'রে তারঃশ্রাম কোল হ'তে বিদায় মেগে নাও ।

বিরোচন । গুরু ! গুরু ! তোমারই মুখে শুনেছি, আশার নিবৃত্তি ব্যতীত যে নির্ঝাণ নাই । আমি আমার সার রত্ন অকাতরে দান করেছি, অযাচিত ভাবে অগৎ মাতিয়ে তুলেছি, তোমাদের কৃপায় আমিও একজন দানী ব'লে পরিচিত হয়েছি । কিন্তু গুরু ! দানের আশা এখনও আমার মেটে নাই যে ! এখনও আমি অতৃপ্ত যে ! এখনও আমার বাকী যে !

দুর্লভ । বাকী বুঝতে পেরেছ যখন, তখন পূরণ হ'য়ে যাবে । আপনার ক্রটি আপনি দেখতে গেলে সে আর থাকে না । বলিরও ঠিক তোমার মত হয়েছে ; তবে সে যোগ্য ভিখারীর সন্ধান পেয়েছে, তাই

চতুর্থ গর্ভাঙ্ক । ]

বিদ্যা-মলি

আজ সে পূর্ণ উদ্গমে যজ্ঞে ব্রতী । বলতে পারি না, তার ভাগ্যে কি হয় !  
তোমারও আশা অপূর্ণ থাকবে না বিরোচন ! আজ তোমাকেও যোগা  
যাচক দিয়ে দেবো । কিন্তু সে বড় সমস্তার যাচ্ছা করবে ; প্রস্তুত থেকে  
—দানের জন্ত । [ প্রস্থান ।

বিরোচন । অয় শুরু !

[ কৰ্ম, তত্ত্ব ও জ্ঞান পূর্বোক্ত গীত গাহিতে গাহিতে

বিরোচন সহ প্রস্থান করিল ।

চতুর্থ গর্ভাঙ্ক

নদীর পরপার ।

উপেন্দ্রকে কোলে লইয়া অনুহাদ উপস্থিত হইলেন ও  
তাহাকে সজোরে ভূমে নিক্ষেপ করিলেন ।

অনুহাদ । বল তুমি কে ?

উপেন্দ্র । সে আবার কি ?

অনুহাদ । বল তুমি কে ?

উপেন্দ্র । আমি আবার কে ?

অনুহাদ । [ অঙ্গ খুলিয়া ] বল ছদ্মবেশী, তুমি কে ?

উপেন্দ্র । একি ! আমার বধ করবেন না কি ? আমি কশ্যপের পুত্র ।

অনুহাদ । কখনও না । কশ্যপের পুত্রদের আমি আজীবনটা রণ-  
স্থলে দেখে আসছি,—এক একটার ধরেছি, আর নিমেষে শূণ্ণে ছুড়ে  
দিয়েছি । কশ্যপের পুত্র এমন বিশ্বস্ত হ'তে পারে না, বল তুমি কে ?

উপেক্ষ । দেখতেই তো পাচ্ছেন, আমি সামান্য ব্রাহ্মণবালক ।

অনুহাদ । মিথ্যা কথা ! তুমি সামান্য নও । তা যদি হবে, তবে অন্ধহস্ত পরিমিত নদীর জল, আজ কল-কল ক'রে ফুলে আমার বুকে উঠে তোমার পা ধুইয়ে দিবে যায় কেন ? বল তুমি কে ?

উপেক্ষ । আমি—আমি ! ভুল বলছেন আপনি । নদী কখনও কারও পা ধুইয়ে দিবে যায় ? কেন, আমার পায়ে আছে কি ?

অনুহাদ । আছে বৈ কি ! আমার কি অন্ধ পেলো ? আমি যে দেখেছি, তোমার পায়ে ধ্বংসজ্বালি চিহ্ন । বল তুমি কে ?

উপেক্ষ । তবে যা ভেবেছ, আমি তাই ।

অনুহাদ । [ উল্লাসে উচ্চকণ্ঠে উৎকৃষ্টিতে বলিলেন ] পিতা ! পিতা !

উপেক্ষ । কথাটা শুনেই অমনধারা চম্কে উঠলে কেন ? উৎকৃষ্টিতে ভাবছো কি ?

অনুহাদ । ভাবছি কি জান, তোমায় নিয়ে কি করি ?

উপেক্ষ । আমার নিয়ে আবার করবে কি ? ক্রিম্মার তো এইখানেই শেষ ?

অনুহাদ । তাই তো ভাবছি—শেষটা কি ভাবে রাখি । এ্যা ! ঠিক করতে পারছি না তো ! কি করি ? [ উদ্দেশে ] ব'লে দিতে পার পিতা ? না—তোমার সে ক্ষীণ কণ্ঠস্বর আমার কাণে বুঝি পৌছাবে না ! কি করি ? ওঃ, বুকটা বড় ধড়ফড় ক'রে উঠলো যে ! কেউ ব'লে দিতে পার ? আমি হিরণ্যকশিপুর পুত্র—আম্বাতে যা কখনও সম্ভব নয়, আমি তাহ হবো—তার দাস হবো । [ বামনকে বলিলেন ] ওহে, তুমিই বল না—তুমিই বল না, তোমায় নিয়ে কি করি ?

উপেক্ষ । আমি বললে কথা শুন্বে ?

অনুহাদ । কেন শুন্বে না ? তবে নূতনত্ব থাকা চাই । যেমন



নূতনত্ব দেখিয়েছিলে হিরণ্যাক্ষবধে বরাহ হ'য়ে, যেমন নূতনত্ব দেখিয়েছিলে হিরণ্যকশিপুবধে নরসিংহ হ'য়ে, যেমন নূতনত্ব দেখাচ্ছ আজ বামন-মূর্তি ধ'রে । বলতে পার—বলতে পার ? ওঃ, আমার বুকে বুকি বেদনা ধরলো ? বল—বল ।

উপেন্দ্র । আমার বুকে ক'রে জলে কাঁপাও ।

অনুহাদ । জল শুকিয়ে যাবে ।

উপেন্দ্র । আগুনে পড় ।

অনুহাদ । আগুন নিভে যাবে ।

উপেন্দ্র । মরুভূমিতে চল ।

অনুহাদ । মরুভূমে নদী বইবে ; তুমি মায়াবী ।

উপেন্দ্র । তবে আর আমার নিরে কি করবে ?

অনুহাদ । [ অস্থিরভাবে ] তাই তো, কি করি ! ওঃ—বুকের বেদনাটা অসহ্য হ'য়ে উঠলো যে ! আমার কেউ অভিশাপ দেয় না ? অভিশাপে ইন্দ্রের সহস্র চক্ষু হয়েছিল, আমার সর্কাসে সহস্র দিহ্বা হ'য়ে থাক্ । তোমার মুণ্ডটা কেটে খড়টা তেপুণ্ডে বুলিয়ে দিই,—টস্ টস করে রক্ত পড়ুক্, আর আমি চক্-চক্ ক'রে পান করি ।

উপেন্দ্র । ভক্ত !

অনুহাদ । [ সক্রোধে ] চূপ্ ! চূপ্ ! কে ভক্ত ? এখনি কেউ গুন্ডে পাবে । হিরণ্যকশিপুর পুত্রের প্রতি ও সব ভাষা প্রয়োগ—তাকে চূর্কাক্য বলা হয়, তাতে কলঙ্ক দেওয়া হয় ।

উপেন্দ্র । আর কেন ? তোমার তো আশা পূর্ণ হয়েছে ; শান্ত হও, ক্রোধ সম্বরণ কর ।

অনুহাদ । ক্রোধ সম্বরণ ! ক্রোধ ! পিতা ! এ বলে কি ? ওঃ—আমার বুকটা যে গেল ! বুকটা যে গেল ? করি কি ?

উপেক্ষ। বল তুমি কি চাও? তোমার উচ্চ গতি দান করছি—  
বৈকুণ্ঠে তোমার অন্ত পৃথক স্থান নির্দেশ ক'রে দিচ্ছি—নারায়ণ দেখতে  
তোমার আঙ্গন সাধ এ বামনমূর্তি পরিত্যাগ ক'রে তোমায় সেই  
স্বরবাহিত ভুবনমোহন দিব্যমূর্তি দেখাচ্ছি।

অনুহাদ। দিব্যমূর্তি? দিব্যমূর্তি? সেই যার কি কি ধরা চারটে  
হাত, সেই যার কুলমজানো টানা টানা চোখ, সেই যার দুর্বল গলানো  
আঁকা বাঁকা ঠাম? আরে ছ্যা—ও সব তোমার বাজে লোকের অন্ত  
রেখে দাও গে। হিরণ্যকশিপু পুত্রের কাছে কি তোমার ও সব চলে?   
তাকে দেখাতে হ'লে দেখাতে হবে, যে মূর্তিতে তার পিতার জীবনাস্ত  
হয়েছিল—সেই নৃসিংহমূর্তি; যে মূর্তিতে তার খুল্লতাত পাতালগর্ভে লীন,  
সেই বরাহমূর্তি। পার—পার—দেখাতে পার? আমি প্রাণ ভ'রে দেখি।  
ওহো-হো—বুকটা যে যায়। দেখাও—দেখাও, বেদনাটা সারে কি না  
দেখি।

উপেক্ষ। তোমার আশা অপূর্ণ রাখতে চাই না। ঐ দেখ অভিনব  
সাধক, তোমার একপার্শ্বে আমার নৃসিংহমূর্তি; তার ফোলে নখাহত  
তোমার পিতা। অন্যপার্শ্বে আমার বরাহ মূর্তি; তার পদতলে দস্ত-  
বিদারিত তোমার খুল্লতাত।

[ অনুহাদের একপার্শ্বে হিরণ্যকশিপুকোলে নরসিংহ ও অন্যপার্শ্বে  
হিরণ্যাক্কোলে বরাহমূর্তির আবির্ভাব। ]

অনুহাদ। [ নির্বাক অস্থিরতার বক্ষে হস্ত দিয়া ঘনখাসের সহিত  
একবার নৃসিংহের দিকে একবার বরাহের দিকে পুনঃ পুনঃ তীব্র অথচ  
ঈষৎ আনন্দপূর্ণ কটাক্ষ করিতে লাগিলেন। ]

উপেক্ষ। বৃকের বেদনাটা সারলো অনুহাদ!

অনুহাদ। নারায়ণ! [ হৃকার ছাড়িয়া অস্ত্র ধরিয়া লাক্ষ দিয়া

চতুর্থ গর্ভাক । ]

বিদ্যা-বলি

উঠিলেন । ] ওহো-হো, বুক গেল—বুক গেল, নারায়ণ—নারায়ণ—  
নারায়ণ ! [ উত্তেজনার আধিক্যে রুদ্ধশ্বাসে পড়িয়া গেলেন । ]

উপেক্ষ । কি হ'লো ? কি হ'লো ? [ অনুহাদের ভুলুগ্ঠিত মস্তক  
কোলে লইয়া বসিলেন ] এ কি ! একেবারে খাসরুদ্ধ যে । ভক্ত ! ভক্ত !  
দানববীর ! যা—চক্ষু স্থির—সব শেষ ! [ অনুহাদের মৃত্যু হইল, নৃসিংহ  
ও বরাহ-মূর্ত্তিকে বলিলেন ] তোমরা অন্তর্হিত হও ।

প্রহ্লাদ প্রবেশ করিলেন ।

প্রহ্লাদ । যেও না—দাঁড়াও ; আমি একবার নারায়ণের স্তব করবো ।

উপেক্ষ । প্রহ্লাদ ! প্রহ্লাদ !

প্রহ্লাদ । সহানুভূতি দেখাতে হবে না হরি ! আমি কাঁদতে আসি  
নাই—শোক প্রকাশ করতে আসি নাই—তোমার প্লেষ দিতে আসি  
নাই ; আমি এসেছি শুদ্ধ তোমার স্তব করতে ।

উপেক্ষ । স্তব ?

প্রহ্লাদ । জান না ভগবান্ ! তুমি নৃসিংহমূর্ত্তিতে আমার সমক্ষে  
আমার পিতাকে পৈশাচিক ভাবে হত্যা করেছিলে, আমি টলি নাই—  
স্থিরভাবে দাঁড়িয়ে ভক্তিগদগদস্বরে তোমার স্তব করেছিলাম । আজ  
আমার দাদার স্মাধি, স্তব করবো না ?

উপেক্ষ । আমি কিন্তু তোমার দাদার কেশ স্পর্শ করি নাই প্রহ্লাদ !  
তিনি উত্তেজনার আধিক্যে হৃদয়ের দুর্বলতার খাসরুদ্ধ হ'য়ে গতাস্থ  
হয়েছেন ।

প্রহ্লাদ । তুমি কেশ স্পর্শ না করলেও অন্যতেও তুমি, মৃত্যুতেও  
তুমি ; তোমার ইচ্ছার সব, তুমি ছাড়া অগতে ক্রিয়া নাই । এখন বল  
ভগবান্ ! আমার দাদার গতি কি হবে শুদ্ধাধীন ?

উপেন্দ্র । বুঝতে পারছো না? তোমার' দাদার মৃত্যু-অবসন্ন শির  
আজ আমার কোলে । ভক্তিতেই হোক, হিংসাতেই হোক, আমি যার  
চিন্তা, আমি যার জপ, আমি যার একমাত্র লক্ষ্য, তার গতি কি আর  
দেখতে হয় ! ভক্তিমান সাধকের চিন্তায় আলস্য বরণ সম্ভব, কিন্তু  
এ সাধকের চিন্তা অবিরাম । এ আমার আরও প্রিয় । ঐ দেখ  
প্রহ্লাদ ! তোমার দাদাকে দিব্যমূর্তি দান ক'রে বৈকুণ্ঠে ল'য়ে যাবার  
জন্তু আমার প্রিয় ভক্ত দেবর্ষি এইদিকে আসছে । [ নৃসিংহ ও বরাহ  
মূর্তির প্রতি ] যাও তোমরা ।

[ নৃসিংহ ও বরাহমূর্তির অন্তর্দান ।

প্রহ্লাদ । জয় ভগবান !

উপেন্দ্র । প্রহ্লাদ ! এইবার আমার বলির যজ্ঞস্থলে যেতে হবে ।

[ প্রস্থান ।

প্রহ্লাদ । চল, আমাকেও এইবার তোমার শেষ প্রণাম করতে  
হবে ।

[ প্রস্থান ।

## গীতকণ্ঠে দেবর্ষির প্রবেশ ।

দেবর্ষি ।—

গীত ।

ছরীকুর ছুষ্টি শোক তাপ পাপং,

হর কৃপয়া মম কুমতি-কলাপং,

নাশ নিরঞ্জন ভবভীতিম্,

বটুবেশধরং নমো বিশ্বপতিম্ ।

[ অনুভ্রাদকে দিব্যদেহ দান করিয়া সঙ্গে লইয়া প্রস্থান ।

## পঞ্চম গর্ভাঙ্ক ।

যজ্ঞাগার ।

সন্মুখে প্রজ্বলিত যজ্ঞানল, চতুর্দিকে ঋত্বিকগণ, মধ্যে  
শুক্লাচার্য্য উপবিষ্ট ছিলেন ।

ঋত্বিকগণ । [ ঔ স্বাহা শব্দে যজ্ঞে আহুতি দান করিতেছিলেন । ]

শুক্লাচার্য্য । এইবার পূর্ণাহুতি দিতে হবে । ঋত্বিকগণ ! নারায়ণের  
ধ্যান কর ।

ঋত্বিকগণ । ঔ ধ্যেয় সদা সবিতৃমণ্ডল মধ্যবর্তী ইত্যাদি—

### উপেন্দ্রের প্রবেশ ।

উপেন্দ্র । অপূর্ব এ যজ্ঞস্থল ! অদ্বিত কুমতাম্বালী এর ঋত্বিকগণ !  
আশ্চর্য্য এ ধের মন্ত্রশক্তি ! একি ! একি ! এ আপনারা কি করছেন ?  
পূর্ণাহুতির উত্তোগ করছেন যে ?

শুক্লাচার্য্য । কে তুমি অভূতপূর্ব শিশু ?

উপেন্দ্র । আমি যেই হই, আপনি তো দৈত্যগুরু শুক্লাচার্য্য ? আচার্য্য  
হ'য়ে এমন অগ্রায় ব্যবস্থা দিচ্ছেন কেন ? গুরু হ'য়ে শিষ্যের এমন সর্ব-  
নাশ করে ?

শুক্লাচার্য্য । শিষ্যের সর্বনাশ ? অগ্রায় ব্যবস্থা শুক্লাচার্য্যের ? তুমি  
বালক না হ'লে তোমার কি কর্তব্য, বলতে পারি না ; যাও ।

উপেন্দ্র । আপনি এতটা উচ্চ হয়েছেন ঐ ক্রোধের সাধনা ক'রে ?

শুক্লাচার্য্য । ক্রোধের সাধনা ?

উপেন্দ্র । তা বৈ কি ? তা নইলে আমার প্রস্তাবে কর্ণপাত ন' ক'রে অগ্নিশর্মা হ'য়ে উঠলেন কেন ?

শুক্লাচার্য্য । তোমার প্রস্তাব অগ্ৰ্য্যায় ।

উপেন্দ্র । প্রমাণ করুন ।

শুক্লাচার্য্য । এ বলসে কতদূর শাস্ত্র আলোচনা করেছ ?

উপেন্দ্র । কতদূর চান আপনি ? শাস্ত্র যতদূর উঠতে পারে না— শাস্ত্রকারগণের সূক্ষ্ম দৃষ্টি যতদূর যেতে পারে না, আমি ততদূরের ।

শুক্লাচার্য্য । বেশ—তবে বল, যজ্ঞশেষে পূর্ণাহুতি দান, এ কোন্ শাস্ত্রবিরুদ্ধ ?

উপেন্দ্র । শাস্ত্র তো শাস্ত্রকার মনীষিগণের এক একটা অভিমত মাত্র । বলুন, যজ্ঞ-কর্মে বৈদিক কর্ম কি না ?

শুক্লাচার্য্য । নিশ্চয় ।

উপেন্দ্র । বৈদিক কর্ম কাম্য কর্ম ?

শুক্লাচার্য্য । তারপর ?

উপেন্দ্র । আপনি যে এই কাম্য যজ্ঞে পূর্ণাহুতি দিচ্ছেন, আপনার শিষ্য যজ্ঞকর্তার একবার জিজ্ঞাসা করেছিলেন, তাঁর কামনা পূর্ণ হয়েছে কি না ?

শুক্লাচার্য্য । অবশ্য ; জিজ্ঞাসা না করলেও আমি যার গুরু, তার কামনা পূর্ণ হ'তে বাকী থাকে না, তাকে স্বর্গ, মর্ত্য, পাতাল, ত্রিভুবনের অধীশ্বর করেছি—কমলার পরম অনুগৃহীত করেছি—দানে শ্রেষ্ঠ করেছি, আবার কামনার রেখেছি কি ?

উপেন্দ্র । ও যতই বলুন, কামনা বলতে একটু না একটু থেকে যাবই যাব । কামনা শব্দের পর পূর্ণ শব্দের ব্যবহার চলে না, সে অপূর্ণা—অনমাপিকা—অমরী । জিজ্ঞাসা করি, আপনি তো শিষ্যের কামনা পূর্ণ

পঞ্চম গর্ভাক । ]

বিজ্ঞান-বলি

করতে বলেছেন, কিন্তু ক্রিয়াবান জ্ঞানবৃদ্ধ আচার্য্যশ্রেষ্ঠ আপনি, আপনার কামনা পূর্ণ হয়েছে ?

শুক্ৰাচার্য্য । [ স্বগত ] কে—এ ! শুক্ৰাচার্য্যকে নীরব করে—তাকে শাস্ত্র-যুক্তি তর্ক-মীমাংসা সব ভুলিয়ে দেয়—তার হৃদয়ের অন্তঃস্থল পর্য্যন্ত দৃষ্টি রাখে !

উপেন্দ্র । কি ভাবছেন আপনি, আমি কে ?

শুক্ৰাচার্য্য । [ স্বগত ] এ কি অন্তর্ধ্যামী ! [ চিন্তা করিতে লাগিলেন ]

উপেন্দ্র । অহং যজ্ঞস্বরূপম্ !

বলি প্রবেশ করিলেন ।

বলি । হে যজ্ঞস্বরূপ বামনরূপী মহাপুরুষ ! আমার প্রণাম গ্রহণ করুন । [ প্রণাম ]

উপেন্দ্র । আসুন মহারাজ ! গৃহাশ্রম যেমন সকল আশ্রমের শ্রেষ্ঠ, অশ্রমেধ যেমন সকল ক্রতুর শ্রেষ্ঠ, আপনিও তেমনি দানবসৃষ্টির সার । আপনার যজ্ঞ দর্শনে ধন্য হয়েছি—আপনার নম্রতায় প্রীত হয়েছি ।

বলি । আমিও আপনার পদার্পণে জীবনের যেন একটা চরম সাফল্য অনুভব করছি । এমন রূপ আমি কখনও দেখি নাই ; এ মূর্তি অগতের কল্পনাভীত । পদতলে কুলু কুলু তানে সহস্রধারায় মন্দাকিনী ব'য়ে যাচ্ছে, বক্ষস্থলে তপ্ত শ্রান্ত ব্রহ্মাণ্ড নির্ঝিকার ভাবে বিরাম লাভ করছে, বদনমণ্ডলে সহস্র সুধাকর একযোগে সৃষ্টির উপর অমরতা ঢেলে দিচ্ছে । এ বিবেক-বুদ্ধির ধারণাভীত ; আকারে বালক, জ্ঞানে বৃদ্ধ, এ স্বপ্নের অননুভূত ; হস্তে দণ্ড কমণ্ডলু, শিরে অলঙ্কিতভাবে রাজ-রাজেশ্বরের মণিময় কিরীট ! এ সুন্দর—চমৎকার ! এ কোন কোটা জন্ম তপস্যায় ।

উপেন্দ্র । মহারাজ !

বলি । কে আপনি মহাপুরুষ ? কোন্ পুণ্য-ফলে আমার দর্শন দিলেন মহাপুরুষ ?

উপেন্দ্র । মহারাজ ! আমি ব্রাহ্মণ, ভিক্ষুক মাত্র । শুন্‌লাম, আপনি দানে সৃষ্টির সর্বোচ্চ স্থান অধিকার করেছেন ! আপনাকে দেখবার বড় ইচ্ছা হ'লো । দেখতে হয় তো এইরূপ রাজেন্দ্রকে, আশ্রয় নিতে হয় তো এইরূপ অনাথপালকের কাছে, ভিক্ষা গ্রহণ করতে হয় তো এইরূপ দানীর নিকট ।

বলি । ভিক্ষা ! ভিক্ষা ! আপনি আমার এই অকিঞ্চিৎকর ভিক্ষা গ্রহণ করবেন ?

উপেন্দ্র । সেই মানসেই তো আগমন করেছি ।

বলি । ধন্য আমি ! বলুন আপনার অভিলষিত প্রার্থনা !

উপেন্দ্র । প্রার্থনার পূর্বে পূর্ণ করবার জন্ত বোধ হয় মহারাজকে আর প্রতিজ্ঞা করাতে হবে না ?

বলি । কোন চিন্তা নাই স্বিজোক্তম ! আমি দান-ব্রতে ব্রতী । লক্ষ লক্ষ যাচকের কত অসম্ভব প্রার্থনা পূর্ণ করেছি—ধন, রত্ন, রাজ্য, ঐশ্বর্য্য, সব এই ব্রতে উৎসর্গ করেছি, জীবন পর্য্যন্ত দিতেও পরাঙ্গুথ নই, তবু প্রতিজ্ঞা করছি—

শুক্ৰাচার্য্য । [ স্থপ্তোখিত ব্যাঘ্রের গায় বলিলেন ] সাবধান বলি ! প্রতিজ্ঞা ক'রো না—দিতে পারবে না ! আমি এতক্ষণ নির্ঝাক্ হ'রে চিন্তামগ্ন ছিলাম । বুঝেছি, এ একটা বিরাট মায়ী ; তুমি প্রতারিত হবে ।

বলি । এ আবার কি আদেশ করছেন গুরু ? এ তো আমার নূতন প্রতিজ্ঞা নয়, এ প্রতিজ্ঞা যে আমার জন্মের সঙ্গে গাঁথা । [ উপেন্দ্রের প্রতি ] বলুন আপনার অভিলষিত প্রার্থনা, আমি প্রতিজ্ঞাবদ্ধ—যা প্রার্থনা করবেন, সর্বস্ব দিয়ে পূর্ণ করবো ।



উপেন্দ্র । সাধু আপনি ! আমার অণু প্রার্থনা কিছুই নাই, রাজ-সকাশে একটু ভূমি প্রার্থনা করি মাত্র । ভূমিদানই দানের শ্রেষ্ঠ ।

বলি । আপনি সসাগরা পৃথিবী গ্রহণ করুন ।

উপেন্দ্র । পৃথিবী ল'য়ে আমি কি করবো মহারাজ ? আমি সামান্ত ভিত্তারী মাত্র ।

বলি । তবে স্থান নির্দেশ করুন ।

উপেন্দ্র । নগর জনপদেরও আকাঙ্ক্ষা করি না । “পদানি ত্রীনি দৈত্যৈশ্চ সন্মিতানি পদামহম্ ।” আমার পদের পরিমিত ত্রিপাদ ভূমি আমার দান করুন ; এই মাত্র আমার ভিক্ষা ।

বলি । ত্রিপাদ ভূমি ? আপনার পদের ? সে কি ! [ চিন্তা ]

শুক্লাচার্য্য । আরও চিন্তা কর বলি—আরও স্থিরচিন্ত হও । এই বিরাট চলনায় তোমার সর্বস্ব যাবে ।

বলি । তা ব'লে আপনার শিষ্য মিথ্যাবাদী হবে শুরু ?

শুক্লাচার্য্য । সময়ে হ'তে হয় বলি ! মিথ্যারও একটা শৃঙ্খলা আছে, তারও একটা কাল নির্দেশ আছে । জেনো বলি, এ তোমার জীবন-সঙ্কট ; মিথ্যাটা দুষণীয় বটে, কিন্তু একেবারে পরিত্যক্ত নয় । দেহ মিথ্যা, তার এত ষড় কেন ? জগৎ মিথ্যা, তার এত আদর কেন ? আমার কথা শোন বলি !

বলি । মার্জনা করবেন শুরুদেব ! দেহ মিথ্যা হোক, জগৎ মিথ্যা হোক, ব্রহ্ম পর্য্যন্ত মিথ্যা হোক, বলির প্রতিশ্রুতি মিথ্যা হবার নয় । [ উপেন্দ্রের প্রতি ] আপনি এ কিরূপ আজ্ঞা করছেন প্রভু ? এরূপ আকারোচিত ক্ষুদ্র প্রার্থনা কেন ? এ সামান্ত দানে যে আমার তৃপ্তি হবে না ; আপনি অণু প্রার্থনা করুন ।

উপেন্দ্র । না মহারাজ ! ব্রাহ্মণ যে, সে লোভী নয় । ব্রাহ্মণ ভিক্ষা-

## শিক্ষা-বলি

[ পঞ্চম অঙ্ক ।

জীবী হ'লেও সে ঐশ্বর্য প্রভুত্ব সম্মানের অন্বেষণা করবে না ; শিক্ষা করবে অথবা প্রয়োজনীয় যা—তাই, তার বেশী না। আমি আমার গুরু অগ্নিহোত্রের নিমিত্ত ত্রিপাদ ভূমি প্রার্থনা করি ; এই প্রার্থনাই আমার যথেষ্ট ।

বলি । তবে তাই হোক ।

গুরুচার্য্য । বলি ! তোমার বুদ্ধিব্রংশ হয়েছে । “প্রায় সমাপন্ন বিপত্তিকালে ধীরোপি পুংসাম্ মলিনী ভবন্তি !” বিপদের সময় লোকের এইরূপই হ'রে থাকে । এখনও তুমি এই বটুবেশধারী বালককে চিন্তে পারলে না ? তবে শোন বলি ! ইনি কে জান ? দেবানাম্ কার্যসাধক । যিনি তোমার প্রপিতামহগণকে সংহার ক'রে স্বর্গ-উদ্ধার করেছিলেন, সেই দৈত্য-নিহন নারায়ণ তোমার সম্মুখে ।

বলি । গুরু ! গুরু ! আপনি যথার্থই গুরু ! অথগুমণ্ডলাকারং ব্যাপ্তং যেন চরাচরং, আপনি আমার তাঁকে চেনালেন—তাঁকে সম্মুখে ধরলেন—তাঁর পাদপদ্ম দর্শন করালেন, তবে আর বাধা দিচ্ছেন কেন গুরু ? এমন দানের পাত্র আর পাব কোথায় ? যাঁর অন্বেষণ—যাঁর অন্বেষণ ব্রত—যাঁর অন্বেষণ জীবন, তিনিই যখন সম্মুখে, তখন আর আমার যথাসর্বস্ব কি আছে গুরু ? [ উপেক্ষের প্রতি ] দান গ্রহণ করুন ।

গুরুচার্য্য । নিরস্ত হও বলি ! গুরুবাক্য অবহেলা ক'রো না ।

বলি । শিষ্যের অপরাধ নেবেন না গুরু ! বহু দিন হ'তে আমি এ শিক্ষাদানে প্রতিশ্রুত আছি—প্রস্তুত আছি ; আজ আমার সুপ্রভাত ।

গুরুচার্য্য । আমি তোমার অভিশাপ দেবো গুরুদ্রোহী !

বলি । অভিশাপের ভয় করি না গুরু ! মহতের অভিশাপ আশীর্বাদ হ'তেও ফলদায়ক ।

গুরুচার্য্য । শ্রীলট হও হুরায়ান্ ! শ্রীলট হও হুরায়ান্ ! [ প্রস্থান ।

বলি । মাথা পেতে অভিশাপ গ্রহণ করলাম । শিষ্যের সভক্তি প্রণাম গ্রহণ ক'রে যান গুরুদেব ! [ উপেন্দ্রের প্রতি ] তবে দান গ্রহণ করুন ।

উপেন্দ্র । হাঁ—ভৃঙ্গারের জল ময়পূতঃ ক'রে আমার হস্তে দান করুন ; আমি স্বস্তি বাক্য ব'লে গ্রহণ করি ।

বলি । তথাস্তু । [ ভৃঙ্গার লইয়া ] একি ! ভৃঙ্গার হ'তে জল বহির্গত হয় না কেন ?

উপেন্দ্র । কি হয়েছে ? [ স্বগত ] ওঃ, গুক্রাচার্য্য বুঝি উপদেশ, ভয়প্রদর্শন, অভিশাপ সকল বিষয়ে অকৃতকার্য্য হ'য়ে শেষ ভৃঙ্গারের জল বহির্গমন-পথ রোধ ক'রে ব'সে আছে ! কি ভীষণ প্রতিকূলতা ! [ প্রকাশ্যে ] মহারাজ ! ভাবছেন কি ? কোন পুষ্প বোধ হয় জলনিসেক-পথ রোধ ক'রে আছে ; এঁই কুশ দ্বারা তাকে স্থানভ্রষ্ট করুন । বজ্র ! কুশের মধ্যে অধিষ্ঠিত হও । [ কুশ দিলেন ]

বলি । [ কুশ দ্বারা আঘাত করিলেন ]

নেপথ্যে গুক্রাচার্য্য । ওহো, অন্ধ হ'লাম—অন্ধ হ'লাম—অন্ধ হ'লাম !

উপেন্দ্র । [ স্বগত ] ভোগ কর একচক্ষু, দাতার দানে প্রতি-বন্ধকতার বিষময় পরিণাম । [ প্রকাশ্যে ] দিন মহারাজ !

বলি । তবে গ্রহণ করুন দেব ! আমি আপনাকে ত্রিপাদভূমি দান করলাম । [ জল দান করিলেন ]

উপেন্দ্র । স্বস্তি—স্বস্তি—স্বস্তি ! [ গ্রহণ করিলেন ]

[ উপেন্দ্রের বিরাট মূর্তি প্রকাশ । ]

বলি । ওহো—এ কি আশ্চর্য্য ! “হস্তে চ পতিতে তোয়ে বামনো-দ্রুত বামন”—একি বিরাটমূর্তি ! একি অদ্রুত মূর্তি ! এ যে বিশ্বরূপ !

উপেন্দ্র । বলি ! দেখছে কি ? আমার ত্রিপাদ ভূমি দাও । এই

## বিস্ক্র্যা-বলি

[ পঞ্চম অঙ্ক ।

আমি এক পদে স্বর্গ, আর এক পদে পৃথিবী অবরোধ করলাম ; আমার তৃতীয় পদের স্থান দাও ।

বলি ! তাই তো—তাঁ তো ! সতাই তো ! একপদে স্বর্গ, অগ্ৰপদে পৃথিবী ! তৃতীয় পদের স্থান কোথায় ! কি করি ! একি ছলনা !

নেপথ্যে দিতি । দৈত্যগণ ! কে কোথায় আছ ? জাগ—ছোট—দেখ, এক মায়াবী ব্রাহ্মণ তোমাদের সর্বস্ব হরণ করে—তোমাদের শক্তি নির্জীব হয়—তোমাদের প্রতিপালক গায়বান রাজা রসাতলে যায় ।

বাণ ও মহানাদ প্রবেশ করিল ।

মহানাদ । জীবন থাকতে নয় । ছলনার সমাধি করবো—লোভের প্রতিকল দেবো—ব্রহ্মহত্যা-পাপ মাথা পেতে নেবো ।

বলি । ও সঙ্কল্প পরিত্যাগ কর সেনাপতি, এ সে সময় নয়, এখন পার তো আমার সতাপাশ হ'তে মুক্ত কর ।

বাণ । পিতা ! পিতা !

দিতি প্রবেশ করিলেন ।

দিতি । একি ! হৃদয়ের পরিবর্তে আকুল বিলাপ উঠলো কেন ? অস্ত্রধারী বীরগণ ! নিরস্ত নিশ্চল যে ? [ নারায়ণের বিরাটমূর্তি দেখিয়া ] এ কে ? ও—তুমি ! আমি—তা জানি না ; ছি-ছি, করলে কি ? কি অপরাধ করেছে এ দিতি ? কি ফুলে পুজেছে তোমায় অদিতি ? কোন্ বোঙ্গে অক্ষয় এ দৈত্যবংশ ? কি বিচারে এত ভালবাস দেবতার বন্ধন, বার জন্ম তোমায়—সৃষ্টির সর্বোচ্চ তোমায় জগতের নিকৃষ্ট নীচতা ভিক্ষার ভিত্তি অবলম্বন করতে হ'লো ? এই পক্ষপাতিত্ব নিয়ে তুমি সমদর্শী ? এই হীন প্রবৃত্তি নিয়ে তুমি ভগবান্ ? এই ছলনাময়ী প্রকৃতি নিয়ে তুমি পরম-

পঞ্চম গর্ভাক । ]

বিক্ষ্যা-বলি

পুরুষ পরব্রহ্ম ? থাক্—আর বলতে চাই না কিছু । আমাদের বুক নয়—  
পাথর, যা করবে—সব সহ হবে । এর অণু কাঁদি না । কেঁদে কি  
করবো ? আজ কাঁদবো, কাল আবার হাসতে হবে—আবার খেলতে  
হবে—আবার একটা ডাল ধ'রে : সব ভুলতে হবে । তার চেয়ে হেসে  
যাই—হা-হা-হা ! তুমিও হাস—হা-হা-হা ! তোমার ইচ্ছিতে চালিত  
এই ব্রহ্মাণ্ড হাসুক—হা-হা-হা !

[ প্রস্থান

উপেন্দ্র । দাও বলি, তৃতীয় পদের স্থান ।

বলি [ স্বগত ] কোথা পাই স্থান—

কি করি এখন ?

ভঙ্গ হ'লো জীবনের ব্রত,

টুটিল রে দান-গর্ভ মোর ।

উপেন্দ্র । নীরব যে বলি ! 'ওঃ—বুঝেছি । গরুড় !

গরুড় প্রবেশ করিল ।

উপেন্দ্র । বলিকে নাগপাশে বন্ধন কর । [ গরুড় বন্ধন করিল ;  
দানে প্রতিশ্রুত হ'লে প্রত্যাখ্যান করার এই প্রতিফল ।

অলক্ষ্যে জ্ঞান, ভক্তি ও কর্মবেষ্টিত বিরোচন, সঙ্গে দুর্লভ ।

দুর্লভ । দেখ বিরোচন, বলির দানের পরিণাম !

বিরোচন । এ কি গুরু ! দানের পরিণাম বন্ধন ?

দুর্লভ । হাঁ বিরোচন ! ও দানের পরিণাম বন্ধন । ও দান আসক্তি-  
ময়, তাই এ দশা । দেখ্ছো, ভগবান্ ত্রিপাদ ভূমি ভিক্ষা ক'রে এক  
পদে স্বর্গ, অণু পদে মর্ত্য অবরোধ করেছেন, তৃতীয় পদের স্থান

বলির অধিকারের বহিভূত—মজ্জাত ; তাই এ বন্ধন-দশা—দান-দর্প চূর্ণ ।

বিরোচন । হাঃ—হাঃ—হাঃ, ! দানটাও শিখতেও হয় বাবাজি !  
নিজের বুদ্ধিতে যা নয় তা একটা করলেই হয় না, হাঃ—হাঃ—হাঃ !

দুর্লভ । হেসো না বিরোচন ! এইবার তোমার পালা ।

বিরোচন । আমার পালা ?

দুর্লভ । দেখতে পাচ্ছ, তোমার হৃদয়ের মধ্যে এক অদ্ভুত বিরাট-  
মূর্তি দাঁড়িয়ে ?

বিরোচন । সে তো অনেক দিন হ'তে দেখে আসছি গুরু ! তার  
জ্যোতিঃতে আমায় ছেয়ে রেখেছে ।

দুর্লভ । না বিরোচন ! আজ এ মূর্তি অগুরুরূপ ; আজ তোমারও  
দানব্রতের পরীক্ষা । আজ এ মূর্তি হস্তপ্রসারিত ক'রে তোমার কাছে  
ভিক্ষা করছে ।

বিরোচন । কি ভিক্ষা ?

দুর্লভ । ঐ ত্রিপাদ ভূমি ।

বিরোচন । আমি দেবো গুরু ! বলি দিতে পারে নাই, কিন্তু আমি  
দেবো,—আমি তার পিতা । আমি আজ আমার দান-যজ্ঞ পূর্ণ করবো  
—আসক্তির সমাপ্তি করবো—বিরাটকে বিরাটের মতই দান দেবো ।

দুর্লভ । দাও তবে ত্রিপাদ ভূমি ।

বিরোচন । দেখ গুরু, আমার ত্রিপাদ ভূমি দান ! এক পদে  
যাও ভূমি কৰ্ম্ম, এক পদে যাও ভূমি ভক্তি, এক পদে যাও ভূমি জ্ঞান ।

জ্ঞান, কৰ্ম্ম ও ভক্তি । ভূমি মুক্ত—ভূমি মুক্ত—ভূমি মুক্ত ।

[ বিরোচন সহ অন্তর্দ্বান ।

দুর্লভ । যাও বিরোচন ! আজ ভূমি বহু উচ্ছে—আমি তোমার বহু

পঞ্চম গর্ভাঙ্ক । ]

বিন্ধ্যা-বলি.

নিয়ে । আর আমি তোমার সঙ্গে যেতে পারবো না ভাই ! আমার কর্ম এই পর্য্যন্ত ।

[ প্রস্থান ।

উপেন্দ্র । দানের সাধ মিটলো বলি ? এখনও প্রতিশ্রুতি প্রত্যাহার কর । বল, তিন্কা দানে অসমর্থ তুমি ; আমি তোমার দয়া করবো ।

বিন্ধ্যা প্রবেশ করিলেন ।

বিন্ধ্যা । রসনা সংযত কর ভিখারি !

বলি । রাণি !

বিন্ধ্যা । ভয় নাই স্বামি ! [ নারায়ণের প্রতি ] তুমি কাকে দয়া করবো বল্ছো জান ? যার দয়ার সৃষ্টি পালিত, যার দানে সৃষ্টিকর্তা চমৎকৃত, যার দ্বারে আজ তুমি ভিখারী—দানের প্রার্থী ।

উপেন্দ্র । এখনও তোমাদের গর্ভ ?

বিন্ধ্যা । গর্ভ খর্ব্ব করেছ কোনখানটার ?

উপেন্দ্র । দাও স্থান তৃতীয় পদের । এই তো এক পদে স্বর্গ, আর এক পদে মর্ত্য অধিকার করেছি, তৃতীয় পদের স্থান কৈ ?

বিন্ধ্যা । তোমার তৃতীয় পদ কৈ যে, স্থান দাও ?

উপেন্দ্র । তৃতীয় পদের পরিমিত স্থান দেবে ?

বিন্ধ্যা । অবশ্য ।

উপেন্দ্র । এই দেখ—আমার তৃতীয় পদ, স্থান দাও মহারাণি !  
[ নাভিস্থল হইতে তৃতীয় পদ প্রকাশ করিলেন ]

বিন্ধ্যা । স্বামী ! আর চিন্তা কিম্বের ? স্থান দাও ; অতি সুন্দর স্থান তোমার অধিকারে রয়েছে । সৃষ্টির মধ্যে স্বর্গ যেমন শ্রেষ্ঠ, এ দেহ-সৃষ্টির মধ্যে মস্তকও তেমনি উচ্চ ! দাও স্বামী ঐ স্থান, তিন্জকের ছলনাখাল

ছিন্ন হ'য়ে যাক্—আমাদের গুপ্ত অহমিকার শেষ হোক্—সকল বন্ধু উ  
চিরদিনের মত খ'সে পড়ুক্। দাও স্বামী, গুঁর যেমন নূতন চর ল  
আমাদেরও তেমনি নূতন স্থান। লনার

বলি। বিক্র্যা! বিক্র্যা! তুমি সহধর্মিণী—তুমি বিপদে মন্ত্রিণী—রীক্ষা  
তুমি যথার্থ প্রাণদায়িকা। তবে গ্রহণ কর নারায়ণ, তৃতীয় পদের স্থান— উ  
তবে উদ্ঘাপন ক'রে দাও ব্রতরূপী বলির দান—তবে ছেদন কর কলুংইলে  
হারী, কর্মের বন্ধন। [ পদতলে মস্তক দিলেন ] ক্রিয়া

### প্রহ্লাদ প্রবেশ করিলেন।

প্রহ্লাদ। সাধু—সাধু তুমি বলি! অগ্নিরা, কশ্যপ, বশিষ্ঠাদি ঋষিগণ পু  
যুগযুগান্তর সাধনা ক'রেও যা পান নাই—ইন্দ্র, চন্দ্র, বিধি, শঙ্কর এমন উ  
কি কমলারও যা অজ্ঞাত, তুমি সেই দুজ্জের দুর্ভাগ বস্তু লাভ করলে যিবে  
তোমার জন্ত নারায়ণকে আর একটি স্বতন্ত্র চরণের আবিষ্কার করলে তা  
হ'লো। তুমি ধন্ত—তোমার জন্ম ধন্ত—তোমার দানববংশ ধন্ত! বে

### লক্ষ্মী প্রবেশ করিলেন।

লক্ষ্মী। এইবার তা হ'লে আমার বলির বন্ধন মোচন কর মুক্তিময়  
বিক্র্যা। বন্ধন কেউ কারো মোচন করে না মা—করতে পা  
না; তার জন্ত অনুন্নয় করা নিষ্ফল। নিজের বন্ধন নিজেকে মোচন  
করতে হয়! সকল পাশ মুক্ত হ'লেও এখনও আমরা তোমার মায়  
বন্ধনে প'ড়ে আছি যে মা! এস মা—আজ হাশ্বমুখে সে বাঁধন ছি  
ক'রে সংসার হ'তে দূরে দাঁড়াই। তবে ধর নারায়ণ! বলির সহধর্মি  
অন্ধাজিনীর প্রীতিপূজা। স্বামী রাজ্য দান করেছেন, আমি তোমা  
রাজলক্ষ্মী দিলাম। [ লক্ষ্মীকে বামভাগে দিলেন ] উ



কম অঙ্ক গর্তাক । ]

বিক্র্যা-বলি

কল বক উপেক্ষ । তোমাদের দানে আমি চমৎকৃত হয়েছি মহারানি ! তবে—  
তন চর লক্ষী । এখনও তোমার আশা মেটে নাই ? এখনও তোমার  
লনার অস্ত হয় নাই চলনাময় ? এখনও কি আমার বিক্র্যা-বলি দান-  
মঙ্গলী-রীক্ষায় কৃতকার্য হয় নাই ?

র স্থান- উপেক্ষ । কৃতকার্য ; তবে দান করলেই যে তার দক্ষিণা চাই,  
কর কলুইলে যে সে দান অসিদ্ধ ! দাও রাজা, দাও মহারানি, দানের যোগ্য  
ক্ষিণা দাও ।

পুষ্প প্রবেশ করিল ।

দি দক্ষিণা পুষ্প । দক্ষিণা দেওয়ার তার আমার উপর দেওয়া আছে ভিক্ষুক !  
কর এমন উপেক্ষ । তুমি এ দানের দক্ষিণা দেবে রাজকুমারি ? দিতে  
করলে হবে ? বুঝতে পারছো তো, তোমার পিতা আমার সর্বস্ব দান করেছেন,  
র করলে তাও, ঘন, অর্থ সবই এখন আমার অধিকারে । তুমি কি দক্ষিণা  
! তবে রাজকুমারি ?

পুষ্প ।—

গীত ।

ক্ৰিয়ময়

তে পা

ক মোচন

ার মায়

ধাধন ছি

সহধর্মি

তোমা

তুমি দক্ষিণা নাও আমারে ।

আর তো দেবার কিছু নাই, শুধু আমি আছি আমার ভাগ্যে ॥

হ'লো যদি আজ দানের শেষ, দাসী কর মোরে চরণের,

পুষ্প ব্যতীত কি আছে যোগ্য দক্ষিণা আর এ দানের,—

যদিও নই হে মন্দর আমি, যদিও নহি সুবাসিত,

আমি তবুও পুষ্প তোমাগত প্রাণ, তোমারই কারণে বিকণিত,

হ'লো যদি সবে কূলে উপনীত, আমি কেন ভাসি পাথারে ।

উপেক্ষ । মৃত্তিমতী ভক্তি তুমি রাজকুমারি ! তোমার স্থান এখানে

## বিক্র্যা-বলি

[ পঞ্চম অঙ্ক ]

নয় ; তুমি গোপিনীরূপে গোলোকে বিহার কর। বলি ! তুমি যুৎ  
[ গরুড় বন্ধন মোচন করিল ] যাও রাজ্য ! স্বর্গ, মর্ত্য আমার দ  
করেছ, আর তোমার এখানে বাস করা অসম্ভব ; এ রাজ্যে আ  
তোমার পুত্র বাণকে অভিষিক্ত করলাম, তুমি সহধর্মিণীর সঙ্গে পাতা  
রাজ্য স্থাপন কর।

বলি। আবার রাজ্য—আবার আসক্তি—আবার এইরূপ বন্ধন।

উপেন্দ্র। না বলি ! আর বন্ধনের ভয় নাই, আর তোমার ম  
আসক্তি প্রবেশ করতে পারবে না ; আমরা লক্ষ্মী-নারায়ণ চিরি  
তোমার দ্বারে দ্বারী হ'য়ে থাকবো ; বন্ধন আমারই।

সকলে। অন্ন ভক্তবৎসল নারায়ণের অন্ন !

গীতকণ্ঠে দেবর্ষির প্রবেশ।

দেবর্ষি

গীত।

ছলয়সি বিক্রমণে বলিমন্তুত বামন,

পদনধনীরজনিতজনপাবন,

মহুন্ন মন্দ মরালগতিম্,

বটুবেশধরং নমো বিশ্বপতিম্ ।











